



H. lit. p. 383-1

<36632037000017

<36632037000017

Bayer. Staatsbibliothek

A. C. P. 353

(1)

**CONSPÉCTUS
HISTORIÆ
UNIVERSITATIS
VIENNENSIS,**

**Ex Actis, veteribusque Documentis
erutæ,**

**Atque à primis illius initiis, nempe
Ab An. M. CCC. LXV.**

Usque
**Ad An. M. CCCC. LXV.
Deductæ,**

Sen
SÆCULUM I.

**A P. FRIDERICO TILLMEZ,
è Soc. JEsu, Rhetorices Viennens.
Professore**

Conscriptus & editus,
An. Incar. Dom. M. DCC. XXII.





OPeræ pretium me facturum putavi, si è more aliarum gentium Universalitatis quoque Viennensis per Germaniam omnem clarissimæ initia, progressus, varios denique fortunæ utriusque casus, quibus tot inter bel-
lorum tempestates primo suo abexordio fluctua-
verat, in lucem vulgavero, non eò quidem animò, quòd tot tàmque insignia illius decora, résque pro Regno æquè ac Religione fortiter, felicitérque ge-
stas paucis me hisce complexurum paginis confidam, sed quòd illorum, qui historiam hanc meam inspexe-
rint, excitanda sperem ingenia, ut vel ea, quæ omitti à me brevitatis studiò debuère, aut vix obiter in-
sinuata sunt, fusiori aliquando meliorique scribendi ratione prosequantur, aut certè ut hujus temporis Illu-
stres Viri majorum suorum præclaram gloriam pari in literatos omnes favore studiòque æmulentur; qui literariam hanc Rempublicam beneficiis amplissimis summæque eruditionis famâ ad aliarum nationum in-
vidiam auxère. Quod si enim Jura prærogativasque à summis Principibus indultas in gloriæ partem voca-
re fas fuerit; eam Parisiensi ceterarum Principi pa-
rem; si stipendiis allectos undique, adscitòsque viros Doctissimos; nulli per Germaniam secundam; si temporis diuturnitatem, qua hætenus floruit; anti-
quissimam eam è jure, meritòque dici intelligemus. Et verò est ea pervulgata jam multorum opinio, Archigymnasii hujus initia à Friderico II. Cæsare fe-
liciter jacta, bonarumque artium Disciplinas omnes in urbem hanc Principem Annò salutis 1237. fuisse inductas, cujus quidem primum Autorem fuisse

Lazium in Chronico suo Viennensi l. 2. pag. 47. haud obscure conjicio, quem dein secuti sunt Ederus in Catalogo Rectorum Viennensium. Fuggerus. l. 3. pag. 334. atque ipse quidem Bulæus Vir à summa eruditione clarissimus in Historia sua Universitatis Parisiensis. tom. 3. quorum sententiæ non invitus & ego subscriberem, si erectas duntaxat eo tempore erudiendæ Juventuti Scholas, seu levia exordia statuerent, è quibus dein post annorum complurium, atque seculi unius intervallum Artium hæc omnium Mater Universitas succrevit. Verùm cum eò usque progressus sit Lazius, ut l. 2. Rerum Viennensium c. 5. asserere non dubitet, jam tum in facultates suas divisas fuisse studentium classes; imò cum & Ederus ejusdem sectator egregius haud dubiè affirmare audeat à Friderici II. tempore certos Universitati huic Rectores præfuisse, & jus conferendi Doctorum insignia ab eodem Cæsare concessum; meritò ab eorum opinione discedo, motus præprimis autoritate Lambecii, qui in commentariis suis de Bibliothec. Cæsar. l. 2. c. 5. multiplicis erroris Lazium convincit, ad quem etiam benevolum lectorem remitto. Præterquam enim, quod hoc Friderici diploma manuscriptum diligentissimè quidem à Lambecio quæsitum, nusquam tamen repertum sit, meritò suspectus est Lazius, nè vel has ipsas literas malè interpretatus sit, aut augendæ antiquitatis gratiâ ob nimium in Academiam nostram studium, his Friderici verbis: Potestatem damus plenariam Magistro, qui Wiennæ per nos, & Successores nostros ad Scholarum regimen adsumetur, ut alios Doctores substituat, Nè inquam his verbis Friderici illud temerè adjecerit. In facultatibus substituat. Maximè cum id & Rudolphi IV. Archi-Ducis Austriæ & Alberti IV. literis, & Urbani V. & VI. summorum Pontificum diplomatibus haud parùm adversetur, quæ inferius da-

bo. Unum hic præter ea, quæ ex Lambecio excerpti, breviter subjungam, Diploma scilicet Alberti Ducis Austriæ datum Anno 1296. quod ex Tabular. Senatus Civici acceptum teneo, èstque sequens, fide summa à me redditum.

Wir Albrecht von Gottes gnaden Herzog ze Oesterreich, und ze Steyr, Herr ze Crain, der March, und zuo Portenau &c. allen denen die in Leben, und hernach künfftig sind ewiglich.

Wan die gemaine unser lieben getreuen reicher und armer der Burger ze Wien mit rechten treuen, und mit ganzer stöttigkeit ihr Herrschafft, &c. Ac dein post pauca. Seit das von alter Gewohnheit der Fürsten in Oestereich also herkomen ist, das wir die Schuel ze Wienn verleihen solten: doch wollen wir, und bestetten das vestiklichen, zuo einer sonderlichen Gnad der Burger, und den Rath von der Stat, die Schuel ze Wienn fürbas ewiglich ze verleihen; Wan sie allen Nuz, und alle Ehre in der Statt schaffen sollen, so sollen sie auch ihren Kindern einen Schuelmaister schaffen, des sie nuz, und ehre haben an Kunst, und an Ehren, so sie an allerbesten findten, und gehaben mögen, als sie umb ihrer Freund künfftige Lehrunge Gott antworten sollen, ob von der Saumbunge ihr ainer müessrieth; Wir wollen auch die Lehrung der lernten gemeiniglich beruehen, da von die Weisheit gekündet wird der Christenheit, und das ungelert Alter von Kindheit wird gewisset, und gelehret. So geben Wir vollen Gewalt dem Schulmaister des Sant Stephan der Pharrkirchen, der von dem Rath der Statt da wird gesezet zuo Schuelmaister ander Schuel, under sich ze stiften in der Statt, und doch das sie ehrlich, und gewöhnlich sein, alle die Schule, die in der Statt seind, die sollen den selben Maister unterthänig sein mit Zius, und mit Zucht künfftlicher Bewahrung. Wer darwider ein Schuel zu seiner Kirchen, oder in seinen Haus hat,

wider des Maisters Willen, und der Burger, das sollen die Burger wenden mit allen Sachen. Wer darüber freventlich thette, den wollen wir püessen an Leib und auch an Gueth. Derselbe Schuelmaister von Sant Stephan soll richten von seinen Schuelern, alles das unter ihm gschicht, als das da geht an dem Tode und an die Lem. Kindlich Khünheit iebt oft unzimblich Bosheit; doch so wachsende Wize mit den Jahren, da von wollen wir, ob ein Schueler, der unter dem Bösen ist, seinen Freundten, bey dem er ist heimlich icht entfernet seines Guet, oder ein Schueler dem ander, das soll der Maister richten mit starken bösen schlagen. Wer aber die Gethatt so grofs, das sich der Maister des Schueler eusser, so man ihm dan begriffe, das sol man gen ihm richten als dan recht ist. Welcher Schueler ungefiert, und ungevolgig dem Schuelmaister wolte sein, der soll die Statt raumben, oder er werd ein Leye. Wer ihm darüber behalt, der soll dem richter geben 2. Pfundt, und an die Statt 2. Pfund. Als aber in frevelichen, und wissentlich behaltet trey Tag wider den Maister und der Burger. Trägt ein Schueler Schwert, oder Messer, den soll der Schuelmaister darumb bessern; Wolt er der Besserung nicht für guet haben, so soll ihm der Schuelmaister dem Richter andtworten, der soll ihm dann püessen nach Rath. Welcher Schueler dan spilt in der Tabern, der soll nicht mehr mögen verlieren, dan er braiter Pfening bei ihn hab, sein Gewant, seine Bücher, oder ander sein Pfant soll ihm niemant nemben. Damit wöllen wier wöhren, das niemant mit ihm spielt, und ihrer Lehrung desto fleissiger warten. Wer ihr Pfand darüber nimbt, den soll der Richter püessen, also das er ihm gebe zwei Pfund, und an die Statt zwei Pfund. Alle die in die Statt kommen, und Burger darinn werden, &c. Claudit tandem hoc Diploma sequentibus verbis: Diser Brieff ist gegeben ze Wienn mit Maister Otten handt von Metlich unsers Obristen Schrei-

Schreiber, da von Xſtus geburt warn tauſend Jahr
zwei hundert Jahr in den ſechsund neunzigſten Jahr.
An den erſten Sontag in der Faſten, als man ſingt das
Ambt Invocavit.

Legat, perlegátque peritus quispian, æquúſque
arbitr Alberti has ipſas literas, multò ſanè illis re-
centiores, quas à Friderico datas Lazius retulit, &
nihil in illis reperiet, quod Univerſitatis ſpeciem re-
ferat, quódque conferendi Doctoratús inſignia juſ
potestatémque innuat, vel diviſos in facultates varias
ſcientiarum Magiſtros probet; quod certè Princeps
hic minutiora longè perſequens eo ipſo in Diploma-
te, quò Scholas publicas confirmat, haud intermiſſu-
rus fuiſſe cenſendus eſt, ſi eorum privilegiorum in
Urbe hac ſua Principe per ſexaginta ferè jam annos
ſcholarum moderatoribus juſ aliquod uſúſque fuiſſet.
Ego ſanè de tenera puerorum ætate humanioribus li-
teris, aut ut mitiùſ agam, Philoſophiæ quoque diſ-
ciplinis imbuendá locutum fuiſſe Albertum exiſtimo,
non de ſeverioribus Jurisprudentiæ, Medicinæque
Artibus; multóque meliùſ acturum fuiſſe Lazium,
ſi à rerum geſtarum magnitudine potiùſ, quarum ei
neque copia potuit, neque, cùm ipſe eam Rector
moderatus ſit, notitia debuit deeſſe, quàm ab afficta
ſeculi unius antiquitate Univerſitatis hujus famam,
noménque augere ſtudiuit. Verùm ſepoſitá tan-
tiſper hac lite, quam invitùſ, ac pene neceſſitate qua-
dam compulſus ſuſcepi, ad hiftoriam ipſam, rerúm-
que geſtarum ſeriem accedamus. Datá igitur Annò
1237. erigendi Scholas publicas à Friderico II. Cæſa-
re poteſtate, varii à Pædagogis variis ludi Viennæ
aperti ſunt, in quibus Juventus tum patrio tum latio
ſermone aliſque artibus excolebatur ea tamen ratio-
ne, ut Præceptores ceteri illius unius ductu arbitrió-
que regerentur, quem celeberrimo ad S. Stephani lu-
do præeſſe, Cæſar aut futuri per Austriam Principes
juſſiſſent. Confirmavit id ipſum Urbis hujus privi-
legium

legium deinceps, quin & auxit Albertus Dux Austriæ Annò 1296. literis à me superius adductis; cùm jus suum nominandi Rectorem Scholarum Viennensium in Cives eorùmque senatum transferret. Quò factò mirum est, quantùm Discientium æquè ac docentium numerus indies accreverit vicinis undique Austriæ è locis confluente puerorum Juvenùmque ætate. Atque præprimis quidem ad eam literariam palæstram, quæ dignitate tum prima, nomen ab adlito Divi Stephani templo traxerat; duravítque hæc literas tradendi ratio ad Annum usque 1365. quo demum provida Rudolphi IV. Archi-Ducis Austriæ cura in meliorem nobiliorémque formam immutata est: cùm enim optimus hic Princeps nullis in illustranda atque excolenda hac urbe Ducùmque Principe sede sumptibus pepercisset, extructâ prope è fundamentis Augustâ Divi Stephani Basilicâ; paræciâ Viennensi in Præposituram erectâ, fundatis amplissimo censu viginti quatuor Canonicis; ne minùs literarum amori, quàm pietati tribuere videretur, néve minùs Eruitioni suorum civium quàm Religioni consuleret, Parisiensium maximè scholarum famâ in pulcherrimam æmulationem accensus in id curam omnem, animùmque convertit, ut erigendæ Universitatis à summo Pontifice veniam obtineret. Nec abnuít Urbanus V. summus tunc Ecclesiæ Antistes. Annò siquidem 1365. edito diplomate justissimis piissimi optimèque de Ecclesia meriti Principis desiderio votisque subscripsit, quod etiam, uti à me in actis Universitatis repertum est, sincera fide subjungo.

**Urbanus Episcopus Servus Servorum
DEI ad perpetuam rei memoriam.**

IN *suprema dignitatis Apostolica specula licet immeriti disponente Domino constituti, ad universas fidelium Regiones, eorùmque profectus & commoda tanquam universalis gregis Dominici pastor, commissa no-*

bis

bis speculationis aciem, quantum nobis ex alto permit-
titur, extendentes, fidelibus ipsis ad quarenda studia,
per qua Divini nominis, suaq; fidei Catholica cultus
protenditur, iustitia colitur, tam publica, quam pri-
vata res geritur utiliter, omnisque prosperitas huma-
na conditionis augetur, libenter favores gratiosos im-
pendimus, & opportuna commoditatis auxilia libera-
liter impertimur. Cum itaque, sicut nuper ex parte
dilecti filii, Nobilis Viri Rudolphi Ducis Austria fuis
propositum in consistorio coram nobis, ipse Dux non so-
lum ad utilitatem & prosperitatem huiusmodi Reipu-
blica, & Incolarum Ducatus sui Austria, sed etiam
aliarum partium vicinarum laudabiliter intendens in
villa sua Wiennensi Pataviensis Diœcesis, in prædicto
Ducatu consistente, tanquam insigniori, & magis ad
hoc commoda, & idonea, plurimum desideret fieri, &
ordinari per sedem Apostolicam studium generale in
qualibet licita facultate, ut ibidem fides ipsa dilate-
tur, erudiantur simplices, aqutitas servetur, Judicii
crescat ratio, & intellectus hominum augeatur. Nos
præmissa, ac etiam eximiam fidei & devotionis sinceri-
tatem, quam tam ipse Dux, quam Progenitores sui
Duces Austria ad sanctam Romanam Ecclesiam gesse-
runt, prout ipse Dux gerere dinoscitur, attentè conside-
rantes, ferventi desiderio ducimur, quòd Ducatus, &
villa prædicta scientiarum muneribus amplientur, ut
viros producant consilii maturitate conspicuos, virtu-
tum redimitos ornatibus, ac diversarum facultatum do-
gmatibus eruditos, sitque ibi scientiarum fons irriguus,
de cuius plenitudine hauriant universi literarum cu-
pientes imbui documentis. His igitur omnibus, &
præsertim idoneitate dictæ villæ, qua ad multiplicanda
doctrina semina, & germina salutaria producenda ma-
gis congrua & accommoda inter alias villas Ducatus
prædicti fore dicitur, diligenti examinatione pensatis,
non solum ad ipsorum Ducatus & villæ, sed etiam Re-
gionum circumjacentium Incolarum commodum, &

profectum paternis affectibus anhelantes, dicti Ducis in hac parte supplicationibus inclinati, de Fratrum nostrorum consilio, auctoritate Apostolica statuimus, & etiam ordinamus, ut in dicta villa de cetero sit studium generale, illudque perpetuis temporibus inibi vigeat, tam in Furis Canonici & Civilis, quàm in alia qualibet licita, praterquam Theologicâ facultate, & quod legentes, & studentes ibidem omnibus privilegiis, libertatibus, & immunitatibus concessis Doctoribus legentibus, & studentibus, commorantibus in studio generali, gaudeant, & utantur: quodque, qui processu temporis bravium meruerint in illa facultate, in qua studuerint, obtinere, sibi que docendi licentiam, & alios erudire valeant, ac Doctoratûs, seu Magisterii honorem petierint, elargiri per Doctores, seu Doctorem ac Magistros, seu Magistrum illius facultatis, in qua examinatio fuerit facienda, Praposito Ecclesie omnium Sanctorum dicta Villa, qui pro tempore fuerit, vel Prapositura ipsius Ecclesie vacante, illi, qui ad hoc per dilectos filios, capitulum ejusdem Ecclesie, Deputatus fuerit, presententur. Idem quoque Prapositus, aut Deputatus, ut praefertur, Doctoribus, & Magistris in eadem facultate actu inibi regentibus, convocatis, illos in his, qua circa promovendos ad Doctoratûs, seu Magisterii honorem requiruntur, per se, vel per alium juxta modum, & consuetudinem, qui super talibus in generalibus studiis observantur, examinare studeat diligenter, eis que, si ad hoc sufficientes, & idonei reperti fuerint, hujusmodi licentiam tribuat, & Doctoratûs, seu Magisterii conferat honorem. Illi verò, qui in eodem studio dicta villa examinati & approbati fuerint, ac docendi licentiam & honorem hujusmodi obtinuerint, ut est dictum, ex tunc absque examine & approbatione alia regendi, & docendi tam in villa praedicta, quàm singulis aliis studiis generalibus, in quibus voluerint, regere, & docere, statutis, & consuetudinibus quibuscumque contrariis,

Apo-

Apostolica vel alia quacunque firmitate vallatis, nequaquam obstantibus, plenam & liberam habeant facultatem. Nulli ergo omnino hominum liceat hanc paginam nostra constitutionis, & ordinationis infringere, vel ei ausu temerario contraire; si quis autem hoc attentare presumpserit, indignationem Omnipotentis DEI, & Beatorum Petri & Pauli Apostolorum ejus se noverit incursurum. Datum Avinion. XIII. Kalend. Julii Pontificatus nostri anno tertio.

Hoc diploma integrum dare placuit, tum quia expediendis plurimis per decursum historię enodandisque difficultatibus serviet, tum, quia apertissimè declarat, nullam ante id tempus Universitatem Viennę fuisse, sed erectę illius gloriam Rudolphi Archiducis ejus nominis IV. studio Urbanique V. favoribus deberi, multumque halucinatum fuisse Lazium, qui l. 2. Genealog. Austriacę p. 228. præclarę hujus rei Autorem Albertum II. cognomine sapientem Rudolphi parentem constituit his ipsis, quę subjungo, verbis: *Tradunt Annales hunc Principem prima fundamenta jecisse cum Academia Viennensis constituto Collegio prope arcem, non ita procul ab Augustinianorum templo: tum Capituli Viennensis ad S. Stephanum, &c. Ubi vir bonus baud dubiè Filiorum acta Rudolphi scilicet IV. & Alberti III. cum Parentis rebus gestis confundit. Eodem annò Privilegium à Rudolpho, Alberto, & Leopoldo Fratribus Universitati Viennensi datum refert Autor Codicis Austriaci: cujus partem aliquam dabo.*

Reputamus summè necessarium dicti studii Universitatem, Docentium, & discentium Collegium specialibus defensionibus, & commodis indigere, & præcipuè quod communium, & vulgarium hominum habitatione semoti, in loco distincto firmis septis includendo actus scholasticos exercere, & peragere valeant non præditi strepitu populari. Idcirco quo supra nomine ejusdem scholis, ac privilegiato, & generali studio, & ejus no-

mine Universitati Magistrorum, & scholarium ibidem deputavimus, assignavimus, & donavimus, deputamus, assignamus, & donamus presentibus predictis scholis, & studio locum subscriptis terminis, & finibus interclusum, quem quidem locum pro uberiori Universitatis protectione, & quietudine Ducali nostro palatio proximum esse volumus, & annexum. Ejusdem autem specificatio, & descriptio cum suis muniminibus & aditibus subnotatur: videlicet, totale spatium comprehensum inter dictum nostrum castrum, seu palatium, & monasterium Scotorum dicta Villa Viennensis cum omnibus mansionibus, domibus, curiis, viridariis, & pomeriis in eo contentis, inter quem locum monasterium Fratrum Minorum Ordinis S. Francisci dignoscitur esse situm. Verum quia parum valeret generale studium erigere, & Universitatem hujusmodi venerabilem colligere, nisi ei de excepta prerogativa privilegiis, libertatibus, & juribus caveamus. De sapientum & peritorum virorum maturo & digesto consilio communicato sapius, de certa scientia quo super nomine per presentis scripti seriem Ducali Autoritate statuimus, ac etiam ordinamus perpetuo irrefragabiliter observandum, volentes, quod omnes nostri Principes, Praelati, Clerici, & Laici, Religiosi, & saculares milites, Armigeri, Cives, Burgenses, ac ceteri homines intra predicti loci descriptionem, seu circumferentiam domus vel curias habitantes, easdem in tam firmo serarum munimine, & tam rigido inhabitantium regimine & custodia servant, & teneant, quod dicta Universitatis Magistris, & Studentibus nulla penitus realis vel verbalis injuria, offensa, seu molestia ex eisdem suis habitationibus diurno seu nocturno tempore valeat irrogari, sub nostra indignationis poena, ac earundem suarum habitationem amissione, seu jactura. Et hunc, qui sic nostram indignationem incurrerit, punire volumus, & emendare debemus, quam primum ad nos deductum fuerit per querelam, prout nobis conveniens,

Et aquum videbitur juxta qualitatem excessus, Et continentiam privilegiorum, gratiarum, Et jurium dictae Universitati concessarum, dolo, Et fraude penitus circumspēctis &c. Si quam verò domum in dicto loco sitam taxatam pro censu annuo, ut praedicatur jus retractus Clericus vel Laicus de Universitate non existens praehabitata inhabitaret, siue possideret quomolibet quique Magister studens, seu scholaris Universitatis ejusdem ad inhabitandum postulabit, huic ejusdem domus inhabitator seu possessor debet cedere censu annuo pro rata temporis persoluto &c.

Consulit praeterea his ipsis in literis suis accedentium seu Magistrorum, seu scholarium ad Viennensem Academiam securitati sponcione addita, si quis eorum intra fines terrarum suarum vel pecuniam vel libros aut vestes amiserit, se omnia sine mora persoluturum. Comitibus, Baronibus, Proceribus, Judicibusque omnibus severè quoque demandat, ut venientibus aequè atque hinc discedentibus saluum conductum praebeant, eos, si petatum fuerit, per suos deducant, nulla omnino pecuniarum exactiōe pro ejusmodi deductiōe facta. Res praeterea familiares studentium huc adportandas à teloniorum onere eximit, ipsos verò literarum causâ hic demorantes steuris, exactiōibus, ceterisque oneribus vexari prohibet. In mutilatores, occisores, aut violentos studentium invasores gravissimas poenas decernit, nec ullâ ejusmodi homines loci immunitate aut asylo gaudere declarat. De bonis denique ab intestato decedentibus in hunc modum statuit.

Statuimus quoque, quod si quis Magister vel studens dictae Universitatis intestatus decedens bona mobilia vel immobilia reliquerit, quod eadem per Rectorem Universitatis illasa absque diminutione qualibet integraliter per annum Et diem teneantur, Et conserventur; infra quod tempus, si quis compareat, qui prout juris est, testibus idoneis docere valeat, se esse
ejus-

ejusdem defuncti heredem proximiorum , & legitimum ab intestato ; huic Rector cuncta ejus bona assignare debet , & tradere , contradictione qualibet non obstante . Si verò nullus talis comparebit , ipse Rector libros defuncti , si quos reliquerit , assignet , & tribuat dictæ Universitatis publicæ librariæ : de reliquis defuncti bonis mobilibus , & immobilibus ad consilium 4. Procuratorum specificatorum inferius dispositurus pro salute & remedio suæ animæ . quemadmodum pro qualitate negotii eis per ipsorum fidem & conscientiam absque omni dolo visum fuerit expedire .

Datae sunt hæ litteræ à Rudolpho Archi-Duce ejusque Fratribus Alberto , & Leopoldo , ut citatus Autor innuit , 12. Martii , Anno 1365. adeoque tribus ferè mensibus citius , quàm diploma Urbani V. de Universitatis hujus erectione vulgaretur . Neque mirum id alicui videri debet ; nam scire aliunde primum in hunc favorem Pontificis animum potuit , ac ab Oratoribus suis de erigenda hac proximè per Apostolicæ Sedis auctoritatem Universitate certior fieri . Accedit , quod ex his Rudolphi verbis : *Verum quia parum valeret generale studium erigere , & Universitatem hujusmodi venerabilem colligere , &c.* haud obscure intelligere liceat , privilegia hæc non dum erectæ à se Universitati data , sed antea conscripta , fors ut visis his prærogativis , quibus literata hæc respublica ornanda foret , citius Pontificis animum ad eam approbandam flecteret , nève ob iter , quod in Italiam Archi-Dux ipse moliebatur , mora aliqua exequendæ præclaræ suæ voluntati injiceretur , & ut allekti amplissimis his privilegiis Viri undique eruditissimi illico confluerent , ubi summi Ecclesiæ Antistitis auctoritate concessum Artium disciplinarumque plurimarum studium Urbi huic fuisse intellexerint . Et verò non deerat jam tum hujusmodi virorum Viennam petentium copia , inter quos & Albertus de Saxonia fuisse dicitur , cujus Haslbachius , qui seculò quartò floruit , deque Universita-

te

te hac nostra ob res præclarè gestas, navatámque Principibus operam optimè meritus est, his verbis meminit in Chronico suo Austriaco hæcenus inedito. *Universitatem studii (de Rudolpho IV. loquitur) in Wiennensi oppido præclarissimo, & totius domûs Austria capitali, ab Urbano quinto misso Magistro Alberto de Saxonia Halberstadenſi Episcopo ad legendum inibi publicè Canonica atque Civilia jura, Medicinam & septem artes liberales Apostolica largitione concessit.* Plura majoraque incrementa, ne illo sub Principe Universitas vix erecta caperet, invida fata præpediêre. Nam cum hoc eodem anno Mediolanum ad Bernabonem Ducem se contulisset, ut ejus filiam Viridam nomine Juniori Fratri suo Leopoldo nuptui traderet, rebus apud eundem Ducem prosperè gestis ex æstu nimio in febres incidit, ibidémque extinctus est Mense Julio, Annô ætatis suæ 26. uti pluribus testimoniis in edita à me typisque vulgata Divi Stephani Basilica titulo 3. & ultimo ostensum est. Ossa ejus subinde Viennam delata in crypta Archi-Ducum à se constructa in templo S. Stephani sunt condita ingenti sanè tum Austriæ, tum Eruditorum omnium cum luctu, cum illa Patrem amantissimum, hi fautorem patronúmque maximum sibi ereptum esse dolerent. Justa illi persolvit Urbs nostra inter lachrymas pompâ optimo Principi dignâ, ei que deinceps ab Universitate annuâ memoriâ parentatum est. Unum hîc mirari satis haud possum, quid fuerit, quòd Principi tam præclarè de Ecclesia merito erigendi quidem Universitatem potestas ab Urbano V. Summo Pontifice facta sit Principi tamen omnium facultate, quæ sacratiores scientias Divinâsque literas exponeret, desideratâ. Nec alia initi ejus consilii mihi ratio occurrit, quàm quod tot diversis in locis, ac præcipuè Lutetiis prioribus annis à sacrarum literarum male peritis ingeniis ortæ Hæreses cautiorem reddiderint sollicitum de Ecclesiæ bono Antistitem, ne liberalior in admittendis sanctioribus

ribus his disciplinis deinceps esset. Aliam tamen rei ejusdem causam reddit Haslbachius superius à me citatus his verbis : *Facultatem Theologicam non admisit agente Carolo Imperatore socero suo* (intellige Rudolphi IV.) *qui hac ratione permotus. & ne sibi in hac parte prior videretur Universitatem studii literarum in Pragensi Civitate volens instituire Apostolica autoritate, cum antea sola sua autoritate leges & artes inibi palam docerentur ; prout hoc ex veridica relatione egregiorum virorum didici, & post ex aurea quadam bulla Imperiali, dum Praga degissem, agnovi.* Quæ si vera sunt, constat haud obscure juniorem Pragensem Universitatem hac nostra Viennensi esse. Sed obstare videntur scriptores plurimi opinioni huic adversantes, quamvis & illi ipsi inter sese minimè consentiant. Fuggerus l. 3. c. 8. fol. 338. Pragensem Universitatem à Carolo erectam fuisse testatur Anno 1358. Bulæus in Historiæ Parisiensis tomo 4. sæcul. sexto. pag. 313. eam vult institutam Anno 1348. Ejusdem cum Bulæo est sententiæ Joachimus Camerarius l. de Ecclesiis Fratrum in Bohemia, & Moravia. Tritheimius in Chron. Hirsaug. T. 2. fol. 242. ad Annum referre videtur 1360. qui tamen, cum discordes adeò sint, nec certum ullum ex antiquis monumentis testimonium adferant, haud adeò metuendi essent Haslbachio, nisi majus negotium illi faceretur Balbinus in Epitome historica Rerum Bohemicarum. qui lib. 9. c. XXI. pag. 359. rejectis aliorum omnium opinionibus, Academiæ Pragensis foundationem factam esse tradit Annò 1347. dicitque literas originales in manibus sibi esse tum Clementis VI. Avenione datæ annò 1347. 26. Januarii, & Caroli Imperatoris eundem annum, diem verò septimum Aprilis præferentes. Ego, cum mihi eæ originales literæ in manus ac sub conspectum nunquam venerint, nec Bulla aurea à Carolo IV. edita (quam tamen citat) favere magnopere Balbino videatur, fidem suspendo, rém-

que

que omnem decidendam lektorum prudenti arbitrio relinquo, illud solum admonere hic volui D. Paulum Sorbait Universitatis quondam nostræ Rectorem in catalogo Rector: Archi- Gymnasii Viennensis referre, à Carolo quarto Pragensi Gymnasium, ut ille vocat, non institutum, ante Annum 1366, quo in Italiam profectus est, seditiosas quasdam urbes armis ac bello in obsequium justamque deditionem coactus. Literas etiam ab Urbano V. editas 1366. esse, quibus Religiosorum 4. Ordines ad Pragensi studium invitat, quas literas tomo suo 4. citat Bulæus, suntque sequentes.

URbanus Episcopus servus servorum DEI, dilectis filiis Minorum Ministro, ac Prædicatorum, Eremitarum S. Augustini, & S. MARIE de Monte Carmello Ordinum Prioribus Fratrum, Provincialibus Provinciarum illarum, in quibus secundum morem singulorum Ordinum prædictorum Bohemiæ Regnum consistit nec non Guardiano, Prioribus, & Fratribus domorum Pragensium Ordinum prædictorum salutem, & Apostolicam benedictionem.

Et si sacra Theologia studio, per quam vera & Catholica fidei, aternæq; Deitatis, & humana salutis, & summi boni habetur agnitio, sit ubivis insistendum, in generalibus tamen studiis propter studentium multitudinem, & concursum circa ejus lectionem tantò diligentius decet attendi, quanto in eis ejusdem scientia veritas magis exquiratur, & si qua emergunt dubia, lucidius declarantur. Cupientes igitur præmissorum intuitu, necnon charissimi in Christo Filii nostri Caroli Romanorum Imperatoris semper Augusti, ac Bohemiæ Regis illustris super hoc nobis humiliter supplicantis, quoddam generale studium, quod in qualibet licita facultate, & Apostolica Sedis indulta viget in Civitate

Præ-

Pragensi, quæ in Regno Bohemia principaliter existit in facultate per bonorum sufficientiam Magistrorum tanquam nova plantatio floreat, atque fructificet, discretionem vestram hortamur attentè, quatenus ob Divinæ Majestatis, & nostram, ac prædictæ sedis reverentiam, quod etiam sine exhortatione aliqua facere debetis, in singulis domibus, ac locis vestris de Civitate prædicta doctos, sufficientes, & bonos in eadem facultate Magistros, qui ibidem in ea degant, & doceant juxta morem aliorum generalium studiorum habere, & tenere continuo studeatis, id tam per vos, quam apud Superiores vestros sic fideliter, & sollicitè procurantes, quò inde optatus fructus proveniat, qui speratur, nosque proinde vestram possimus in Domino commendare diligentiam. Datum Avenione tertio Idus Novembris Annò Pontif. nostri quintò.

Quæ Epistola meritò fortassis dubium movere prudentibus posset, cur in eadem dictus Pontifex studium Pragensè novam plantationem vocitet, si jam anno 1347. in Universitatem erectum est, ut Balbinus, aut saltem annò 1358, ut alii volunt. Præterea cur hoc primùm anno precibus Caroli inductus Urbanus Religiosos viros tanquam Magistros, ac Doctores Pragensem ad Academiam invitârit, si ut antiquitati Pragensis Universitatis studiosi scriptores volunt, jam multis antea annis adeò viris doctis undique confluentibus eò usque abundavit, ut ceteras omnes Germaniæ Academias longè superârit, ut nominatim quidem Trithemius, & cum Camerario Bulæus, loco à me citato clarè insinuant, quemadmodum inspicientibus patebit. Certè & Bulæus ipse toties à me laudatus hoc loco aberrâsse censendus est, cùm ad annum 1366. has literas Pontificis referat: ut enim ex serie Pontificum patet, Annus Pontificatûs Urbani quintus alius esse non potest, quàm Annus 1367. sed ad historiam redeamus.

Demortuò Rudolphò IV. Fratres illius videlicet
Alber-

Albertus III. cum Trica dictus, & Leopoldus Probus aliquamdiu res Austriacas junctis consiliis, partique autoritate administrarunt.

Sed ortis subinde inter utrumque discordiis, Procerum consilio hoc eodem adhuc anno Leopoldus in Ergoviam vicinamque Helvetiis loca abiit. Hic Leopoldi à Fratre ex Austria discessus occasionem deinde præbuit Provincias, quæ hætenus Austriæ Ducibus accreverant, dividendi, quamvis hæc ipsa divisio Fratrum æmulatione deinceps fuerit immutata. Quæ verò ex dictis Provinciis Leopoldo addictæ sint, quævé Alberto III. remanserint, commodius in annum mox sequentem referam.

Nec vitio vertet benevolus Lector, si & alia quædam, quæ minus ad rem nostram pertinere aliquibus videbuntur, sequentibus Annis inferuero, non enim id alio à fine factum fuisse velim sibi persuadeat, quàm ut securæ historiæ facem præferant, resque Universitatis tanto clariùs evolvant, deinceps tractandas.

Sejunctis ea ratione non tam terris quàm animis Alberto & Leopoldo Fratribus, urgentibus præcipuè, qui Leopoldo à consiliis erant, nè in graviores discordias animorum ea dissensio excreceret, in hunc modum ambo Anno 1366. convenerunt; ut Alberto tanquam seniori Austria, Styria, & Carinthia cederet, Leopoldus verò Alsatiam, ceterasque Provincias Suevis, Helvetisque vicinas jure teneret, Tyroli uterque pari autoritate præesset.

Meminit hujus partitionis Haslbachius, Roo, Fuggerus. nec non manuscripta quædam antiquiora. Sunt tamen ex illis, qui eam priori anno factam contendunt. Ego, quia tam citò negotium hoc perfici haud posse existimo, occasionem illius Annò 1365. quidem subortam, eamque ipsam divisionem jam tum attentatam, at non nisi hoc anno perfectam statuo, sicque concordari posse dissentientes inter se scriptorum opiniones confido.

At quàm hæc ipsa conciliandi insensos Fratrum ani-

mos, pernicioſa fuerit ratio Principibus Auſtriæ, quàm illorum vires infregerit, quot novarum diſcordiarum materiam præbuerit, ſequentibus annis referemus.

Pacatis ſic tantisper Principibus ad exterorum ſedandos motus animosque componendos procedendum erat. Cum enim Anno 1367. Patavienſes Givēs in Albertum tertium Episcopum ſuum Baronem de Winckl ex nobili Auſtriæ proſapia ortum conſurrexiſſent, eoque odia partium progreſſa eſſent, ut in aciem educerentur exercitus, victoria tandem licet cruenta Episcopo ceſſit. Coactique ſeditioſi fuere Givēs ut 2000. marcas argenti è ſententia juſſuque Imperatoris Caroli Præſuli ſuo perſolverent. ita Hundius in ſua Metropol. Salisburg. pag. 144. Addit hic quoque Struno in Annal. Auſtriæ Superioris. Duces Auſtriæ laboranti Episcopo ſuppētiās tuliffe, qui etiam ſequenti anno ut ex Hundio patet inter Albertum & Patavienſes Givēs rem omnem compoſuere.

Eodem hoc anno venit Avenione in Italiam Urbanus quintus, qui primus Univerſitatem hanc noſtram diplomaſe edito erexit, petentibus ejus redditum Romanis, Cardinalibus verò quos ſecum Avenione habuerat, maximè renitentibus, ut Brietius teſtatur ad hunc annum, & Bulæus tom. 4. Sæcul. 6. pag. 414.

Ad hunc annum 1369. refert Doct̃or Paulus Sorbait in Catalogo Rectorum Viennensium ſcripſiſſe primò Joannem Wicleſſum contra Papatum, cujus (ut inquit ille) libri in Bohemiam delati à Joanne Huſs leguntur. Sed errare videtur, nam Bulæus ad annum 1376. melius refert. Cujus verba ſubjungo: *Hoc quoque anno, intellige 1376. exardeſcere cepit in Anglia præſertim verò Oxonia Hæreſis Joannis Wicleſſi, quæ hunc ortum habuiſſe fertur. M. Joan. Wicleſſus, Doct̃or Theologiæ in Academia Oxoniens̄i, Rector Eccleſiæ Littleworth Lincolniens̄i Diaceſis, iratus Pontifici, quòd eius decreto à præfectura Collegii Cantuarienſis in Univerſitate Oxoniens̄i, quam contra interdictum Archi-
Episcopi*

Episcopi contra fas, júsque invaserat, dejectus fuisset, arrepta occasione alienationis animorum, quæ tunc erat in Anglia à Romano Pontifice propter beneficiorum non satis aquas collationes & pecuniarum exactiones, scripsit adversus Papæ principatum, & auctoritatem, eamque longè infra Regiam depressit; præsertim verò in exactiones ejus immodicas invehctus est, insatiabilémque Romanorum Legatorum ambitionem, ingluviémque maternâ & latinâ linguâ plurimum accusavit. Quæ doctrina sparsa in vulgus placuit, nec populo solum, sed Proceribus Regni, & plurimis etiam Ecclesiæ Prælatiis, & inferioribus Sacerdotibus, qui bonorum Ecclesiasticorum depradationem ejusmodi molestè ferebant. Cui doctrinæ impudentissimæ, cùm se opponerent mendicantium Ordines, concitator Hæresiarcha ad communem Sæctariorum scopulum delapsus Eucharistiæ Sacramentum oppugnare vehementissimè cæpit, ut postea videbimus. Hæc referre placuit, ut ortum perniciosissimæ hujus pestis Lector benevolus non ignoraret, quæ Europæ Universitates propè omnes, ac præprimis hanc nostram Viennensem multis deinceps annis fatigavit.

Felix sanè Urbanus V. quem priùs fata orbi eripuerant, ne Summorum Pontificum auctoritatem à perditissimis quibusque impugnari circumlatâ per vicinas omnes Provincias clade cerneret. Nam cùm Annò 1370. in Galliam reverteretur eo consilio, ut Francorum Anglorumque diffidia componeret, Avenione Mense Decembri in morbum incidit, ac 14. Kalend. Janu. circa horam 9. ætatis Annò 61. Pontificatûs 8. & duobus mensibûs fatò functus in ejusdem Urbis Cathedrali primùm templo sepultus, ac tandem ut ipse in vivis adhuc jusserat, ad Monasterium S. Victoris Massiliensis translatus est. Vir ingentis animi, nec minoris virtutis, quem Universitas nostra primum cum Rudolpho Archi-Duce fundatorem suum agnoscit, & veneratur. Justis persolutis 14. Kalend. Jan.

Cardinales conclave ingressi postmodum elegerunt Petrum Monstrum Rogerii de Malmonte Lemovicensem, Belfortii Comitem in valle oppidi in Regione Andegavorum Diaconum Cardinalem tit. S. Mariæ Novæ. Clementis VI. ex Fratre Guillelmo Belfortii Comite Nepotem. qui die 4. Jan. Presbyter ordinatus, postmodum consecratus, & coronatus Gregorii XI. nomen accepit.

Circa annum 1371. alteram divisionem Provinciarum Rudolphum inter & Leopoldum Fratres factam esse insinuat Piespordius, his verbis : *Defuncto Fratre Rudolpho Albertus III. cum Leopoldo aliquamdiu rebus præfuit, ortu autem inter illos Aulicorum causâ dissidiô Provincias inter se diviserunt, ex quibus Alberto Austria, Styria, Carinthia, & Ditiones, quæ inferioris Austriae titulo censentur. Leopoldo Alsatia & ceteræ ditiones Suevis, & Helvetiis conterminæ cesserunt. Quibus Albertus quinquenniô post Styriam & Neapolim Austria cum vicino comitatu Butensi adiecit.* Gausam adfert Lazius Genealog. Austriae l. 2. pag. 24. & Fuggerus l. 3. c. 9. pag. 352. videlicet Leopoldum, cum plures jam filios ex Virida Barnabonis Mediolanen. Vice-Comitis Filia Juvenis etiamnum ipse suscepisset, Wilhelmum nimirum, Fridericum, Ernestum, & Leopoldum, de iniqua priori partitione questum esse; bellumque Fratri minatum, quod, ut Albertus subterfugeret Princeps pacis amantior, Styriam illi cum Neapoli Austriae cessit.

Rebus cum Fratre compositis Albertus Anno 1372. ad expugnandum castrum propè Leubs, scilicet Schönberg profectus, quod & cepit, uti & castrum Grueb, Reimperto de Schönberg se Principi submittente unâ cum Austriae Dapifero posterioris arcis Domino. Quæ verò causa obsidendi dicta castra Albertum impulerit, haud satis liquet. Illud solum ex antiquo quodam Chronico M. S. didici, Schönbergam castrum

Præ-

prædonum tunc aliquamdiu fuisse receptaculum, quos perditum iverit Princeps optimus.

Emerferunt dein Annô 1374. quidam Hæretici in Academia Pragenſi Joannis Huſſi præcurſores, quos inter ſerè præcipuus Malleſius Pragenſis Canonici, qui aſſeruit Antichriſtum jam eſſe natum, in Pontifice verò ſummisſque Cardinalibus nullam pietatem, veritatem nullam ſuperſeſſe, ſe ſolum, & qui ſibi adhærerent, genuinos Doctores probosſque eſſe, qui faciendâ docerent: Ex quibus dein initiis ſumpta paſſim libertas obloquendi Romanæ Curiae, ſenſimque Pragenſes Doctores in apertam hæreſim Duce Joanne Huſſi prolapſi ſunt, de quo poſterioribus annis plura.

Annô 1375. Albertus III. Archi-Dux Aſtriæ, cùm ante aliquod tempus prima ejus Uxor Elifabetha Caroli IV. Cæſaris Filia ſine prole è vivis deceſſiſſet, Beatricem, ut Guſpinianus in Aſtria ſua meminit, Friderici IV. Norimbergenſis Burggravii Filiam matrimonio ſibi junxit. Ut ad hunc annum reſert Fuggerus l. 4. c. 1. ad finem, & Chronicon antiquum n. 5. Teutonicum.

Carolus IV. Romanorum Imperator, quod multo jam tempore contendebat, id tandem Anno 1376. apud Electores Germaniæ Principes ingenti pecuniæ vi effecit, ut Wenceslaus Filius 15. annorum Adoleſcens in Romanorum Regem inauguraretur magnô Germaniæ malô, ut Æneas Sylvius Hiſt. Bohem. c. 33. teſtatur. Gujus verba ſubjungo: *Clarus proſectò Imperator. (Carolus) niſi Bohemiçi Regni gloriam magis quàm Romani Imperii quaſiſſet. Illud quoque non parvam nomini ſuo inuſſit maculam, quod Wenceslaum ex filiis ſuis natu minorem in Imperio ſibi Succeſſorem adhuc vivens ordinare conatus eſt, idque pecuniâ. Nam cùm Principes Electores haud facilè ad eam rem trahi poſſent, quod virtute obtinere non potuit, præciò comparavit, promiſſis cuique Electori centum millibus aureis. Quos cùm repræſentare non poſſet, publica il-*

lis Romana Reipublica vectigalia obligavit , perpetuum Imperii malum. Hinc Romana potestas ad nihilum redacta , nec posthac attollere Imperium caput potuit , cum Principes Electores omnia sibi retinerent , Imperatoremque furejurando adigerent , ne pignora revocaret. Cuspinianus addit favente id cum Cardinalibus summo Pontifice Gregorio factum.

Idem Pontifex hoc anno 1377. Avenione Romam rediens transtulit eam in urbem rursus sedem Pontificiam post annos 70. aut ut alii volunt 71. Quod tot annorum intervallum Itali Antistitum suorum exilium vocitabant.

Eodem tempore Elisabetha Caroli IV. Imperatoris Uxor , cum Wenceslaus jam in Romanorum Regem Electorum suffragiis coronatus esset , Sigismundum Filium adhuc puerum in Hungariam misit ad gentis linguam , armorumque usum perdiscendum , ut enim & huic de Regia dignitate ambitiosa æquè ac sagax mulier prospiceret , cum Elisabetha Hungarorum Regina (nam Ludovicus , qui Poloniæ simul ac Hungariæ summa cum potestate præerat , hærede masculino destituebatur) diu , seduléque egit , ut Sigismundo eadem , & Mariam filiam in matrimonium , ubi adolevisset , & Regnum ipsum aliquando tradendum adpromitteret Carolo IV. Cæsare , ac Ludovico Rege consentiente.

Primus hoc anno præesse Universitati Rector iussus est Joannes de Randegg Constantiensis Ecclesiæ Canonicus , neque enim ante id tempus aliū quempiam hoc munus gessisse in actis nostris deprehendo. Gredo siquidem Rudolphi præmaturam mortem , fraternasque Alberti & Leopoldi discordias moram diuturniorem perficiendo operi injecisse. Primisque 12. annis donec statuta conderentur & leges à Principe confirmandæ Rempublicam hanc literariam , & communi Magistrorum autoritate fuisse administratam.

Moritur hōc annō videlicet 1378. die 27. Martii Gregorius dolore calculi acutissimo confectus, cujus mors tantō magis bonis omnibus lugenda erat, quōd maximi omnium, quæ hætenus Ecclesiam perturbaverant, schismatis causam dederit. Romani siquidem plurimūm anxii, nē cum novo Pontifice sedis quoque Romanæ majestas rursus in Galliam transferretur, Purpuratos Ecclesiæ Principes vi ad eligendum eum Pontificem coëgerant, qui perpetuam Romanæ summi Antistitis dignitatem vellet. Et verò ingressi ii ipsi Conclave, 7. Aprilis seu pacis studiō, seu depellendi timoris causā Bartholomæum Butillium Barrensem Archi-Episcopum eligunt de genere Prignano Neipoli ortum, Virum in negotiis pertractandis æquē versatum optimē, atque in Pontificum Jure peritissimum, eūque 18. Pontificiā tiarā insigniunt. Nec difficile fuisset summo Viro datam sibi Cardinalium suffragiis dignitatem tueri, nisi in eos ipsos, quibus acceptæ majestatis gratiam debuerat, rigidior fuisset, eisque minūs providē coram amicis haud satis fidi eæ voces excidissent, reformaturum se brevi Purpuratorum omnium mores. Pertæsi igitur Cardinales constantis, quæ præferebat rigoris, ubi egrediendi Ube liberior via dabatur initō prius inter sese consiliō primūm Anagniam se conferunt vitandi æstūs specie, ac mox Fundos in Urbani Comitatus urbem commigrant. Et 13. Kalend. Octobris Robertum Gehennensem Cardinalem Presbyterum tit. 12. Apostolorum à Gregorio prius creatum novum Pontificem jubent, qui Pontificum cum tiara Clementis quoque VII. nomen suscepit, Avenione deinceps sedem habiturus. Satim electione hac facta tum ab Urbano tum à Clemente missæ ad omnes Provincias literæ, quæ variorum gentium varia quoque studia concitarunt, Gallis Hispanisque huic, illi Germaniā, utrique Viris doctissimis æquē ac sapientissimis impensē faventibus. Plura qui de hoc gravissimi schismatis

ortu progressūque scire voluerit, Bulæum adeat tom. 4. secul. 6. p. 463. Ego quæ ad rem meam pertinebunt, sequentibus deinceps annis dabo. Id unum subungere placuit, Purpuratos Ecclesiæ Principes, cur Urbanum verum Pontificem rejicerent, id unum causatos, vi se ad eum eligendum, metūque populi coactos. Sed refellit præclare id ipsum Baklus peritissimus Juris Civilis Pontificisque interpres l. 6. Cod. tit. *si quis aliquem*, verbis, quæ citat Bulæus, quæque hic ex eodem subjungo.

Urbanum enim sibi summum videri Pontificem asserit, tum quod iis præfulserit meritis, quæ Pontificatui deferenda absque ulla vi sufficerent quibus alii Patres hunc aliis Curia Romana Prælati præferre debuerint, tum quod loco summa sedis velut natali sederet, tum demum, quod conticescente populi Romani tumultu omnes Cardinales Electores ad Urbanum regressi eum Pontificiis infulis magna excluerint ceremonia: magnum sanè causa fulcimentum, si enim inviti elegerant, cur in urbem reversi inaugurationis Majestati interfuerunt? si liberè & voluntariè, quæ perversitas cum publico, quæ probavissent, retractare, tum postremo, quod ritè electionis verbum, his factis, his sententiis omnes replevissent regiones, adeò ut totus ferè terrarum orbis ita sit opinatus Urbanum esse verum legitimūque Pontificem. Imò ipse Robertus Gebennenlis, teste Froisardo, sub recentem Urbani electionem ad Flandrum Comitem & Bitanos scripserat eundem consensu unanimi ritèque dictum. Eodem anno è vivis excedentem Gregorium secutus est Imperator Carolus ejus nominis IV. cui in Regnum & Imperium successit filius Wenceslaus.

Hoc Anno Universitati Rector præfuit Conradus Comes de Hohenberg, Clericus Constantiensis Diocesis.

Anno 1379. Leopoldus Archi-Dux proprii Provinciarum, quas ei Frater Albertus cesserat accessione

haud pacatior, novam eidem litem movet, ceterasque ditiones omnes sibi reddi postulat, Austriâ solâ Fratri relictâ : consensit tandem Albertus, eò quod unicus ex Beatrice sibi filius esset, Leopoldo verò jam plurimi, sicque pax firma inter Duces coa-
luit. Facta est hæc divisio, verba subjungo Haslba-
chii : *Annò Domini 1379. in Neonburgi claustrali, Dominicâ Michaëlis, in qua divisione subter & supra Anasum usque ad metas Bavaria incluso castro Styriensi Ischland ab Hallstadt usque ad territorium Salisbur-
gense, & subter descendendo circa metas Styria usque ad Ungariam cum omnibus feudis, Angariis, teloneis &c. cessit (id est reliquit eo jure, quo prius possederat) Alberto demptâ novâ civitate cum suis pertinentiis, tam judicio, quàm jure Patronatus Neunkirchen, Schottvienn, & Aspach cum suis pertinentiis qua Duci Leopoldo & heredibus cesserant. Castra verò tunc impignorata Starhenberg, Pütten, Ternberg, Schvvarzberg, ac Gottenstein venerunt in sortem Al-
berti. Subjungit dein idem Autor. Albertus igitur Austriâ potitus considerans pro Fundatione Universita-
tis accessisse consensum summi Pontificis, sed fratrem suum morte præventum ipsam ad plenum non ordinasse missis nunciis ad Reverendum Magistrum de Hassia, & Henricum de Otta sacra pagina Professores, & Andream de Khalchar, nec non ad plures Magistros in Artibus, Doctores Juris, Legum, & Medicina, ac-
tersiri eos fecit, & congrua unicuique secundum suam professionem stipendia ordinavit. Collegium Ducale de tribus domibus cum lectoriis & habitationibus per manum præfati Magistri Henrici erexit, &c. Ex quo manifestè patet, Henrici de Hassia in Austriam adventum non ante hunc annum contigisse, cum tamen alii scriptores velint, eum à Rudolpho, Al-
berto, & Leopoldo Fratribus invitatum jam Annò 1365. Viennam pervenisse. Et verò opinionem Hasl-
bachii haud leviter probat Bulæus in Hist. Univers.*

Parisiæ. tom. 4. secul. 6. in Indice Virorum eruditum, dum de M. Henrico sequentia refert. *Henricus de Langenstein dictus de Hassia Natione Teutonicus Societatis Sorbonica, ingenio præstans, abundans, & diffusus adeo, ut difficilior ipsi esset occurrentia animo repellere, quam nova invenire, ut inquit Trithemius. Pluribus annis docuit in Universitate Parisiensi. Annò quidem 1365. Philosophiam profitebatur, dein ad Theologiam se contulit, & annò 1375. licentiatus fuit cum M. M. Gombaldo Prædicatore, Joanne de Aquino Minorita, &c. Quæ si vera sunt, manifestè declarant eum 1375. Parisiis adhuc fuisse, nec ante tempus ab Haslbachio statutum Viennæ docuisse. Quin imò doctissimus ille tractatus ab eodem circa Annum 1379. conscriptus, quem Epistolam pacis nominat, citatus à Bulæo, quo persuadere nitebatur, ut ad concordiam ineundam Urbanus æquè ac Clemens sponte Pontificiâ dignitate cederent, litisque decidendæ causâ consilio sese generali subicerent; haud obscure indicat eò adhuc annò, quo hæc scribebat, Henricum Parisiis extitisse, cùm cessionis hujus faciendæ ea Universitas una tum omnium prima consilium dederit. Verùm, non minor nunc mihi cum Bulæo ipso lis intercedit. Qui errore lapsus Trithemium asserit, quòd Henricum, se Viennam pro decore novæ Universitatis contulisse, scripserit. Duos siquidem Henricos de Hassia vult Bulæus, unum eumque Seniore Wormaciensis Ecclesiæ Canonicum, qui Parisiis in Universitate floruit ultra annum 1390. Alterum Cartusianum Juniorem, qui vixit circa annum 1430. Quos inter se confudisse Trithemium arguit. Verùm acta Universitatis nostræ, resque ab hoc, quo diximus tempore per eum ad Annum usque 1397. gestæ inferiùs à me recensendæ, apertissimè probant seniore hunc Henricum de Hassia non Parisiis sed Viennæ ultimis seculi quarti annis floruisse. Accedit, quòd Henricus se*

ipsum

ipsum in epistola quadam à se data Glericum profiteatur his verbis , quibus eandem inchoat : Reverendo ac præclaro Domino Joanni de Eberstein Camerario Moguntino suus utique Clericus humilis Henricus Langenstein dictus de Hassia , post mundana cœlestia , post Marthæ sollicitudinem , Mariæ sororis requiem, &c. Quæ verba , unà cum anno obitus sui superius posito certè evincunt , neque Cartusianum eum fuisse , cum iste seculo sequenti primò floruerit , neque utriusque nomen esse confusum.

Rectorem hoc tempore Universitas nostra habuit Colomanum Kolb.

Hòc annò 1380. Wenceslaus Cæsar literas dedit ad Reges, Principes, Ordinésque Imperii, ut turbatam Pontificum duorum diffidiò Ecclesiam in libertatem omni, quo possent, studio vindicarent, quas literas etiam edidit Huttenus.

Rector Universitatem eodem annò moderatus est Rudolphus Comes à Schaunberg.

Anno 1381. Rectoris dignitatem gessit M. Gerardus Vischbeckh.

Damnati sunt Annò 1382. in Anglia per Concilium Provinciale errores Wicleffi. Cum enim Gregorius Pontifex ad Universitatem Oxoniensem scripsisset Anno 1377. uti & ad Regem Eduardum, ut Wicleffum, cujus impia doctrina sparsa passim in Scholis tradebatur, & per ora circumferebatur hominum, captum Archi-Episcopo Cantuariensi sisterent; vaser, perditusque homo, ut hæretici ingenio esse solent, Ducis Lancastriæ potissimum favore, & autoritate fretus, proborum omnium diu conatus elusit. Donec jussu summi Pontificis iterato sistere se tandem, atque ad objecta sibi crimina respondere Archi-Episcopo coactus est, ubi dogmata erronea, quæ prius sparserat, sua esse negabat, séque Ecclesiæ Pontificum

cúmque autoritati submisit, aut, ut veriùs dicam, submittere simulabat. Habito pleniori subiinde concilio ex doctrinæ illius capitibus notatæ sunt propositiones 24. atque ex illis hæreticæ quidem 9, erroneæ 15. quas datis Concilii jussu publicis literis Joannes Lincolniensis Episcopus hóc annò damnat. Uti & propositiones has Wicleffi, & ipsas Lincolniensis literas Bulæus refert tom. 4. Hist. Univ. Parisin. p. 456.

Si quis unquam felix Universitati huic nostræ annus fuit, meritò præsens 1384. auspicatissimus eidem censendus est, quò tot privilegiis aucta, tantisque Principis Alberti æquè ac Pontificis Urbani VI. favoribus cumulata est. Optimus siquidem scientiarumque amantissimus hic Archi-Dux, ne de studio in literariam rem Fratri Rudolpho videretur concedere, Universitatem hanc tot beneficiis prosecutus est, ut alter meritò illius fundator dici sit meritus. Adsciverat ille jam prioribus annis Viros omni eruditionis genere instructissimos, Aulam Academicam scholâsque extruxit. Atque ne quidquam deesse Viennensi deinceps Academiæ videretur, Facultatem quoque Theologicam ac Universitatis confirmationem hoc demum tempore ab Urbano sexto, quem legitimum Pontificem Germania agnoverat, impetravit. Extat diploma hujus Pontificis hac super re datum in Act. Universitatis, quod, quia plurima ad securam historiam scitu necessaria continet, summa fide hic reddo.

Urbanus Episcopus Servus Servorum DEI ad perpetuam rei memoriam.

*D*um generosos palmites, & fructus uberes, quos in domo Domini vitis abundans, & arbor fertilis, Universitas videlicet Doctorum, Magistrorum, & Scholarium studii Ville Viennensis, Pataviensis Diœcesis, retroactis temporibus ad decus & prasidium singulare Ecclesiæ militantis & Reipublicæ, sedulo & amanè

produxit, & continuè producit; voluimus attenta
 meditatione, & gratâ memoriâ recensemus: existi-
 mamus profectò nos non immeritò Debitores, ut Uni-
 versitatem eandem, sicut indesinenter de bono in me-
 lius propagatur, ita præcipuis gratiarum impendiis,
 & honoribus specialibus decoremus. Firma spe, fi-
 duciâque conceptis, quod, quantò Universitas ipsa pre-
 tiosioribus monilibus se contexerit venustam, tantò plu-
 res, & excellentiores propagines producere, ac sva-
 viores fructus conabitur enutrire. Dudum siquidem
 pro parte quondam Rudolphi Ducis Austria, exposito
 felicitis recordationis Urbano Papa quinto Prædecessori
 nostro, quod ipse Dux non solum ad utilitatem, & pro-
 speritatem Reipublicæ & incolarum Ducatus sui Au-
 stria, sed etiam aliarum partium vicinarum laudabi-
 liter intendens in dicta villa Wiennensi in eodem Du-
 catu consistente tanquam insigniori, & magis ad hoc
 accomoda & idonea plurimum desiderabat fieri, &
 ordinari per sedem Apostolicam studium generale in
 qualibet licita facultate; ut ibidem fides Catholica
 dilataretur, erudirentur simplices, aequitas servaretur,
 iudicii cresceret ratio, ut intellectus hominum auge-
 retur. Idem Prædecessor præmissa, ac etiam eximia
 fidei & devotionis sinceritatem, quam tam ipse Dux,
 quàm Progenitores sui Duces Austria ad S. Romanam
 Ecclesiam gesserant, prout ipse Dux gerebat, attentè
 considerans, & ferventer affectans, quod Ducatus &
 Villa prædictis scientiarum muneribus ampliarentur,
 ut viros producerent consilii maturitate conspicuos, vir-
 tutum redimitos ornatibus &c. Refert hic Diploma
 Urbani V., ac dein subjungit: Cum autem sicut ex-
 hibita nobis nuper pro parte dilecti Filii, Nobilis Viri
 Alberti Ducis Austria, Germani dicti Rudolphi Ducis,
 petitio continebat, post statutum, & ordinationem hu-
 jusmodi ipsius Prædecessoris studium generale in prædi-
 ctis facultatibus in eadem villa introductum, per DEI
 gratiam felicibus successibus usque ad moderna tempora
 sem-

semper de bono in melius perseverans , multipliciter
 auctum sit , adeo quod retroactis temporibus multi exi-
 mii in eisdem facultatibus profecti inde prodierunt , &
 praevalent cotidie ad magnum decus & praesidium Uni-
 versalis Ecclesiae , & Reipublicae , ac ad praesens solenne
 ac frequens existat. Pro parte ipsius Alberti Ducis
 nobis fuit humiliter supplicatum , ut ad hoc , quod
 studium ipsum juxta ipsius Alberti Ducis & suorum
 fidelium in hac parte desiderium peramplius & per-
 fectius decoretur , quod in eodem studio Theologia pu-
 blicè legi possit , & ibidem in eadem Theologia studen-
 tes disputare , & alios actus scholasticos exercere , ac
 Baccalaureatûs , & licentia , ac Magisterii honoris &
 gradus alios in ipsa Theologia recipere , & ad illos
 promoveri possint ; prout in Bononiensi , vel Parisiensi ,
 aut Cantabrigia , vel Oxoniensi studiis generalibus in
 similibus est fieri consuetum , concedere de benignitate
 Apostolica dignaremur. Nos igitur , qui studium sacra-
 rum literarum , per quas fides Catholica roboratur ,
 & augetur , & rudes ac indocti perducuntur ad ag-
 nitionem veri DEI , accrescere temporibus nostris fer-
 venter appetimus : hujusmodi ipsius Alberti Ducis in
 hac parte supplicationibus inclinati , auctoritate Aposto-
 lica tenore praesentium statuimus , & etiam ordina-
 mus , quod de cetero in Villa praedicta in eadem Theo-
 logia sit studium generale & quod studentes , & legentes
 ibidem in Theologia praedicta omnibus & singulis gratiis ,
 immunitatibus , prerogativis , libertatibus , & privilegiis
 concessis Magistris , Licentiatis , Baccalaureis , ac legenti-
 bus , & studentibus in dicta Theologia commorantibus
 in Bononiensi , vel Parisiensi aut praedictis aliis studiis
 generalibus , in quibus , quod hujusmodi Theologia legi
 possit , à Sede Apostolica est indultum , gaudeant , &
 utantur. Quodque illi , qui progressu temporis Bac-
 calaureatûs seu licentia aut Magisterii vel alium gra-
 dum seu honorem in dicta Theologia meruerint , vo-
 luerint , & petierint sibi elargiri per Magistros , seu
 Magi-

Magistrum facultatis ejusdem præfato Præposito vel Deputato hujusmodi præsententur, ipsæque Præpositus vel Deputatus, Magister in eadem facultate actu inibi regentibus, seu aliis commorantibus convocatis, illos in his, quæ circa promovendos ad Magisterii seu licentiæ; vel Baccalaureatûs, seu alium honorem & gradum in dicta Theologia requiruntur per se vel per alium juxta modum & consuetudinem, qui super talibus in prædictis Bononiensi, seu Parisiensi, vel aliis generalibus studiis observantur, examinare studeat diligenter, eisque si ad hoc sufficientes, & idonei reperi fuerint, hujusmodi Baccalaureatûs, seu licentiæ, vel Magisterii aut alium honorem largiatur. Illi autem qui in eodem studio dicta villa examinati, & approbati fuerint, & docendi licentiâ, & honorem seu gradum alium hujusmodi obtinuerint, ut est dictum, ex tunc absque examine, & approbatione alia regendi, & docendi tam in villa prædicta, quàm in quibuscunque aliis Generalibus studiis, in quibus voluerint regere, & docere statutis consuetudinibusque quibuscunque contrariis Apostolica, vel alia quavis firmitate vallatis nequaquam obstantibus. Nulli ergo hominum liceat &c. Datum Neapoli apud majorem Ecclesiam Neapolitanensem X. Kalend. Martii Pontificatûs nostri annô sexto.

Acceptis his Urbani literis, suas quoque dedit Albertus, quibus Privilegia à Fratre Rudolpho aliquando concessa non solum confirmavit, sed & plurimis aliis auxit, quæ quia plurima ex parte cum superioribus consentiunt, editaque sunt à Lambecio l. 2. de Biblioth. Cæsar. c. 5. pauca ex illis duntaxat atque ea quidem, prout antiquis privilegiis recenter ab Alberto adjuncta sunt, hic recensebo:

Libertatibus igitur & privilegiis, exemptionibus, & ordinationibus præscriptis, aliis præfato studio nostro authenticè concessis, & traditis præsentium vigore innovatis, & cum suis determinationibus, prout
supra

supra describitur, approbatis prædictarum 4. Facultatum, videlicet Theologica, Juris Canonici, & Civilis, Medicina, & septem Artium Magistris, & Studentibus eorūque servitoribus perpetuo valituris, eidem nihilominus Universitati studii nostri præsentis anno videlicet à Nativitate Domini 1384. de speciali liberalitate domum circa claustrum Fratrum Prædicatorum situatam proprio nostro pretio per nos comparatam, & solutam, atque in Collegium certis dotatum redditibus redactam deputamus, assignamus, ac pro nobis omnibusque hæredibus nostris, & successoribus irrevocabili dono tradimus distribuendam pro duodecim Magistris Artium, quorum unus sit Baccalaureus in Theologia, atque pro uno aut duobus Doctoribus in eadem facultate, volentes, quòd supra dicti in Collegio præfato, prout decet, vivant ordinatè, & inter se conversentur honestè. Et nè impòsterum violenta partium instantia, aut corrupta hominum affectio intrudere possit dicto nostro Collegio personas inutiles; ordinamus; ut quoties ibi locus vacaverit, Theologi, si ibi fuerint, & omnes Magistri conveniant, & tunc Magister Artium, in quem major eorum pars consenserit, recipiatur. Item ad DEI laudem præcipuè nec non nostræ adminiculum salutis instituimus in prædicto Collegio capellam, in qua Missæ dicantur à studentibus & Magistris Presbyteris commorantibus ibidem. Rursum plateam eidem conjunctam domui omnemque stationem, seu negotiationem hætenus in ea solitam fieri, abinde de cætero removemus; ipsum spatium ex nunc ab omni tumultu liberum scholaribus pro deambulatorio deputantes. Cæterum cogitantes de impletione sancti desiderii pro salute antecessorum nostrorum, & nostræ, quatenus quoque Viri scientiis & doctrinis altis præditi saltem spe alicujus certæ promotionis allecti amplius provocentur, dictum Universitatis nostræ studium accedere, ibique ad eruditionem fidelium laborare, ordinamus. Quòd deinceps

seps

seps de octo Canonicatibus , & prabendis Collegii nostrae
 foundationis in Ecclesia omnium Sanctorum , alias S. Ste-
 phani Wiennensi proximè vacaturis , & tunc , & ite-
 rum perpetuò totiens quotiens easdem vacare contigerit ,
 disponi & provideri per nos ex successores nostros debeant
 solummodo pro Regentibus Magistris supra dicti nostri
 Collegii facultatis Artium juxta tenorem & formam
 literarum , quas ipsis super hoc assignavimus speciales ;
 & adjicimus ut Magistro Artium aliquo ad Canonica-
 tum & prabendam cum plenaria perceptione fructuum
 in dicta Ecclesia promotò suum vacet stipendium. No-
 lumus etiam quenquam Magistrorum Artium in pluri-
 bus Collegiis aut locis stipendia possidere. Amplius
 quoque in antiquis scholis ad S. Stephanum Artes libe-
 rales etiam publice legi statuimus per 4. prapipue Ma-
 gistros Artium alios à prædictis , eorùmq; unum ibi-
 dem esse Rectorem puerorum ; ipsos etiam 4. solariari
 perpetuò per oppidanos & communitatem dictæ Villa
 nostræ Wiennensis : sic videlicet , quòd illi , qui Rector
 Puerorum fuerit ; annuatim triginta duæ libræ præter
 accidentia chori S. Stephani , reliquis verò tribus , sin-
 gulis sedecim libræ Denariorum Viennensium persol-
 vantur. Præterea idem Rector Scholarium S. Stephani
 gaudeat nihilominus juribus & consuetudinibus præ-
 sentandi , aut constituendi Rectorem Scholarium ad
 S. Michaëlem , & in Hospitali , nec non & quibuscun-
 que aliis eo modo , quo alias id fieri est consuetum , du-
 modo paci & honori Universitatis non derogent præliba-
 ta. Idem quoque Rector , nec non aliorùmq; Schola-
 rium Grammaticalium Regentes , & scholares omnes ,
 & singuli , qui de Universitatis gremio esse voluerint ,
 juxta modum infra tactum Registro inscribi tenean-
 tur , & ita nostris gaudeant libertatibus & privilegiis
 hic descriptis. Cæterum ne supra dictis quoque 4. Ma-
 gistris stipendia Civitatis recipientibus per importu-
 nas fortè preces , aut alias quomodolibet intrudi va-
 leant futuris temporibus persona inutiles , sic disponi-
 mus ,

mas, ut quando unus eorum defecerit, Magister Civium ac Consules Rectoris aut aliorum 4. Seniorum de 4. Nationibus, vel 4. Procuratorum consilio utantur, de Magistro in locum vacantem subrogando, & quæ prædictis, Magistro Civium, & Consulibus, consilio præhabito, placuerit, iste debet absque contradictione assumi.

Mandat præterea prædictus Archi-Dux, ut Scholares & Magistri venientes ad Studium Viennense Rectori se sistant, eidem jurent, & dein in catalogum studentium referantur. Tradit etiam Rectori Universitatis auctoritatem constituendi sibi proprium Judicem pro civilibus causis circa scholares sibi subiectos. Vetat dein ne quispiam Judicium reum insequendo in Magistri vel Baccalaurei alicujus domum ingredia-
tur. Quòd si à Judice Scholaris capiatur, deque eo testetur Rector, eum Universitatis matriculæ inscriptum, reddi eundem illico ac sine mora præcipit. Indulget præterea, ut Universitas unum ex illis duobus, quos Dux consilio oppidanorum solet adjungere, eligat in conservatorem & Executorem libertatum & privilegiorum suorum. Obstringit rursus Successores suos omnes Principes, ut præmissa omnia Universitatis privilegia integra semper inviolatæque tueantur, utque id ipsum initio sui Regiminis spondeant, & adpromittant. Ac demum de supplicationibus Cleri Solennibus subjungit sequentia.

Ordinamus insuper, quod Processionibus Cleri solennibus, videlicet in Festo Corporis Christi, nec non funeralibus aut susceptionibus Principum, Rector Universitatis unà cum omnibus Magistris, Doctoribus, & Scholaribus præsentialiter debeant interesse hoc modo, quòd Universitas cæteris non misceatur, sed à latere dextero Collegii omnium Sanctorum ordinatè procedat, sic quòd Rector ex aquo correspondeat Præposito dicti Collegii, & conjunctim suo ordine incedant Magistri,

Baccalarei singularum facultatum, prout & Parisiis observatur. In aliis autem processionibus Rector S. Stephani loco, & ordine debitis, & consuetis.

Rati habuit hæc Privilegia ab Alberto concessa; eisque subscripsit Leopoldus Archi-Dux. Pilgrinus etsi non nihil tardiùs Archi-Episcopus Salisburgensis; Barones item Austriæ; ac Senatus Civium Viennensis.

His ipsis in Privilegiis cum 4. Nationum mentio incidit; de iis quoque ad benevoli lectoris notitiam pauca hæc subungere placuit. E mente nempe Alberti has quatuor in Nationes Universitatem hanc omnem divisam esse; quarum quælibet diversas Provincias complectitur; ut ex verbis Alberti hic à me subjunctis patebit.

1. Ordinamus quod omnes Magistri, & Scholares de nostris terris, & Dominiis existentes, annumerentur sub una Natione unà cum sibi adjunctis Provinciis; scilicet Patriarchatu Aquilegenfi; Diœcesi Tridentina; tota Italia, ac cum aliis Provinciis & districtibus Ultramontanis; quam vocari volumus nationem Austriæ; & eam inter ceteras esse primam.

II. Consequenter omnes Bavaros; Suevos; Alsaticos; qui non cadunt sub Dominiorum nostrorum aliquo; nec non etiam Rhenenses omnes ab origine Rheni usque ad locum sui casus in mare, volumus esse de una Natione; quibus addimus pariter Francones, & Hassones, si quæ fuerint de Provinciis inter Franconiam, & Bavariam aliisque superius nominatis, omnia quoque Regna & Provincias versus occidentem & meridiem, ut sunt Francia, Arragonia, Hispania, Navarra, Hollandia, & Brabantia. Hanc quoque vocari statuimus Nationem Rhenensium, & inter ceteras esse secundam.

III. Item omnes Ungaros, Bohemos; Polonos; Moravos Slavos cum omnibus sibi annexis in idiomatibus; Græcos quoque, esse volumus de una Natione, & hanc Ungaria appellari, & inter ceteras tertiam collocari.

IV. Item omnes Saxones, Westphalos, Frisones, Turingos, Misnenses, Brandenburgenses, Prutenos, Livonienses, Lusatenses, Pomeranos cum Regnis aliis ultra marinis, scilicet Anglia, Ibernica, Scotia, Suecia, Norvegia, & Dania ad unam Nationem statuimus, & hanc inter ceteras esse quartam.

Dedit & hoc eodem anno alias quoque literas Albertus, quibus statuta omnia, quæ Rector cum Procuratoribus senioribusque Nationum ferenda censuerit, vim legis obtinere decernit: quas etiam hic reddo.

Albertus DEI gratiâ Dux Austria, Styria, Karinthia, & Carniolia, Comes Tyrolensis, &c. Venerabilibus sincerè nobis dilectis Rectori & Universitati Magistrorum, & Scholarium nostri studii Viennensis salutem, & sincerum in Domino animum complacendi. Cupientes fundatione Studii literarum apud nos lucernam coruscantium doctrinarum atque morum laudabilium in salutem omnibus semper adaugeri profectum; intelligimus hoc ipsum minime posse fieri sine recentibus & rationabilibus statutis & legibus circa modum docendi & vivendi studere volentium. Ea propter desideranter exhortamur, & consultè volumus, ac mandando ordinamus, quòd quid ritè decreverit circa præfati nostri studii dispositionem, & ordinationem in prædictis Congregatio Doctorum, Magistrorum graduatorum, Procuratorum, & aliorum virorum discretorum, quos ultra prædictos Rector causâ consilii decreverit ad congregationem vocandos, censeatur nomine Universitatis factum, & vigorem habere statuti ab omnibus de Universitate inviolabiliter observandi, sub pena nostra indignationis, atque publica resectionis à nostra Universitate talium transgressorum. Et idem volumus de statuendis à qualibet Facultate cum ejus Decano respectu suppositorum cujusvis determinata Facultatis adjicientes, ut singula Facultates majori stringantur nexu, & solidiora earum habeantur statuta. & statuenda, quod ipsum dictum Universitatis consilium habeas

beat approbare. Datum Vienna quinta die Mensis Octobris Annô Domini millesimo trecentesimo octuagesimo quarto.

Ex his hucusque à me adductis advertere velim — lectorem benevolum jam à prima sui creatione ab Urbano V. inchoata Universitatem hanc nostram floruisse plurimis viris eruditionis famâ clarissimis, jamque aut confirmationem illius ab Urbano sexto factam Magistrorum Doctorumque insignia atque dignitatem bene meritis esse concessam collatamque, ut patet ex laudati Pontificis verbis: *Cum autem, &c. studium generale in prædictis facultatibus in eadem villa introductum per DEI gratiam felicibus successibus usque ad moderna tempora semper de bono in melius perseverans multipliciter auctum sit, adeò quod retroactis temporibus multi eximii eisdem facultatibus Viri profecti inde prodierunt, & prodeunt cotidie ad magnum decus & præsidium universalis Ecclesie, & Reipublice, ac ad præsens solenne & frequens existat, &c.* Secundò etiam in literis suis Albertus potestatem concedat condendi leges & statuta Rectorum Procuratoribus ac Facultatibus singulis, haud tamen credendum esse statutis ante id tempus Universitatem caruisse (quæ enim literaria hæc Respublica aut regi sine legibus, aut ad tantam famam assurgere potuisset) voluisse igitur solum Archi-Ducem, ut vel priora statuta sua, si quid in illis minus ritè expensum fuisset, Universitas Facultatesque singulæ immutent, aut novas etiam utilioresque leges adjiciant. 3tiò Privilegia omnia ab Alberto & concessa, & aucta, & statuta Universitatis propè singula ad Parisiensis Universitatis normam esse concinnata. Quem in finem Parisiensis etiam Universitatis Privilegia quædam ac statuta ex Originalibus excerpta huc delata sunt, quæ in Cæsarea Bibliotheca adservantur, quæ etiam Lambecius in comment. de Biblioth. Cæsar. l. 2. c. 5. p. 241. attulit. Illud demum 4tò observatu di-

gnum censeo, hactenus Magistratum Universitatis annuum fuisse. At ab hoc tempore per nova statuta ita ordinatum, ut in annos singulos bini Rectores Universitati, bini Procuratores Nationibus ac totidem Decani Facultatibus præessent, quorum primus in Festo S. Tiburtii, quod in diem 14tam Aprilis incidit, alter in Festo S. Colomani, 13. scilicet Octobris communibus suffragiis eligeretur. Quare hoc jam Annò duos Rectores Universitatis statuimus, scilicet M. Golomannum Kolb, quemadmodum Proëmium in statuta Universitatis testatur his verbis: *Igitur nos Cholomannus Rector dictæ Universitatis Doctores & Magistri, ceterique ut præscribitur, &c.* Alterum Joannem Plebanum in Mergen Canonicum Viennensem & Pataviensem, statuit quidem Sorbait. Sed eum primò sequenti annò præfuisse Universitati, Acta facultatis artium antiqua testantur.

Obiit hoc anno Wicleffus pridie Kalend. Junias die S. Thomæ Cantuariensis paralyfi percussus, in quem multa blasphemia dicere paraverat, tumulatusque est in paræcia sua Luttlevorâ, donec jussu Constantiensis concilii rursus exhumatus, flammisque est traditus.

Anno 1385. coactis per Decanum Dominum Magistrum Stephanum Ecclesiæ in Mosbach Parochum Artium Magistris, nomine Archiducis Alberti Rector Universitatis, qui tunc erat Joannes Mergen Canonicus Pataviensis, petiit, ut Facultas Artium proximè bene de literaria re meritis honorum insignia conferret; illòsque ad examen pro licentiatus gradu obtinendo promoveret. Non requit facultas voluntati Principis votisque subscribere, verùm quia jam diu illis quædam inter eam, & R. Dominum Præpositum Ecclesiæ S. Stephani Georgium nempe de Liechtenstein Universitatis Cancellarium intercesserat de Magistris constituendis, qui licentiandorum scientiam periclitentur. Hinc Notario publico, advocato Facultas protestata est, se hac vice ob reverentiam Prin-

cipis quidem in certum modum cum Cancellario consensuram salvis tamen privilegiis & jure omni, quod ex Pontificiis sibi literis concessum est. Conven-
nerunt etiam subinde M. Joannes de Ruspach & M. Joannes de Bremis cum M. Stephano de Enzerstorff Facultatis Decano ad viam modumque excogitandum quo res cum Domino Cancellario componeretur. Quos inter aderat quoque Henricus de Hassia S. Theologiae Professor, qui cum in hunc modum consensit Decanus, quod nempe, (verba sunt Actorum facultatis Artium) *proxima die Martis Cancellarius tentamen concedat aperiendum, & quod Prapositus Tentatorem ordinet, qui tentatos propriis in personis Facultati artium praesentabit, & postea facultas ipsos tentatos sic praesentatos habet approbare & ulterius ipsi Cancellario recommendare.* Octava dein Maji Examinatores nominati sunt, qui in certa statuta ab iisdem observanda praesente Decano jurarunt, ac tandem probatis jam antea rite Baccalaureis ultima ejusdem mensis die Dominus Henricus de Hassia Cancellarii vicesum gerens licentiam impertivit, qui primus post confirmatam Universitatem in Facultate Artium collatus honoris gradus fuit.

Mortuo tribus abhinc annis Ludovico Hungariae Rege, ejusque rei nuncio in Siciliam delato Rex Carolus cognomento parvus hoc anno in Hungariam movet, qua de causa Mater Elisabetha cum Maria Filia, quae jam antea Regina ab Hungaris salutabatur pactas olim à Parentibus nuptias cum Sigismundo accelerant. Verum rebus suis diffidens Sigismundus in Bohemiam recessit. Hinc Proceribus seu metu compulsis, seu conciliatis Carolus in Regem coronatus est, quamvis ut non nulli volunt malis auspiciis, quae futurae calamitatis haud obscura praeferebant.

Sequenti hinc annò 1386. cum jam Hungaros facti aequè sui pæniteret, ac tæderet Regis, à Blasio Forghachio Carolus graviter in capite sauciatus, atque à Ni-

colao Garo Palatino Seditiois Autore in carcerem detrusus est, ibidemque faucibus constrictis, venenôque admoto oct. idus Februarii interiit. Sed charo mors ea Reginis fletit, cum enim securiores sui, quàm tempora ea, subditorumque ingenium admittebat, sine militum manu ad inferiores Regni partes concederent, ab Horvato Croatiae Præfeto Caroli olim Duce captæ sunt, ac Socii quidem repugnantes ferro enecti, Elisabetha ore obstructo in fluvium, Maria in carcerem missa est. Adfuit tamen haud morâ Sigismundus, qui in Horvatum expeditione suscepta Mariam Reginam Uxorémque recepit, Horvatum verò dignò tanto crimine suppliciò affecit. Vetus quoddam Chronicon ad hunc annum refert sequentia:

Hoc annò Dux Leopoldus Frater Alberti Ducis Austriae in translatione S. Nicolai interfectus est cum centum & 24. Baronibus, exceptis aliis militibus & servis infinitis apud Turegum in populo, qui dicitur Sweinzer, & est sepultus in Chunigsveld. Eodem annò filius ejus Wilhelmus Dux expulsus est à Krakovia ubi tunc Rex habebatur.

Fusiùs hanc cædem describit Haslbach, Scriptor Synchron. his ipsis verbis: *Interea quidam rustici & populares vocati Suitenses, sui (intellige Leopoldi) naturales, & domûs Austria subditi in valle, montibus, & lacu Lucernensi vallati de paucis villagiis, Cella, Stein, Aldorff, Schwiz, Morbach, quarum Ecclesiarum & jus Patronatûs ad ipsum pertinebat, similiter rebellionem contra ipsum intenterunt, & quadam loca sua temporali ditioni subiecta in deditionem susceperunt. Quod dum vindicare decrevisset dictus Princeps collectis suis paucis numero, se versus Sembach oppidum recepit. In qua via dum quosdam de Suitensibus comperissent, & eosdem sine ordine aggressi fuissent, prostermentes multos de adversariis, tandem adversariis præfatis prævalentibus lugubrem Princeps audivit clamorem: Retta Ostereich, Retta. Videns quoque flebilem suorum*

suorum causam, hortatus est voce Patria suos milites ad aliorum suorum succursum, ad quem dum quosdam lentos conspiceret, ipse de equo prosiliens animosè irruit, & venit in hostem, ibique utrimque magna virtute certatum est in conspectu plurimorum in equis insidentium & tandem fugâ lapsorum. Illustris quoque Princeps cecidit, & de suis militibus ex suis nobilibus centum viginti, &c.

Hoc eodem annò Wilhelmus Leopoldi Archiducis filius, cùm eidem à Lituaniæ Duce Jagl nomine, qui dein Ladislai nomen assumpsit, & Poloniæ Regnum, & sponsa Maria Ludovici Hungariæ Regis filia junior erepta esset, Viennam venit atque cum Alberto tertio de terrarum divisione suo fratrûmque nomine egit, ut testantur literæ, quas ab Haslbachio citatas hic reddo.

Van erst, das unser Herr und Vetter Herzog Albrecht sich unser, und Geschwistratt, unser Landt, undt Leuth Nuz, Krieg, undt aller Geldt-Schuldt genzlich unterwunden, undt angenommen hatt, item das er sich, und aller Geschwistrat Fürstenthumb, Land undt Leuth alle inhaben, verwesen, ausrichten, nuzen, und niefen soll, vollkomblich damit zue thun, undt zue lassen mag all sein lebtag: undt sollen wier, undt unser Geschwistrat, und all unser Erben, und unser Landt undt Leuth, oder ander jemant von unsertwegen, da entgegen kein Widerredt, undt wider treiben nicht haben noch thuen in keiner Weise. Auch soll er uns undt unser Brüeder, undt die hochgeborne Elsbeten unser Schwester inhaben, und ziechen, und uns mit Heirath versorgen, nach seinen Ehren, undt unser Würden getreulich als sein eigen Kinder. Und wan der Allmächtige GOTT gebeuth, das er von diser Welt scheide, so sollen wier Herzog Wilhelm, oder wer dan unsere ehegenanten Vottern Söhn die er hinder ihm lasset, undt unsern Brudern, der elter ist, die andre gschwistrat alle, und unsers ehegenanten Vottern, und

unser Kinder Sohn und Töchter, und unser Landt inhaben mit allen ihren Würden, und Gewalten, das sie zue 16. Jahren komen. Es ist auch geredet, wen der hochgebohrne Fürst unser lieber Vetter Herzog Albrecht der jung unsers lieben Vetters Herr Albrechts des ältern Sohn, oder ander desselben Sohn, ob er die hinter ihm leßt, zue ihren vollen Jahren komen von unsers Brueder Herzog Leopold, oder von andern unsern Brueder ihr Theil haben wolten, so sollen alle Landtherrn unser Landt beiden halben ihren Fleis undt ihr Bestes thun; und uns alle weisen, als fern sie mügen, damit wier beidenthalben freuntlich, und beides Theils einander ungetheilt bleiben mögen. Möcht das aber nicht sein, so soll des vorgenanten unsers Vetters Herzog Albrecht des Jungen, oder anders seines Brueders, unser älter Vetter hinter ihm ließ, das Landt undt Herzogthumb gefallen zue Österreich in aller Maß und Weiß, als dem jezt bemelten unsern Herrn und Vettern an der Theilung von des obgenanten unsers lieben Herrn undt Vatter Leopold seeligen an der Theilung gefallen ist, nach laut der Theilbrieff darum gegeben, undt detsgleichen wan wier, oder unser Brieder einer zue sechzechen Jahren komen, so mögen wir auch unsern Theil fordern nach laut der Theilbrieff, die da ganz sollen unzerbrochen bleiben, und nachdem die Theilung erfordert wird, ganz Crafft haben, undt da ist aufgenommen die Herschafft zue Hohenberg, zue Veldtkirchen, undt zue Leisten, die Herzog Leopold gekaufft hatt, &c.

Licentiandi eodem quoque Anno fuerant Baccalaurei Artium, at quia eadem, quæ priori anno inter Cancellarium & Facultatem lis erat, hinc in consilium vocato Episcopo Frisingensi Bertoldo Wehinger Universitatis hujus Alumno quondam & Magistro in Artibus creato, præsentē etiam M. Henrico de Hassia, in hunc modum deinceps servandum ambæ partes convenēre; ut Acta ejusdem Facultatis referunt:

Ut facultas Artium convocet suos Baccalaureos ad examen presentandos, & scitis illis, qui se volunt examini subijcere, Decanus cum quibusdam Magistris facultatis nomine accedat Prapositum Studii Cancellarium, & supplicet, ut placeat sibi examen & tentamen operire, & presentet sibi illos Baccalaureos ad tentamen. Cancellarius vero eligat de eorum Nationibus 4. Magistros examinatores cum quibus sit Decanus Facultatis Artium ex Officio. Qui 4. Magistri Examinatores cum de 4 nationibus electi jurare habeant Facultati, quod se habeant fideliter tentando, & examinando, ut in formula continetur.

Dati sunt præterea die 23. Decembris à Rectore Colomano Kolb & ejus Officialibus Magistri, qui statuta facultatum recens condita & reviderent, & approbarent.

Hoc anno 1387, gravis lis orta est inter Facultatem Artium, & Universitatis Rectorem, qui fuit M. Colomanus Kolb, ob studiosum quendam Facultatis Artium, quem Laycorum armata manu è Facultatis Bursa extractum detinuit, nec eum post multas Decani Magistrorumque in Artibus preces reddere voluit, quin rogatus, ut Universitatem convocaret, quæ communibus suffragiis litem dirimeret, id se facturum negavit. Quare Decanus Artium, qui tum erat M. Ludolphus, ceterarum Facultatum Decanos, Nationumque Procuratores adiit nomine Facultatis Artium petens, ut quod Rector Universitatis renuit, ipsi consilium Universitatis cogerent, multasque contra eundem querelas proposuit. His verbis, quibus acta Facultatis referunt. I. *Quod licentiam dedit Laico ad querendum in Bursa scholarium Facultatis, scholarem Facultatis Artium armatis manibus, in quibus videtur fecisse contra Privilegia & Statuta, quæ ipse per Juramentum suum deberet defendere.* II. *Quod secum in iudicio utatur aliorum consilio, & prætereat Decanos & Procuratores, quod iterum est contra unum Statutum*

tutum Universitatis. III. Quòd incarcerare fecerat prædictum Scholarem Facultatis sine consensu Decanorum & Procuratorum, & non auditis saltem illis, quod iterum est contra statutum quoddam Universitatis. IV. Quòd prædictum Scholarem ad instantiam Facultatis dimittere recusavit, licèt ipsa pro eo fide jùbere voluisset de stando Furi. V. Quòd ob solam contumaciam fecit scholarem hunc incarcerare, qui solùm citatus fuit pro debito unius floreni, qui tunc propter infirmitatem comparere non potuit. Verùm antequam Universitatis senatus conveniret, à Rectore scholaris ille è carcere dimissus est, sicque pax rediit agentibus aliarum Facultatum Decanis ac potissimum Henrico de Hassia offensos utrimque animos ad quietis studium adhortante. Godefridus tamen de Wila, qui jussu Rectoris armata manu Bursam ingressus est per medium annum ab omnibus Facultatis actibus est suspensus, nisi veniam delicti ab eadem obtinuerit.

Accessit hoc anno partibus Clementis Carolus tertius Navarrae, & Joannes Aragonum Rex. Quare tot Principum in se studiis fretus Clemens concilium cogi generale petiit, in quo suum & Urbani jus decideretur. Sed obstitisse Urbanus VI. dicitur.

Anno 1388. Facultas Artium statuit, ut deinceps tam Magistris, quàm Baccalaureis regere Bursas, & præesse Scholarium domibus fas esset, ea tamen ratione, ut Baccalaurei priùs à facultate regendi Bursas veniam obtineant. Dati sunt præterea novi Deputati, qui ejusdem Facultatis Statuta, ac leges sancitas revideant, antequam ea ab Universitate approbentur, an communibus Universitatis legibus consentiant. Quorum nomina in actis reperio sequentia: Decanus Facultatis Artium M. Georgius Sternberg. M. Bernardus Canonicus ad S. Stephanum tunc Rector Universitatis. M. Stephanus. M. Lambertus, & M. Michaël de Wazia.

Ad eundem annum Bulæus to. 4. hist. Paris. Univers. pag. 635. refert vel erectam, vel confirmatam esse Universitatem Colonienfem, quamvis multos adducat, qui antiquiorem eam velint. Verùm quidquid alii sentiant, diploma certè Urbani IV. hoc tempore editum non confirmatam, sed erectam eam Universitatem apertè indicat, cujus partem aliquam hìc dabo.

Urbanus Episcopus Servus Servorum DEI ad perpetuam rei memoriam.

IN *suprema dignitatis Apostolica specula superni dispensatione consilii licèt immeriti constituti ad universas fidelium regiones nostra vigilantia creditas, earumque profectus & commodata tanquam Universitatis Gregis Dominici pastor, commissa nobis speculationis aciem, quanto nobis ex alto permittitur, extendentes, &c. (& post pauca) nos pramissa attendentes, & etiam fidei puritatem, & devotionem eximiam, quam dilecti filii Consules, Scabini, Cives, & communitas Civitatis Colonienfis devoti nostri & Ecclesia Romana filii, ab olim ad ipsam Ecclesiam, & nos habuisse dignoscuntur, illamque successionē temporum de bono in melius studuerunt augmentare, dignum ducimus, & aequitati consonum aestimamus; ut Civitas ipsa, quam Divina gratia multarum prerogativā bonitatum, & fecunditate virtutum gratiose dotavit, scientiarum etiam ornetur muneribus, & etiam amplietur, ita ut viros producat consilii maturitate confpicuos, virtutum redimitos ornatibus, ac diversarum Facultatum dogmatibus eruditos, sitque ibi scientiarum fons irriguus, de cujus plenitudine hauriant universi, cupientes imbui documentis. Præmissis igitur diligenti examinatione pensatis, non solum ad ipsius, sed etiam Regionum circumjacentium incolarum commodum, & profectum paternis affectibus anhelantes, dictorum etiam Consulum, Scabinorum, Civium, & communis gratiam no-*
stram

stram suppliciter implorantium in hac parte devotionis supplicationibus favorabiliter annuentes ad laudem Divini nominis & fidei propugnationem orthodoxa Apostolica Autoritate statuimus ac etiam ordinavimus, ut in dicta Civitate Colonienſi sit de cetero studium generale instar studii Parisiensis, illudque perpetuè futuris temporibus in ea vigeat, &c. (& rursus post pauca) insuper & Civitatem & studium præfatum ob profectus publicos, quos exinde provenire speramus, amplioribus honoribus prosequi intendentes, Autoritate ordinamus eadem, ut si qui in eodem studio Colonienſi fuerint, qui processu temporis braviū meruerint in illa facultate, in qua studuerunt, obtinere, sibi que docendi licentiam, & alios erudire valeant, ac Magisterii, seu Doctoratus honorem possint elargiri, &c. (claudit tandem has ipsas literas) his verbis.

Datum Perusii duodecimo Kalend. Junii Pontificatus nostri anno undecimo. Quibus certè è verbis ac toto diplomate, quod videri potest apud Bulæum loco laudato, nihil de confirmatione dicitur, sed omnia non obscure indicant recens erectam Universitatem. Ut proinde merito credat Bulæus literas ibidem Disciplinâsque varias floruisse, at nondum autoritatè Summorum Pontificum approbatas.

Scribunt quoque complures; eodem hoc anno erectam fuisse Heidelbergensem 18. Octobris, ejusque primum Rectorem 17. Novembris creatum M. Marfilium de Inghenheim. Trithemius tamen ad annum 1386. rejicit, cujus verba subjungo. Item Rex memoratus Rupertus antequam sublimaretur in Regnum, anno Godefridi Abbatis Hirsaugiæ sexto, qui fuit Dominicæ Nativitatis 1386. Gymnasium Universale in opido præscripto Heidelberg instituit, fundavit, & copiose providit, quod Urbanus Papa Sextus concessis privilegiis consuetis approbavit. Cujus Gymnasii Rector primus & literarii certaminis Institutor fuit, à Schola Parisiorum rogatus Principis evocatus Marfilius

de

de Ingen. Doctor in Divinis suo tempore multum eruditus, de cujus elucubrationibus mentionem fecimus in eo volumine, quod de Ecclesiasticis Scriptoribus composuimus &c.

Anno 1389. Romæ 3. Id. Octob. Urbanus VI. Pontifex Maximus (ut habet ejus Epitaphium apud Summontium, citatum à Spondanno ad hunc annum) obiit, postquam Ecclesiæ præfuiſſet annis undecim, mensibus sex, ac quidem non sine suspitione veneni, à quo sibi, ut caveret, à S. Catharina Senensi monitum eum aliquando fuisse nonnulli Scriptores asserunt. Postridie obitus Urbani VI. ut Giaronius in Bonifacio IX. Romæ in Basilica Vaticana novemdialibus sacris celebrandis Patres initium dederunt, dièque proximo Missâ Spiritûs S. decantatâ iidem comitium in-eunt. Scissa sunt primo scrutino 14. Cardinalium vota, sex Florentino & totidem Poncello Urſino fa-ventibus. Sed restauratis rursus comitiis ad IV. Non. Novemb. eodem hoc anno communibus suffragiis electus est Petrus vel Perinus Tomacellus Nobili, etsi paupere familia Neapoli ortus, qui 3. Id. Novemb. dein cum Pontificiis insignibus nomen quoque Bonifacii XI. assumpsit.

Circa hoc idem tempus Facultati Juridicæ ampla illa domus, quam vulgò Scholam Juristarum dicimus, ex liberalitate Serenissimi Principis Alberti III. Archi-Ducis Austriæ accessit. Confirmata præterea sunt 4.ta Mensis Aprilis eodem anno, emendata, & correctâ Facultatum singularum statuta, quæ vim dein legum ex speciali Archi-Ducis privilegio superiùs à me adducto obtinuêre. Revisores eorum dati sunt sequentes, uti in Actis Facul. Jurid. reperi. Ex Facul. Theologiæ Henricus de Halsa, & Henricus de Oyta. Ex Facul. Juridica M. Henricus de Odendorff utriusque Juris Doctor, & D. Joannes Reutter Licentiatuſ in decretis. Ex Facul. Medica M. Joannes Gallicus de Wratſlavia, & M. Cunradus de Schinerſtatt. Ex Facult.

Facult. tandem Artium M. Petrus Plebanus in Pilichdorff, & M. Lampertus de Geltia. Contra quæ tamen statuta, quia paulò pòst à quibusdam Magistris Artium haud leviter peccatum est, hinc magna eodem anno inter Facultatem eandem, & quosdam Magistros!dissensio orta est, quam breviter exponam, Accusabatur M. Wilhelmus cognomine Anglicus, quòd sæpius reprehensus ac monitus, rursus contra jusjurandum, quod Facultati præstitit, arcana quædam, quæ in ejusdem consilio pertractabantur, aliis revelaverit; item quod inscia Facultate dispensârit cum quibusdam Scholaribus de defectibus librorum, quæ dispensatio ad solam Facultatem ex ejusdem statutis pertinet. 3.iò quod non præmissò, ut moris est, juramento ausus sit scholares examinare pro Baccalaureatûs gradu. Ac demum, quòd ad consilium Facultatis venerit occultis armis instructus. Quæ quia abundè probata fuerant, Facultas eundem M. Wilhelmum è suo conventu exclusit, nisi sufficienter caverit, se pœnam à Facultate statuendam expleturum, satisfactoriumque eidem de legum contemptu tam gravi tàmque vario. Promiserat id omne coram Notario publico M. Wilhelmus, duòsque secum Magistros adduxit, scilicet M. Conradum Medicinæ Doctorem, & M. Colomanum Kolb Baccalaureum in Theologia, qui stipulata manu sese Facultati obstrinxerunt ea ratione, ut si M. Wilhelmus pœnam sibi ob delicta infligendam subire recusaret, illi ipsi ab ipsa Universitate excludantur, centùmque libras denariorum teneantur persolvere, quarum pars una Universitati, altera Facultatis fisco tradenda esset. Mitigata his Facultas M. Wilhelmum rursus recepit. At cùm neque is pœnam subire, nec Fidei jussores dicti promissis stare suis deinceps vellent, cùmque M. Colomanus palam dicere ausus sit M. Wilhelmum Anglicum iniquè à Facultate ad pœnam datum, hinc uterque ab omnibus Facultatis consiliis, ejusque actibus

bus denuò suspensus. M. verò Conradus ad Rectorem Universitatis citatus est, ut ad pecuniam, quam se persoluturum sponderat, reddendam cogere-
tur. Dum hæc geruntur 16. Maji ad consilium Fa-
cultatis Artium venêre M. Henricus de Hassia, &
Henricus de Oytha Theologiæ Professores, & Henri-
cus Odendorff Juris Utriusque Doctor, qui multis
precibus egerunt, ut M. Wilhelmo, & M. Colo-
mano Kolb pœnam, aut partem saltem illius Facul-
tas remitteret. Cùmque ad id ipsum Reverendissimi
Frisingensis Episcopi preces accessissent, Facultas tan-
dem iis ipsis tribus Doctoribus suos quoque Magi-
stros aliquot adjunxit, qui negotium hoc omne pleno
jure pertractarent, à quibus & res omnis strenuè con-
fecta est, ut sequenti anno referam. Nomina verò
eorum, qui ad hoc per Facultatem delecti sunt,
in Actis reperio sequentia: M. Joannes de Premis,
M. Henricus de Treyfa, & M. Nicolaus Hoënhartz-
kirchen.

Die 13. Junii M. Joannes de Gallia Rector & Medi-
cinæ Doctor Universitatem coëgit, ad statnendum
modum ac ordinem in supplicatione publica servan-
dum, quæ ex præscripto Alberti Archi-Ducis annis
singulis in festo Theophoriæ ab Universitate quoque
facienda erat, & conclusum est in hunc modum.

*Ut primi post vexillum irent Baccalaurei in faculta-
te Artium cum suis Scholaribus. Dein Baccalaurei Me-
dicinæ cum scholaribus. Dein Baccalaurei in decretis
cum suis scholaribus, Dein Baccalaurei Theologiæ cum
scholaribus suis. Hinc Magistri in artibus cum suis
licentiatis. Hinc Doctores Medicina cum suis Licen-
tiatis, dein Doctores juris pariter cum suis licenciatis,
ac demum Doctores Theologia cum suis licenciatis, qui-
bus Doctoribus statim deberent adjungi Nobiles, Illu-
stres.*

Conclusum quoque in eodem Universitatis consilio
fuërat, ut mittatur Rotulus ad Romanam curiam,

utque à novo Pontifice novi quoque favores ac privilegia Universitati impetrentur, ac præcipuè Bulla, per quam fructus omnes & proventus Beneficiorum Ecclesiasticorum Universitatis hujus Magistris & studentibus percipere liceat. Verùm hoc non nisi sequenti anno perfectum est, ut inferius patebit.

Hoc anno 1390. causa Rotuli plenè expedita est, primusque Rotulus ad curiam Romanam missus, eo, quem subjungam modo. Cùm enim disceptatum diu esset, an communi nomine Universitatis ejusque expensis mittendus esset cum Rotulo Nuncius, qui omnium Facultatum negotia Romæ ageret, an verò singulæ Facultates singulos nominarent, suisque mitterent sumptibus, qui omnes Universitatis quidem communi studio, singuli tamen singularum Facultatum res agerent: Juridica & Medicorum Facultas ad primam potissimum partem, Theologica verò & Artium ad postreimam propendere videbantur. Sic divisis studiis cùm concludi nil posset, litis Arbiter Dominus Frisingensis Episcopus est nominatus, qui auditis utriusque partis rationibus ita statuit, ut Acta Univ. referunt.

I. Quod Facultates volentes, & potentes mittere, mitterent nuncium vel nuncios, ad ipsarum voluntatem. II. Quod illi iidem Nuncii esse deberent, & censerì Nuncii communes Universitatis & quod Universitas describeret officium & juramenta eorum, & ab eis reciperet, antequam arriperent iter ad Curiam Romanam. III. Quod si esset aliqua Facultas vel Facultates, qua nollent, vel non possent mittere Nuncium, quòd illa libera esset adjungere se cuilibet aliarum Facultatum, & quòd receptam pecuniam à suppositis sue Facultatis eidem Facultati, cui se adjunxit præsenteret. IV. Quòd quilibet Facultas mittendis suis Nunciis singulariter provideret de expensis suis, quod erit opportunum. His sic peractis delecti sunt in rotulatores, de 4. Nationibus, quorum quilibet à membris Nationis suæ pecuniam pro

pro Nuncio mittendo colligeret, eorūque nomina Rotulo inscriberet, eisque sequentia praelecta sunt, in quā jurarent.

I. Quòd à Magistris, Baccalaureis, & Scholaribus sine dolo, & fraude pecuniam diligenter colligent, & observabunt ad bonum usum Facultatum pro rotulo aut aliàs, si quas ad manus ipsorum contingat pervenire. II. Quòd non permittant alicujus Baccalaurei aut Scholaris suppositum rotulo inscribi nisi praesens sit. Si praesens fuerit, recipiant ab eo vel nomine ipsius duos florenos, si absens fuerit, tres florenos, aut equivalens, nisi fors ipsa facultas de praedicta rotulatione aliquem vel aliquos voluerit habere supportatos, & illos nominatim, & expresse duxerit ipsis assignandos: item quod pecuniam receptam sic exponent sine dilatione ad mandatum Facultatis, cū fuerint requisiti. Item, quod non exponant praedictam pecuniam ad propriam utilitatem, aut ad mandatum cujuscunque, nisi interveniat mandatum sive bonae voluntas Facultatis.

Item quandocunque nomine Facultatis ad faciendum computum fuerint requisiti: quòd tunc infra tres dies proximè sequentes faciant rationem praedictam Facultati de omnibus, quae exposuerunt, & receperunt.

Conditi sunt praeterea certi Articuli in quos jurare debebant Nuncii, priusquam Romam discederent, sūntque, uti in actis Facultatis Artium deprehendi, sequentes.

I. Quòd pecuniam à Facultate receptam exponent duntaxat in Facultatis ipsorum Ambassiatam concernentibus. Item quòd quilibet eorum in solidum ad expeditionem rotuli laboret, & si, quòd absit, contingeret, aliquem ipsorum quacunque occasione in via, vel aliàs deficere, alter vires deficientis ad honorem facultatis suppleat in singulis rotuli expeditionem concernentibus, & rationem de perceptis & expositis reddat, nec in tali casu superstes plures quàm unum habeat servos, sicut & quemlibet eorum præcisè uno servo expensis Facultatis volumus contentari. Item quòd de

pecunia recepta & recipienda pro eorum Ambassata infra mensem post ipsorum reditum faciant Facultati rationem, & superfluum, si quod fuit, restitutione infra eundem mensem facta ad arcam facultatis imponatur. Si autem unanimi consensu, & ordinatione Nunciorum Universitatis aliquis de nunciis Facultatis deputaretur pro Universitatis & rotuli factis in curia expediendis, reliqui redeuntes faciant rationem de perceptis & expositis, ut dictum est. Idem volumus, si alicui ipsorum post expeditionem sua Ambassata in factis suis propriis in curia contingat remanere. Item jurabunt, quod in negotiis eorum propriis expediendis, aut aliis sine rationabili, & legitima causa se in via non arrestent, aut aliquantulum tardent, sed accepto itinere dietas communes, & solitas peragant. Item nullus eorum pro vestitu ultra 32. florenos exponat. Si quis autem ipsorum sumptuosius voluit vestiri, de propriis impendat.

Abiêre subinde ineunte, ut quidem suspicor, Febuario Nuncii, inter quos (nam reliquorum nomina reperire non poteram) fuit M. Franciscus Medicus. M. Gerardus Canonicus ad S. Stephanum, & M. Lambertus Nuncius Facultatis Artium, qui duo postremi mense Julio Viennam redierunt, de progressu rotuli &que proximè expediendo certiolem Universitatem reddentes, statimque iis auditis de nova colligenda pecunia deliberatum est, qua literæ Pontificis, novos favores & Privilegia continentes celerius expediri, & obtineri Romana à curia possent.

Verùm cum per sequentes annos sæpius Rotuli faciendâ sit mentio, nè Lectorem illius imperitum relinquam, utque errorem Ederi in Catalogo Dectorum admissum detegam; qui Rotulum nil aliud quàm Sessionis & Processionis ordinem volunt, haud inutile duxi de eo pauca hæc subjungere. Erat nempe Rotulus nil aliud, quam Catalogus selectorum Virorum Universitatis, conscribi quot annis ferè solitus mittique
per

per nuncios ad Summum Pontificem pro beneficiorum Ecclesiasticorum impetratione, juxta eum ordinem, secundum quem conscripti fuerant. Originem vero hujus Bulæus, to. 4. hist. Universi, refert ferè sequentibus: Alexandrum 3tium Doctorum quidem virorum Catalogum sibi perscribi mandasse per Petrum Cardinalem S. Chrysogoni. At Joannis XXII. tempore, qui sedere cæpit Anno 1316. & sedit ad annum usque 1332. Rotulorum conficiendorum consuetudinem invaluisse: licet enim olim Pontifices viros doctos nonnunquam promoverent, non id tamen fiebat certa quadam ratione, & ordinaria. Cum ipsi beneficiorum absolutam non haberent collationem. Bonifacius VIII. usurpare sibi voluit jus ejusmodi, non tamen potuit. Joannes quod inceptum ab isto fuerat, perfecit. Ab ejus igitur tempore Parisiis conficiebatur Rotulus seu Catalogus nominandorum. Primis quidem temporibus sub initia tantum Pontificatus alicujus recenter promoti ad Papatum; dein singulis bienniis, postremo quotannis, aperiiebaturque communiter mense Decembri, & claudebatur sub finem Martii sequentis. Ad eum verò conficiendum sic procedebatur.

Primò singulæ Facultates, & nationes deligebant è suis Ordinatores Rotulorum duos, aliquando tres, nonnunquam etiam quatuor, quos in sui receptione jurare jubebant, se magistrorum catalogum conscripturos, & ordinaturos ex conscientia sua, nec indignos dignis præposituros. 2.dò illi sic instituti ordinabant Magistros in Rotulo secundum eorum antiquitatem, Regentiam, & præsentiam. Qui in gradu antiquiores erant, qui Regentes, qui præsentés, ceteris præferebantur, nisi aliquid obstatet. 3.tiò confectum Rotulum suæ quilibet facultati, aut Nationi præsentabant, approbarique & confirmari petebant. 4.tò Relecti & approbati Rotuli obsignabantur sigillis suarum quique Facultatum, & Nationum.

5. tō his ita confectis , Nuncii seu Portitores singulorum Rotulorum designati præstituta die proficiscerantur , non tamen absque consensu totius Universitatis. Qui mos , cum Parisiis diu ante receptus esset , ad nostram quoque Universitatem dein cum Privilegiis illius tractus est , ut ex prioribus à me relatis colligi poterit.

Expeditō , confectōque Rotulo lis quoque inter Facultatem & M. Colomanum Kolb componenda fuerat. Quare Dominica post Festum Corporis Christi ad congregatam Facultatem Artium venit M. Henricus de Hassia rogans , obtestānsque , ut Facultas rursus in suum consilium recipiat M. Kolb , retulitque iudicium Frisingensis Episcopi , qui arbitrabatur , quod causa hucusque inter M. Wilhelmum de Anglia & Facultatem agitata sopiri debeat. Enumeravit præterea plurima beneficia , quæ in Universitatis emolumentum M. Colomanus contulisset , atque etiam satis graviter eum punitum fuisse innuebat , quod vir non semel Universitatis Rector tanto tempore à Facultatis consiliis exclusus , ejectusque fuisset. Censuit Facultas tanti viri precibus indulgendum esse aliquid , atque Magistrum Colomanum rursus in suum senatum admittendum , eo tamen adjecto onere , ut statuto die M. Colomanus cum M. Henrico de Hassia veniat , errorēsque suos palàm deprecetur ; at cum ille comparere renuisset , negotium omne infectum remansit. Statuit etiam Facultas Artium , ut deinceps Disputatio quodlibetica à seniori in Artibus Magistro in annos singulos habeatur , multā etiam iis decretā , qui ordine ætatis & senii ad eam faciendam requisiti onus id assumere detrectaverint.

Duodecima Octobris rursus coacta fuit Universitas per M. Hermannum Lurz ejusdem tunc Rectorem , gravesque propositæ quærelæ contra Judicem Civitatis , & Sives aliquos , qui , nescio quo furore concitati , postes perfregerunt bursæ ejusdam studentium

um , atque ex illa Scholares aliquos per compita & forum vinculis oneratos in carcerem raptarunt , nec reddere eosdem , etſi à Reſtore admoniti voluere , quin imo quod innocuum quendam ſtudioſum , ad infame ſpectaculum hoc accurrentem , eorūque è manibus ceteros liberare volentem , fallente veſtigio prolapſum (glacies nāmq̃ tum erat , viæque lubricæ) multis vulneribus Judice minimè id facinus prohibente trucidaverunt. Quæ , cum juribus ac privilegiis haud parum repugnare videbantur , miſſus eſt ad Principem Albertum , ac Dominum Friſingenſem Episcopum Reſtor cum aliquot gravibus viris , nomine Uniuerſitatis rogaturus , ut autoritate ſua audaciam civium reprimerent , atque Uniuerſitatis jura deinceps inuiolata , integræque tuerentur , quod & deinceps abunde eſt præſtitum.

Anno 1391, novæ diſſenſiones inter Capitulum Viennenſe , & Facultatem artiū concitatæ ſunt. Licentiandi fors erant Baccalaurei ; At , quia præpoſitura tum vacabat , hinc ex Urbani VI. privilegiis Uniuerſitati conceſſis Canonorum Capitulum ad id munus obeundum Decanum ſuum delegerat. Ille viſis Baccalaureis 4. Examinatores quidem nominat , ſed præterita , neglectæque Natione Saxonica alterum ex Auſtriaca ſubſtituit. Hæc magna cauſa viſa eſt , ob quam tanto dein tempore inter utramque partem litigaretur. Miſſi præcipui Facultatis viri non ſemel , qui Decanum , & Capitulum Canonorum in meliorem partem ſecterent , miſſi qui Theologiæ Doctores , ac præcipuè M. Henricum de Haſſia , & Henricum Oyta conſulerent. Minæ intentæ etiam , nunquam Facultatem Artiū Baccalaureos ſuos hoc pacto ad Licentiatū gradum admiſſuram. Sed irrita cecidère omnia Decano ſua in ſententia perſiſtente. Tandem ſuadente rurfus M. Henrico de Haſſia , & quia Facultas nulum in Natione Saxonica Magiſtrum actu Regentem habuit , hac vice examen Licentiandorum ſe admiſſuram

suram spondebat, salvis tamen juribus omnibus, quæ integra se velle semper, nec hoc pacto ulla ratione amittere, ac violare coram Notario publico testabatur, adjecta simul conditione, si nempe in certum deinceps modum eligendi Examinatores Licentiandorum Dominus Præpositus consentiret. Nihil tamen in hoc negotio perfectum esse posterior annus ostendet. Statuit præterea Facultas Artium, ut, cum tot, tamque varii libri legendi essent, Magistri ejusdem libros deinceps sorte caperent, ea quidem ratione, ut quem primum fors tetigerit, ei quem vellet librum, sibi deligere, fas esset.

Anno 1392. Facultas Artium à novo Præposito Antonio id demum obtinuit, ut se in Examinatoribus Licentiandorum constituendis deligendisque Privilegia Facultatis veteremque consuetudinem observaturum sponderet; verum cum 6. Februarii eidem Baccalaurei sisterentur, dati quidem ab eo 4. Nationum Magistri sunt, qui Licentiandorum scientiam periclitarentur, at quorum unus actu Regens in Artibus non esset. Obnitebatur electioni huic Facultas fortissimè, nec Examinatores ad juramentum consuetum admittere voluit, causata, id præter veterem morem factum, nec in aliis unquam Facultatibus admissum, verba quoque Urbani VI. in Diplomate confirmationis adduxit, quibus jubet, ut Præpositus convocatis magistris Regentibus examinari ad magisterii gradum promovendos curet, è quibus id effici arbitrabatur non alios, quàm actu Regentes ad Baccalaureos examinandos admitti oportere. Obfirmatò nihilominus sua in sententia Præpositò, res ad Rectorem, qui tum M. Marguardus de Randegg Eystettenensis Canonicus erat, deducta fuit, rogatisque Magistris & Doctoribus Theologis ad id potissimum adlaborabat Facultas Artium, ut causam communem cum aliis quoque Facultatibus faceret. Et verò accrevissent vehementius discordiæ, nisi denuo M.

Hen.

Henricus de Hassia multis precibus mitigasset Facultatis Artium Senatum, eoque rem deduxisset, ut Facultas hac una & sola vice se ex singulari solum in Præpositum reverentia, & favore electionem Examinatorum ejusmodi, salvo semper inviolatoque jure suo coram Rectore, aliisque testibus, atque præsentem etiam Notario publico admissurum protestaretur.

In actis quoque Universitatis hoc eodem anno reperio literas à Curia Romana missas, quibus plurima privilegia Universitati nostræ à Summo Pontifice concessa sunt.

Hoc eodem anno Universitas Erfordiensis in Turingia erecta est teste Bulæo, cujus rationem adfert Trithemius sequentibus verbis Tom. 2. Chron. Hirs. fol. 295. *His temporibus Gymnasium universale, quod noviter ante paucos annos in civitate Francorum orientalium Herbipoli fuerat institutum, propter dissensiones continuas, quæ inter cives, & Episcopum vertebantur, valde caput debilitari, unde consilio inter se habitò Magistri, atque Doctores de translatione ad Erfordiam Moguntina Diæcesis oppidum Romani Pontificis impetravere consensum, unde mox ab eo tempore Bonifacio Papa IX. annuente domus in Erfurd pro susceptione Scholasticorum comparari, & edificari ceperunt, (& post pauca) de causis verò desolationis memorati Gymnasi Herbipolensis sic quidam eo tempore dixit:*

Balnea, census, amor, lis, alea, crapula, clamor

Impediunt multum Herbipolense studium.

Sed à malevolo nempe hæc dicta fuisse arbitror, nunquam enim, uti virtuti, ita & literis hostes desunt ac æmuli.

Idem Autor fol. 34. universale hoc studium antequam Erfordiam transferretur per quatuordecim ferè años Herbipoli ab erectione sua durasse asserit. Ex quo patet ejusdem prima initia Herbipoli jacta ad annum 1378. fuisse.

Continuatæ sunt hoc anno 1393. priores inter Cancellarium, & Facultatem Artium discordiæ, cum ille quidem non nisi Regentes in Examinatores se delecturum assereret, at ex sola in Facultatem benevolentia, nullo, ut isthæc volebat jure prætenso. Hinc tota rursus causa ad Universitatem, Rectorisque consilium deducta est, statimque à Rectore missi sunt primarii aliquot Universitatis Viri, qui Cancellarium adhortarentur, ut è veteri more, Decessorumque suorum è consuetudine Regentes deinceps ad periclitandos Baccalaureos Artium deligat, aut ut unâ cum Facultate Romanam nuncium mittat, ad declarandam Bullam Urbani VI, quam utraque pars tanquam sibi faventem opponebat. Cancellarius clara se Bullæ verba, sensumque habere, nec Romam se ejus declarandæ causâ missurum dicebat, ac præproperè Viennâ discedens, longiùs extra urbem moratus est. Quare & absente illo Facultas quoque haud mittendos ad Pontificem nuncios censuit, suadentibus id maximè aliarum Facultatum Doctoribus, ac opem suam laborémque omnem promittentibus, ut Cancellarius, ubi redierit, in certum modum Facultati placentem consentiret.

12. Junii coactus rursus est Universitatis Senatus ad audienda nova Statuta Alberti Archi-Ducis, quæ actis inserta reperi, suntque sequentia.

Civica ratio suadet, jus ac æquitas exposcit, leges Divina & humana: ut filii Parentum obtemperent imperiis discretorum, & Discipuli in perplexis eorum causis, & negotiis suorum auxilia amplexentur magistrorum, à quibus non solum doctrinam, sed & laudanda conversationis formam habent recipere; hinc est, quod providere cupientes supplicationi nostræ Universitatis in Processibus causarum, & minus cautis & expertibus in prosecutione injuriarum impertinentioribus, nec non protervis, & discolis vias præcludere volentes, vexandi Laycos frivole ac inconsulte variis impetitionibus, ac citationibus de Judice ad judicem, &

ceteris tadiis hujusmodi, de quibus saepe nostra universitas dispendentias habuit, statuimus singulariter pro pace Universitatis, & bona tranquillitate Civium, ac totius Dominii Austria, quod nullus Magister, vel Scholaris dictæ Universitatis in quacunque causa trahat aliquem de prædicto dominio in judicium extra Dominium Austria, nisi requisita prius super hoc Universitate, & ab ea obtinuerit licentiam ita faciendi. Item quod Rector Universitatis quotiescunque receperit Magistrum, vel Scholarem ad Universitatem, faciat eidem hoc jurare. His auditis & lectis conclusum est hoc Principis mandatum non esse promulgandum, sed summa cum reverentia informandum cum esse, quod ejusmodi haud esse videantur pro dignitate atque emolumento Universitatis.

Eodem anno errores Wicleffi penetrasse in Germaniam dicuntur, submissi enim ab Oxoniensi Universitate libri pestilenti hoc veneno plenissimi Pragam delati sunt, quorum lectione delectati Magistri Pragenses hæresim avidè & hauserunt & sparserunt, inter quos primus eminuit Joannes cognomento Hufs, vir disertus, ut Brietius loquitur, neque in speciem malus, & ad propagandam hæresim vel etiam promovendam aptissimus.

Anno 1394. per Universitatem Parisiensem tollendi tam diuturni Schismatis tres viæ sunt propositæ, Gessionis, compromissionis, aut Concilii Generalis, quas inter ceteros Parisienses Doctores Nicolaus de Clamengiis in Epistola ad Carolum Regem Francorum data tanquam maxime opportunas suadet. Quæ Epistola etiam citatur à Bulæo tom. 4. Hist. Paris. Univers. pag. 696. hæc Universitatis Parisiensis contra se studia cum non ignoraret Clemens, furore primùm, tum & mærore contabescens ex apoplexia Avenione vivere desit die Mercurii 16. Septembris, sepultusque in Ecclesia Gælestinorum ad Pontem Surgiæ. Ut Ciaconus in Clement. VII. & Benedicto XII. refert. Audita Clementis

mentis morte Carolus Rex atque Universitas Parisiensis literas ad Cardinales Avenione congregatos dedit, ne novum crearent Pontificem, sed cum Romanorum Cardinalium Collegio ad tollendum Schisma, & reddendam Ecclesiæ pacem animis votisque jungerentur. Verum nihil impetratum, præterquam, quod Cardinalis Conclave ingressurus jurârit quilibet, se, si designaretur, Pontificiam dignitatem renunciaturum, si id ipsum Bonifacius Romanus facere paratus esset. Igitur illo die Sabbathi conclave ingressi, sequenti die Lunæ, quæ erat 28. Septembris Petrum Cardinalem de Luna Arragonium nobilissimâ familiâ natum, utriusque Juris peritissimum eligunt, & sacrâ tiarâs. Idus Octobris insigniunt, qui Benedicti dein XIII. nomen suscepit.

Per hoc confirmatæ Universitatis nostræ decennium ab Anno scilicet 1384. florûere hic præter jam sæpius à me nominatos, Viri sequentes. Henricus de Woldonis de Mediolano, Medicinæ Doctor præstantissimus. Joannes de Venetiis insignis Juris. Consultus & Professor ordinarius, literis præterea & bonis artibus hic imbuti sunt Dominus Albertus Princeps in Anhalt, Comes Ascaniæ, Gebhardus Comes de Mansfeld Canonicus, & Thesaurarius Magdeburgensis. Wilhelmus Comes de Montfort, Paulus de Polhaim Canonicus Pataviensis, Joannes Dominicus de Scharffenberg Can. Pataviensis, Joannes Comes de Zigenhaim Mogunt. & Trevir. Canonicus, Dominus Guntherus de Ryffenberg. Mogunt. & Spirens. Canonicus, Hartmannus Comes de Kyburg, Dominus Nicolaus Episcopus Warne. Suffraganeus Pataviensis.

Annus hic 1395. funestissimus Austriæ ac luctuosissimus Universitati nostræ literatisque omnibus fuit ob mortem Alberti III. secundi Archi-Gymnasii hujus Fundatoris, qui in arce Laxenburgensi die decollationis S. Joannis Baptistæ piissimè, ut vixit, obiit, Viennæque in Ecclesia S. Stephani in Archi-Ducum Crypta à Ru-

à Rudolpho Fratre constructa sepultus est, magnus sanè literarum omnium Fautor, quod paucis ante mortem horis comprobavit, cùm Filium unicum Albertum Iohannet IV. ad se evocatum admoneret solertissimè, Universitatem à se & Fratre Rudolpho conditam ut in amoribus haberet, Magistris annua decerneret stipendia, eam Privilegiis augeret. Referunt hujus Archi-Ducis mortem ad præsentem hunc annum Haslbachius, & antiqua manuscripta alia, tum verò præcipuè Acta Universitatis, & Acta Facultatis Artium diligentiam summâ à Decanis singulis, qui eo tempore præfuerant, conscripta. Unde meritò erroris arguendi sunt Gerardus Roo, qui anno 1390. Piespordius, qui anno 1389. Cuspinianus, qui anno 1398. Lazius, qui anno 1397. eum è vivis excessisse volunt. In meum ipsum libellum, quem uno ab hinc anno de memorabilibus Ecclesiæ S. Stephani vulgaveram, errorem illapsum esse non diffiteor, Typographi nempe incuriâ, qui in descriptione Cryptæ Archi-Ducum ad urnam Alberti numero uno interjecto pro MCCGLXXXV, annum dedit MCCCLXXXIV. qui error faciliè oculum fallere potuit.

Audita optimi Patris sui morte Universitas à Rectore M. Colomano Kolb de Propstorf convocata est, ad deliberandum de modo ac ratione accedendi Successorem Principem juxta Privilegium Albertinum eidem Universitati indultum, quo monentur Mag. & Doctores ejusdem, ut succedenti in Ducatum novo Principi se ac literariam hanc omnem Rempublicam commendent, petântque, ut ejusdem Privilegia more majorum ac Decessorum suorum & tueri & augere suis favoribus deinceps velit. Sed dilatum tantisper cum Principis accessum fuisse in Actis Facultatis Artium invenio, cò quod etiamnum ignoraret Universitas, quis in Alberti Jura, Austriæque Dominium succederet. An Albertus IV. Alberti III. recens defuncti, an verò Wilhelmus Leopoldi III. Filius.

Hoc eodem anno studio ac labore Domini Doctoris Marchardi Draudensè Curia Romana nova Universitatis, ejusdèmq̃ Privilegiorum ac Statutorum confirmatio est impetrata.

Eodem quoque tempore lis diuturna inter Facultatem Artium, & Mag. Colomanum Kolb pro tunc Universitatis Rectorem plenè terminata est, & composita, ope potissimum M. Henrici de Hassia, qui Magistrum Colomanum ad Facultatis conventum induxit, multisque precibus institit, ut eum tam diu è gremio suo exclusum, ob tot præclara in Universitatem merita rursus benignè suscipiat, inque consilium suum admittat. Quibus Viri tam insignis precibus mota Facultas dicto M. Colomano Kolb veniam errorum omnium lubens indulgit, eumque à pœna omni absolutum denuo in Senatum suum adlegit.

Cùm jam diu in negotio tollendi Schismatis, unionisque in Ecclesia reducendæ desudâssent summa Universitatis Parisiensis ingenia, literasque eadem ad diversas Europæ Universitates hujus concordæ ineundæ causâ dedisset, hoc quoque anno Parisienses Nuncii cum ejusdem Universitatis literis ad Academiam nostram venêre, quibus quidem literis Viennenses Magistros omnes, ac Doctores summè hortabatur, ut ad gravissimam hanc Ecclesiæ labem, pestemque tollendam operam omnem studiûmq̃ conferrent. Lætabatur haud parùm inspectis perlectisque his literis Universitas nostra, plurimûmq̃ præclarum hunc Parisiensem Doctorum conatum laudavit, ac multas se iis debere gratias professâ est, quod in tam pii sanctique laboris societatem partemque vocaretur. Nec inter verba res stetit. Missâ proximis diebus de S. Spiritu ritu solenni decantata, præsentibus Universitatis Magistris, Doctoribûsque omnibus. Missique subinde Viri eruditione clarissimi ad Principes (Albertus enim & Wilhelmus Archi. Duces Austriam simul rexêre, & Albertus quidem sub Wilhelmi tutela juxta compactata superius

rius à me adducta ad annum scilicet 1386.) qui eos hortarentur, ut toto conatu ad promovendum unionis hujus negotium incumbant, viamque cessionis, aut quam aliam opportuniorem ad id Universitas nostra indicârit, amplectantur. Auditi sunt benevolè à Principibus Magistri, eisdemque re prius cum Consiliariis probè discussâ in hunc modum est responsum, prout in actis reperi: scilicet *quod Principes Cessionis modum, quem Rex Francia, & Universitas Parisiensis commendabiliter proposuit, velint Domino Bonifacio Papa significare, & eum similiter pro posse inducere ad acceptandum eundem modum Cessionis, vel aliam Ecclesia unioni, & paci magis convenientem. Item quod desiderarent, quod Universitas ab eorum responsionis forma in suaratione non discreparet.* Quod cum in consilio Universitatis retulissent Oratores prius ad Principes missi, communibus suffragiis conclusum est, Rectori Universitatis totius nomine coram Notariis publicis protestandum præprimis esse, nihil hoc in negotio se acturum, quod Bonifacio, quem verum semper Christi Vicarium, summumque Pontificem Universitas hæc nostra agnovit, ejusque juri derogaret. Quo præstito, delecti quoque sunt Magistri ex Facultatibus singulis, qui respondendi formam conciperent, à responsione quam Principes nostri ad Regem Franciæ daturi essent, haud discordem. Deliberatum præterea, quid in unionis hujus negotio agendum, statuendumque Universitati esset. At plurimorum è sententia statutum est, supersedendum tantisper pio hoc conatu, donec missi ad Bonifacium Nuncii voluntatem ejus significarent, literasque referrent ad Principes. Cum verò Bonifacius ad Cessionis viam haud inclinare videretur, parum quoque deinceps in hoc negotio actum est.

21. Septemb. ejusdem anni consiliò Universitatis co-actò decretum est, ut cum Universitas censu eo annuo, opibusque destituta sit, quibus Alberto Archi. Duci ejusque Fratri Rudolpho primis suis Fundatoribus pa-
rentare

rentare solenni ritu annis singulis posset, ut statuto nihilominus tempore Universitatis Doctores, Magistri, ac Scholares omnes convocentur, annuísque sacris, quæ pro more in D. Stephani templo peragentur, intersint. Deligebantur præterea ex omnibus Facultatibus Magistri, qui cum Domino Episcopo Frisingensi agerent de conservatore privilegiorum Universitatis eligendo, qui supplicandum Domino Marschallo Austriæ censebat, ut hoc in se munus, onusque susciperet, ad quem etiam ab Universitate ad id electi missi sunt Doctores, qui, ut Conservatoris munus gereret, eidem persuasere.

Cum priori anno Nuncios suos Facultas Artium Romam declarandæ Bullæ causâ misisset, hoc demum anno 1397. lis inter eam & Cancellarium terminata est, an decedente Pontifice, an conventionione mutua, haud satis liquet, nullam enim de hoc mentionem Acta faciunt. Illud solum ex iisdem liquet, Cancellarium hoc anno duos Magistros Regentes Licentiandorum Examinatores nominasse, potestate Facultati relicta, ut his suo quoque suffragio quatuor alios adjungeret; observavique dein per annos complures potissimum ad id Regentes solos, utpote magis de Scholarium profectu conscios fuisse delectos.

Obiisse eodem tempore M. Henricum Langenstein de Hassia ex Actis Facultatis Artium constat, quorum verba subjungo: *Deliberavit Facultas, an sint peragenda exequiæ Magistro nostro Henrico de Hassia pia memoria defuncto, & si placebit, ad cogitandum quoque de modo, & tempore, & loco illud exequendi, & conclusum sit in Dominica Oculi decantandas esse pro eodem vigiliis, & die altera Missam Defunctorum.* Natio Vir hic Teutonicus erat, Societatis Sorbonicæ Magister pluribus annis docuit Parisiis, ubi anno 1363. Philosophiam est professus. Dein ad Theologiæ sese studia contulit, in eaque anno 1375. Licentiatus est. Paulò post Viennam ab Alberto VI. Archi. Duce evocatus ibidem sacratiores disciplinas prælegit ingenti sa-

nè famâ, & nomine sibi comparato, adeò, ut ejus doctrinam, ut ait Sebastianus Titio, non solum Joannes Picus Mirandolanus, & Joannes Eckius, sed ceteri quoque Doctissimi suspicerent. Præfuit Universitati Viennensi Rector, ejusdemque Vice Cancellarii munus per plures annos sustinuit. Tot negotiis cursuque distractus scripsit plurima, quorum aliqua Trithemius, & Possevinus enumerant, sed plura longè propriâ manu conscripta in Academica Viennensi Bibliotheca reperiuntur, quorum syllabum hic referre libelli angustia haud patiuntur. Qui M. Henrico in vita amicissimus fuerat, eum quoque paucos post dies in tumulum secutus est M. Henricus de Oyta, cui eodem ritu, quo M. Henrico parentatum est. Natione Germanus fuit, Parisiis primò, postremò Viennæ Theologiæ Professor, Vir magni capacisque ingenii, quem Trithemius his verbis ornat. *l. de script. Eccles. Archi-Gymnasii Viennensis unicum decus, & Complanator à principio, Vir in divinis scripturis eruditissimus, & in Philosophia Aristotelica nobiliter doctus, ingenio subtilis, sermone scholasticus, & declamator sermonum egregius, scripsit multa præclara volumina &c.* Opera plurima ab illo manu suâ conscripta reperiuntur in Academica Viennensi Bibliotheca. Schönleben in sexagena Doctorum Vienn. de Immacul. Con. Virg. quantum illi ex vetustis Schediasmatis intelligere licuit, docuisse eum etiam in Academia Carolina Pragensi judicat, ibique dictâsse commentarium eruditum in 1. lib. sententiarum, idque Anno 1383. post quem annum primò (ut illi quidem videtur) evocatus est Viennam.

Eodem hoc anno M. Colomanus Kolb denuo Universitatis Rector, cum in dies Studentium numerus huc confluentium augetetur, domum suam, quæ Juristarum Scholæ domusque proxima erat, Universitati tradidit in usum duorum Magistrorum, & unius Capellani. Verum quia in Privilegiis, & Statutis Universitatis prohibetur, ne quis novas Viennæ Scho-

las erigat sine consensu Rectoris, hinc cum ipse tunc eo munere fungeretur, rati haberi donationem hanc suam ab Universitatis coactæ Consilio voluit, quæ benevolam in se voluntatem Viri hujus non approbavit tantum, sed & grates amplissimas tam studioso Rei literariæ Patrono ac fautori habuit.

Litem inter Cancellarium & Facultatem Artium terminatam superius insinuaveram, sed novæ discordiæ rursus hunc annum turbavêre, quæ inter eundem ac Universitatem oriebantur. Petierat fortassis M. Andreas de Hispania S. Theologiæ Doctor testes sui Gradûs, literariisque honoris literas majori Universitatis Sigillo muniri, quod hætenus apud Cancellarium conservabatur. Quare petitum id sæpius ab eodem per Rectorem, at impetratum nunquam est. Missi hinc etiam delecti ex Universitate Doctores ad Episcopum Frisingensem atque ad Principes ipsos, qui Privilegia Alberti Archi-Ducis eisdem exhiberent, rogarêntque, ut ea adversus Cancellarii vim tueantur. Verùm cum neque hac ratione obtineri aliquid potuisset, è Consilio Facultatum Universitatis Rector ipse cum aliquot Magistris, duobusque Notariis publicis Cancellarium adiit, solenni ritu protestatus, omnia facta vel facienda prædicti Sigilli autoritate, nisi quantociùs redderetur, ab Universitate pro non actis atque irritis habenda. Quæstus etiam plurimum est de damnis atque expensis ob negatum Sigillum Universitati illatis, statimque novum aliud fieri præcepit, ad quod Facultas Artium 4. libras. Theologiæ & Juris libras tres. Duas Medica contulêre.

Hoc demum eodem anno Universitas primò subjudicem Laycum à Privilegiõrum suorum conservatore & Austriæ simul Mareschallo petiit, qui graviores Scholarium Laycorum excessus & delicta plecteret, quem etiam agente potissimum Frisingensi Episcopo impetravit.

Anno 1398. Remos convenêre Wenceslaus Rom.
Imperat.

Imperat. & Carolus VI. Galliarum Rex, ut perniciosissimo Ecclesiæ Schismati, quod tot jam annos Christianum orbem vexaverat, tandem finis poneretur. Convētumque inter Reges erat, ut qui Pontificum duorum his, quæ Reges inibant piis Consiliis adversaretur, is Pontificia dignitate dejiceretur, omniumque subditorum populorum eidem negaretur obsequium. Quod si tam fortiter strenuèque à Wenceslao adversus Bonifacium IX. præstitum fuisset, ac à Carolo adversus Benedictum, haud dubium erat, quin pax eo tempore rediisset Ecclesiæ. Carolus certe nihil quod ad eam reducendam facere poterat, à se desiderari passus est, habitò enim per Gallias Episcoporum Consiliò, cùm unanimi suffragio decretum esset, à Benedicto secedendum Galliæ, omnemque ei obedientiam denegandam, admonere tamen hujus ipsius decreti Benedictum placuit, ne quid in eum pararetur, ignoraret. Missi igitur ad eum à Carolo Petrus de Alliaco, & Bussicardus Franciæ Marechallus; ille ut verbis persuaderet cessionem Benedicto, hic, ut obfirmatum armis frangat, abdicareque se Pontificia Majestate cogeret. Verùm cum verba nil prodesse, admo-
veri vis tandem debuit, Bussicardus nempe numero-
so exercitu Avenionem cinxit, dilapsisque fuga Cardinalibus ac secessionem Gallicæ etiam subscribentibus; cùm cives ultro portas aperuissent, in urbem ingres-
sus est, Pontificemque intra Palatium munitissimè
armata manu continuit. Ubi jurare compulsus est,
non antea se exiturum, donec tot votis expedita Ec-
clesiæ tranquillitas restitueretur.

Hoc eodem anno Albertus IV: Alberti cum Trica filius è terra Sancta redux, Viennam feliciter ingressus est, ut Acta Universitatis his verbis declarant: *In Festo S. Nicolai Congregatio fuit Universitatis, ad viden-
dum de modo suscipiendi Dominum Ducem de terra
sancta redeuntem, & conclusum fuit, quod deberet
fieri Processio versus eum, & tunc post secundam vel*

tertiam diem , secundum quod videretur expediens , deberet fieri sermo ad clerum coram eo , vel ad ipsum specialiter , & eidem defectus Universitatis exponi , &c. ex quo merito erroris convincitur Lazijs , qui in Comment. de Geneal. Austriæ L. 2. pag. 251. ejusdem reditum è terra sancta Anno 1392. factum esse contendit. Itineris hujus seriem successumque pluribus describit Haslbachius , etsi circa annum variet , è quo & sequentia subjungo : *Qua tempestate Dux Albertus Princeps DEO devotus statuit ad terram Sanctam proficisci , à quo proposito neque præsatus Dux Wilhelmus , neque Mater Domina Beatrix de Nuerenbergensi Burggravio genita , neque alii ipsum , neque pericula poterant avertere ex parte Turcorum sibi imminencia. Jam enim sigismundum Regem Ungaria anno elapso bellò fuderunt , Joannem Ducem Burgundia inibi in captivitatem ceperunt , omnes suos neci tradiderunt cum multis de Suevia , Bavaria , & Austria nobilibus viris , aut in captivitatem egerunt , & postea usque ad Budam Ungariam quasi nudatam habitatore reliquerunt , praesertim cum etiam vulgaris percrebuisse fama inter Saracenos , quendam potentem Principem de Christianismo se disponere sepulchrum Salvatoris invisere atque super hoc suos speculatores ordinasse , & Baasitam Regem Turcorum Nicopolim expugnasse , & Constantinopolim obsidere. Quibus omnibus non obstantibus pravaluit sententia Principis. Hinc anno ferè millesimo quadringentesimo Venetias applicuit , ubi multo cum honore suscipitur , & dispositis omnibus incognitus in sanctam civitatem venit , ubi accinctus gladiò , & militari cingulo , & ritè omnibus peractis suscepto militia cingulo ad propria redeundi se accingit : Ingressus itaque navim vexillum Austria pergrande in aëre levavit , & insonantibus tubis , fistulis , & tympanis DEO Duce salvus usque ad terras proprias multa cum gloria & omni tripudio remeavit. Constat ex his ipsis verbis Haslbachii Anno fere millesimo quadringentesimo*

tesimo Albertum è terra sancta prope finem hujus, de quo scribo seculi rediisse, nempe, ut ex actis Universitatis ostendi, anno hoc 1398. secundò Albertum non discessisse ex Austria ante annum 1397. cùm clades illa à Bajazete Hungaris illata, quæ deterrere à proposito itinere juxta Haslbachium, Albertum debuisset, non ante annum 1396. contigerit, ut Brietius & alii testantur.

Hoc anno 1399. multitudo studentium, qui undique confluebant, tanta erat, ut de novis domibus eorum usui destinandis rogandi cives fuerint, verùm cùm nullas nisi summò pretiò atque iniquò elocare iisdem vellent, ad Principes Nuncii missi sunt, qui eos ad ferendum remedium, tollendàmque hanc difficultatem hortarentur. Verùm brevi is scholarium numerus diminutus est ob grassantem hoc anno pestem, ob quam multi dilapsi, scholæque clausæ, ac omnes Universitatis Facultatùmque actus suspensi, donec cessante malo convocare rursus scholares, ludùmque aperire Rectori ejusque consilio videretur. Non tamen, ut ut afflicto hoc tempore, otia batur Rector, Universitatisque consilium, stipendia longo jam tempore aut nulla, aut modica persolvebantur Doctoribus, censùsque annui ad conservandam Universitatis famam, sumptusque necessarios faciendos à Fundatoribus promissi, destinati que rarò, & vix unquam integri reddebantur; hinc Doctorum querelæ audiebantur in dies, hinc Universitatis non modica pericula ac imminens è propinquo ruina timebatur. Datæ igitur hoc anno supplices ad utrumque Principem literæ, ut malo, quod haud propè abesse videbatur, succurrerent, solutis que stipendiis opem ferrent Universitati laboranti. Nec obsurduere ad has preces optimi Principes, bono ut essent animo Magistri, certàmque nondum soluti stipendii, censùsque annui rationem inirent, articulòsque ea super re factos Domino Præposito S. Stephani exhiberent, jussere. Præstitum id ab Uni-

veritate illico, negotiumque omne cum Præposito collatum, qui se ad id perficiendum omni ope adlaboraturum spondit, nec tamen hoc adhuc annò rem omnem conficere licuit.

Eodem anno Spondanus, & Brietius tradunt Beneficiorum Ecclesiasticorum Annatas à Bonifacio institutas in sustentationem Pontificis & Cardinalium pie admittas esse ab omnibus præterquam ab Anglis, qui solum pro Episcopatibus id concessere. Quorum virorum cum fides mihi sit hac in re maxima, errasse censeo Doct. Sorbait in Catal. Rectorum, qui eas institutas refert ad annum 1391. his ipsi verbis: *Pensiones primi anni pendenda Pontifici ex majoribus beneficiis Ecclesiasticis à novis Possessoribus primum instituta.*

Anno 1400. Universitati supplicavit nomine Monasterii sui M. Franciscus de Retza Ordinis Prædicatorum, Theologiæ Professor, ac ejusdem Facultatis Decanus, ut Festum S. Thomæ Aquinatis & ipsa solenne sibi haberet, eoque ritu perageret, quo alia Universitatis ac Facultatum recepta jam Festa. Consensit ejus totiusque Monasterii votis Universitas, adjecto tamen hoc pacto, ut sermonem iidem Religiosi ea die ad clerum haberent, quod si per annos plures neglexissent, ex tunc quoque solenne id Festum Universitati nè esset.

Non possum hic temperare calamo, quin ad geminas opiniones, quas Doctor Sorbait ad hunc annum trahi visus, refellendas excurrat. Primò quod hoc anno satis esse functum Leopoldum Archi-Ducem ejus nominis tertium referat, *postquam*, verba ejus sunt, *Artem in Nova Civitate instaurasset, natura placide concessit: sepultus Vienna in Templo S. Stephani.* Nam etsi non ignorem à multis Leopoldum Alberti III. Fratrem secundum, ab aliis tertium appellari. Hic tamen jam anno 1386. in pugna contra Helvetos, ut superius retuli, occubuit, nec Viennæ, sed in Monasterio Fürstfeld est sepultus. Quod si verò alterum

Leopoldum prioris scilicet Filium intelligit Sorbait, nec hic ab errore excusandus est. Hunc enim monumenta antiqua, atque Epitaphium ipsum tumulo ejus inscriptum in Grypta Archi-Ducum Austriæ in Templo S. Stephani aperte probant non ante annum 1411. è vivis excessisse. Alterum est, quòd hoc anno videatur ponere Antonium S. Stephani Viennæ Præpositum, Cancellariumque Universitatis, esse creatum, quod Actis Universitatis aperte repugnat, quæ clarè docent anno 1391. vacasse Præposituram S. Stephani, postquam scilicet Dominus Georgius à Liechtenstein ad Tridentinum Episcopatum est promotus, cui breve post intervallum successit novus Præpositus, atque is, ut in serie Præpositorum priori anno in libello de memorabilibus Ecclesiæ S. Stephani typis dato ostendi, alius non fuit, quam Antonius prædictus. Accedit, quod eodem in opusculo adduxerim literas ad eum à Pontifice anno 1398. datas, quæ incipiunt *Bonifacius Servus Servorum DEI, dilecto Filio Antonio Prapósito Ecclesia omnium Sanctorum in Vienna Pataviensis Diacesis salutem & Apostolicam Benedictionem.* Clauduntur verò his verbis. *Datum Roma apud S. Petrum IV. Non. Junii Pontificatus nostri anno decimo.* Ex quibus haud obscurè liquet, longè ante hunc, quem scribimus annum, Antonium hunc & Præpositi, & Cancellarii Universitatis esse munere functum.

Demum hoc anno Wenceslaus ab Electoribus est exautoratus ob segnitiam, qua Romanum administravit Imperium, & mores vitæque turpissimam, quam crudelitate summâ, nec minori libidine contaminavit. Subrogatus illi quidem in Imperium est Fridericus IV. Brunsvicensis, dignus Imperatoriâ hac Majestate, at spem expectationemque Germaniæ suffocavit perfidia: rediens siquidem ex comitiis interemptus est à Walechiano Comite. Unde ad alia transire rursus suffragia necesse erat Electoribus, qui brevi Friderico successorem destinarunt Robertum, seu Rupertum co-

gnomento parvum, Bavariae Ducem, ac Comitem Palatinum, quem & Romana dein sedes approbavit.

Annò 1402. (nam alter nil relatu dignum continere visus est) Universitatis nostrae studium fuit, conatusque maximus, ut stipendia tot annis non persoluta à Principibus obtineret; sed impedimento fuerunt Magistri ac Doctores plurimi, qui dum privatis intenti commodis, suique studiosiores emolumentis, quam publicis, ad stipendia sibi debita ex aërio Principis recuperanda iniquius adlaborant, aliorum æmulorum æquè ac totius literarum reipublicae conatus interturbavere. Hinc lex hæc ab Universitate lata est, scilicet: *Quod si essent aliqui, qui pro personalibus, & individualibus confirmationibus suorum stipendiorum laborarent, quod isti per juramenta ipsorum requirantur, quod à talibus laboribus desisterent, usque dum Universitas in factis suis haberet expeditionem; cum bonum commune præferendum sit bono particulari; & pro tunc Rector requisivit omnes super formam communem.*

Hoc quoque tempore subtractio obedientiae adversus Benedictum motus varios in Galliis excitavit, multis etiamnum palam apertèque eidem faventibus, deducta tandem res eò est, operam præcipuè & studiò Ducis Aurelianensis, qui Benedicti partes strenuè tuebatur, ut Clamengii Epistola prius à me citata, & lacerata, & proscripta sit, Pontificique obedientia rursus restituta.

Annò dein 1403. Benedictus, aliàs Petrus de Luna, operam Gallorum sibi faventium ex Palatio suo Avenionensi, in quo hætenus detinebatur, fugâ elapsus, statimque à Cardinalibus, qui antea ab eo recesserant, susceptus est, magnâ sanè Benedicti felicitate, si ea tam bene uti, quam providè, astutèque sibi parare eandem novisset. Verùm ferventioris homo ingenii, vindictæque quàm salutis suæ studiosior, cum ad eum Massiliam mitteretur Joannes Charlerius dictus Gersonius, ut electiones ad beneficia tempore denegati sibi obse-

obsequii rati haberet, confirmaretque, non solum Virum hunc durius excepit, sed & pertinaciter eas confirmare renuit, quo facto plurimorum Ecclesiasticorum, ac præcipue Universitatis Parisinæ animos à se avertit, ut infra videbimus.

Hoc eodem anno Universitas nostra decrevit Nuncios Romam cum rotulo mittendos, ad nova beneficia, favorésque Apostolica à Sede impetrandos, conclusumque est, ut qui inscribi vellent, se Decano Facultatis suæ sisterent, à quo dein eorum nomina rotulo infererentur, quamvis ejusdem expeditio sequenti primò anno facta sit.

Annò 1404. Benedictus, an justo metu sibi à Galliæ Præcipuis quibusque Viris intentato, an communis boni studio permotus, Oratores ad Bonifacium Romam mittit, qui de pace ineunda cum eodem agerent; verum ii vix urbem subeunt, Pontificémque negotii sui admonent, cum is è calculi doloribus Kalend. Octob. extinguitur. Obtestati sunt Oratores Galli Cardinales tum Romæ degentes, ne hoc ipso tempore, quo major spes pacandæ Ecclesiæ affulgeret, in novi Pontificis creandi consilium coirent, verum auditi non sunt, quin imò, ut Galliæ scriptores referunt à defuncti Bonifacii Nepote in castrum S. Angeli inclusi non antea dimissi sunt, quàm quinque millia aureorum persolvissent. Cardinales conclave ingressi post 15. dies Gosmam Melioratum Sulmonensem Pontificem jubent, qui Innocentii dein VII. nomen gesserat.

Ad eundem annum manuscripta quædam & Chronica mortem Alberti IV. referunt, quibus tamen repugnat Haslbachius cum annis abhinc duobus obiisse contendens, cujus verba subjungere placuit: *Dum Procopius Marchio Moravia minor natu contra Jodocum fratrem suum germanum paterna hereditatis partem sibi tradi à fratre poposcisset, & contentus non esset de fratre præfato, arreptis oppidis Znoima, & Pocharlitz, maximas per Moraviam agebat pradas associatis sibi multis*

multis latronum sociis, & oppressis are alieno, nec non furibus, & proscriptis. Quibus dum Moravia non sufficeret, etiam nocturnas & clandestinas agebant praeda non modicas Duce quodam Zuckenscheidt, vulgari- ter Düerteiffel, alias de Feispiz. Cum autem clamo- rem pauperum percepisset Inclutus Dux Albertus, mise- ratus innocentium miseras se contra praefatos pradones magno adunato exercitu propria in persona libenter ac- cinxit &c. Et post pauca: sed dum multi potentes desides se plurimum in aggressu viderentur ostendere, multi quoque diutius in equorum adaequatione periculis involverentur, & dispositis arietibus ad conquassandum murum per negligentiam quoque custodia facto impe- tu per incolas adversarios pice, & sulphure injectis, cum igne praefati fuissent arietes incinerati, frustra cum bombardis ex post turres quassatae sunt. Tandem veni- ente Sigismundo Rege Hungariae cum suis, simul is cum Alberto lethalem potum fertur hausisse, à quo Rex sus- pensus per pedes Medicorum arte curatus est; Dux ve- rò Albertus gravi cepit dissenteriam fatigari, unde & infectio negotio obsidio dissolvitur, Dux vero in lectica deductus circa Haslbach natale solum meum. Ego puer cum aliis in viarum compitis astiti, & Principem levante caput vidi, & dicentem: O quantam isti involven- tur paupertate. Nesciens quid hac designarent. Dedu- ctus quoque Neuburgam Claustralem, quia votum vo- verat, se vivum Viennam non intraturum, nisi de suis & Reipublica hostibus dignam expetisset ultionem, pausavit ibidem diebus paucis, quibus dum languor invalesceret; omnibus Ecclesiasticis munitus Sacramentis feliciter obdormivit in Domino Anno Domini 1402. se- pulchusque Vienna cum Patre &c. In quibus quidem om- nibus hucusque à me relatis, ut ut à veritate rei gestae non aberrat scriptor optimus sinceræque fidei, in anno tamen ipso referendo lapsum eum esse liqueat ex iis ipsis, quae in memorabilibus de Ecclesia S. Stephani in tit. ult. de Crypt. Archi. Ducum retuli, patebitque am- pliùs

plius ex iis, quæ mox referam ex actis nostris ut sequuntur. Nova hoc anno pecuniarum exactio à Civibus Viennensibus facta, qua in singula capita grossi unius summa persolvenda statuebatur; nec Magistris quidem ac Universitatis Doctoribus parcitur. Quare ad Ducem Wilhelmum atque ad Episcopum Frisingensem missi Universitatis Legati, qui utrumque hortarentur, ut Scholares Magistrósque ab hoc exactiois onere juxta privilegia ac Jura sibi à Fundatoribus concessa eximerent; sed impetratum est nihil. Hinc literæ quoque supplices anno hoc scilicet 1404. ad Archiducem Albertum missæ unâ cum privilegiis Universitatis, tunc haud procul Znoima in urbe Rezza cum exercitu versantem, qui visis iisdem liberam omninò ab hoc opere Universitatem pronunciavit, hujusque voluntatis testes literas ad Wilhelmum Ducem, urbisque Consulem dedit. Ex quo conficitur Albertum Anno hoc 1404. in vivis adhuc fuisse, Znoimamque obfedis, brevi tamen, ut superius meminimus, fatis fundum esse, ex veneno hostium scelere ac perfidiâ eidem propinato.

Eodem hoc anno Dominus Joannes de Rottenburg Rector Universitatis consilium coëgit, ad videndum de modo excipiendi Dominum Episcopum Frisingensem Bertholdum Wechinger, olim in hac Viennensi nostra Universitate Doctorem creatum, & hoc anno à Bonifaciò IX. summo Pontifice Salisburgensis Ecclesiæ Archi-Episcopum recens nominatum. Conclussitque Rector, ut, quemadmodum Dux Wilhelmus petierat, tota ei Universitas in ordines suos distincta obviam procederet. Quod & factum est.

Mota quoque Universitas hoc tempore tantâ Ecclesiæ, relique Christianæ calamitate, quam diuturnum schisma invexerat, accedentibus præterea Universitatis Parisiensis literis, quibus filiam hanc suam frequentius adhortabatur, ut labori nulli, conatuque parceret, ad rem Christiano orbi tam utilem tandem perficiendam.

His , inquam , & similibus permota, Oratores suos ad Archi-Ducem Wilhelmum, qui defunctô Albertô solus tum Austriæ præfuerat, tum verò etiam ad Præsules Salisburgensem & Pataviensem, atque ad omnes vicinos Duces ac Principes, quorum in terris Universitas nulla tum fuerat, destinavit, inter quos etiam M. Nicolaum de Dincklspichl fuisse reperio, qui eos adhortarentur, ut collatis studiis ad restituendam Ecclesiæ unionem incumberent, ad quod præclarum opus perficiendum omnem suam operam, Nuncios, extremasque impendendas opes Universitas pollicebatur.

Annô dein 1405. Innocentius antequam Româ discederet, literas ad Universitatem Parisiensem dedit, quibus Benedicti Oratores à se detentos esse, omni quo poterat studio excusabat, consilium quoque ad unionem Ecclesiæ restituendam generale decrevit, sed ob motus Romanæ urbis, præmaturamque mortem id exequi haud poterat. Benedictus quoque totus ad in-eundam cum Innocentio concordiam spectare visus est, Cardinalibus quoque omni contentione adlaborantibus, Recusavit oblatas has concordiae vias Innocentius, ob quod de æquitate causæ suæ multum gloriari Benedictus auditus est. At neutri sincerum pacis studium fuit, utroque Pontificiam dignitatem retinere, nec æmulo cedere obfirmatô.

Hæc Innocentii convocandi concilii voluntas, cum ad Universitatem nostram delata est, mirum est, quantâ gestiêrint lætitiâ singulorum animi. Decantari per Universitatem plures de S. Spiritu Missæ solenni ritu iussum est, quibus Rector, qui tum erat M. Lambertus de Gelria, cum omnibus Magistris & Doctoribus intererat. Missi præterea per omnium Religiosorum Asceria Doctores non in urbe hac tantum nostra, sed remotius quoque diffusa, qui sacrarum familiarum præfides excitarent, ut quâ piis precibus ac votis, quâ etiam consiliô scriptisque vulgatis pium hoc sanctumque negotium promoverent.

Missus hoc eodem anno rursus est ad Innocentium Summum Pontificem Rotulus, eo quo superius insinuavimus modo, Nunciique ad eum perferendum delati sunt Dominus Joannes de Venetiis Decretorum Doctor, & M. Nicolaus Dincklspeichl Magister in Facultate Artium, & Baccalaureus formatus in Theologia, Facultas enim Theologica se Facultati Artium adjunxit, Medici autem Nuncium nullum misere. Impetraverunt hi facile gratias & privilegia ab Universitate petita, faventibus jam tum impense Universitati Vienneſi Cardinalibus, Principibusque Viris plurimis, qui partes Innocentii tuebantur. Hæc inter privilegia & favores à Summo Pontifice concessos duo præcipue erant, quorum mentionem acta nostra faciunt; scilicet, quod Universitati fas deinceps esset sibi ipsi cum consensu tamen Principum Superintendentes certos, ac quasi privilegiorum suorum tutores deligere; secundò indultum & illud est, ut qui Viennæ studiorum causâ versarentur, etiam absentes beneficiorum suorum fructus integros deinceps perciperent.

Annò 1406. cum Romam revocatus pacatisque tantisper rebus rediisset Innocentius VII. apoplexiâ extinctus est oct. Idus Nov. Anxii suspensiq; diu hæere post ejus obitum purpuratorum animi, an eis ad novum creandum Ecclesiæ Summum Pontificem secedendum esset; postquam à Galliæ Principibus Viris ad ineundam concordiam eò coactum Benedictum cernerent, ut jurejurando sponderet se autoritate suâ, dignitatèq; cessurum, seu Cardinalium Romanorum suffragiis nullus ad id fastigium Pontifex eveheretur, seu is noviter creatus sponte sua eo sese honore abdicaret; at vicit tandem eorum sententia, qui creandum Pontificem novum voluere, tum nè Romanorum Cardinalium torpor Benedicto ad retinendum Pontificatum pertinacissimo nova arma ministraret; tum nè urbis ipsius tumultus, populique seditiosi ferocitas augetur, Inivère igitur Purpurati conclave, juramentò antea à singulis præstitò,

fitò, atque in tabulas relatò, ut si Pontifex Summus crearetur, illico jure suo dignitatèque cederet, si id à Benedicò, aut ejus, si quis esset, successore factum esse intelligeretur, jussusque est 9. Kalend. Decemb. Ecclesiæ summa autoritate præesse Angelus Gorarius, Gregorius dein dictus XII.

Obiit hoc eodem anno Wilhelmus Dux Austriæ, ut & Chronica antiqua, & Haslbachius, & Acta Universalitatis, & annus ipse mortis tumulo ejus in crypta Archiducum ad S. Stephani inscriptus apertè declarant. Quare meritò corrigendus est Doctor Sorbait, qui in Catalogo Rectorum Universalitatis ejus obitum ad annum 1404. refert. Morte ejus intellecta Universitas statuit, Anniversarium ei convocatis Doctoribus celebrandum, nec immeritò, utpote qui hoc eodem anno è telonio Ybbsensi certos redditus stipendia literaria merentibus persolvi decreverat, 800. florenos nempe annuos, ut idem Doctor Sorbait ad annum 1404. recenset. Acta nostræ Universalitatis verò ad hunc annum mentionem ejus rei faciunt sequentibus verbis: *Facta est congregatio Universalitatis, quia Muta erat oblata per Dominum Principem Universitati &c.* Mortuus est optimus Princeps ipso festo Divisionis Apostolorum die nempe 15. Julii, magnò sanè sui apud literatos omnes desiderio, apud populum æquè ac Nobiles viros luctu ingenti relicto. Habita sunt post justa ei persoluta, ab Austriæ proceribus comitia, in quibus Archidux Austriæ Albertus V. Alberti scilicet IV, Filius tanquam verus in Dominium Austriæ Successor agnitus, & assumptus est. Verùm cum impubes is adhuc esset, neque ad tractanda Reipublicæ gubernacula idoneus; è Suevia advocari debuit Leopoldus Wilhelmi defuncti Frater, qui negotia administraret publica, cujusque sub tutela Albertus adoleret. Sed neque sic pacatæ diu esse Austriæ licuit, invidente scilicet Fraternali, ut putabat Gloriæ Ernesto Leopoldi Germano, qui, ut in Alberti Tutorem

unà cum Fratre assumeretur, precibus primùm, tum & minis egit. Cessit tandem, ut òt ætate Senior, morémque Fratri Leopoldus gessit eo tamen pacto, ut mensis unius decursu hic, alter altero Alberto simul ac Provinciæ totius rebus præflet, magno sanè populi civiùmque malo, ut inferius patebit.

Gregorius XII. memor quæ promiserat, antequam Summus Pontifex crearetur, priori jam anno ad Principes viros, Universitatésque præcipuas literas dedit, quibus, si ita æmulus vellet, cessurum se jure omni promittebat, relatæ sunt & eæ Viennam ad Doctores nostros, sed non nisi anno 1407. quorum Acta nostra meminerunt his verbis : *Die 28. Januarii congregata fuit Universitas per Dominum Rectorem Hermanum Treysa ad audiendam Bullam per Dominum Apostolicum Universitati destinatam, & fuit de unione per DEI gratiam faciendam, ad quam faciendam se Dominus noster Apostolicus offert, & usque ad Furis sui cessionem, & nos requisivit, ad cooperandum.* Exultabat Universitas, sincerâque voluptate gestiebat, uti & Principes Europæ omnes, destinabatûrque jam locus scilicet Saona in quam convenirent ambo, jurâque sua, ac si quid in utramque partem opportunum censerent, proponebant. Tergiversabatur tamen primùm Gregorius tum ob metum Ladislai Siciliæ Regis, à quo captus paulò ante fuisset, ni in castrum S. Angeli priùs de fraude insidiis que admonitus confugisset; tum verò quia urbi Galliæ partibus nimium faventi periculosum credebatur, se, vitam, fortunâque suam committere. Hinc demum elusa bonorum omnium expectatio gaudente potissimum Benedicto, qui quemadmodum invitatus, dolensque, id tot Europæ Principum, eruditorûmque virorum consilium in opus redigi vidisset, ita disjectas machinationes omnes non sine gemitu audire visus est, invidiâque totam in Gregorium æmulum transferre. Non defuit tamen piorum omnium votis Universitas nostra, quæ per viros doctissimos

Altissimos irremissæ studiû Principes stimulabat, ut Oratores ad Gregorium mitterent, qui Gessionis viam tanquam Ecclesiæ perutilem eidem persuaderent, ad quod ut Duces tantò faciliùs inclinarentur, multo primùm labore cum Proceribus, Nobilibûsque Austriæ viris ab Universitate est actum.

Verùm dum pacandæ Ecclesiæ studet Austria, intestinis ipsa motibus, plûsque quàm civili bello agitari cæpit. Seu enim ex vero, seu Ernesti dolo potius sparsa in vulgus hæc fama est, latèque promota suspicio Leopoldum corradendæ pecuniæ plus æquo studiosum non tutoris obire munus, sed in suum unius commodum Provinciarum res omnes vertere. Nil hîc morandum esse arbitratus est Ernestus, sed occasione celeriter usus Viennam properat, conciliatîsque multorum Nobilium animis, ac præsertim Domini Friderici de Walseè operâ tutelam Alberti suscipit, Fratrémque, qui fors contra Prædones in castris extra urbem versatus est, excludit. Hinc immensa Leopoldi in Ernestum ac Viennenses fuère odia, qui rei ad se famâ perlatâ Neostadium secessit, atque Frisingensis Episcopi labore postquam milites conduxisset, bellum Fratri urbique nostræ indixit. Grudeli sanè & immiti Austriæ fato, dum, prout diversa multorum in Principes erant studia, hîc sæpe parentes cum filiis, fratres ibi cum fratribus in pugna concurrerent, vicini, affînésque cognatorum depopularentur agros, Cives Civium vitæ, fortunis, atque opibus insidiarentur. Has inter patriæ discordias, Fratrûmque bella Universitas anxia diu hæserat, cujus præprimis partes sectaretur, quem Dominum, Principémque suum agnosceret. At cùm Ernestus Viennâ tum solus potiretur, dandum & illa aliquid tempori censuit, Principémque adeundum, cujus favori se, suâque Privilegia impensè commendaret. Sermonem ad Ernestum, Albertûmque Principem fecit M. Franciscus de Retza Ordinis Prædicatorum

Sacræ

Sacræ Theologiæ Doctor eximius, quo eum ad tuenda Universitatis Jura, augendosque favores sibi à majoribus impensos adhortabatur. Placuit hoc in se Universitatis nostræ studium atque voluntas Principi, qui favores, benevolentiamque suam Magistris liberaliter pollicitus Dominum insuper Fridericum de Walsee virum è nobilitate Austriaca primarium Universitatis, ejusdemque privilegiorum conservatorem dedit.

Octavâ Octobris M. Petrus de Pulcka Universitatis hoc eodem anno Rector convocatis Facultatum singularum Decanis, Doctorumque coacto senatui literas ab Episcopo Tridentino ad Universitatem datas exposuit, quibus effictum supplicaverat, ut Universitas apud Leopoldum & Ernestum Archi-Duces intercederet, nè diutius Viennæ in captivitate detineretur. Erat is Georgius è Baronibus de Liechtenstein, primus ab aucta & confirmata per Albertum tertium Universitate ejusdem Cancellarius, & ad S. Stephani Præpositus, dein ad Episcopalem hanc Tridentinæ Ecclesiæ Insulam evectus. Hunc Fridericus Leopoldi & Ernesti Germanus ob non servata pacta secum inita tradi sibi à Civibus petiit, ac aliquamdiu apud se detentum Episcopatu exiit, tandem metu nè Viennensem in se Universitatem concitaret, Viennam ad Fratres, vigili sub custodia transmisit, à cujus adventu, ut Acta nostra loquuntur, interdictum Viennæ servatum est. Permoti optimè de se meriti hujus viri precibus ac calamitate Universitas nihil in se desiderari passa est, quod ad reddendam ei libertatem, dignitatemque pristinam conferre posse videretur, at impetratum nil est aliud, quàm ut aliquod post tempus Fridericus ipse in Aula Archi-Ducali convocari omnes Universitatis Doctores peteret, quorum in confesso literas pactorum prælegi jussit, eosque veluti causæ totius arbitros constituit. Auditis Friderici querelis Universitas per Dominum Hainricum Fleckl postea Passaviensem Decanum, placare tan-

F

tis per

tisper Principem voluit, orans obtestansque, ut, si quid fors in se peccatum esset, id ob tanti viri alia præclara merita oblivioni traderet, rursusque liberum ad Ecclesiam suam remitteret, sed Fridericus preces admittere renuens, iratusque è consilio excessit, sicque labor omnis, conatusque Universitatis irritus tum cessit.

Eodem hoc anno Christophorus Czeftorffer in eventum, quo filius suus, quem unicum habebat, impubes decederet, (quod & dein contigit) omnia bona sua Universitati transcripsit, ut ex iis perpetuò decem studiosi de Natione Austriaca alerentur, comparata dein iisdem bonis est domus, quæ primò quidem Bursa Sprengeriana, dein bursa etiam agni dicta est.

Grevêre hoc anno, scilicet 1408. discordiæ Austriæ, quæ non Fratres solum inter se, sed & Cives Viennenses commisere, dum populus quidem Leopoldo, Senatus, Nobilisque Ernesto Studiosè faverent. Hinc seditiones ortæ in urbe Viennensi, quarum causâ quinque de plebe jugulum publico in foro præbere carnificis gladio jussi sunt. Tot patriæ cladibus commoti boni omnes, ac præcipuè Universitatis nostræ Doctores mirum est, quantum ad pacem restituendam adlaborarint, factumque eorum Consiliis, ut Fratres positis armis in amicitiam redirent. Reductus siquidem Viennam cum Fratre Leopoldus magnâ populi lætitiâ, lætisque acclamantium vocibus exceptus est, paulumque ibi moratus Neostadium ille, Ernestus in Styriam recessit. Et verò coaluissent jam tum acerba illa Austriæ vulnera, nisi exactionibus immensis, privatæque exhauriendo Civium æraria vindicare dolorem pristinum, ultra quàm fas fuerat, Leopoldus studuisset: Cùm enim imparem tantis oneribus urbem primarii quique Cives viderent, ad nova quoque onera imponenda populo cogebantur. Hinc querelæ primùm plebis, tum obloquendi audacia, publicus tandem apertusque vilissimorum hominum

minum furor. Leopoldum accedunt vix Viennam denuo ingressum, opprimi se potentiorum queruntur libidine, seditionis autores primos quosque Civium è Senatu fuisse denunciant, nec antea pacem redituran clamitant, donec malorum omnium hi incensores è vivis tollantur. Hinc compacti in carcerem & vincula senatores, protracti ad capitis subeundum supplicium tres viri præcipui, Vorlaust, Romperstorffer, & Rock, ceteri ægrè ingentique ære redempti. Sopitum horum sanguine, non extinctum fuit civilis belli incendium, quod ab externis Principibus rursus concitatum vehementius erupit. Allatæ siquidem ex Hungaria, Bohemia, & Moravia literæ bellum vicinis earum Provinciarum à Principibus Leopoldo movendum apertè indicarunt, ad quod Austriæ nobiles quidam viri, qui eosdem sollicitaverant, quâ opibus quâ manu promovendum strenuè adlaborarunt, hinc direpta oppida, arces munitissimæ partim vi, partim deditione captæ, vastati impunè agri, Ernesto aut viribus, ut laboranti Fratri succurreret, destituto, aut opem ferre, ut memor Principum ira est, recusante.

Eodem anno à Galliæ regno Pontificum utrique obedientia subtracta est; quo tamen haud territus Gregorius novos Cardinales creavit. Exacerbavit adeo id factum aliorum Purpuratorum animos, maxime eorum, qui ob concordie studium ab eo depositi, aut excommunicationis sententiæ subiecti sunt, ut ad novum Concilium appellarent, Pisasque secederent; missæ sunt ab eisdem ad Principes, præcipuâsque Europæ Universitates literæ, è quibus & aliquas Viennam Oratores eorundem hoc anno detulère, tum ad Principes Austriæ, tum ad Universitatem destinatas, quibus ad Concilium generale Pisæ celebrandum invitabantur. Convocatâ igitur per Universitatis tunc Rectorem M. Henricum Kizbühl Universitate proposuit Dominus Joannes Abzycher, Artium &

& Juris Canonici Professor Cardinalium eo tempore ad Viennenses Magistros Orator sequentia sibi à Purpuratorum Collegio commendata. Primò parere deinceps Gregorio Pontifici Universitas nostra nè velit, Secundò ut Cardinalibus Pisas convenientibus, aut jam ibidem congregatis auxilium omne promittat, eisque assistat fideliter. Tertiò ut Doctores ac Magistri Viennenses literas mittant ad Doctores & Magistros aliarum Universitatum, tum verò etiam ad Principes viros, quibus eosdem ad Concilium hoc Generale invitent, & adhortentur. Addidit & his omnibus Rector Universitatis Ducem Leopoldum ad dictum Concilium invitatum sententiam à se ferendam Doctorum arbitrio reliquisse. Quibus auditis illico Magistri è Facultatibus singulis delecti sunt, qui ad discutiendum gravissimum hoc negotium viribus omnibus desudarent. Nomina eorum in Actis nostris reperio, quæ subjungo, M. Rudgerus de Ruremunda. M. Joan. Verwarti. M. Nicolaus Dineklspüchl. M. Petrus de Pulcka. M. Petrus Seolauer. M. Petrus Deckinger, & M. Theodoricus de Hamelberg, Facultatis Artium tunc Decanus. Quorum è Sententia hoc modo conclusit Universitas, verba Actorum refero. *Primò quod universis sanctum propositum Dominorum Cardinalium communicaretur, & quod eisdem Cardinalibus Universitas quoad primum petatum certos vel certum Ambassiatore, vel Ambassiatorem mitteret, & quod ipsa de nomine mittendorum deliberaret, item quod ipsa universis Cardinalibus adhereret. Item quo ad secundum petatum saltem quoad Concilium procurandum, & in his quæ facerent ad sancta unionis complementum, & quod ipsa ad hoc Dominos Principes, & Dominum ordinarium hortaretur similiter faciendum, juxta suarum virium Facultatem, & quod ipsa Universitas suam intentionem quantocius Dominis Cardinalibus intimaret. Item quod placeret deputatis, qualiter subtrahenda obedientia à Domi-*

à Domino Gregorio plura pericula imminerent, quod ipsa Universitas amplius cum Domino Principe, & Domino ordinario cogitaret, quantum, & qualiter talis subtractio sit celebranda, scilicet, qua plus profuit, quàm obsit ad S. Unionis promotionem, & quod hoc per Universitatem Dominorum Cardinalium Ambassiatori esset respondendum. Denique, quia Dominus Leopoldus Dux Austriae suam deliberationem Universitati commississet, quod ipsa illum realiter informaret, ut dignaretur ipsi Ambassiatori suo modo respondere, nullis parcendo laboribus & expensis.

Hæc, ut quantocius perficerentur, missus illico ab Universitate est M. Joannes Verwart ad Ducem Ernestum, atque ad Salisburgensem, Passaviensémque Antistites, alii ad alios vicinos Præsules Austriæque Magnates, qui eorum animos ad promovendum Cardinalium desiderium, concordiamque reducendam excitarent. Redditæ sunt breve post tempus à Passaviensi Episcopo, qui fuit Georgius Comes de Altaflamma, Universitati literæ, quibus eam rogaverat, ut ea cum Leonardo Officiali suo Viennæ degenti materiam negotiûmque de unione universalis Ecclesiæ pertraheret accuratiùs, cùmque à Romanorum Rege Ruperto ad Comitium Imperii proximè habenda invitatus esset, petiit quoque, ut Doctores duos ei Universitas adjungeret, quorum unus in Theologia, in Jure Canonico alter versatus quàm optimè esset. Annuit utrique petitioni Universitas admonitò tamen antea Leopoldo Principe, ejusque hac super re voluntate diligenter exploratâ, delegitque eidem Præsuli mittendos ex Theologica quidem Facultate Doct. Lambertum, ex Facultate verò Juris Canonici M. Gerardum Canonicum S. Stephani.

Mense Decembri rediit ab Ernesto Archi-Duce M. Joannes Verwart, retulitque ab eodem literas, quibus amplissimas gratias Universitati retulit ob tam præclarum servénsque studium, quo ad pacandam

Ecclesiam fertur, media quoque sibi & modum proponi petiit, quo ille promovere hoc negotium & posset, & deberet. Rogavit præterea Ernestus consilium ab Universitate, quæsitque an rationabiliter, prudentérque interdictum observetur Viennæ ob Episcopum Tridentinum, de quo superius dictum est. Causa verò dubitandi hæc illi visa, quemadmodum Acta nostra loquuntur: *Cum dictus Episcopus sit liber ad exeundum, quo sibi placeret usque ad Festum S. Georgii; & etiam cum ipse exit ad S. Adalricum animo redeundi, campanæ pulsentur, & Divinum Officium celebretur. Si enim sic, fieret irrationabiliter in loco & residentia Dominorum Ducum, & ubi tot tantique viri docti; non esset pro honore totius domus Austriacæ. Et placuit Universitati, quod se excusaret, eò quod prius nunquam fuerit requisita super isto Articulo, & quod per eam non stare, quod intendidem relaxaretur. Ad alia autem petita Archi-Ducis explenda delecti sunt Doctores & Magistri aliqui, qui modum & media restituendæ unionis invenirent, eaque Ernesto Principi rescriberent.*

Eodem hoc anno à Pragenſi Universitate damnati sunt publicò decretò Wicleſſi errores à quibusdam Doctoribus ex Wicleſſi scriptis eruti ac publicè propugnati, suntque iidem, qui à Constantienſi dein concilio gravissimæ censuræ fulmine iſti fuere, & proscripti: pertinebant autem, ut Spondanus ad hunc annum recenset, ad negationem transubstantiationis in Sacramento Altaris, quod solam corporis Christi figuram esse asseriebant, ad destructionem potestatis & autoritatis Ecclesiasticæ tam in Divinis, quàm in humanis, nec non ad everſionem Ordinum mendicantium, ac aliorum Religiosorum Ordinum, bonorum Ecclesiasticorum, & dotationum Ecclesiarum, decimarum, indulgentiarum, Universitatum, ac studiorum. Asseriebant præterea nullum esse Dominum civilem, nullum Prælatum, nullum Episcopum, dum est in peccato mortali,

cali, Ecclesiam Romanam esse Synagogam Sathanæ, ac demum, quod scribere horret calamus, Deum ipsum servire debere diabolo.

Ineunte anno 1409. redierunt Oratores Universitatis tum per Austriam, tum per vicinas Provincias ad sacrorum Ordinum Præsules missi, scilicet M. Rupertus, & M. Henricus Kizbichl, qui retulêre mirum in modum ad restituendam per concilium generale Ecclesiæ tranquillitatem animatos esse omnes, cuperêque, ut ex Austriacorum Principum ditionibus mitterentur unus altêrve Episcopus, ac nomine ipsius Universitatis Doctores nonnulli, qui eidem interessent. Unus obstare videbatur ceterorum votis ac studio Sigismundus Hungariæ Rex, qui Ruperti Romanorum tum Regis sententiæ plus fortassis æquô favens differendum ad meliora tempora, aliôque loco celebrandum concilium (testes hîc cito Actorum nostrorum libros) persuadere omni contentione laborabat. Proposita est hæc Sigismundi Regis sententia Universitatis Doctoribus per Dominum Episcopum Frisingensem, qua post maturam deliberationem contemptâ, ab ejusdem Senatu statutum est, priori strenuè conatui insistendum, adhærendum Cardinalium jam unitorum Collegio, pêrque generale concilium perniciosissimum Ecclesiæ schisma penitùs abolendum esse. Decreti itaque proximis diebus sunt Oratores Universitatis nomine Pisas ituri scilicet M. Franciscus de Retza Ordinis Prædicatorum Theologiæ tum Doctor eximius, & M. Paulus Deckinger Artium Magister & Canonum Jurisque Pontificii peritissimus, cûmque ad eos mittendos collecta per Universitatem pecunia haud sufficiens videretur, de suppetiis ferendis Principes rogati, quas illi etiam non leves tulêre.

Jurârunt iidem Oratores 29. Martii, lectâque sunt eis Universitatis mandata, ut sequuntur: *Primò, quod ipsis ad locum concilii venientibus præsenterent literas Universitatis sacro Collegio Dominorum Cardinalium, ac*

etiam aliis, quibus Universitas decreverat scribendum; exponant eis solenniter cum discretione quomodo, & qualiter sint ipsi Ambassiatores Universitatis Viennensis transmissi per eandem ad requisitionem eorundem Dominorum Cardinalium, ut intersint ejus nomine Concilio pro unione Ecclesia habendo. Secundò quod se offerant paratos ad ipsorum Dominorum Cardinalium, & aliorum Principum de motu Spiritus Sancti congregatorum mandata, & praecepta, consulendo, exequendo, cooperando, assistendo; ut per viam Concilii generalis ad sanctissimam unionem & saluberrimam, in Ecclesia Dei perveniatur. Tertiò quod viis omnibus sibi possibilibus, & huic materia congruentibus, tam in publico, quam in privato, in Concilio, & ubicunque ipsis videbitur expedire, cunctis privatis, seu publicis negotiis suspensis, & exclusis identidem, & efficaciter conentur, ut unio sancta, salubris, & utilis procuretur. Quartò ut quod providenter, & maturè in singulis se gerant, & cauti, ac oculati sint, ac aliorum Ambassiatorum gestis, & factis laudabilibus se conforment; adeò ut tam ipsi; quam tota Universitas honorem & laudem, ac meritum à Deo, & Ecclesia sancta fructum sanctae unionis consequatur. Quintò, si super praemissis specialiter requisiti fuerint, obligent se nomine Universitatis, & promittant, quod ipsa stare velit in omnem eventum determinatione S. Collegii (ut tenetur) & Summo Pontifici, si quem ex determinatione, & definitione hujus Concilii eligi contingeret, humiliter, & reverenter obedire, tanquam unico, & indubitato, & vero Ecclesiae universalis Praeposito, & Pontifici Romano, conformiter aliis Principum & Universitatum Ambassiatoribus & Nunciis ad pacem Ecclesiae, & tollendum schisma. Sextò, quod stent ad finem conclusionis Concilii, & non recedant Ambassiatoribus aliarum Universitatum remanentibus. Septimò, si mora esset tam diuturna, ita quod non sufficerent expensae assignatae; significarent Universitati tempestivè, & etiam

etiam expectent ipsius responsum. Octavo demum, quod non assumant Ambassiatam cujuscunque absque Universitatis consensu.

Verum quia Archi-Dux Ernestus petierat, ut Universitatis Oratores ad concilium mittendi suo quoque nomine rem gererent, hinc & illud monitum additum Legatis, scilicet: *Quod tenerentur se hoc non obstante presentare pro Ambassiatoribus Universitatis, tam in via, quam in Concilio, & quod supra cetera expedirent legationem Universitatis.*

Abiêre his acceptis Doctores nostri, à quibus brevi acceptæ sunt literæ, quas M. Joannes Fluck tunc Universitatis Rector convocatis Doctoribus recitavit, earumque sinopsem referunt Acta Facultatis Artium his verbis: *Secundâ Julii lectæ sunt in Congregatione Universitatis literæ eidem missæ à Concilio, in quibus continebatur. Primò, quod duo pro Papatu contendentes (intellige Benedictum & Gregorium) declarati sint Fautores schismatis, votifraçtores, & notorii hæretici, & quod inepti sint ad Papatum; imò ad omnem Ecclesiasticam dignitatem, & quod nullus Christi fidelium ad ipsorum obedientiam obligaretur. Item quod die S. Viti Cardinales intrassent conclave ad eligendum unicum, & indubitatum Romanum Pontificem. Etiam continebant hæc litera, quod Ambassiatæ Regis Arragoniæ, & Regis Castelliæ, & Domini Benedicti, & sui conciliabuli, & Magistri de Rhodis, & Magister de Rhodis ipse per se esset ibi, & quod Ambassiatæ Regis Arragoniæ instaret ad faciendam sanctam unionem. Item quod tunc præsentialiter essent in Concilio octingenti Doctores & Magistri ex parte diversarum Universitatum, & Prælatorum, & Principum, & quod Principes informarentur de publico mandato mittendo.*

Perlectis his literis Principes adiit Universitas, à quibus per Frisingensem Episcopum responsi id retulit, missuros eos cum mandatis Nuncios, interim expecta-

rent Universitatis Oratores, nec è Concilio recederent; quod & ad eos perscriptum.

16. Julii delatæ sunt literæ Oratorum nostrorum ad Universitatem, quibus significarant 26. Junii concorder & unanimi 23. Cardinalium consensu electum esse in Summum Pontificem M. Petrum de Gandia, aliàs Petrum Philargi (sive ut rursus alii volunt Philareti) dictum, in Theologia Doctorem sui ævi maximum, qui dein Alexandri V. nomen suscepit. Suasere præterea iidem in literis suis, ut cum Neo-electus Pontifex ac Cardinales omnes singulari favore prosequi hanc Universitatem nostram videantur, ingentemque de ea opinionem habeant, ut quàm citissimè ad obtinendos favores novos ad eundem Rotulus expediatur; utque denuo admoneatur per Universitatem Princeps, ut Alexandro Summo deinceps Pontifici adhæreret, quod etiam per Rectorem cum sibi adjunctis Doctoribus factum est.

His quasi novis stimulis excitata Universitas Rotulum confecit, cujus præter favores à privatis hominibus, Doctoribusque petitos, capita erant sequentia, scilicet, de Conservatorio privilegiorum suorum impetrando, de absentia Beneficiatorum, & de ampliori Jurisdictione Rectoris in omnes Universitatis Alumnos, ac potissimum Clericos; traditusque est Rotulus ad Pontificem deferendus M. Henrico de Kizbichl Juris Canonici Doctori, & in Artibus Magistro, aliunde ob certa negotia ad Concilium ituro, cui in itineris socium Universitatis è consilio datus est M. Matthias de Walseè.

Cum adeò per Universitatem, ejusque Oratores laboratum hoc anno sit Pisano in Concilio, ut pax quiesque rediret Ecclesiæ, non minor ejusdem conatus quoque extitit, ut res per Austriam Fratrum æmulatione turbatas componeret; cumque variè hoc gravi in negotio ea desudasset, ope tandem ac consilio Domini Episcopi Tridentini olim Universitatis hujus Cancellarii

cellarii communia totius Patriæ vota expleta sunt. Misertus nempe Vir optimus tot civium miserè per-euntium (et si ipse Friderici jussu captus Viennæ deti-neretur) Principum tandem eò animos voluntatésque flexit, ut utraque ex parte Viri tam armorum, quàm civilium rerum periti ad conciliandos Fratrum animos in certum modum ac rerum capita convenirent, Ar-bitro totius causæ Sigismundo Hungariæ Rege, aut si is onus hoc in se recipere recusaret, Friderico Nieren-bergenfi Burggravio delecto. Indictus igitur est con-ventus Baronum ac Principum ad Festum Epiphaniæ, in quo, cùm spectare ad pacem viderentur jam om-nia, missi à Sigismundo Oratores advenêre, qui Regis jussû atque arbitrium attulêre in hunc modum: ut ci-ves Viennenses utrique Principum Leopoldo scilicet, & Ernesto fidem secundùm jura, quæ quilibet haberet, jurarent, ac singulari se jurejurando Alberto ejus no-minis V. tanquam vero legitimôque Domino suo ob-stringerent, promissitque operam se daturum, ut tur-batum deinceps nemo Austriam eat, bellûmque in eos suscepturum, qui novæ litis atque discordiæ autores ex-titissent. Sic pax demum tranquillitâsque patriæ re-dit, quam tos civiles motus fraternâque odia tanto tempore exercita concussêre. Subiêre postliminio ur-bem hanc Leopoldus ac Ernestus, tum verò & Fride-ricus utriusque Germanus, ubi eodem hoc anno Pro-vincias inter se partiti sunt, de qua divisione cùm mul-ta apud alios scriptores Lector inveniet, nihil hîc à me brevitatis studio dicendum putavi. Hæc dum pro publico bono agerentur, literæ quoque Universi-tati sunt redditæ à Baronibus de Liechtenstein, aliisque Bohemiæ proceribus, qui impensè orabant, ut ad li-berandum Dominum Episcopum Tridentinum de Uni-versitate non minùs quam tota Austria optimè meri-tum omni quò possent studio apud Principes agerent. Quibus acceptis illico M. Joannes Verwart, & M. Pau-lus Deckinger delecti sunt, qui hunc in se laborem su-sciperent

sciperent, Ducésque audirent, à quibus tamen Friderico sua in sententia persistente nil effici potuit.

Hoc eodem anno instituta est, & erecta Universitas Lipsiensis in Misnia, ut autor est Trithemius, & Spondanus; cujus initia atque originem ad Hussii sequaciúmque suorum perditissimam hæresim referunt. Perterritus nempe haud leviter Joannes Hufs Universitatis Pragenfis fulmine, quo Wicleffistarum errores feriit, circumspectè jam agere omnia, privatis tantum in colloquiis venenum spargere, ad dolos, quorum mirus erat artifex, sese convertere, omni que ad propagandam hæresim occasione intendere. Verum, cum haud parum Germanorum sibi obsistere ingenia videret, hanc eos deprimendi viam molitus est. Fuerat is à prima Universitatis Pragenfis institutione constans, multorúmque annorum consuetudine firmatus usus, ut tres externæ Nationes tria distincta in Doctorum conventu suffragia, unum Bohemica solum Natio ferret. Iniquum id, parúmque decens Joanni Hufs visum est: quare Wenceslaum regem, parúmque futuri providum Regem adiit, faciléque impetrat, ut Bohemica Natio reliquas omnes & suffragiis ferendis, & percipiendis commodis, aut æquaret, aut etiam vinceret. Hinc externi Magistri privilegia juráque violari omnia palàm conquesti, cum tuendæ autoritatis suæ modum haud invenirent, cumque à Bohemis publicis etiam in viis & lapidibus, & calumniis impeterentur, unanimi consensu Pragam deserunt tantò numerò, ut Trithemius duo millia Magistrorum & Scholarium uno die Pragâ exiisse memoret. Convenère pars maxima eorum Lipsiam Misniæ in Urbem, è quibus Pragenfis quasi Universitatis ruinis, Lipsiensis hoc anno Universitas exsurrexit autoritate etiam Apostolica tum approbata. Alii novis quasi Geroniis Erfordiense auxere studium, alii Viennam confugerè. Non tamen tam astutè virus suum celare Joannes Hufs poterat, quin illud quandoque palàm evome-

evomeret, quare querelis gravissimis bonorum omnium Alexandro Summo Pontifici accusatus, ab eodem hoc etiamnum anno damnatus est.

Anno 1410. mortuus est Dominus Bertholdus Episcopus Frisingensis Universitatis nostræ alumnus, Leopoldi Archi-Ducis Cancellarius, cujus ut exequia solenniter ab Universitate peragerentur, cognati, amicique ejus rogaverant. Verum quia publicè jussu Pataviensis Episcopi denunciatus uno aut altero abhinc anno fuerat, ob motus publicos, turbatamque malè Austriam, quorum fautor ab aliquibus credebatur ob nimium in Leopoldum Archi-Ducem studium, hinc ab eis celebrandis super sedendum esse videbatur, donec certior fieret Universitas eum ante mortem ab hac Ecclesiæ censura absolutum fuisse. Artium tamen Facultas candelas ad ejusdem exequias liberaliter concessit.

Obit hoc eodem anno Bononiæ Alexander Pisano in Concilio creatus Pontifex, die tertia Maji, postquam decem Menses, dies octo Romanæ Ecclesiæ summa cum autoritate præfuisset, uti ex actis nostris patet, quæ eum creatum indicant anno priori die 26. Junii, quare corrigendum censeo Brietium, qui eum scribit obiisse mense sui Pontificatus duo de vigesimo. Persolutis sacris, exequisque finitis, Cardinales Bononiæ tunc congregati numero 17. elegerunt eidem successorem Balthasarem Coxum dictum dein Joannem XXII. Neapoli oriundum è mediocri familia, & Pisani Concilii maximum Autorem, qui 25. Maji solenni ritu coronatus est.

Dedit post electionem hanc suam Joannes Summus Ecclesiæ Antistes ad Universitatem nostram suæ benignissimæ voluntatis testes literas, quæ 11ma Octobris ad eandem perlatæ sunt per Dominum Antonium de Monte Catino Juris Pontifici Doctorem, quibus se in Christi Vicarium, Petrique Successorem Cardinalium suffragiis electum significat, hortaturque Doctores

res

res nostros ut ad Ecclesiæ unionem promovendam, quemadmodum ceperant, strenuè adlaborent, benevolentiamque suam ac Apostolicæ Sedis favores longè amplissimos eisdem adpromittit.

His literis animata Universitas Rotulum Summo Pontifici mittendum decrevit, qui tamen non sine Facultatum gravi lite expeditus est, aliis Facultatibus, quibus fortasse angustior res domi erat volentibus, quidquid è Nationum singularum, Facultatûmque membris sumptuum colligeretur, ad commune Universitatis ærarium referendum, cujus dein expensis omnium Facultatum nomine Nuncius mitteretur, dum ex adverso Facultas Artium Parisiensis Academiæ consuetudines, hujus verò nostræ, quæ ad illius normam instituta est, per plures annos constantem usum, ac præcipuè Frisingensis olim Episcopi latam sententiam opponens, insistere juri suo, delectumque à se Nuntium mittendum contendit. Cùm longiori tempore utrimque lis protraheretur, conventum tandem est insequentem modum.

Quod pro ista vice Facultas Artium eligeret Nuncium, & ei provideret de expensis, & quòd iste Nuncius faciat computum Facultati, & non Universitati de perceptis; pecunia verò reliqua, quæ reciperetur à suppositis aliarum Facultatum, deberet cedere in quosvis usus Universitatis, ut pro extractione privilegiorum, & aliorum, quibus Universitas indigeret, sic tamen, quòd Nuncius, qui mitteretur cum Rotulo, deberet etiam diligenter laborare, ad expediendum facta concernentia Universitatem, & si aliquid pro expeditione talium exponeretur; aut si post expeditionem Rotuli ipsum in Curia pro talibus diutius remanere oporteret, quòd tales expensæ computarentur Universitati, & non Facultati.

Post quæ utrinque inita, & aprohata in Nuncium delectus ab Artium Facultate est M. Joannes Verwarti, cui adjunctus est M. Andreas Mauser aliunde suis in negotiis

gotiis Romam iturus, quorum cuilibet singulariter Facultas commendaverat, ut præter Rotuli communis negotia id quoque sedulè apud Summum Pontificem ageret, ut stabilem deinceps mittendi Rotuli ordinem, modumque aliarum Universitatum ex usu præscriberet.

Hæc dum pro emolumento suo strenuè ageret Universitas nostra, ingens malum vexavit Austriam, Epidemica scilicet lues, quæ funeribus domos ferè omnes impleverat; ob quam Bursæ studentium plurimæ desertæ, incolisque vacuæ videbantur. Deseruit & ipse Archi-Dux Albertus Viennam, inque arcem Starrenberg melioris aëris, servandæque valetudinis causâ secessit; unde à Reinberto de Walsee rursus alio, nescio quo prætenso colore brevi deductus est, omniumque Austriæ procerum conventus indictus, ut Archi-Dux pubertatis jam annos consecutus è Leopoldi tutela, qui sibi jus in Austriam arrogare visus est, eximeretur. Poterat ea unius hominis audacia, Procerumque nonnullorum immodicus in Principem suum amor nova per Austriam excitare incendia, multò prioribus perniciosiora, at nè id eveniret, provido potius Dei quam hominum consilio factum est, qui Leopoldum tam Austriæ populo tam invisum è vivis insperatò fatò exturbavit. De quo sequenti anno referemus.

Obiit hoc eodem anno Rupertus Romanorum Rex, cui successit Electorum suffragiis Jodocus Barbatus Moraviæ Marchio, etsi Romanus Pontifex plurimum ad subrogandum jam tunc Sigismundum Hungariæ Regem Germaniæ Principes adhortaretur, Verùm non diu hac dignitate eidem frui licuit; mortuus enim eo adhuc anno Rupertus est, ei que successus dein Sigismundus.

Annò 1411. 13. Maji Leopoldus, qui hucusque Tutoris nomine Austriam administravit subitò fatò occubuit, ebulliente per os & nares sanguine suffocatus, sepultusque est Viennæ ad S. Stephanum, ubi
Frater

Frater Ernestus eidem iusta persolvit. Inopina hæc mortis nuncia cum Egenburgam, ubi Nobilium comitia celebrabantur, perlata sunt. Unanimi consilio Albertus Viennam deductus, ac Præconum vocibus verus legitimusque Austriæ Dominus est promulgatus, ingenti sanè populi totius lætitiâ, obviâque ei procurrente Clero omni, Universitatisque Doctoribus.

Orta sunt hoc tempore non leves rixæ studiosos inter & Gerdones, quorum è numero unus à Scholaribus est occisus: Universitas graviora inde mala evenitura metuens Consulem civésque adiit, petiitque, ut, donec rei debitâ poenâ mulctarentur, suos Senatus Civicus ab omni in studiosos injuria cohiberet; promissere quidem id liberaliter cives, at præstitere nunquam, verberibus nempe, armisque lædere ac sauciare studiosos, si quos in via deprehendissent cerdones, calumniis afficere, dies noctésque insidiari pergebant, nec aliud medium opportunius visum est, quam ut Albertus Archi-Dux, cum recepto è more ab Universitatis Doctoribus salutaretur, de civium quoque perfidia, ac furore admoneretur; quod cum factum esset, gravissimis ille dein minis petulantissimorum hominum audaciam infregit, pacémque Universitati ejusque Alumnis restituit.

Grassari Viennæ hoc eodem tempore & Hussitarum Wicleffitarumque virus inter cives maximè, coeperat, unde ab Officiali Passaviensis Episcopi, quidam in carcere detenti, denunciati alii, ac præcipuè civis quidam nomine Gieffer, cujus maximè causâ Senatus Civium consilium ab Universitate petiit, quid sibi agendum censeret, eò quòd is de certis articulis fidei accusatus, postquam eosdem revocasset, nunc denuo ab Officiali in carcerem & vincula compingeretur. Respondit Civibus Universitas nisi novi erroris reus convinceretur civis ille, videndum esse, ut eum Officialis è carcere dimitteret, aut certò ad Passaviensem Episcopum rem omnem deferendam, quod dein fa-

ctum

Etiam intelligo. Pupugit hoc Doctorum nostrorum Officiale, qui inquisitoris simul in hæreticos munereungebatur. Palam debacchari in Universitatem auditus est, diceréque, eam contra Inquisitionis officium peccasse gravius, Hæreticorum illam fautricem esse, sique per annum eo in proposito persisteret, excommunicationis esse sententiâ feriendam. Quæ tamen dein, cum à nostris Doctoribus jussu Rectoris adiretur, à se dicta vel negavit, vel ita retractavit, ut pax ad speciem saltem utrumque redire visa sit.

Obit hoc eodem anno M. Joannes Verwart in itinere, quo cum Rotuli expeditione Româ redierat. Vir ob præclare gesta munera, eruditionem, obitâsque ad varios legationes multum de Universitate meritis, cui ea etiam, quemadmodum Facultas Artium, solenniter parentavit, statimque Florentiam missus est Lector Augustinianorum, ut literas, résque à Magistro Joanne ibidem relictas ad Universitatem referret.

Annò 1412. Joannes Papa crucem adversus Ladislaum Siciliæ Regem promulgari jubet, cujus meminere etiam Acta Universitatis nostræ his verbis: *Ipsâ Dominicâ Reminiscere congregata est Universitas ad audienda aliqua per Dominum Decanum Ecclesiæ Pataviensis, Notarium Papa, & quendam Italum Licentiatum in Jure Canonico suum Collegam ex parte Domini Apostolici Domini videlicet Joannis XXIII. proponenda. Et proposuit dictus Dominus Decanus cum suo Collega, quem etiam in Bullis suis & literis Universitati directis Joannes Pace nominat, quomodo Dominus Ladislaus Rex Appuliæ notorius Hæreticus, & Ecclesiæ Sanctæ persecutor tot vicibus intentet Ecclesiam Dei Sanctam molestare, & suum errorem in Concilio Generali Pisano hæreticum deputatum ad urbem Romanam inducere: & plures alios Articulos prædictus Decanus prolixè in Universitate proposuit, propter quos præfatus Dominus noster Papa verbum vivifica Crucis*

contra præfatum Regem prædicari decrevit. Præterea etiam Decanus petivit, & requisivit Universitatem, quatenus in hujusmodi Crucis prædicatione Universitatis vellet adstare sibi consiliò, & auxiliò, & favore, intra se, & sua supposita, & intra alios, signanter tamen versùs Principes Austria. Et ita placuit Universitati, quòd Dominus Rector eligeret, quoscunque vellet, de quacunque Facultate, qui sibi assisterent nomine Universitatis prout deputavit pro posse.

Ex quibus liquet, quanto in pretio tum apud Romanorum Pontificem, tum alios fuerit Universitas hæc nostra, ad quam etiam in remotis longè causis ille literis recurrit, cujus quoque alii Ecclesiasticâ dignitate præeminentes tam sollicitè & consilium, & opem imploravêre. Nullam tamen sacri belli expeditionem à Joanne in Ladislaum susceptam esse constat ex Spondano & aliis, nam eo adhuc anno fœdus inter utrumque ictum est.

Dum verò Grux prædicaretur adversùs Ladislaum, omnibûsque Christi fidelibus indulgentiæ eædem concederentur à Joanne, quas arma sumentibus in Barbaros priores Pontifices indulgère, mirum est, quàm acriter adversùs eas Pragæ Joannes Hufs insurrexerit, quòtque motus civerit; quibus tandem perculsus Wenceslaus, ac præcipuè literis Joannis, Romanique Concilii hoc anno habiti permotus, quòd errores Wicleffistarum ac Hussii damnavit, novarumque harum opinionum sectatores expelli Regno jusserat, eum tandem exire Bohemiâ compulit, nihil eo pulso quiescentibus ceteris hæresis jam venenò, perversoque dogmate imbutis.

His intestinis malis dum Pragensis laboraret Universitas, eorundem quamvis immeritò arguebatur hæc nostra. Datæ enim ad Rectorem nostrum à Decano Pataviensi, dictoque Pontificis ad eum Nuncio, quem PAGE dicebant, sunt literæ, in quibus Universitatem ingentis negligentiae insimulabant, eamque occultè

hæ-

hæreticam Wicleffique erroribus conspurcatam (quem-
admodum jam ad alios, ac etiam Principes Viros hæc
ab ipsis sparsa sunt) dicebant, eo quidem potissimum
argumento innixi, quòd, ut rebantur, de Cruce contra
Ladislaum signandis malè ac perversè Principem eru-
diissent. Non tulit hanc sibi turpissimam labem
aspergi Academia nostra, quam hætenus semper sum-
mè detestata est, ac contra quàm, ut videbimus se-
quentibus annis, acerrimè quoque semper depugna-
vit. Quare eodem è coacto Doctorum conventu unà
cum Rectore delecti aliqui, qui Principem Albertum
adirent, qui adversus malevolos opem illius im-
plorarent, peterentque ut datis ad Summum Ponti-
ficem Joannem literis Innocentiam, industriamque,
qua ad perficienda sanctæ Sedis jussù desudaverat Uni-
versitas, testaretur.

Anno 1413. Romanorum Rex Sigismundus in Ita-
liam venit ad componendam litem, quam Dalmatiæ
causâ cum Venetis gerebat, qui cum Joannes illico
per Legatos suos, & de pacanda Italia (nam Ladis-
laus rupto fœdere rursus hoc anno Romam occupa-
verat) & de Concilio proximè pro tranquillitate Ec-
clesiæ habendo agere cæpit: conventumque tandem
est operâ Antonii de Ghalanto tit. S. Cæcilie Presby-
ri, & Francisci Zarabellæ Patavini tit. S. Cosmæ & Da-
miani Diaconi Cardinalium, ut illud Constantiæ celebra-
retur, post quod & Joannes Pontifex, & Sigismundus
Romanorum Rex ad plurimas Provincias literas suas
dedere, quibus Christi fideles ac præcipuè aut Eccle-
siastica dignitate, aut doctoratû insignes Viros ad id
celebrandum invitarunt, pervenerê & harum aliquæ
ad Universitatem nostram, quarum Acta ad præsen-
tem annum his verbis mentionem faciunt.

*18. Maji sub Rectore M. Theodorico de Hammelburg
congregata est Universitas ad audiendam Bullam san-
ctissimi in Christo Patris, ac Domini nostri, Domini
Joannis XXIII. missam Universitati, qua audita fuit.*

Œ sonabat , de Concilio faciendo in principio mensis Decembris ejusdem anni ; sed non fuit locus expressus. Similiter continebat etiam Bulla . quod infra tres menses deberet exponi etiam locus Concilii , Œ hortabatur Dominus Papa Universitatem , quatenus velit Nuncios suos mittere ad Concilium , ad quod negotium pertractandum deputati sunt à singulis Facultatibus.

Verùm etiam ad hunc annum ex his literis indictum fuisse Concilium patet , illud tamen non nisi sequenti primò anno inchoatum est , ob Pontificem Joannem Italiæ bellis , aliisque gravissimis curis detentum.

Anno igitur 1414. 24. Julii literæ invitatoriæ ad Concilium Constantiense à Pontifice Joanne ad Universitatem nostram datæ , quæ duo potissimum continebant , ut rursus Acta nostra loquuntur.

Primò hortabatur eam , quatenus mitteret solennem Ambassadam , seu Oratores ad Concilium proximè celebrandum in Constantia. Secundum fuit , quod Universitas notificaret , Œ intimaret Prælati Austria Ducatûs celebrandum Concilium pro his , quæ incumbunt universali Ecclesia , Œ quod hortaretur eosdem , quatenus Œ ipsi personaliter dignarentur interesse , aut mittere suos Oratores. Ad quod etiam Universitas illico mittendos Doctores quosdam statuit , utque eisdem de congruis sumptibus provideretur , à singulis Magistrorum , scholariumque certam pecuniæ summam exigendam decrevit. Accessit præterea cum nonnullis Doctoribus Rector , qui tum erat M. Joannes Fluck , Albertum Archi-Ducem , hortatûsque est , ut futurum Concilium omni studio promoveret , subisque ad idem oratores mitteret , quod & Principi Ecclesiæ bono studiosissimo haud difficulter persuasit.

Accepit & brevi post alias quoque literas Universitas , quibus Episcopus Pataviensis mitti ad Provinciale Concilium proximè à se celebrandum Doctores aliquos nostros petiit , utque Universitas admoneret , quæ tam in hoc , quàm in subsequenti generali Con-

cilio agenda, tractandâque putaret: annuit precibus Præsulis Universitas, statimque M. Mathiam de Walseë, M. Ulricum de Patavia, M. Theodoricum de Ham-melburg delegit, qui proponenda utrobique discute-rent, eâque Passaviensium Antistiti significarent,

Quibus ritè peractis 29. Septemb. electi sunt ab Universitate Oratores ad Concilium mittendi M. Petrus de Pulcka Doctor Theologiæ, & Dominus Gasparus Doctor Decretorum, & ordinarius Lector in jure Canonico. Statutumque est, quod si alii quoque Magistri aut Doctores ad Concilium suis sumptibus proficisci vellent, sêque oratoribus Universitatis ad-jungere, id quidem fas illis esset, eo tamen pacto, ut non secus ac Oratores ipsi in certa Universitatis jussa jurarent.

Venit hoc eodem anno Constantiam Joannes XXIII. 28. Octobris summo cum honore ibidem receptus, qui 1. Novembris in Festo SS. Omnium ad aras solen-ni ritu Missam fecerat, Conciliique Patres, qui tunc congregati erant, gravi sermone allocutus ad procu-randæ tranquillitatis in Ecclesia studium, Wicleffis-tarumque perturbandos errores excitabat: statimque ministri futuri Concilii designati sunt, quæ prima tum sessio fuit, ac verius sessionum reliquarum præambu-lum, ut Spondanus observat. Cùm enim Sigismundus Imperator Aquisgrani coronatus non ante Nativitatis Festa Constantiam advenerit, multique etiamnum deessent Antistites, altera ejusdem Concilii sessio ad 5tum sequentis Anni Martium dilata est.

Suspensô hac ratione tantisper Conciliô, Constan-tiam quoque hoc anno adiit Joannes Huf, literis Si-gismundi Imperatoris securior, quibus ei commeatûs securitatem spondebat, eâ quidem arrogantia, fidu-ciâque, ut libellum palàm edere non dubitârit, quo om-nes adversarios suos ad hoc Constantiense Concilium provocabat ad se erroris convincendum, omnesque schæresiarchis debitas pœnas subituros lubenti ani-

mo ultro pronunciavit, si hæresis labe contaminatus probaretur. Aliâ nempe larvâ Concilii locum adiit, qua mente esset; nam errores spargere clanculum deprehensus, cum fugâ subducere se Pontificis judicio vellet, in vincula & carcerem conjectus est.

Hic dum Hæresiarcha arctiori custodiæ traderetur, liberius, ac impunè prorsus illius affectu per Bohemiam virus pestilens spargebant, primis illius erroribus novos, & fors ad speciem, rudiorisque plebeculæ arbitrium minus perniciosos, quorum Princeps erat Petrus Drestensis, pariter exul ob Joannis Hæresin, quam hauserat, qui utriusque Eucharisticæ speciei sumptionem ad salutem necessariam nimium credulis & asseruit, & persuasit. Quorum tamen dogmata dein censuris gravissimis fulminata videbimus.

Hæc dum ad communem Christianæ Reipublicæ quietem agerentur, nova tempestas Universitatem Viennensem, eaque longè periculiosior, quia domestica, involvit; læsus enim, nescio quo facto, iudex Civium agmine, ac armata manu Bursam studentium petiit, ut Juvenem Clericum in publicos carceres non admonito delicti Rectore Universitatis deduceret. Concurrere armatæ undique & studiosorum cohortes, vim vi ut repellerent; jamque seditio aperta, civilisque intra mœnia bellum timebatur, cum Rector Universitatis Pacis conservandæ studiosissimus mitigatis tandem Juvenum nostrorum animis malum prohibuit. Recessere Universitatis alumni, illæsisque tum Civibus prædam, quam captum ierant, reliquerunt. Verum cum nec Doctorum monitis, nec precibus indulgendum, innato nempe indoctis erga literatos odio censuissent Cives, Juvenemque detinerent; nulla tum sanè moderatorum valuere jussu; nulla Rectoris autoritas cohibere irritatos tantâ pertinaciâ animos potuit, quin Scholares nostri par pari redderent, Civesque impeterent. Actum non semel cum Officiali, ut Clericum repeteret, cum Civibus,

ut redderent Universitatis alumnus, at sine fructu omni. Nempe malè is à Civibus habitus, nec uno solum vulnere læsus inter carceris squallores non antè vincula, quàm vitam posuit. Vix de morte adolescentis admonita fuerat Universitas, cum ad Albertum Principem Rector cum suo Consilio ablegatus est, qui peteret aut conservari Jura, privilegiâque à majoribus suis concessa, aut id si nolle, discessuros Doctores omnes (ita enim obfirmatis tum erant animis) dissolvendamque die una Universitatem indicaret. Petiit his auditis Princeps Privilegia sibi Academiæ nostræ exhiberi, quæ etiam ex Originali descripta eidem oblata sunt, tum verò etiam utriusque partis querelas in chartam conjectas, quas cum Aulæ suæ Consilio discuteret, sicque pacem Cives inter ac Doctores nostros Universitatisque alumnos restitueret. Quæ, dum non segniter pertractantur, Universitas interim Judicem Civium pro excommunicato palam habere, quod Clericum carceris atrocitate, vulneribusque enecasset, subterfugere illius consortium, nec ad solennia è more sacra statis diebus ad S. Stephani convenire, si Judicem, sociosque criminis cives ibidem esse intelligeret. Pacem tandem integram Principis edictum dedit, quo coerceri à Judice Cives, ab Universitatis Magistratu alumnos literarum arctius jusserrat, utque utrique parti & illatæ, & acceptæ condonarentur injuriæ, nec Cives violare deinceps Universitatis Privilegia audeant, edixit.

Anno 1415. 2da Martii secunda habita est sessio Concilii Constant. in qua cum perurgeri se Joannes ad Cessionem tanquam unicum recuperandæ in Ecclesia pacis & quietis medium cerneret, flexis genibus ante altare, manique admota pectori spondit, vovit, ac juravit, restitutum se pacem Ecclesiæ per cessionem suam, eamque opere ipso se completurum, si Benedictus XIII. & Gregorius XII. Papatui quoque aut per se, aut per suos oratores renunciarent, ingenti

sanè hæc Concilii totius lætitia audita sunt; sed breve id gaudium gravior secutus dolor interturbavit; pœnitens enim brevi facti sui Joannes 21. Martii ope Friderici Ducis Austriæ clam dissimulato habitu Constantiâ profugit, seque Schaffhusiam in dicti Ducis oppidum 4. Leucis Constantiâ distans recepit, inde Loffenburgum se primò, ac tandem Friburgum, quod sub ejusdem Friderici ditione fuerat, se contulit, mox ad Burgundiæ Ducem abiturus.

Haud dictu facile est, quàm inopinata hæc Joannis fuga Concilii Patres concusserit, qui jam discessum, Conciliique dissolvere sessiones meditabantur, nisi eos Sigismundi Cæsaris constantia, autoritasque retinisset: Decreta igitur in Fridericum pœna à Sigismundo, quod Concilium turbare ausus esset, subditisque ejus fidelitatis sacramentò absoluti, ac hostes vicini ejus ditionibus immissi, qui oppida atque arces plurimas vi aggressi, ingentem undique terrorem intulêre. His igitur non leviter perculsus Fridericus, atque à Ludovico Baviaræ Duce persuasus Constantiam repetiit, ibique veniam petiit, ac obtinuit, auri non levi ponderis summâ mulctatus. Pari ratione exterritus est Joannes, qui cùm quæstionem de suis criminibus movendam in Concilio suspicabatur, paratiorem sese ad abdicandum Pontificatum exhibuit, pauloque post à Friderico jam Regi, Conciliique Patribus conciliato traditus est, posteaque exautoratus publica Concilii è sententia.

Dejecto Pontificis dignitate Joanne, Gregorius quoque Oratorem misit ad Concilium, Carolum scilicet de Malatestis, qui ejus nomine Pontificatum resignaret, quod & factum est, applaudente, gratulantèque bonorum omnium animo, quo quidem præclaro facto, ut arbitror, labem omnem, quam ob retinendæ dignitatis studium ei adversarii objiciunt, abunde delêsse Gregorium censeo. Unus adhuc, isque maximus labor supererat in Petro de Luna ad similem cessionem indu-

inducendo, qui tamen multis artibus Patrum opinionem fefellit, ut inferius patebit.

Composita hac ratione, qua fieri tum poterat Pontificum lite, ad Wicleffistarum, Bohemiæque Doctorum errores extirpandos Concilium toto conatu incubuit; Productus igitur in Patrum confessum Joannes Huss, pertinaciæque damnatus flammis addictus est. Hieronymus Pragensis, qui fide publica Constantiam venerat, malè sibi conscius fugam arripuit, sed & ex ea retractus vincula & carcerem subiit. Denique decretum hoc eodem anno à Patribus, statutumque est, nè per Bohemiam, Germaniamque reliquam utriusque speciei usus, quem Petrus Drestensis, aut ut alii volunt Dresdrensis pertinaciter ad animæ salutem necessarium assererat, ulli Christi fidelium concederetur, qui Layci, nec Sacerdotali dignitate præditi essent.

Rediit hoc anno 1. Maji à Concilio ob gravissimas causas etiam ab Universitate approbatas M. Casparus Meislstein Juris Canonici Doctor egregius, relictò ibidem M. Petro de Pulcka, qui tum ipse, tum etiam M. Petri literæ ad Universitatem scriptæ admonebant, litem proximè Universitati Constantiæ movendam à Præposito Pataviensi Wenceslao, ejusque Collega PACE, quorum superioribus annis meminimus, qui palam tunc jactabant, per se effectum iri, ut omnes Germaniæ Universitates, quas privatas tantum scholas vocitabant, tollerentur per Concilium, ac præcipuè nostra hæc Viennensis, quam & iidem ceu hæreticam, Pontificisque jussis refractariam accusabant; quòd ejusdem Bullam de Cruce populo prædicandam, ut ad annum 1412. à nobis insinuatum est, protervè rejecerit, pessimè sit interpretata, ac etiam Principes Austriæ, nè ad votum suum succederent omnia, fuerit debortata. Non deerant his auditis Universitati nostræ, quibus se ab objectis purgaret. Missa quàmprimùm M. Petro de Pulcka Privilegia, Bullæque Alberti V. & VI. Summorum Pontificum, quibus
ille

ille Universitatem hanc nostram primitus erexit, hic confirmavit. Adjectæ Juris Canonici Doctorum interpretationes Bullæ Joannis XXIII. qua crucem in Ladislaum Regem promulgari mandaverat, Principis etiam Alberti literæ impetratæ ad Concilium, quibus à tali labe Doctores nostros purgaret. Denique colloquio cum nostris Doctoribus, qui Constantiæ tunc erant, consilio, scilicet cum M. Nicolao Dinckelspichl, & M. Henrico Kyzbichl, Alberti V. Austriæ tum Archiducis ad Synodum Constantiensem Oratoribus, aliisque, quorum non pauci ex Viennensi Universitate illuc confluebant, eo brevi rem deduxit M. Petrus de Pulcka, ut adversus obrectatores triumpharet Academia nostra, Accusatoresque ipsi palam rei delati per nos fuerint, quod Joannis tum Pontificis malè literis & autoritate sint abusi.

Sed parùm credebatur Universitas nostra se adversus malevolorum duntaxat invidiam, obrectationesque tueri, nisi & favores novos à Concilii Patribus obtineret, hinc monitus M. Petrus, impetratis etiam ab Alberto super hoc literis ad Constantiensem Synodum, ut Universitatis nostræ Rectori eam in omnes Clericos intra urbis nostræ mœnia literis vacantes potestatem, autoritatemque obtineat, qua gravissimis quantumcunque eorum delictis & pœna statui ab eodem possit, & medella. Impetravit præterea ab Alberto Universitas eodem tempore, ut subjudicis eligendi sibi non solum potestas fieret, cui in Laicos, qui Alumnos Viennensis Academiæ temerè læderent, potestas, arbitriumque esset; sed ut Privilegiis ille Universitatis haud secus quàm alii ejusdem vel Alumni, vel Ministri, gauderet.

Annò 1416. in Concilio Sessione XXI. præside Joanne Cardinale Ostiensi, ad sacrum Patrum confessum inductus est Hieronymus Pragensis, qui quidem priori anno hæresim abjuravit, sed eandem rursus assumpsit, sæpèque auditus, cum satisfacere non vellet, Synodi

nodi sententiâ tanquam obstinatus , relapsûsque damnatus est, ac potestati seculari traditus flammis scelus suum expiavit.

Fuit quoque hoc anno congregata Universitas hæc nostra ad cogitandum de modo colligendi pecunias M. Petro de Pulcka Constantiam transmittendas, quarum cum magna Universitatis in ærario penuria esset, accedi Princeps à Re&ore debuit, rogarique, ut à remanentiis Universitatis sumptus necessarios sufficeret, ac quia eodem quoque tempore Civium, Laycorûmque petulantia complures Scholarium nostrorum graviter læsi fuerant; hinc & Alberto Archi-Duci supplicatum, ut operis, plebique arma deinceps nè gerant, prohiberet, quod & habito cum suis consilio facturum se spontit.

Annò 1417. Concilii Constantiensis Sessione XXXII. quæ primâ Aprilis habebatur, Petrus de Luna, qui Benedicti hætenus sibi nomen usurpaverat, postquam multis artibus Concilii Patres fefellisset, nec citatus ad concilium comparuisset, publicâ Synodi sententiâ à Pontificatu dejectus est, ejûsque in locum de alio substituendo agi cœptum. Octavâ igitur Novembris Cardinales conclave ingressi 11. ejûsdem mensis in Summum Pontificem elegerunt Othonem de Columna Romanum ex nobilissima Columnensium familia, Diaconum Cardinalem tit. S. Georgii in Velabro, annum cûm ætatis ageret jam propè quinquagesimum, qui 20. dein Novembris à Joanne Episcopo Ostiensi in Presbyterum, & sequenti die in Episcopum consecratus, per Raynaldum deinde Cardinalem Brancatium Archidiaconum solenni ritu coronatus est. Venêre electionis hujus indices literæ ad Universitatem nostram à Constantia missæ mense Novembri die 20. quæ Martini V. nomen quoque assumpsisse Pontificem neo creatum significabant, ob reverentiam S. Martini Episcopi, cujus festa luce ad supremum Ecclesiasticæ dignitatis fastigium fuerat eve&us. Acceptum id sanè nun-

cium ingenti fuit omnium Doctorum, Universitatique læticia, quæ ad gaudium suum sincerissimum apertius declarandum proximo opportuno die in S. Stephani Ecclesia Ambrosianum Hymnum, Missamque de Sanctissima Trinitate decantari solenni ritu decrevit.

Dum pro concordia strenuè Patres in Concilio desudarent, tumultuatum interim hoc anno graviter crudelitèrque est in Bohemia à Joannis Hussii affectis, qui ejusdem & Hieronymi Pragensis supplicio irritati ad triginta prope millia confluxerant, in Ecclesias, ac Monasteria ferro & igne, omni que crudelitatis genere sævientes ita, ut vix vitæ periculum ipse Wenceslaus Rex sacerdotis cujusdam favore ac beneficio effugeret. Accessit insano huic plebis furori novus quodammodo fomes per Pragensis Universitatis declarationem palàm editam, qua ad utramque speciem à Constantiensi, ut falsò dicebant, Concilio approbatam, Christiano è more, ac Christi jussu sumendam, singulos adhortabatur Pragensis Rector, vulgò Joannes Cardinalis nuncupatus. Mirum est, quàm ad tuendum errorem, obfirmandósque pertinaciter animos insipientis aliunde populi valuerit incauta hæc Pragensium Doctorum declaratio. Patenti paulò pòst in campo ingens multitudo (multorum námque fuisse millium Æneas Sylvius testatur) omni ex sæce hominum confluit, tercentum & ultra mensæ eriguntur in patulo, propinatúrque in gyrum impiorum manibus sacer calix, è quo, non ut debuerant, salutem, sed nova furoris, justam temeritatis in pœnam, incentiva hausère, quibus multis dein annis Bohemia conflagravit.

Hæc, quia secuturæ narrationi nostræ propinqua, adducere hæctenus libuit, nunc ad Universitatis nostræ res hoc anno gestas redeamus, in quo lis quædam inter Facultates Juris, & Medicinæ Alberti Archi. Ducis arbitriò sententiâque terminata est. Nescio enim qua

ratione

ratione ducti Juris Doctores præponere in Processionibus Universitatis publicis Licentiatos suos ausi sint Doctoribus Medicinæ, ob quod controversia orta non levis est, quæ frequentius cogi Universitatis Magistratum exigebat. Decisum est è mente Principis (nam ob turbas plures ejus negotii causâ concitatas mederi aliter turbato statui haud poterat) Magistri, ac Doctores suis ut in Facultatibus nullo interrupto per alios ordine, secundum ætatis, qua in iisdem Doctoratûs insignia receperunt, prærogativam procederent. Et verò ad dirimendam litem omnem id sufficere debuit. Sed obstitit nonnullorum Pertinacia, quæ ubi victam se judicio vidit Principis, de Facultate Artium triumphum agere meditabatur; pugnatum cum ea (Acta refero, ut inveni) non æquo Marte, nec aperto bello, sed artibus, ac pene ex insidiis, quamvis utrumque bruto, casûque fulmine, id est successu nullo. Coacta nempe in unum Facultate Artium proposuit Dominus Cancellarius Principis, sibi ad concordiam inter Facultatum Doctores restituendam peropportunos videri, ut inter Magistros Artium reliquarum Facultatum quoque Licentiatum immixti publicis in processionibus juxta Rectoris dispositionem progredierentur, seque ad hoc Principis faciliè inducturum voluntatem promittebat. Non ignorabat Facultas Artium, id è mente Alberti Archi - Ducis minimè dici. Quare priori ejus sententiæ sibi standum arbitrata, nihil se ab aliarum Facultatum Doctoribus novi, inusitatique admittere velle palàm edixit, daturamque se operam, cum eadem ratio pro suis Magistris militet, quæ pro Medicorum causa jam nuper ab Archi - Duce decisa, nè ab eorum more, ac usu vel lato ungue recedat. Quo quidem responso primus ille insultus præclare repulsus est; atqui crebrius subsequis dein annis graviusque attentatus Facultatum inter se Doctores commisit.

Uti honoris sui retinentior, ita & communis utilitatis Alumnorum suorum studiosior hoc anno Facultas
Artium

Artium fuit. Quare cùm Rectorum, qui Bursis præerant in vespertinis disputationibus segniores aliquos intellexisset, pœnam in illos statuit, legēsque dictavit ad eorum coercendam negligentiam opportunas ut sequuntur.

Primò quod quilibet Conventor debet qualibet nocte disputare exceptis Vigiliis Apostolorum, similiter & noctibus Sabbathorum, & noctibus quas sequitur immediate festum fori, & in noctibus ipsorum festivoram dierum. Secundò quòd quilibet conventor debet esse in mensa tempore prandii & cana cum suis Bursalibus, nisi causa rationabilis obstaret, & si quis Conventorum neglexerit bis disputare pro bursa vel etiam semel, talis careat grossò aliàs sibi debitò, & cum hoc debet dare totam additionem sicut unus de Bursalibus, & similiter faciat, si bis aut semel neglexit esse in mensa cum suis Bursalibus. Si autem neglexit iter disputare sine rationabili causa, in pœnam solvat totam Bursam, & additionem sicut unus de Bursalibus, & cum hoc careat grossò sibi aliàs debitò. Item conclusum fuit, quod nullus Conventorum disputare deberet per substitutum, nisi esset causa rationabilis; & tunc deberet Mag. Regens Bursarum per Magistrum substitutum disputare, & non per Baccalaureum. Similiter & Baccalaureus Regens bursam, deberet occurrente rationabili causa disputare per Baccalaureum substitutum. Dein etiam conclusum est, quod nullus bursalis imposterum deberet habere famulum in domo conventorum, nisi ponat bursam pro eo, & additionem sicut pro se ipso. Similiter quod nullus Conventor deberet habere aliquem famulum in bursa, nisi ponat pro eo bursam & additionem; sicut Bursalis ponit. Tota tamen communitas bursa juxta modum antiquum deberet habere duos tertianos aut unum, si ita pauci sunt, aut si multi essent, admittitur illis unus quartanus.

Hoc eodem anno Universitas literis admonita à M. Nicolao de Dincklspeichl, & Mag. Petro de Pulcka Oratoribus

toribus in Concilio Constantiensi, ut Rotulum unum, aut etiam duos ad Summum Pontificem pro beneficiis impetrandis transmittat, de quo conficiendo strenuè adlaboravit, quamvis expediri is non nisi sequenti anno potuerit, ut infra videbimus. Præterea cùm circa hoc tempus obiisset M. Joannes de Valle Oeni Doctor Medicinæ egregius, atque tum Universitatis Superintendens; M. verò Lambertus de Gelria, qui idem munus gerebat, Constantiæ in Concilio versaretur, hinc Rector cum Senatu Academico Albertum Archi-Ducem adiit, enixè petens, ut è consuetudine priorum annorum Universitas duos Superintendentes eligere posset, qui communi studio, & Principis Juris honorisque, & Universitatis commodo, tuendisque Privilegiis studerent. Verùm renuit id Princeps, qui suum sibi ipse Superintendentem nominavit Dominum scilicet Petrum Plebanum in Mergen. Quare etiam Universitas de altero deligendo convenit, & M. Paulum de Vienna ex Facultate Juridica communi suffragio ad id munus assumpsit. Circa quod admonendum censeo Lectorem hos deinceps Superintendentes ex alia semper, & alia Facultate fuisse electos.

Annò 1418. cùm terminandum ad Pascha Constantiense Concilium, Pontificemque inde in Italiam moturum Universitas suorum Oratorum è literis intelligeret, ad expediendum rotulum contentione omni desudabat; sed impedimento fuit lis iterum à Juridica Facultate ceteris mota de Nuncio mittendo, an nimirum Facultates, ut antea factum fuerat, singulæ singulos deligerent Nuncios, an unus communi totius Universitatis suffragiò juberetur, communibus expensis dein Facultatum omnium ad Romanum Pontificem mittendus? diu hæc controversia Universitatis Concilium fatigaverat, nec Artium Facultate, cui se Theologia, & Medica adjunxerant, antiquo jure cedere, nec Juris Consultorum Collegio aliarum sententiæ consentiente.

tiente, sicque elapsura opportuna impetrandorum novorum Privilegiorum occasio merito timebatur; sed periculum submovit Alberti Archi-Ducis imperium, qui cum Reſtori ſignificáſſet, quàm ægrè hæc Doſtorum inter ſe diſſidia ferret, minas quoque adjecit graviffimas, niſi paucos poſt dies in ſtabilem deinceps Nuncii deſignandi modum Facultates convenirent. Delecti igitur illicò ſingulis è Facultatibus Viri egregii, qui controverſiam hanc, negotiúmque componerent, conclusúmque eſt, ut Facultas, quæ ferendis ſumptibus par eſſet, Nuncium mitteret, quamvis non ſuo uniús, ſed totius Univerſitatis nomine; quod & factum. Deſignavit nempe in Nuncium Univerſitatis Facultas Artium M. Henricum de Hammelburg, qui illicò Conſtantiam avolavit. Quàm præclare verò ab illo res, Univerſitatisque negotium geſtum ſit, ampliffima à Pontifice obtenta hoc anno privilegia, percipiendorum nempe Eccleſiaſticorum beneficiorum, Jurisdictionisque, quæ Reſtori ſuprema in omnes Univerſitatis Alumnos deinceps eſſet, docuère.

Rediit conſectò Rotuli negotiò M. Henricus Stoll de Hamelburg 21. Junii, nec multò antea reliqui Doſtores noſtri, qui Concilio intereſſe juſſi ſunt, omnibúsque immenſæ ab Univerſitate gratiæ ſunt habitæ, ob rem pro Eccleſia, communique fidelium bono adeò præclare geſtam, auctámque apud exterarum Nationes omnes, tum verò apud Romanum potiffimùm Pontificem Academiæ noſtræ famam, opinionémque de ea longè ampliffimam ubique gentium procuratam.

Venère hoc eodem anno literæ ad Univerſitatem ab Eberardo Archi-Præſule Salisburgenſi miſſæ, quibus ad provinciale Concilium proximè à ſe faciendum Doſtores quoque noſtros non tam invitavit, quàm ut ſibi conſilio aſſent, rogavit, petiſtque componi ſibi à Doſtoribus noſtris libellum quempiam, qui adminiſtrandi Sacramenta Catholico è ritu Plebanos, Cutionesque pium modum edoceret, datum utrumque eſt

est Pii Antifistis precibus, delectōsque inter ceteros Doctores, qui ejusmodi libellum componerent, reperto M. Nicolaum de Dincklspicbl, & M. Joannem Sindrami. Dum verò de mittendis quoque Salisburgum legatis, deque sumptibus ad iter hoc necessariis colligendis deliberaret Universitas, ea quoque sollicitudine optimus Princeps Albertus eandem liberavit, qui, cum quatuor ex Universitate Doctores tanquam Oratores suos ad Salisburgense destinasset Concilium, singulari è favore id quoque Academiæ nostræ indulgit, ut iisdem causas, negotiâque sua pertractanda ibidem committeret.

Neque in hoc solo literariæ Reipublicæ commodis Clementissimus Princeps prospexit, sed & alterum beneficium adjecit, quo turbas complures, dissensionēque Magistrorum de ordine inter se servando hactenus concitatas unicō decretō suō sustulit, ac suppressit, dum nempe 21. Maji in Festo Theophoriæ eum ordinem servandum statuit, *ut in supplicatione hac publica primi irent Scholastici (sic Acta referunt) & Baccalauri in artibus; post eos Scholares in Medicina, dein Scholares Juris, qui tamen omnes erant absentes, quia sciebant se non locandos secundum ipsorum voluntatem, postea Nobiles simplices, dein Scholares Theologia, & post illos Nobiles & Canonici Ecclesiarum Cathedralium. Dein Magistri in artibus cum suo Decano; post illos duo Prappositi de Ungaria, videlicet Dominus Ladislaus, & alius Prappositus; dein Doctores in Medicina; postea Doctores Juris, & demum Doctores Theologia, & Dominus Rector Universitatis.*

Neque inter hæc privata sua negotia publici boni obliviscebatur Universitas nostra. Supplicaverat hæc jam per Oratores suos Constantiensi in Concilio Sigismundo Cæsari, ut progredientem indies Hæreticorum per Bohemiam, vicinâsque Provincias audaciam, erroresque reprimeret, mediūque afflictæ Christianæ Reipublicæ adferret. Verum cum invalescere indies eorum

vires, latiùsque diffundi perniciem, virùsque cerne-
ret, Oratores hoc demum anno ad eundem destinat,
qui eidem & delendæ tantæ pestis modum maturo
è consilio nostris à Doctõribus inito proponerent, eum-
que ad succurrendum Christianæ Reipublicæ adhorta-
rentur.

Annò 1419. Joannes XXIII. exautoratus in Conci-
lio Constantiensi, cùm per alterum ferè jam annum
in Germania detineretur arcta velut in custodia, nè
turbas novas in Ecclesia cieret, aurò sibi tandem viam
rupit, indèque statim ad Martinum V. profugit, apud
quem ea animi magnitudine, qua gessit Pontificatùs
insignia, titulòsque posuit, eumque legitimum Petri
successorem agnovit. Habitus dein magno in hono-
re est à Martino, ab eoque Episcopus Tusculanus, ac
Sacri Collegii Decanus creatus. Quo in munere obiit
Florentiæ annò à resignato Pontificatu quartò.

Ponente sic Schismaticorum turbine, qui tot annos
Ecclesiam verterat, hæreticorum per Bohemiam la-
tiùs furor debachabatur, stimulante potissimùm Joan-
ne quodam è Religioso Apostatâ turpissimo, qui ad
fundendum plurimorum Magnatùm cruorem prælato
sacro in calice Christi sanguine consceleratos adhorta-
batur. Indoluit tantæ Regni, suorùmque calamitati
adeò Rex Wenceslaus, ut subitò, delatò ad se tot cæ-
dium nunciò, apoplexiâ tactus sit, atque infra decem
& octo dies è vivis excesserit Annò Regni sui quinquag-
esimò quintò, ut Spondanus, & alii, postquam fra-
trem suum Sigismundum frustra ad capeffendum Bo-
hemix Regnum accersivisset, qui hoc anno vel ingre-
di Bohemiam ausus non est ob turbas gravissimas, bel-
làque civilia, aut ut alii opinantur, noluit, armis ne-
scio quo zelo in Barbaros & Turcas versis.

Obiit & hoc eodem anno Universitatis nostræ Re-
ctor M. Lambertus de Geldria, Theologiæ Doctõr, ac
sacræ paginæ in eadem Interpres, Academiæ nostræ
pluries Rector, pluribus à se conscriptis voluminibus

cele-

celebris , quæ in Bibl. Academ. asservantur. Cujus post mortem (nam hoc ipso tempore Magistratu in Republica literaria supremoungebatur) non levis difficultas , dubiûmque ortum , cui cogendæ Universitatis onus incumberet ; conclusûmque tandem communibus Doctorum omnium suffragiis in modum sequentem est , quo secuturis quoque temporibus prospiceretur ; verba reddo Actorum in Facultate Artium :

Conclusum est , quòd si Rector Universitatis , tunc Decanus Facultatis , de qua Rector est , se intromittat de laboribus Rectoris defuncti , & hoc solum esset verum , si talis Decanus possit aliàs esse Rector Universitatis , quod factum est propter Religiosos , & propter Magistros , & Doctores habentes uxores legitimas . Si verò aliquis talium Doctorum esset Decanus , in tali casu se non haberet intrmittere de laboribus Rectoris defuncti , sed senior Doctor , vel Magister præsens , & Regens in eadem Facultate de qua electus est Rector defunctus . Si verò Decanus alicujus Facultatis decesserit , tunc senior Doctor , vel Magister præsens & Regens se habeat intrmittere de laboribus ejusdem Decani defuncti . Si verò Procurator aliquis Nationis alicujus defunctus fuerit ; tunc senior Doctor , vel Magister præsens , & Regens Nationis , de qua talis Procurator fuit , debet se intrmittere de laboribus ejusdem , & facere congregationem omnium suppositorum ejusdem Nationis pro electione novi Procuratoris . Si verò talis Natio deficeret in Doctore , vel Magistro ; tunc faciat Baccalaureus senior ejusdem Nationis de ista Natione congregationes omnium suppositorum , & alia , quæ ad Procuratorem pertinent usque ad electionem novi Procuratoris . Si verò talis Natio deficeret in Graduato pro tunc , Scholaris ejusdem Nationis honestus faciat , ut proferatur . &c.

Ex quo patet , nunquam tunc in Universitate hæc nostra , quæ se Clericam ab initio profitebatur , in usu fuisse , ut vel Religiosus , aut Doctor legitimo in ma-

trimonio constitutus supremum illius Magistratum gereret, quo palàm ostenditur, errasse apertè illos, qui Henricum de Hassia Monachum fuisse scripsère, cùm is (ut acta nostra ostendunt) Rector Academiæ nostræ præfuerit, ut etiam superius à me insinuatum.

Facta est quoque hoc anno transactio quædam inter Facultatem Theologicam, & Philosophicam, seu Artium: Cùm enim prima in Magistris Legentibus penuriam pateretur, hæc iisdem abundaret, petière à Principe Alberto Doctores Theologi, ut tribus actu in eorum Facultate sub stipendio Facultatis Artium legentibus Magistris Artium, & in Theologia Baccalau-
reis jam formatis tres alii adjungerentur. Nec abnuit id Artium Facultas, ea tamen adjecta conditione, ut Magistri illi legentes in Theologia in omnibus reliquis subsint Facultati Artium, ejusque onera subeant haud secus ac alii in Artibus legentes, ita, ut si vocati vel ad disputandum, vel ad examinandum fuerint, teneantur omnimodè parere, nec ullum Facultatis laborem detrectare, in quod & ambæ Facultates convenère, approbante hæc omnia & confirmante Alberto Archi-Duce.

Anno 1420. Sigismundus Cæsar ad excindendam hæresim Crucem in Hussitas publicari jussit, grandique conflato exercitu Bohemiam adortus est nativum Regnum, sed impurissimarum sectarum colluvie contaminatissimum. Tulère & justissimo bello suppetias Albertus & Ernestus Archi-Duces Austriæ, ipsi quoque ex innato in Ecclesiæ hostes odio ad castra profecti. Verùm ne majora eo bello peragerentur, tum Joannis Ziska, hominis militiæ peritissimi, Hussitarumque defensoris acerrimi vis obstitit, tum verò nimia Sigismundi in seditiosos lenitas, clementiæque quâ, dum Cives patriæ, patriam, urbésque servare sibi providè minus studet, parum aberat, quin Cives & Regnum simul amitteret; quinquies siquidem frustra
Bohe-

Bohëmiam armis deinde cùm tentâisset, quinquies non sine dedecore cæsus est.

Felicius longè res suæ Universitati nostræ cessere, quæ à Martino quinto non parum eidem favente novis rursus, amplissimisque Privilegiis aucta est; dum ob præclara merita, laborésque in Constantiensi Concilio exantlatos eidem excommunicandi, censurisque aliis Ecclesiasticis reos, obstinatósque coërcendi potestatem fecit Bullâ hoc anno datâ, cujus tantùm partem ultimam subjungo:

Ipsaque membra, & supposita, ac ex eis quemlibet, quoties legitima suberit causa, canonicis servatis sanctionibus excommunicandi, & excommunicatos publicè denunciandi, aliisque censuris, & penis Ecclesiasticis percellendi, ac ab illis absolvendi, plenam, & liberam auctoritate præsentium facultatem concedimus, & etiam potestatem, non obstantibus constitutionibus, ordinationibus Apostolicis, ceterisque contrariis quibuscunque. Nulli ergo hominum liceat hanc paginam nostræ concessionis infringere, vel ei ausu temerario contrariere. Si quis autem hoc attentare præsumpserit, indignationem Omnipotentis DEI, & Beatorum Petri & Pauli Apostolorum ejus se noverit incursum. Datum Florentia VI. Calend. Junii, Pontificatus nostri anno tertio.

Anno 1421. Cùm Hussitarum hæresis non vicinam solum Austriam pravis dogmatibus, sed & armorum furore perturbaret, Missæ solennes jussu Alberti decantatæ per urbem sunt, supplicationésque publicæ deductæ, quibus & Universitas nostra intererat, ad placandam Numinis iram, meritásque à Patria, Civiumque jugulis pænas avertendas, útque humanis quoque mediis virus hoc pestilens indies latius se se diffundens extirparetur, monente eodem Principe Universitas decrevit, ut quotquot Universitatis Jure, privilegiisque vel actu gauderent, aut frui iisdem deinceps vellent, jure jurando testarentur se omnem

Wicleffi, Hussisque errorem, cæterásque, quæ per Bohemiam grassabantur, hæreses toto animo rejicere, nullisque opinionibus à Religione Catholica alienis se deinceps adhæsurus. Quod & illico ab omnibus præstitum esse Acta Universitatis insinuant.

Quàm verò pius hic Alberti Archi. Ducis, Universitatisque nostræ ad extirpandam hæresim conatus DEO, superisque placuerit, eventus brevi docuit. Redditæ enim hoc etiamnum anno Universitati nostræ sunt literæ, quibus reductus ad Ecclesiæ, Romanæque sedis obedientiam Moraviæ populus edocebatur, Meminere harum literarum Acta Facultatis his ipsis, quæ subjungo, verbis;

Die 22. Decembris congregata est Universitas ad audiendam quandam literam directam Universitati per Venerandum Dominum Sedis Apostolica Legatum; qui tunc moram habebat in Iglavia; & continebat pro consolatione Universitatis, quomodo omnes Barones, & Domini de Moravia relictâ, & abjuratâ Hæresi Hussitarum, & pravitate, conversi essent in sinum sanctæ Matris Ecclesiæ, exceptis tribus, & quòd bona spes esset de conversione Dominorum de terra Bohemia, & quòd populus communis adhuc in hæretica pravitate consistens in magno staret timore & tribulatione.

Hæc læta è Moravia dum nuncia adferuntur, turbavit non nihil pacem Universitatis duorum Magistrorum inconsulta dicacitas. Exciderant nempe familiares inter congressus Magistro Lauringo dicteria quædam Hussitarum Wicleffistarumque hæresim redolentia; Quæ, cum pro Religionis tuendæ studio vehementius, incautiúsque arguit M. Paulus de Praga Artium Magister, nec in sacrationibus disciplinis multum versatus, offendisse & ille visus est, quorum inter sese litigantium causa ad Apostolici Nuncii aures dum desertur, gravi quidem Epistola ille Magistri Pauli temeritatem coarguit; Magistrum verò Lauringum in carcerem detrudi Officiali Passaviensis Episcopi mandat,

mandat, donec Universitas, cui controversiæ totius arbitrium, sententiâque ferendam commisit, quid de eo statuendum sit, decreverit. Delegit acceptâ hac Nuncii Epistolâ illico Universitas M. Petrum de Pulcka, & M. Bartholomæum Theologiæ Doctores, qui cum aliis Facultatum Doctoribus causam maturò consiliò discuterent, quidque ulterius faciendum censuerint ad Universitatis Senatum deferrent. Cujus rei finem sequenti anno videbimus.

Ad hunc annum Gerardus de Roo in historia sua Austriaca refert expulsos ab Alberto Austriâ Judæos, multos verò ultricibus flammis addictos, cujus rei causam Haslbachius his verbis describit:

Israël Judæus pradives in Anaso ferebatur ab uxore aditui sibi obnoxia ab Ecclesia S. Laurentii Parochiali à communi hominum frequentatione separata post paschalia ejusdem anni festa multas Sacramenti particulas comparâsse, & eas ad illudendum suis paribus destinasse, quæ sacrilega etiam mulier præfata, quæstionata confessa est. Israël Judæus tamen cum uxore & aliis hujusmodi flagitii conscis, & suspectis id constanter negare studuerunt, certum etsi furtum commissum esse sacerdotibus foret. Hinc uno die, eademque hora in universis Austria locis Judæi Ducis Alberti jussu addicuntur captivitati, confiscantur eorum bona, & relegatis popularibus reservantur magis honorati eorundem. Quo dum hyems asperior ingruisset, quidam mutuis ex eis cecidere vulneribus, alii verò sibi manus injicere non dubitarunt, &c. hac in perfidæ gentis persecutione eorum Synagogam hîc Viennæ (an furore populi, an jussu Principis ignoro) dejectam, everfamque fuisse ex Actis nostris reperi, cujus in acervum coniectos lapides Cives Universitati ad extruendam novam, ampliorémque domum, in qua Magistri legerent, Universitatisque aula amplior construeretur, liberaliter donarunt.

Decretum hoc eodem anno est ab Universitate ob

rixas perpetuas studiosos inter & Givēs ortas , ut nullus deinceps Universitatis Privilegiis gaudeat, nisi sit vel in Collegio aliquo, aut in Bursa sub Magistri aut Baccalaurei cura, vel in domo incorporata Universitati sub Rectore ab eadem designato, aut demum in domo hospitis prius approbati, qui pro omnibus clientum, Domesticorumque suorum respondere, deque eorum nialè actis rationem Universitati reddere paratus sit, utque à Decanis Facultatum Bursæ, studentiumque domus, aut Collegia frequentius visitentur, insistantque Facultates singulæ prioribus à se conditis eo in negotio legibus & statutis.

Literis denique hoc ipso tempore in Universitate hac nostra operam dedit Ernestus Archi-Ducis Ernesti filius, qui à Facultate Artium ad Juridicam hoc anno transit ob causam, quam in Actis Facult. Artium & legi, & accuratione summa reddo:

Supplicavit Dominus Doctor Joannes de Bestphalia, quatenus Universitas dignaretur dare bonum locum (intellige in processionibus publicis, aut consessu Magistrorum) Domino Ernesto filio Ducis Ernesti, & commissum fuit Deputatis, qui deberent ordinare juxta status personarum. Sed nostra Facultas (intellige Artium) addidit, quod si non fieret generalis permittio, & adunatio suppositorum cujuscunque Facultatis essent, tum nec quoad istum vellet condescendere, ut altius locaretur, quam fuit antea in Facultate Artium, & motivum fuit, quia Facultas Juris tunc alienavit sic plura supposita à Facultate Artium, quia postquam intraverunt Facultatem Juris, tunc exaltavit eos sicut idola præferendo, & prælocando Magistris in Artibus, & aliquibus aliis Doctoribus. Sic & ille ut exaltetur Facultatem Artium exivit, & Facultatem Juris intravit.

Ex quo haud obscure patet, quàm retinendi Juris sui Facultates jam tunc studiosæ fuerint, quæ carere etiam serenissimo è sanguine prægnatis maluere alum-

nis,

nis, quàm ut admitterent, quo viliores reliquis viderentur.

Anno 1422. M. Lauringus: de quo anno superiori dictum est, publico in Universitatis, Doctorumque confessu propositiones quasdam aut hæreticas, aut certè non parum de ea suspectas, atque à se prolatas coram Notariis duobus publicis retractavit, abjuratisque omnibus Hussii erroribus Sacramentò se se adstrinxit ad Catholicæ Religionis dogmata non solum sectanda deinceps, sed & propugnanda, & defendenda, quòd cum præstitisset, justæque pænitentiae signa dedisset non levia; Rector Universitatis, quemadmodum eidem Legatus Apostolicus commiserat, eum ab excommunicationis, aliarumque censurarum Ecclesiasticarum (si quas incurrisset) pænis absolvit, & quia ob hæresis suspicionem in carcere etiamnum à Domino Officiali detinebatur, egit quoque Universitas interpositis apud Officialem precibus, ut libertati quoque pristinae redderetur, quod & ab illo in Doctorum nostrorum gratiam deinde præstitum.

Hoc eodem anno Elisabetha Sigismundi Imperatoris hæres filia, atque Alberti Archi-Ducis sponsa, ut Acta nostra testantur, ingenti cum apparatu deducta Viennam est, cui obviam quoque processit Universitas hæc nostra numerosissimo cum Nobilium tum Doctorum comitatu. Quàm felices verò hæ nuptiæ Austriacis fuerint amplissimarum Provinciarum facta dein accessio testata est. Tabulis nempe publicè jam uno ab hinc anno scilicèt die Dominico ante Michaëlis, Anno MCCCXXI. Posonii editis ita Elisabethæ filia, ac Alberto ejusdem sponso de Bohemiæ, Hungariæ, Moraviæque possessione Sigismundus caverat, ut, si sine prole mascula ipse decederet, eas Provincias hæreditario jure obtinerent, aut si aliam sibi etiamnum Filiam nasci contingeret, Elisabetha Regno uno quod luberet, sorori relicto, alterum cum Moraviæ Ducatu nancisceretur. Addit & his Haslbachius initò

hoc matrimonio Archi. Duci Alberto pignoris loco quinque in Moravia civitates à Sigismundo esse traditas, scilicet ut ille scribit, Brunam, Znoymam, Iglaviam, Budwiz, & Pocherliz, pro quibus tamen Albertus eidem 100000. florenos persolvit.

Vindicata est eodem tempore Domus Inclytæ Facultatis Medicæ, quam eidem Dominus Nicolaus de Herberstorff priori anno donaverat, è civium servitute. Domus præterea à Domino Nicolao Glewiz Canonico Ecclesiæ Vratislaviensis in bursam Silesitarum empta annò 1420. & dotata hoc demum anno Doctoribus Theologiæ & Artium Magistris juxta Foundationis literas, mentémque defuncti Fundatoris adjudicata est, cum eam hætenus duo è Juridica Facultate M. scilicet Joannes de Graz, & M. Stuckler sine ullo Rectoris, aut Universitatis vel consensu, vel approbatione occupassent.

Denique hoc anno Joannes de Gmunden celebris sui temporis Mathematicus Tabulas Astronomicas, quarum autor erat, è consensu Facultatis Artium publicavit, eidémque obtulit.

Anno 1423. Domus Universitatis ex antiquis Judicæ Synagogæ ruderibus construi per Facultatem Artium hac ratione cœpta est: Emerat jam multo abhinc tempore Universitas domum vulgo dictam senioris Krembsler cum areis adjacentibus, ut scholæ, vel ut dici tunc solebat, Lectoria ampliora pro Facultatibus singulis construerentur, unà cum aula Academica, in qua solenniores Universitatis actus haberentur, ac cum Bibliothecis pro singularum Facultatum libris scriptisque asservandis. Verùm convenire inter Facultates non potuit; quæ, dum singulæ sui fors commodi studiosiores erant, communem omnium utilitatem præpediêre. Ægrè tulit hanc Universitatis suæ, cujus honori & commodo summè studebat, diuturnam discordiam Albertus Archi. Dux, accitisque ad se Abbati Mellicensi, M. Nicolao de Matzen, M. Nicolao de

de Dincklspichl, & Domino Casparo Juris Professore ordinario in mandatis dedit, Facultatem Artium ut accederent, eamque suo hortarentur nomine, ut domum eam cum areis ab Universitate emptis ad ejusdem honorem, commodumque suis sumptibus erigat, construâtque; quam quidem in Principis voluntatem cum consensisset Facultas Artium, convenêre tandem cum M. Nicolao Dincklspichl, qui nomine Principis aderat, Universitatis reliqui Deputati, in hunc, qui sequitur, modum:

Primò omnis materia lapidum, calcis, lignorum, & aliorum quorumcunque nullò demptò per Universitatem defacto pro structura arearum emptorum dandam esse liberè Facultati Artium, & eidem omnino apparandam. Item Universitas eidem Facultati solvere tenetur 160. libr. Den. Wiennensium antiqua moneta, & statim pro principiendo labore in hujusmodi summa dare deberet prædicta Facultati omnem pecuniam in archa Universitatis existentem, aut extra archam ubicunque fuerit de remanentiis residuatam, & in futurum residuandam, donec prædicta summa, quanto citius fieri poterit, fuerit integrè exsoluta. Item, ut tota anterior pars area, & fundus cum edificiis, celariis, & omnibus attinentiis suis, & curia usque ad metas pro ingressu ad Lectoria nova signatas, videlicet ad externum murum contigua camera, quæ est super primo celario, & correspondenter usque ad vicum equaliter distantem à muro Lectoriorum, sit Facultatis Artium prædictæ cum pleno jure, & dominio, sicut antè fuit Universitatis, etiam cum literis emptionis bonorum prædictorum. Pars verò tota residua area posterior, videlicet à postrema camera, quæ est super celario exclusivè, & correspondenter spatium area equaliter distans cum camera à muro Lectoriorum unà cum Lectoriis pleno jure & dominio directo sit Universitatis; quoad usum autem communiter pertineat ad omnes Facultates cum moderaminibus tamen infra scriptis: ita

vide

videlicet, quod fons sit cōmunis etiam habitantibus in areis Facultatis. Spatium autem interjacens inter Lēctoria, & aream Facultatis supra descriptam sit liberum pro statione Scholarium, ac pro ingressu ad scholas. Nec deberent adificia versūs eandem partem in area tanta, ac talia fieri, quæ scholis prædictis in lumine præjudicent. Item pro præmissa area, pecunia, & præparamenti lapidum, & aliorum super descriptorum Facultati Artium prædicta ab Universitate assignatorum, vel adhuc solvendorum, tenetur eadem Facultas præfata Lēctoria juxta formam jam inceptam, murō, pavimentis, & tectō latericiō propriis sumptibus ad plenum perficere indilatē, ita videlicet, ut inferiūs sint tria Lēctoria, & superiūs unum magnum, quæ sint ad usum infra scriptis Facultatibus Theologica videlicet, Juris Canonici, & Medicina distincta pro Actibus suorum Graduatorum, & ad suam Facultatem pertinentibus duntaxat. Cum autem actibus talium vel talibus deoccupata fuerint, indistinctē Facultatem Artium respiciant, pro quibuslibet actibus suis, seu graduatione cujuscunque Facultatis aut personæ. Lēctorium verō magnum superiūs Universitatem pro suis actibus solennibus, pro suppositorum scilicet conventibus, congregationibus, & Facultates tres prænominatas in actibus solennibus respiciat, talibus tamen duntaxat, quos Universitas ipsa aut Facultatum omnium persona consueverunt adire, ut sunt conventus, Licentia, & solennes Doctorales determinationes, & ceteri actus, ad quos confluere consueverunt supposita in tam copiosa multitudine, quod visibiliter in scholis ejusdem Facultatis specialibus, cujus est actus decenter non possent collocari. Extra tales actus autem præfatum Lēctorium ad solius Facultatis artium usum pertineat. Item in qualibet scholarum trium inferiorum fiant .4. scamna cum pulpitis convenientibus, & hoc de pecunia communi Universitatis, nisi plura talia de propriis Facultati, cui tale Lēctorium assignatum fuerit, placeat ordinare. Alia

autem fiant juxta morem Facultatis Artium; ita tamen, quod etiam de communi pecunia Universitatis tantum contribuatur, sicut pro 4. scamnis & pulpitis in una inferiorum scholarum fuerit impensum. Item januas, & fenestras, & alia ad scholas pertinentia faciat Facultas Artium juxta ipsius discretionem, ad Universitatis, & sui ipsius profectum, & honorem. Insuper placuit eisdem Deputatis, ut statim Facultati Artium omnis pecunia remanentiarum, qua essent in archa, & extra usque ad 60. libr. Denar. & pro centum libris obligaretur Universitas Facultati. Et sic factum est eodem die, & approbavit totum tractatum Universitas sequenti in Congregatione, scilicet die 3. Augusti. Ultima verò die Septemb. in Congregatione Universitatis data est cum effectu domus Universitatis cum parte arearum Facultati Artium, unà & litera emptionis, & litera Universitatis de hac donatione Facultati facta, confecta &c.

His ita peractis Facultas Artium delegit M. Narcissum Herz tunc Universitatis Rectorem, Joannem de Gmunden Facultatis suæ Decanum, & Nicolaum de Gotesprun, qui numerarent pecunias in Facultatis æratio contentas, præsitò tamen antea juramentò, nè quantæ eædem essent ulli unquam indicarent. Cùmque structuræ faciendæ sumptus non impares cerneret, illico aggressa eandem est, ædificiòque ducendo præfecit M. Thomam de Haslbach sæpiùs à me hætenus laudatum, & M. Nicolaum Rockinger de Gotesprun, ac dein etiam M. Joannem de Gmunden. Magister tamen Thomas de Haslbach cùm eodem hoc anno mense Octobri Rector Universitatis crearetur, ab onere hoc absolutus est per tempus scilicet, quo Magistratum gereret.

Indictum hoc eodem anno (quemadmodum in Constantiensi nuper decretum fuerat) Concilium est Papiense, verùm, cùm ob metum sævientis pestis pauci sibi Papiam adire fiderent, Synodus ista Senas translata

lata est, quo etiam plurimi Præsules ac Doctores confluxere. Actum in ea strenuè de reformanda Ecclesia, extirpandisque erroribus in Constantiensi Concilio damnatis. Sed cum Martinus Pontifex Mense Septembris adfuturus & ipse Senis adpromitteret, nec ob Alphonsum Aragoniæ Regem sibi infestum accedere auderet, Februario mense anni sequentis hæc quoque Synodus dissoluta est, reformationisque necessaria acta ad Martinum Pontificem transmissa. Deliberavit & Universitas nostra à Pontifice ad hoc Concilium invitata, an & ipsa Oratores suos Papiam, Senasve mitteret; verum cum exhaustum novis structuris suum cerneret ærarium, sumptusque necessarios haud suppetere, nullum hac vice à se suo nomine mittendum Legatum censuit, sed negotia necessaria illis committenda, qui aliunde ad eam Synodum proficiscerentur, Ita Acta Universitatis referunt. Nomina tamen Doctorum nostrorum, qui huic Concilio sponte sua interfuere, nullibi hætenus reperi.

Annò 1424. obiit Petrus de Luna olim Pontifex dictus Benedictus XIII. ætate jam summum in senium vergente, animoque tam ad retinendum Pontificatum obfirmatò, ut antequam eflaret animam sacramentò Cardinales suos adegisse dicatur, alium rursus in suum locum ut Pontificem substituerent. Et verò vitâ eo functò, duo Cardinales, qui Benedicto hætenus adhæserant, Julianus nempe de Loba, & Dominicus Bonæ Spei illico in Pseudo-Papam creârunt Ægidium Sanctii Munotii Canonicum Barcinonensem militari genere natum, Decretorum Doctorem, qui, cum eos honores toti Ecclesiæ perniciosos omni studio rejiceret, Alphonso tandem jussu coronatus est, Clementisque VIII. nomen accepit, novos Cardinales subinde creavit, ac pro Pontificis autoritate administrare visus est omnia, haud alio fine, quàm ut Alphonso Martino semper infestus Aragonum schisma firmaret, legitimique Pontificis autoritatem deprimeret, à quo tamen unà cum

Pseu-

Pseudo - Pontifice suo à Martino excommunicationis sententiam tulit.

Dum nova hæc lis Summum Pontificem vexaret in Italia, in Austria quoque discordiæ ortæ sunt Passavienses inter Episcopos geminos, ejusdem Ecclesiæ Canonicos, quæ Albertum dein Archi Ducem, & Universitatem hanc nostram multos per annos involverunt. Cujus originem paucis hic damus. Demortuo Gregorio Passaviensium Præsule, discordi electione Episcopus à minori quidem parte nominatus est Leonardus à Layming Bavarus, & Henricus Flockelius Decretorum Doctor majori Canonorum parte neutri suffragante. Commissa hinc Eberhardo Salisburgensi Archi-Præsuli nominandi Episcopum autoritas fuerat, qui precibus Baviaræ Ducis permotus Leonardum à Layming Passaviensi præesse Ecclesiæ dein jussit, etsi & Albertus Archi-Dux Austriæ, & Canonorum plurimi Henrico potius favissent, qui sententiam jam suam retractabant, nec in urbem admittere Leonardum volebant. Devicit tamen ille tum blanditiis, tum largitionibus ita civium animos, ut cum non benevolè modò reciperent, sed & ejus quoque Dominatum lubenti animo ferrent. Quò quidem civium in Leonardum favore tanto vehementius exacerbati sunt Canonorum animi, adeò, ut Albertum adirent, multisque querelis ita Principis animum occuparent, ut proventus Episcopales per Austriam omnes eidem interciperentur. Hinc plurimæ utraque ex parte ad Universitatem nostram missæ, remissæque literæ. Petierat nempe literis suis Leonardus, debitum ut sibi Universitas obsequium, obedientiamque præstaret, scripserat quoque ad Doctores nostros Henricus Baviaræ Dux, ut quâ consiliis, quâ precibus Albertum Archi-Ducem in meliorem partem flecterent, eumque Leonardo conciliarent, sed obstitit mandatum Alberti, qui tunc in Moravia adversus Hussitas pugnaverat, frequentius namque Universitatem nostram Nunciis ad-

monebat, ut ad Romanum Pontificem intrusum esse Leonardum perscriberet, nullamque obedientiam eidem præstaret. Quare Universitas etiam contra mandatum Leonardi publicis coram Notariis appellavit, Bavarix verò Ducis literas Alberto in castra transmissit, ac Denique Dominicâ II. Adventûs duos è Doctõribus Procuratores delegit, qui Leonardi, Universitatique causam apud Martinum Pontificem agerent, scilicet Dominum Joannem Kreveld, & Dominum Joannem Kerrs, quos etiam suo nomine, ut negotium hoc pertractarent, Archi-Dux designavit.

Hoc eodem anno ab Universitate proscriptus, eque matricula illius expunctus est Joaões de Buda Baccalaureus in Artibus, eo quod studiosorum aliquem mutilasset, obque plures commissas in Rectorem, ac Magistratum reliquum Universitatis injurias. Verùm cum tandem Romanorum, Hungariæ, Bohemiæque Rex Sigismundus literis instaret, precèsque accederent supplices Domini Archi-Episcopi Strigoniensis, dandum id eorum desiderio Universitas censuit, ut dictum Joannem rursus recipiat, Albóque studentium inscribat, eo tamen pacto ut taxam eam persolvat, quam persolvere tenentur ii, qui antea in eundem relati nunquam fuere.

Hoc denique anno Privilegium Jurisdictionis, quam Rector in omnes Universitatis Doctores, & alumnos summorum Pontificum beneficio plurimis jam ab annis obtinuerat, & promulgatum primò, & in usum deductum est, uti acta nostra aperte declarant.

Annus 1425. Cum priori, ut retulimus, anno, hæc adversus Leonardum ab Universitate nostra & Albertum Archi-Ducem tum in Austriâ, tum Romæ agerentur, multorumque ille à Canonicis suis criminum reus summum apud Pontificem incusaretur, Romam ipse objectis se à criminibus purgandi causâ adiit. Impetravitque à Martino V. literas, quæ gnâ Decembris hoc eodem anno Universitati sunt redditæ, quibus sum-

summus Ecclesiæ Pontifex Doctores nostros adhortatus est, ut Principem Albertum omni studio ac conatu Leonardo concilient, eoque animum illius flectant, ut legitimum, verumque Passaviensis Ecclesiæ Antistitem eundem agnoscat. Verum antequam hæ Romana è curia literæ acciperentur, ab Alberto quoque Nuncius aderat Principis nomine admonens, ut Universitas Doctores aliquos ad se Gremium mittat, ubi tum ad Hæreticorum impetus, qui Zwetlense usque ad oppidum excurrerant, retundendos morabatur, ut cum iisdem novam quandam discordiæ materiam discuteret, ortam ex monitorio quodam scripto jussu Leonardi publicè valvis affixo, quo se verum diæcesis illius Episcopum esse profitebatur, oppidanosque ad sui reverentiam, obedientiamque cogebat. Quibus quidem acceptis missi illico sunt Academici Senatus decreto M. Petrus de Pirchenwart, Theologiæ Professor, Dominus Joannes Seld decretorum Doctor, M. Joannes de Mylldorff, & M. Joannes de Mellico Artium Magistri, & Theologiæ Baccalaurei formati.

Hoc eodem anno Universitati tradita est domus recens per Facultatem Artium constructa, in qua Facultas Theologica Lectorium elegit exterius versùs Ecclesiam P. P. Prædicatorum; Juristæ medium, extremum Medici, Lectorium verò magnum, quod minoribus his imminerebat, Aulam deinceps Universitatis nominare placuit.

Demum Rectore M. Joanne Hymel ob pestem actu Viennæ deservientem, quæ multos Universitatis alumnos, aut recedere ad tutiora coëgit, aut abripuit, lectionesque publicæ in Festo S. Augustini tantisper clausæ & interdictæ sunt, usque ad nonam nempe Mensis Decembris, qua die jussu Magistratus Academici literati denuo labores assumpti, ludique publici aperti sunt.

Anno 1426. Comititia Imperii Norimbergæ sunt habitæ, ad quæ & Martinus Legatos suos miserat, fors eo etiam (si non potissimum) è fine, ut dissensionem

Albertum inter Archi-Ducem Austriae, & Leonardum Passaviensium Antistitem componeret; indicant hoc literæ Alberti hoc anno ad Universitatem nostram datæ, quarum Acta Facult. Art. his verbis meminerunt.

In die S. Pancratii congregata est Universitas ad audiendum desiderium Principis, quo desiderat, quod Universitas scribat Reverendissimo in Christo Patri Domino, Domino Jordano S. R. Eccl. Cardinali de Urfinis, ceterisque Dominis S. R. Imp. Electoribus in Norimberga congregatis, in causa Ecclesiæ Passaviensis. Et fuit circa istum Articulum aliqua schedula lecta, qualiter scribendum esset Electoribus. Et placuit Universitati, quod impleretur desiderium Principis. De cogitando autem modo, & forma scribendi dati sunt Deputati, & quidem M. Thomas de Haslbach, & M. Narcissus Herz, cum aliis. Eo tamen paucos post annos, res omnis ope potissimum Salisburgensis Archi-Præsulis deducta est, ut conciliatis utrinque animis Leonardus præesse Passaviensi Ecclesiæ pacificè ab Alberto relinqueretur.

Hoc quoque anno Alphonsus Aragoniæ Rex furere in Martinum V. pergens ab eo excommunicatur, sententiæque gravissima in illum fulminata Apostolicis publicisque tabulis inserta, atque à Pontifice ad præcipuas tum per Europam Universitates perscripta est. Detulere eas literas ad nos quoque M. Theodoricus de Hammelburg, S. Theologiæ Professor, & Paulus de Vienna, qui suis in negotiis aliquo tempore in curia Romana versabatur. Retulere ii quoque Cardinalium voluntatem petentium nempe, ut Universitas nostra Summo Pontifici scribat, perpetuumque ei obsequium, parendique studium suum testetur, coratiumque ac laborem adpromittat omnem ad pacandam, tuendamque Ecclesiam; quarum literarum perficiendarum negotium Rectori ab Universitate commissum est.

Denique cum Albertus hoc anno rursus ad bellum Hussitis

Huffitis inferendum in Moraviam abiret, ab Univerſitate rogatus eſt, ut per id, quo abeſſet, tempus, ſuis à Conſiliariis alicui literariam hanc Rempublicam impenſè commendaret, ad quem eadem obortis in negotiis, gravioribùſque curis recurrere, opémque ab illo ferre, & auxilium poſſet, quod & clementiſſimus Princeps haud illubenti animo præſtitit.

Anno 1429. Conſilió ac induſtria Petri Fuxenſis Cardinalis Alphonſus tandem poſitis inimiciis Martino V. conciliatus eſt, & Clemens VIII. Antipapa abjeſtis palam pontificum inſignibus Papatu ceſſit, Martinum unum, verúmque Eccleſiæ caput, Chriſtiſque Vicarium profeſſus. Quo pacto grande illud Schiſma, quod 50. ferè annos Chriſtianum orbem vexaverat, ſuppreſſum penitus, & extinctum eſt.

Advenère hoc eodem anno Univerſitatis Pariſienſis Oratores ad Academiam noſtram miſſi cum literis, quibus Galliæ Doctores eam adhortabantur ad procurandum omni ſtudio, ut proxmè Baſileenſe Concilium cogeretur. Faciunt hujus mentionem Acta Univerſitatis noſtræ, quorum verba ſubjungere placuit:

5. Calend. April. Congregata eſt Univerſitas ad recipiendum, & audiendum Ambaſſiatores Univerſitatis ſtudii Pariſienſis, & ad deliberandum, quid expediat. Et fuit præſentata quadam litera Univerſitatis prædictæ exhortatoria, & credentia, in qua quidem Ambaſſiata fuerunt tres Doctores, Theologiæ, & unus Decretorum, duo ſeculares, & ſimiliter unus de Ordine Minimorum, & quartus de Ordine S. Antonii deferens ſhaublaveum. Pralibatus quoque Minimorum habuit unam orationem ad noſtram Univerſitatem cum arenga; qua expleta M. Petrus de Pirschwart Doctor nomine Univerſitatis eoſdem ſuſcepit cum collatione Venerationem noſtram Univerſitati Pariſienſi in eorum perſonis commendando. Poſtea fuit concluſum, quod Deputati Univerſitatis noſtræ, ſcilicet Decanus Theologiæ M. Thomas de Haſlbach. Dominus Joannes Seld

Decretista. Decanus Facultatis Medica, M. Erasmus de Landshuta, & de Facultate Artium M. Berchinger, & M. Nicolaus de Grez, visitarent sæpe prædictos Ambassiatores in eorum habitatione, dicentes deliberationem Universitatis eisdem. Fuit quoque præfatis Deputatis datum plenum posse de honorariis, si qua eis fieri deberent, quod disponderent. Venientibus præmissis Deputatis ad domum Ambassata, M. Thomas de Haslbach fecit collationem, & ipsi vice versa responderunt.

Anno insequenti, scilicet 1431. cum tempus convocandi Concilii instaret. Martinus quintus Julianum Cæsarinum Cardinalem ejus tum in Germania contra Hussitas Legatum Basileam destinat, cum plena potestate Pontificis nomine Synodo ut præsideat, cumque Patribus statuatur, quod ad reformandos mores, hæresesque extirpandas opportunum censuerit. Verum dum hæc moliretur Martinus, longo jam à tempore valetudine minùs commodà usus diem clausit extremum 10. Calend. Martii, ætatis suæ anno 63. Qui cum iusta funebria è more persolvissent Cardinales, calendis Martii conclave ingressi sunt, alteroque post die suffragiis collatis vacanti Sedi Successorem dederunt Gabrielem Gondelmerium Venetiis populari è familia natum, tit. S. Clementis Presbyterum & Cardinalem, qui 5. Idus Martii coronatus, Eugenii IV, nomen assumpsit. Admovit illico ab acceptis Pontificatûs insignibus manum Reipublicæ, negotiisque publicis Eugenius, dedistque postridie Coronationis suæ literas ad Julianum Cardinalem Cæsarinum, quibus ejus quidem in Germania ad Sigismundum Legationem confirmavit, Concilii tamen proximè futuri negotium non minori ab eo pertractari studio, atque ad se referri singula, quæ ad illud pertinerent, mandavit. Utrique paruit Julianus, missoque Basileam Joanne Palomaro, & Fratre Joanne de Ragusio, qui Concilium suo, & Summi Pontificis nomine auspicarentur. Cum convenisse paucissimos Patres Ba-

fileam

fileam audiret, ipse cum numerosissimo exercitu, quem Sigismundus à Germania confluxerat, & in quo 40000. equitum fuisse feruntur, in Hussitas profectus est. Verùm minor longè expectatione omnium sacrae hujus expeditionis fortuna fuit; vix enim res ulla magnopere digna cùm gesta esset, panicus terror adventantis hostis adeò Germanum concussit, diffusitque exercitum, ut ne conspecta quidem adversa Hussitarum acie in fugam abièrint omnes, palantibus similes, atque ita fædè disjectis manipulis, ut fustum, cæsumque ab hostibus fuisse exercitum crederes. Melior multò fortuna, armorumque successus Alberto fuit Archi-Duci, qui altera ex parte ingressus Moraviam tot cladibus gentem pertinacissimam attrivit, ut collum tandem jugo submiserit. Parcitum est ab Alberto seditiosis Civibus, sed non nisi hac lege, ut jurarent singuli, id se deinceps Religioni, fideique in negotio facturos, crediturosque, quod sacrum Basileense Concilium decreverit.

Interim dum hæc in Bohemia, vicinæque agerentur Moravia, Oratores Universitatis Parisiensis Basileam pervenere, qui mox literis humanissimis Universitatem nostram ad suos quoque Legatos quàm primùm mittendos adhortabantur. Harum literarum mentio fit in Actis nostris sequentibus verbis: *Proximâ feriâ quartâ ante Festum S. Urbani fuit congregatio Universitatis ad audiendum literam Universitati nostræ ab Universitatis Parisiensis ad Concilium generale Ambassiatoribus à Basilea transmissam.*

Acceptæ præterea sunt 9. Novembris aliæ quoque literæ à Passaviensi Episcopo Doctoribus nostris transmissæ, quibus petebat, ut Universitas nostra Puncta, & Articulos concipiat rerum proximè in Basileensi Synodo gerendarum, plenamque sibi instructionem de negotiis ibidem feliciter pro Ecclesiæ suæ, Austriacæque Provinciæ commodo tractantis præscribat, cùm ad eandem à Cardinale S. Angeli invitatus, suos quo-

que ipse oratores committere decrevisset. Quibus perlectis à senatu Academico delecti sunt singulis è Facultatibus sequentes, M. scilicet Nicolaus de Dinckelspichl, & M. Joannes Hymmel Theologi. M. Paulus Facult. Juridicæ Decanus, è Facult. Medica M. Joannes Paumgarten, & M. Petrus, ex Facultate demum Artium M. Narcissus Herz, M. Urbanus de Mellico, M. Georgius Apfentaller, & Andreas de Weytra, qui probè, seduléque expensis omnibus petitioni Passaviensis Præsulis satisfacere. Cùmque eodem tempore à Cardinale Juliano Basileensis Concilii Præsidente Universitas quoque nostra ad id celebrandum invitata sit, hinc iisdem deputatis demandatum est. ut de Legatis proximè mittendis deque sumptibus & expensis colligendis cogitarent. Quamvis in sequentem primò annum Oratorum nostrorum discessus sit dilatus.

Hac ratione cùm per Germaniam, vicinásque Regiones ad celebrandum Synodum ferverent omnia, Eugenius unus cum aliquot Cardinalibus eam turbatum ivit, literis siquidem ad Cardinalem Julianum datis dissolvi hoc concilium jufferat, aliudque post annum cum dimidio Bononiæ indici, his ferè è causis, quod ab Imperatoris, & Patriarchæ Constantinopolitani Oratoribus ad concilium convocandum urgere-
tur ad unionem utriusque Ecclesiæ, delectâ ad hoc Bononiâ Italiæ civitate, nec verò è re fore putaret Christianæ Reipublicæ eodem tempore locis adeò inter se diffitis bina Concilia si haberentur. Addidit, & exiguum Patrum Basileam convenientium numerum esse, & urbem hanc ipsam, ac vicina loca ob Burgundiæ & Austriæ Ducum bella armis infecta, multosque Basileæ è civibus Hussitarum hæresi contaminatos censeri, quamvis genuinam causam Eugenio fuisse putent alii, ob quam dissolvere Concilium meditabatur, quod inaudierit nonnulla ibi tractari cœpisse, quæ fore in suæ autoritatis, ac sedis Apostolicæ diminutionem ver-
ebatur.

Acce-

Acceptis his Eugenii literis, hæsit aliquantùm anxius Julianus Cardinalis, obtemperandùmne sibi esset Pontificis mandato, an continuandum Basileæ Concilium? Verùm cùm in dies accrescere cerneret confluentium Pæfulum, ac Doctorum numerum, sumèque necessarium Germaniæ Bohemiæque turbatis his temporibus videretur, ut Synodus ibidem fieret, conventu generali cum Patribus habito sessionem primam indixit in diem decimam quartam Decembris, missique illico sunt Nuncii ad Eugenium, ac Sigismundum Cæsarem, Mediolani ad accipiendam coronam ferream tunc fors commorantem, qui eosdem ad fovendum, conservandùmque Basileæ Concilium adhortarentur.

Rescripsit Sigismundus officio plenas Mediolanò literas, collaudatisque Juliani, Patrùmque studiis, eosdem ut cœpto tam præclaro operi insisterent, turbatoresque Concilii pœnis, ac censuris coërcerent, commonuit. Acturum se denique cum Eugenio (quemadmodum jam ante literis fecerat) pollicebatur, nè Synodum tam Ecclesiæ, Imperiisque rebus necessariam in locum alium, tempùsve transferat. Verùm mens alia longè Pontifici fuit, qui indignatus à Juliano, Patribùsque ad Basileense Concilium Bohemiæ hæreticos invitatos, ut causam ibidem agerent, eorùmque querelæ audirentur, quos Constantiensis & Senensis Synodus dudum antea tanquam perfidos, pertinacésque damnaverat, atque in quos sacrum bellum suadente Pontifice, jubentibus Conciliis à Principibus Christianis susceptum jam fuerat. Publicò decretò 15. Calend. Januar. de plenitudine autoritatis Apostolicæ, Concilium si quod Basileæ cœptum esset (ignarus enim etiamnum Pontifex erat eorum, quæ prima in sessione acta sunt) dissolvi præcepit, datis ad Sigismundum aliòsque Principes simul literis, quibus eos de hoc suo consilio, mandatòque admonebat, eosque ad Bononiense post annum cum dimidio cogendum,

ac post decennium Avenionem invitabat. Verùm quid Sigismundus rescripserit, quidque exinde Basileæ actum sit, posterior annus commodius referet.

Annò 1432. Sigismundus Imperator gravissimam ad Eugenium, querellisque plenam dedit Epistolam, quæ & argumenta omnia, ob quæ dissolvendum Concilium putabat Pontifex, solidissimè enervavit, malâque ex ejusdem dissolutione emanatura in totam Ecclesiam apertissimè objecit, tandèmq; obtestatus est, nè Expectationem Christiani orbis falleret, armâque, ac triumpho materiam Hulsitis præberet, qui ad hanc Synodum invitati metu sui, ac Catholicorum diffidentia dissolutum, abruptumque fuisse Concilium apud credulos faciliè rumorum animos gloriabuntur. Similia ab aliis Europæ Principibus Basileensis Synodi studiosis perscripta sunt ad Eugenium, & à nemine uno severius, quàm à Juliano, qui rejectis, dissolutisque rationum momentis omnibus, gravissimisque Ecclesiæ incommodis, quæ obventura essent, propositis, carcerem se potius subiturum, & vincula, quin & sanguinem & vitam profusurum asseruit, quàm hanc ut aspergi Religioni Catholicæ labem pateretur. Id demum obtestatus Pontificem, ut si obfirmatò esset ad transferendum Basileâ Synodum animò, in longius saltem tempus id suum ut consilium differret, dum ea, quæ præclarè agi Basileæ jam cœpta sunt, perficerentur.

Interim, dum Eugenius cum Patribus Basileæ congregatis hac ratione altercaretur, continuandas illi sessiones suas censuere, nève Provinciarum exterarum Præsides, Universitatùmque Doctores, ac Oratores Principum à frequentando, adeundoque Concilio deterrerentur, literas dederunt ad singulos, quibus continuandam à se Synodum declarabant, hortabanturque, ut ad eandem festinarent, statutis etiam in Præsules Pænis, si qui vel adire eam, vel oratores suos mittere detrectarent. Pervenerunt hujusmodi literæ à Cardinale Juliano da-

tæ etiam ad Universitatem nostram in Festo S. S. Fabiani, & Sebastiani, uti paulò post literæ Sigismundi Romanorum Imperatoris, & Patrum Concilii Basileensis, quibus acceptis, M. Thomas de Haslbach Theologiæ Doctor Orator ab Universitate delectus, postquam jure jurando se obstrinxisset ad ea perficienda omnia, quæ in mandatis habuerat, itineri se illico accinxit, Basileamq; cum Archiducis Alberti ad idem Concilium oratoribus, Domino nempe Nicodemò Frisingensi Episcopo, & Domino Joanne Hymmel Theologiæ parriter Professore circa Festa Paschalia discessit.

Continuabantur interea Basileæ Concilii Sessiones, in quarum tertia decretum est, dandas ad Eugenium esse literas, eumque rogandum, ut publicis tabulis dissolutionem Synodi attentatam revocaret, atque intra trium mensium spatium vel ipsemet Basileam veniret, vel si id per alia illi negotia non liceret, Legatos suos plena cum potestate mitteret; Cardinales denique apud Eugenium morantes adhortandos, citandosque, ut Canonico impedimento cessante infra tres menses ad dictam Synodum accedant, alioquin provisoriam eam necessitatibus Ecclesiæ, ac processuram contra eos & via, & ordine Juris.

Advenerunt subinde Oratores Eugenii, sed cum & illi nil aliud agerent, deciderentve, quàm ut Patres Basileæ discederent, atque in quamcunque Italiæ Urbem ab ipsis assignandam convenirent, cumque nullis mediis amoveri ab opinione sua Pontifex posse videretur, contumaciæ primum in Concilio accusatus est, quod neque Decretum de eo dissolvendo revocârit, neque accedere ipse, aut suos Oratores, qui Concilium promoverent, mittere voluerit, ac demum Sessione septima eidem 60. dierum spatium præfixum, inter quod, nisi Patrum desideriis satisfaciât, pænæ etiam in illum decretæ sunt.

Anno 1433. quarta Januarii Bohemorum Oratores cum trecentis equitibus Basileam ingressi sunt, quo-

rum Principes erant Guilielmus Cosca cognomento Procopius, Joannes Rockysana Presbyter, Pragensiumque Pseudo-Apostolus. Nicolaus Galecus Thaboritarum Sacerdos, & Petrus Payne Anglus è patria profugus, qui benevolè auditi quatuor præcipuè petebant, scilicet Communionem sub utraque specie, ut corrigerentur & eliminarentur peccata publica, ut libertas esset prædicandi verbum Divinum, atque ut omne Clericorum tolleretur civile Dominium. Per- scripsit hæc omnia ad Universitatem hanc nostram M. Thomas de Haslbach, quidque ex arbitrio agen- dum sibi in Concilio esset, erudiri petiit, cujus tum his super rebus sententiam referre ex ipsis Actis no- stris placuit.

Decimasexta Martii congregata est Universitas ad audiendam literam Universitati ab ejus Ambassiatore transmissam, Et erat primum Punctum: An Dominus Ambassiator consentire deberet, quod Boëmis & Mo- ravis permetteretur Communio Eucharistiæ sub utraque specie & an consentire deberet in electionem novi Pa- pæ, si in casu Dominus Eugenius Papa infra terminum à Concilio sibi præfixum non compareret per se, aut per suos in Basilea, & Concilium contra eum juxta sua Decreta ad electionem novi Papæ procederet. Secundo Puncto desideravit Dominus Ambassiator, quòd Dominus noster Princeps super hac re visitaretur, & mens ejus super hoc requireretur, ac sibi Ambassiatori significaretur, cum avisamentis, & motivis. Et placuit Uni- versitati, quod Ambassiator nequaquam consentiret in Communionem sub utraque specie Hussitis concedendam, sed quòd pro posse reclamaret, & si reclamatio illius nil efficeret, quod statim ad Universitatem rediret. Sed de electione novi Papæ, consensu, & visitatione Principis pro inquirenda ejus voluntate, super hoc pla- cuit Universitati, quòd essent Deputati cum pleno posse ad deliberandum quid Universitati expediat; item ad visitandum Principem, & ad inquirendam ejus men- tem;

tem; similiter Dominum Episcopum Pataviensem, & Frisingensem (hic enim jam è Concilio redierat) & ad concipiendum avisamenta, & motiva digerenda nostro Ambassiatori; aut toti Concilio Basileensi ex parte utriusque articuli, & signanter de Communionem sub utraque specie.

Et verò disceptatum est acriter Basileæ adversus Hussitas, Bohemorumque Legatos, cum quibus, quia concordia ibidem iniri haud potuit, Remissi iidem adjunctis è Concilio Viris quibusque doctissimis, ut Pragæ conventu indicto pacis ineundæ viam, modumque statuerent, ubi etiam negotium eo perductum est, ut tres eorum superius à me adducti articuli ultimi mitigarentur à Concilio, primus verò de Communionem sub utraque specie Bohemismitteretur, adjecta tamen ea cautione, ut usus calicis non daretur nisi iis, qui discretionis debitæ annos agerent, utque Sacerdos Communionem sacram præbens populo, eundem admoneret: *Firmiter credendum esse, quòd non sub specie panis tantum caro, nec sub specie vini sanguis tantum, sed sub qualibet specie est integer totus Christus*, post quæ tandem Pacem & unitatem Ecclesiæ amplexuros se Bohemi promissere facto super his actis instrumento publico, quod vulgo compacta sua vocitarunt.

Redditæ hoc eodem anno ab Oratore suo missæ Universitatibus literæ, quarum Synopsis ex Actis nostris referam, ut inveni: *Petivit Ambassiator ab Universitate, quod ipsa mitteret, & sibi adjungeret quendam cooperatorem, seu directorem in causis tractandis in Concilio, & non placuit Universitati ob certas causas aliquem mittere. Secundò petivit Ambassiator, quatenus Universitas referret Domino Nicodemo Episcopo Frisingensi gratias de multis beneficiis sibi per eum in Basilea acceptis, & de multis aliis honoribus. Et statutum tunc fuit, ut Rector cum Doctoribus eum accederent, & ei regratiarentur. Tertio petivit Ambassiator, ut Uni-*

versitas

versitas scriberet, & regratiaretur Doctoribus, & Magistris Ambaffiatoribus studii Parisiensis, qui eum praeliis omnibus ad sua colloquia, & consilia vocarent, ac magnas humanitates, & beneficia eidem exhiberent. Et etiam circa hoc statutum est, ut scriberetur prefatis Doctoribus Parisiensibus. Quartò denique petiit Ambaffiator noster, ut sibi Universitas sapiùs scriberet, & se consolaretur, & etiam de hoc conclusum est.

Demum ut annum hunc feliciter claudamus, post diuturnas discordias inter Eugenium & Concilii Patres exercitas concordia rediit. Mitigatus siquidem Sigismundi Cæsaris, & Caroli Franciæ Regis Legationibus, precibusque Pontificis animus, metuens aliunde Italorum Principum in se molitiones, atque, quod gravius pungebat mentem, schisma novum in Ecclesia subnasciturum, adhæsit tandem Concilio Basileensi, ea tamen lege, ut Patres decreta contra se abolerent, ipse vicissim Concilii hucusque acta rati haberet. Quo facto Universitatem hanc nostram literis ad Concilium illud Eugenium invitasse, haud obscure intelligitur ex Actis nostris, quæ sequentia ad hunc annum referunt.

Congregata est Universitas ad audiendam quandam Bullam à Sanctissimo Domino nostro Papa Universitati transmissam, & ad deliberandum super contentis, & desideravit Sanctissimus Dominus noster Papa, ac petiit, & mandavit, ut Universitas suos exactores mitteret ad Concilium generale Basileense, quod Sua Sanctitas approbavit, confirmavit, & eidem per se, aut suos presidere vult; & placuit Universitati, quod M. Thomas de Haslbach Ambaffiator Universitatis actu ibidem existens permaneret ibidem ad desiderium, & mandatum Domni Apostolici, & ulterius hoc, quod idem Ambaffiator non consentiret Hussitis in Communionem sub utraque specie. Item conclusum fuit, quòd, quam primum fieri posset, hac scribenda essent Ambaffiatori.

Adeo

Adeo nempe Universitas hæc nostra & cordi Summis tum erat Pontificibus, & in amoribus matri suæ Academiæ Parisiensi, cujus uti ad normam est condita, ita præclara illius gesta strenuè æmulabatur.

Annum 1434. insignem reddidit clades Thaboritarum sectariorum per Bohemiam genus ferocissimum, infestissimùmque Catholicis, cujus origo priori ab anno petenda est. Ferebant jam tum gravius Barones Bohemiæ, ut ut Hussitarum, partibus addicti Procopii omnia pro libitu administrantis, Thaboritarumque præcipui Ducis insolentiam, ac durius, quàm par erat, imperium. Quare Mainardus Neuhaus vir primæ nobilitatis, autoritatisque inter suos, convocatis ceteris indignum dicebat, ut qui Regis sui Sigismundi imperium rejecissent, Rasi (ita enim Procopium vocitabat) jugum ferrent longè durissimum. Deligendum igitur esse Ducem alium, apud quem annua duntaxat potestas esset, nè pro libidine agerentur omnia, nève usurpare sibi Barones imperium viderentur, è media nobilitate virum assumendum Reipublicæ, tractandarumque rerum peritum. Comprobata illico omnium suffragiis Mainardi est sententia, Duxque creatus Allico Risenburgensis, homo è nobili quidem propapia, sed cui census exiguus, eo quidem pacto, ut apud eum Majestatis quidem insignia, autoritas apud Mainardum summa esset. Non tulit id factum inultus Procopius, raptim Thaboritanæ hæresis, orphanique populi facem convocat, centuriatur gens non nisi prædis, latrocinisque assueta, urbemque Pilznam, quæ avitis nunquam à sacris, etsi tentata pluries, decesserat, obsidione pertinacissima cingit. Perlata est hujus fama ad Concilium quoque Basileense, quod ea quæ poterat ferens subsidia, Principes adhortatum est, afflictae ut urbi succurrerent, suppetiàsque mitterent. Et verò feliciter hoc anno id actum; Allico nempe collectis in suum exercitum Catholicorum manipulis, pulsò Procopiò obsidione primùm Pilznam liberat,

mox

mox die Ascensionis ad conferendas secum manus hostem cogit, quo in prælio maximâ parte Thaboritarum, orphanorumque cæsâ, Sigismundum Regem populus proclamat, ac tandem in comitiis Ratisbonæ habitis eundem Bohemiæ Oratores ad capeffendas Regni habenas invitant. Meminêre etiam cladis hujus Thaboritis illatæ Acta nostra his verbis, quæ reddo : *Dominica secundâ post Pentecosten facta est congregatio Universitatis, ubi concludebatur, cum habita fuerit magna victoria contra Hussitas, ut continuarentur stationes pro futuro. & etiam quia dicebatur de exitu Ducis nostri contra infideles, quod post exitum Principis eadem continuarentur.*

Ex quo patet, studium Religionis quantum ævo illo in Doctõribus nostris fuerit, qui ad placandam Numinis iram, extirpandâque hæresim preces constanter in templis fuderunt, ad quas statis diebus, horisque Universitatis Alumni, & Magistri convenirent.

Annõ 1435. Albertus Archi-Dux bellum, quod prior jam anno meditabatur, strenuè adeò suscepit, gessitque feliciter, ut junctus Hungarorum agminibus, quos adjutum ibat, victoriam insignem retulerit cæsis plus quàm 18. Barbarorum millibus.

Disceptatum quoque quamvis mitiori modo à Basileæ congregatis Patribus cum Bohemis est, qui haud prioribus compactatis stare, quin nova, atque alia semper & alia postulare à Concilio visi sunt. Hinc petente Sigismundo Cæsare novi Legati à Synodo Brunam destinati, qui Bohemos penitus ab erroribus reducerent, atque ita rem pertractarent, ut concordia plena rediret Ecclesiæ. Interfuerunt huic legationi Philibertus Episcopus Constantiensis, Joannes Palomar, Ægidius Carletius, atque Universitatis nostræ ad Concilium Orator M. Thomas de Haslbach, qui hoc anno Viennam redux summo cum Doctõrum nostrorum gaudio, atque gratulatione susceptus est, eique ob res præclarè, atque pro Archi-gymnasii nostri honore perpe-

perpetuo strenuè felicitèrque gestas, gratiæ à Senatu Academico amplissimæ sunt habitæ. Et verò quanta illius apud Basileenses Patres fuerit autoritas, haud obscure declarant negotia, Legationesque illi à Synodo commissæ, atque inprimis Jubilæi per Austriam promulgatio. Sententia quoque non semel in Patrum consensu dicta, habenturque adhuc in Bibl. Academ. puncta quædam nomine Facultatis Theologicæ Viennensis ibidem proposita in Synodo, atque M. Thomæ examen super aliquot Articulis M. S.

Cupiebat quidem Facultas Artium, ut Brunam cum ceteris Legatis discedens M. Thomas jurejurando prius teneretur, quo nunquam Universitatis nomine se in usum S. Galicis consensurum obstringeret. Verum ob reverentiam S. Concilii, quod communionem sub utraque specie Bohemis jam indulserat, hoc super articulo nihil conclusum est.

Auspicati sunt Basileenses Legati congressum cum Bohemis mense, ut ex nostris actis colligo, Junio, non tamen convenire in veram unionem potuere cum pertinacioribus ingeniis ante mensem Januarium anni insequentis, quo quidem tempore remissi à Legatis Basileam sunt aliqui, qui responsum, voluntatèque Patrum referrent, reliquis interim Viennæ Austriæ morantibus, ubi etiam jussu Concilii Universitas hæc nostra visitari cœpta est à Philiberto Constantiensi Episcopo, & Palomaro sæpius à me nominato, repugnantibus quidem primùm Doctoribus nostris, at mox, ubi nihil in privilegiis, ac statutis à se immutatum iri Oratores Concilii spondidissent, eosdem etiam ad id invitantibus. Verum cum toties mentio Joannis Palomari hætenus facta sit, non inutile duxi plura de viro hoc egregio addere. Possëvinus Hispanum eum fuisse scribit, quamvis nomen à Germano non abludat. Decretorum Doctor eximius erat, Summi Pontificis Sacellanus, Sacri Apostolici Palatii Auditor, & Barcinonensis Ecclesiæ Archi-Diaconus, demum in re-
cens

cens inchoato Basileensi Concilio Præses delegatus, quòdque ad Universitatis nostræ gloriam cedit non minimam illius quoque aliquando Alumnus, ad quam Doctorum nostrorum famâ accitus venerat. Testatur id inter alios Trithem. de script. Ecclesi. his verbis: *Vir hic in Archi-gymnasio Viennensi scriptis, vitâ & conversatione clarus, tam in Divinis scripturis, quàm in secularibus literis nobiliter doctus, ingenio subtilis, Annô Domini MCCCCXX.*

Hoc demum eodem anno M. Joannes de Gmunda libros suos, atque instrumenta Mathematica Facultati Artium donavit, usu tamen eorundem dum viveret reservato, quæ viri eruditissimi liberalitas Bibliothecæ ejusdem Facultatis augendæ, & singulos in annos novis voluminibus locupletandæ ansam dedit, Librario (ita nempe eum vocitabant, qui Bibliothecæ curam gereret) annis singulis delecto, qui libros utiles, eruditosque Facultatis sumptibus coëmeret, emptosque conservaret.

Cum priori anno Basileensis Synodus missis Constantinopolim Legatis, eo cum Græcis rem perduxisset, ut Oecumenicum in Occidente Concilium fieret, cui & Eugenius Pontifex, & Patriarcha Constant. interesset. Patres Concilii Basileensis Articulos aliquos Anno 1436. cum Græcis eo in Concilio tractandos excogitarunt, quos ad primas Europæ Universitates transmissere, inter quas & Viennensis hæc nostra, cujus Acta ita referunt:

In die S. Anna congregata est Universitas ad audiendam literam ad Nuncium S. Concilii Basileensis, & fuit illa litera cum gratiarum actione recepta, & audita, & Nuncius ipsius Concilii reverenter auditus, scilicet M. Joannes Hymmel, Doctor Universitatis nostræ, qui proposuit duo inter cetera, priusquàm litera credentia fuit audita. Primum, essent aliqui Deputati, ut desideravit, in materia Græcorum, qui articulos eorum masticarent disputando, respondendo, opponendo; ut dispositi essent ad obviandum, & respondendum in prædictis

dictis Articulis in Concilio, & illud primum punctum obtulit prafatus M. Hymmel duabus superioribus Facultatibus fcilicet Theologia, & Juris Canonici, & fuit conclusum tum, quod illa dua Facultates deberent fe difponere ut fuperius tractatum eft.

Dum fic reducendis ad unionem Græcis & Eugenio, & Bafileenfis Synodus ftuderet, pax quoque Bohemiæ fimul & Ecclefiæ reddita eft, confelfu nempe Iglaviæ celebrato, cui & Sigismundus Cæfar, & Albertus Dux Auftriæ cum Alficone intererant, Roc-kysana præcipuus Pragenfium Doctor cum quatuor aliis Presbyteris Cleri totius nomine obedientiam Romanæ fedi jurejurando profelfi funt, omnesque Bohemianathemate foluti.

Postquam anno 1437. Sigismundus Imperator optime de Ecclefiâ meritis 6. Idus Decemb. diem extremum claufiffet, Hungariæ & Bohemiæ quidem in Regna Anno fequenti, millefimo fcilicet quadringentesimo trigefimo octavo fuccellit gener illius Albertus ejus nominis inter Archi. Duces Auftriæ quintus, qui tamen Romani Imperatoris nec nomen, nec Jura fufcipere aliter voluit, quàm Universitatis noftræ Doctoribus & Confultis, & graviffimis eorum rationibus convictus. Rem narro Haslbachii viri Alberto, ut ita dicam conjunctiffimi.

Anno igitur Domini 1437. Sigismundo Rege Hungariæ atque Bohemia, &c. fublato de medio Dux Albertus anno 1438. die ipfa circumcifionis Dominica in Regem Ungariæ eligitur, & in Alba Regali regaliter legitime coronatur. Ibidem quoque Domina Elifabeth, (Alberti nempe uxorem, & Sigismundi Filiam Autor intelligit) fua corona infigitur; post quam coronationem ferè LXXXIII. militari baltheo accinguntur: Et post pauca: Eodem etiam anno in Dominica Reminifcere adunitis Electoribus in Franckfordia prafatus Albertus Rex concordî voto omnium eligitur in Regem Romanorum, miffis quoque Legatis cum Decreto Electio-

*nis, multis adhibitis persuasionibus Legatorum Papæ, Concilii, Dominorum Friderici Senioris Austria, Comitis Tyrolis, Patris Sigismundi Austria Ducis, & Ne-
potum Friderici Junioris postea Caesaris, & Alberti
ejus Germani Ducum Austria tum præsentium, nec non
Universitatis Prælatorum, Cleri, & Civitatis Wien-
nensis, dum invitum plurimum se ostenderet, & se
à lachrymis ultra cohibere non posset; ad partem sece-
dens inductus annuit, licet firmo proposito præviè id se
minimè facturum devoverit; humiliter se recognoscens
in hac parte imperfectum, & se majora suis meritis
actu possidere fortassè officientia sua saluti, adjiciens
illud Evangelicum meis in auribus: quid prodest ho-
mini, si universum mundum lucretur; anima verò
sua detrimentum patiatur. Eodem etiam anno cur-
rente die S.S. Petri & Pauli Apostolorum feliciter in-
signitur coronâ Regni Bohemia in castro Pragensi, ubi
similiter multos militari gladio accinxit, &c.*

Dum ita res prosperè evenirent in Austria, nova
turbatio Ecclesiam atque Romanam sedem incescit.
Decrevit nempe anno 1437. Eugenius, ut ad Occu-
menicum Concilium tam Orientis, quàm Occidentis
Patres Ferariam convenirent; Basileæ ex adversò
congregatis Avenionem, aut Sabaudia Urbem deli-
gentibus. Quare missi utrimque ad Græcos Legati,
apud quos tamen Eugenii autoritas prævaluit, qui
magno etiam numero Ferariam anno 1438. perve-
nere, ubi Concilium confluentibus undique Præsulibus
frequentissimum inchoatum est. Indignati haud pa-
rùm se à Græcis contemptos, illusosque, Patres Basi-
leenses, quorum jam in dies numerus decrescebat,
Eugenium suspendunt ab administratione sui Pontifi-
catûs; quam ad Concilium devolutam declarabant, ac
fideles omnes prohibent eidem deinceps obedire.
Verùm cassâ hæc fuere fulmina, magna orbis parte
Eugenio tanquam vero, legitimòque Pontifici, ejusque
partibus favente, damnante verò cum eodem Basi-
leensium

leenſium contumaciam. Albertus cum Electoribus diu anxius cui parti adhæreret, tandem & revereri Eugenium Eccleſiæ ſummum Antifiſitem ſtatuit, & tamen Baſileenſe non penitus Concilium deferere, in quo & Legatos à Sigismundo prius conſtitutos, Epiſcopum ſcilicet Lubicenſem, & Georgium Viſchl morari ulterius voluit, unde orta eſt Neutralitas Germanica, quæ in Octavum annum duravit, ab Eugenio æquè ac Concilio Baſileenſi deinde damnata.

Anno 1439. Archi-Epiſcopus Salisburgenſis ob has ipſas inter Pontificem, & Baſileenſe exortas diſcordias Concilium cogens ad Universitatem noſtram per Nuncios ſuos literas miſit, quibus & Doctores ſibi, & Conſilium ſubmitti petiit, quemadmodum clarius ex Actorum noſtrorum ſcriptis patebit, quæ ſubjungo:

20. *Menſis Decembris congregata eſt Universitas ad audiendas quasdam literas à Domino Metropolitano tranſmiſſas, & litera continebat in effectu, qualiter Domini Electores S. R. Imperii ipſum ſcriptotenus ſollicitarent, cujus ſcripti copia litera Principali fuit inclufa; quatenus ipſe dignaretur proteſtationi, & appellationi eorum qua præfati Principes interpoſuerunt occaſione diſſenſionis orta inter S. Baſileenſe Concilium, & Dominum Eugenium Papam, qui poſt diſceptationem longam à præfato Concilio à Papatu fuit deſiſtus; cujus deſiſtioni præfati Electores nondum conſentientes ab antè dicto ſacro Concilio ad futuram appellarunt Concilium. Et quia negotium maximam in ſe claudebatur arduitatē, idcirco Dominus Archi-Epiſcopus Universitati ſupplicavit; ut ipſa dignaretur tranſmittere ad Congregationem, quam ipſe facere cogitabat cum ſuis Epiſcopis ſuffraganeis, ac Ambaſſiatoribus Principum ſecularium in ſua Provincia reſidentium aliquos Doctores Divini, & humani juris, ad cogitandum, & deliberandum quid ibi expediat. Super quo concluſum fuit, quod deberent dari Deputati de ſingulis Facultatibus, quamvis ab eis*

conclusum hoc anno ob rei maximæ difficultatem nil fuerit.

Dum his angeretur curis Universitas, dubia cui partium subscriberet, nova eam, ac inopinata, calamitas afflixit, mors nempe Alberti Romanorum Regis, non tam Principis, quàm Parentis optimi. Evocatus is in Hungariam dolò parùm fidi sibi populi, ut, quem cum exercitu imminere ingenti dicebant, Turcam è Regni finibus depelleret, submoverétque æmulos, haud è longinquo instantes. Cùm prope Budam inter paludes castra metaretur expectaturus Hungarorum copias, quas adfuturas proximè Proceres adpromisère, delusum se sentit, nè tam armis, quàm morbis exercitum, nobilissimósque Viros amisit, & reparari fors ea clades, tantique apparatus bellici jactura potuisset, ni pernicies quoque in Ducem, Regémque ipsum desævisset, è dissenteria enim laborans cùm iter Viennam maturaret, in oppido, quod villam longam vulgari, patrióque sermone vocitant, in gravescente morbi pertinaciâ gradum sistere jussus, sacrisque expiatus vitam, ut sanctè duxerat, finivit 27. Octobris annò 1439. ultimò in hæc verba erumpens: *Domine ignosce his, qui in hac morte mea rei sunt, & ego eisdem ignosco propter te; ut & tu mihi indulgeas misericorditer, quæ in te deliqui.* Ut eadem verba historiæ suæ inseruit Haselbachius ævi illius scriptor, Albertóque ut sic dicam familiarissimus, qui ingenti quoque luctu mortem optimi hujus Principis ibidem prosequitur. Vir erat Albertus pacis, bellicæ studiò maximus, literarum amans, & literatorum fautor egregius, Religionis tuendæ zelosissimus, ut profectò non immeritò, dum viveret, Sigismundus de eo dicere auditus sit: felicia fore ea Regna, quibus talis Princeps obtigisset. Liberos reliquit tres, scilicet Annam, quæ Duci Saxonie Wilhelmo nupserrat, Elisabetham, & Ladislaum posthumum, quem uterò tum gerebat mater Elisabetha. Hæc annos non-

dum

dum triginta expleverat, novis apta connubiis videbatur, ad quæ eam Hungariæ Proceres ut ut partui vicinam, minis etiam intentatis cogeant. Cedebat consilii expers mulier aliquantum iusto timori, literasque ad Uladislauum Poloniæ Regem tunc propè adolescentem dedit, quibus eum & in consortem thalami, & in Hungariæ Regem poscentibus sic primæ nobilitatis viris adscivit; quas tamen jam metu soluta, libertatisque majori reddita mox missis in Poloniam Nunciis, ceu iniquo timore extortas revocavit. Venit hoc eodem anno Viennam Fridericus Archi. Dux Austriæ Alberti ex Erneste fratre Nepos administraturus Rempublicam, ingentisque apparatu procedente eidem obviam Universitate nostra in urbem inductus est.

Annò 1440. cùm Posonium properaret Elisabetha, Ladislaum secundo partu enixa est 22. Febr. qui mox ab Archi-Episcopo Strigonienſi Demetrio sacrâ baptismatis undâ ablutus, atque brevî pòſt Albam Regalem deductus est, ubi præſentibus Alberto Archi. Duce Friderici Fratre, & Udalrico Comite Ciliæ Regis insignia eodem anno suscepit, eaque Posonium secum incolumis, salvusque perduxit. Sed non diu Matri Elisabethæ cum Rege filio pacatæ, securæque esse licuit, Uladislaus namque à Proceribus in Hungariam evocatus jam Budam occupaverat, ingentisque cum exercitu Posonium properans urbem obsidione cinxit pertinaci, certus æmulum in ea cum Regni insignibus capere, cùmque iis pacatò tranquillòque Regnò potiri. Sed obstitit ejus molitionibus clementius Ladislao Numen, hyems nempe aspera adeò & equos, & fortissimos quosque militum absumpsit, ut obsidionem solvere hoc etiamnum anno oportuerit, Matrìque Elisabethæ viam pandere, qua cum Rege, ac Regni ornamentis ad Fridericum in Austriam confugeret.

Bohemi quoque Regnum eodem anno Alberto, tum

etiam Friderico obtulerunt, sed rarò magnanimitatis exemplò ab utroque repulsi sunt, passusque est Fridericus à Duum viris eo usque administrari Bohemiæ Regnum, donec Ladislaus adolefceret, ac par Regni ferendis, tractandisque negotiis esset. Verùm dum hujus quidem coronam Fridericus respuit, alterâ Francofordiæ, eâque nobiliori Electorum suffragiis donatus est, Alberto II. successor Romano in Imperio designatus, cujus etiam gubernacula suscepit Neapoli Austriæ, cujus quidem solennitatis & participem quoque facere Universitatem hanc nostram Princeps optimus voluit, ut ex sequentibus Actorum nostrorum verbis, quæ subnecto, patebit.

27. Martii congregata est Universitas ad audiendum desiderium Principis de quibusdam personis sibi ab Universitate ad novam civitatem mittendis, & ad cogitandum, quid circa hoc expediat. Siquidem Dominus Fridericus Dux Austria, pro tunc Tutor Austria nomine Illustrissimi Principis noviter nati, scilicet Ladislai Filii Alberti Gloriosissimi olim Romanorum, Hungaria, Bohemiæ Regis, nec non Ducis Austria, Marchionis Moravia &c. electus fuit in Romanorum Regem, qui volens electioni de se factæ consentire, & gubernaculum Sac. Rom. Imperii assumere in festis Paschatis pro tunc de propinquo instantibus, desideravit, ut Dominus Rector adjungeret quatuor sibi de Universitate, qui solennitati illi interessent. De quo conclusum fuit in Universitate, quod Rector cum quatuor de quatuor Facultatibus assumptis transmearet ad Novam Civitatem sub expensis Universitatis. Et 10. Aprili retulerunt Legati, quomodo ibi honorificè erant apud Dominum Regem tractati, & solenniter in consilio locati, & similia Universitas gratulanter audivit, ac ipsis Deputatis de eorum diligentia gratiarum actiones retulit.

Hortabatur eodem anno hoc datis à se literis Universitatis nostræ Doctores Fridericus Imperator, ut cum Dominis Episcopis Passaviensi, & Frisingensi, qui

ambo eidem è consiliis erant, certum in locum convenirent, cogitaréntque, quid in negotio Ligæ, & Neutralitatis Germanicæ Domino Archi- Episcopo Salis- burgensi consilii dandum, quidve respondendum ei- dem esset; convenit his lectis Universitas sedulò, rémque consiliò maximò pertractabat, at concludi nil potuit, Facultas namque Theologica, cui se etiam Artium Magistri adjunxerant, nequaquam ulli sua- dendum esse censebat, ut sæpiùs memoratam Ligam, seu unionem iniret, quin potiùs dissuadendam esse eam omnibus tanquam perniciosam, nec fundamen- to ulli fido, autoritatique innixam; aliis interim dua- bus licitam, ac laudabilem eam esse contendentibus.

Hoc quoque anno lis quædam gravior Universita- tem exercuit; cùm enim uno, alteròve abhinc anno ejectus ex Universitate Rectoris sententiâ fuisset M. Kü- nigshoven, is Basileense Concilium querelis adversùs Universitatem nostram copiosè, disertèque effusis ita implevit, ut acerbissimis literis eandem tanquam ini- quam perstrinxerit; agi jam per amicos patronos- que, quos Basileæ Doctores nostri habebant, superio- ri anno Universitatis causa cœpta est, sed cùm parum proficere se cerneret, hoc demum tempore mitten- dum ad Basileenses Patres M. Joannem Himmel de- crevit, qui etiam negotium ibidem ita feliciter, pro- sperèque gessit, ut non solùm ab omni culpa Univer- sitatem expurgârit, sed & nova à Concilio privilegia eidem concessa retulerit, quæ inter & illud, quod data jam prioribus annis Rectori in Universitatis alum- nos omnes Jurisdictio, potestâsque summa denuo con- firmata sit.

Memorabile demum & illud hoc anno contigit: Me- dicinæ fors Doctores furis è patibulo suspensū emor- tuum, ut credebant, corpus anatomix destinaverant, verùm cùm frequenti circumstantium in corona Chi- rurgiæ, Medicinæque periti manum admoverent operi, corpusque calidiore fors loco positum aqua repente

lavarent , his ceu fomentis suppressus tantisper spiritus artubus rediit, moveri illud lentè, oculos attollere, erigere corpus, ac loqui demum , & considerare, obstupescendentibus singulis, casumque inopinum reviviscentis miseri hominis demirantibus.

Annò 1441. rursus literis suis Fridericus Imperator Universitatem nostram cohortatus est , ut Doctores aliquos Theologiæ , ac Juris Canonici peritos ad Francofordiensem conventum jam indictum mitteret, certis mandatis instructos ad dirigendos Principum animos, consiliisque juvandos, quid ad reparandam Ecclesiæ unionem agere, quidve moliri deberent. Cùmque aliis rursus idem Imperator in Oratorem suum ad dicta comitia mittendum M. Thomam de Haslbach designasset; addidit, ut Universitas, quid de Neutralitate illa, ac Liga Germanica arbitraretur, eidem Imperii Principibus declarandum committeret. Actum de hoc non segniter inter Doctores est; verum ob rei difficultatem immodicam placuit singulis, nè quid ab Universitate hoc in negotio aut suis, aut Principis Oratoribus in mandatis daretur, quo vel approbare per se, suosque, aut improbare aperte Ligam eam videri posset. Ex quibus patet, non modò Universitatem hanc nostram dictæ Neutralitatis Germanicæ ab aliis gravissimè incusatæ autorem non fuisse, sed nec eandem unquam suâ totius congregatæ sententiâ (quidquid privati Doctores de ea senserint) comprobasse.

Annò 1442. indicto Posonii conventu inter Ladislaum, & Uladislaum Poloniæ de pace tractari cœptum est, ut ex Actis Universitatis nostræ patet, de hoc mentionem facientibus in hunc modum: *Die SS. Petri & Pauli congregata est Universitas ad audiendum Domine nostræ Regine Ungariæ, nec non Dominorum Inclytæ hujus Patriæ Præsidentium desiderium; & continebatur in literis, quod ipsa instantissimè peteret, quatenus Universitas Doctores in eadem litera nominatos mittere dignaretur ad dictam inter ipsam, ac*
ejus

ejus dilectissimum Filium Dominum Ladislaum hujus terra Ducem, ac Hungaria Regem ex una, & Regem Polonia parte ex altera, in ejus civitate Posonio habendam; & conclusum fuit, quod duo essent mittendi; scilicet M. Nareissus in sacra Pagina Doctor, & Dominus Joannes Polzmacher Juris Ordinarius, qui etiam à Regina erant nominati. - Et in die S. Kiliani rursus congregata est Universitas ad audiendas rursus litteras missas à Serenissima Regina nostra, quibus rursus instabat, ut Doctores à se prius petiti mitterentur ad Dietam Posonium, & quia videbatur quadam difficultas de expensis à Regina faciendis; contribuerunt Facultates; & decretum est proximè mitti debere.

Verùm nil magnopere pro Elisabethæ, ac Filii, Ladislai felicitate hîc actum esse patet vel ex eo, quod Regina rebus suis diffidens, animosque Procerum Polono perfidè faventium obfirmatos intelligens, paulo post se Neostadium ad Fridericum Imperatorem unà cum Ladislao Filio contulerit, ut hostium insidias evitaret, adductis unà secum Regni insignibus, ac D. Stephani coronâ, ne iisdem Polonus æmulus in Regem inauguraretur.

Eodem hoc anno Fridericus Cæsar Francofordiam ad Imperii comitia, mox inde Aquisgranum abiit, ut in Romanorum ibidem Regem coronaretur. Decretum est in eodem Principum virorum confessu novum rursus proximo ut tempore in Germania Concilium cogeretur, in quo de legitimo, veròque Pontifice Patres statuerent. Et verò extorsit ad id facile Basileensi à Concilio assensum Fridericus Cæsar, qui antea Basileam se non venturum edixerat, nisi Patres ibidem congregati in novum Germaniæ Concilium consentirent. At non ita eam in rem prona erat voluntas Eugenii, qui hoc anno Concilium Florentiâ Romam transtulit. Plurimum enim miratus, novam à Germanis Synodum peti, cùm generale aliunde Concilium haberent, id solum Legatis à se missis respondit:

deliberaturum se de hoc negotio cum Patribus, sententiâque suam Imperii se Principibus perscripturum.

Ad hoc quoque novum in Germania Concilium ap-
parandum Universitatis nostræ Doctores à Friderico
evocatos esse, ex Actis patet, quorum Verba subjungo:

*In die Innocentum congregata est Universitas ad au-
diendam literam Regia Majestatis Universitati trans-
missam; & continebat ea, quod ipse Romanorum Rex,
& Principes Electores in proxima Dieta Francofordiensi
in hanc convenissent summam, quòd de consensu Pa-
trum S. Concilii, & Eugenii instituendum esset alterum
Concilium in Germania Oecumenicum, & ab omnibus
Fidelibus indubitatum, pro finali Ecclesia Pacificatio-
ne. Sed ad deligendum locum, & responsa pro tunc
instituta est per Regem & Principes Electores Dieta
fienda in proximo festo Purificationis in Nierenberga,
ad quam Dietam ipse Rex requisivit, & petiit Univer-
sitatem mittere ex se aliquos Doctores illuminatos in
Jure Divino, & humano, circa quem Articulum Fa-
cultates dederunt Deputatos, & Deputati delibera-
verunt neminem esse mittendum, ob defectum expen-
sarum, & quòd Universitas circa adventum Regis se
deberet pulchrè excusare de non mittendo.*

Ex quibus, etsi initio duriores se præbuerit Euge-
nius, motum eum tamen tum Friderici, tum Electo-
rum precibus, in illud consensisse, ut novum per
Germaniam Concilium cogeretur. Cùm Friderici
literæ à me in Synopsi datæ expressè referant illud
de consensu Basileensis Concilii, & Eugenii celebra-
ndum.

Rediit demum hoc eodem anno è Francofordienfi-
bus Comitibus M. Thomas de Haslbach, qui cum Fri-
derico Cæsare Basileam excurrans ibidem cum M.
Joanne de Kynigshoven convenit, retulitque eundem
omni jam lite, quam adversus Universitatem move-
rat, cessisse, rogareque veniam erroris sui, atque ut
rursus in eandem reciperetur, cujus etiam tum pre-
cibus,

eibus, tum calamitate motus M. Thomas, eo Doctores nostros flexit, ut quosdam è suis deligerent, qui de eo rursus recipiendo deliberarent.

Annus 1443. à periculis domi subortis Universitati nostræ memorandus venit, quæ, ut maxima solent, levissimis initiis ducta, ita tranquillum Academiae statum succussere, ut non tam vitium, quàm ruinam eadem agere videretur. Rem paucis expediam. Suburbano fortassis in horto animis vacabant studentium aliqui, jamque inclinante in Vesperam sole Urbem repetebant, cum obvium in ponte lignorum (sic Acta memorant) Virum nobilem generosiori insidentem equo nanciscuntur clientibus plurimis, famulisque stipatum, quem dum iis in viæ angustiis comiter prætereunt, nescio fortuito, an volente fors animo factum sit, ut unius, quem è latere suspensum gerebat, gladius leviter sonipedeni feriret. Territus ille jam aliunde occurrentium numero, pungi ubi armis insuper se obviis sensisset, detrectare primum Domini imperium, mox ferocire, ac demum malè etiam habenis moderantem contorto velut in globum corpore sessorem excutere. Suboritur famulorum hinc clamor, inde spectantium, ut fieri repentinis in casibus assolet, & risus, & intempestiva fors etiam dicteria, sed quibus seu classico ad pugnam clientum animi accendebantur. Jubente Domino hi in exiguum studentium agmen irruunt, proterunt obvios, inque nil simile cogitantes ferrum expediunt. Respectare tandem ad arma cæpere Alumni nostri, cumque insuppetias, auxiliùmque utrinque convenissent plurimi, ipso in ponte prælium acre committitur, sed iniquo Marte, missilibus namque telis, sagittisque pugnabat Nobilis tam suorum, quàm Civium è mæniis spectantium manu emissis; nostri paratis ad speciem potius, quam ad pugnam armis. Quid multum? sternitur è nostris unus aliquis designante vulnere locum Nobili, teloque ictus exanimis concidit. Sauciatur Iethali

lethali vulnere alius, plurimi leviter percussi, ferró-
que hostium perstricti sunt, jurgia non alio, quàm
nocte ipsa dirimente. Dalata vix indignissimæ hujus
rei fama ad Senatum Academicum fuerat, cùm adire
cum quatuor Facultatum Decanis Rector ipse jubere-
tur Proceres Austriam tunc absente Friderico Cæsare
moderantes. Admissi illi sunt quidem ad Magnatùm
alloquium, sed non nisi duos offenderunt, nempe
Frisingensem Episcopum, & Austriæ Cancellarium,
qui ceterorum nomine tanquam Universitati notio-
res deligebantur. Excusare illi primùm Nobilis fa-
ctum cæperant, jam favori indulgentes plusculum
aviti generis, & pacatos nos esse volebant: sed re-
stitit & ad monita, & ad preces Rector (erat is
M. Joannes Grössl de Titmaning) & M. Joannes
Himmel, qui recensentes libera voce quantum ab
Alberti temporibus imminuta sint Archi. Gymnasii
hujus Jura, quantum violata illius privilegia, quot
modis à Civibus vexati Doctores & Alumni nostri
fuerint, dissolvendam uno die, quin horâ unâ Uni-
versitatem minitabantur, Doctoresque discessuros alio
toties externis à Provinciis invitatos, nisi rudis ple-
beculæ in doctos viros petulantix modus statuatur.
Hæsere illi ad non expectatum Rectoris responsum,
jamque anxii, consiliisque expertes, relaturos se dice-
bant ad reliquorum Procerum consilium mentem,
voluntatémque Universitatis, jubebântque pacem nos
interim cum Civibus colere, dum Fridericus rediret
Cæsar; daturus tum se demum operam, ut quidquid
jurgii hætenus exortum esset, meliori, qua posset via
ad Academicæ nostræ honorem componeretur.

Hoc denique anno terminatum est Concilium Ba-
sileense tam Eugenio post Florentinum semper invi-
sum, & Germaniæ turbandæ peropportunum post
Sessiones quadraginta quinque, in quarum ultima sta-
tuere Patres indicendum post triennium Lugduni
aliud, aut si commodè id fieri non posset, Lausanae.

Crea-

Creavitque suadente eodem Concilio quinque hoc anno Felix Pseudo Pontifex Cardinales.

Annò 1444. Uladislaus Polonus Hungariæ Rex, dum ad Varnam urbem strenuè adversus Amurathem decertat, in pugna cæditur, visus quoque tum fugere, tum Huniades terror olim Turcarum, atque ipse Julianus Cardinalis ruptæ pacis cum barbara gente Author omnium primus, hostis, aut prædonis potius ferro cecidit. Demortuo sic Uladislao Hungari demum Ladislaum Regem suum palam agnovère, cumque à Friderico, cujus sub tutela, ac cura educebatur, ut jam electus coronaretur, repetierunt. Sed nil electione opus esse Fridericus Cæsar Legatis respondit, cum jam dudum Ladislaus Regis diademate ritu patrio insignitus esset: Tutore indigere puerum, qui teneram ætatem ad gerenda aliquando Regni gubernacula informaret: expectandam esse ætatem Regno habilem; interim habenas Regni ab illis ipsis, qui hoc præstare possent, esse administrandas. Atque hinc ortæ inter Hungaros, ac Fridericum tricæ duodecim ferè annos Austriam perturbaverunt, eamque ferro, ac igne, atque omni prope calamitatis genere permiscuère. Afflixit & hoc eodem anno gravius quoddam malum & Austriam, & Universitatem hanc nostram, scilicet pestilens morbus, cujus ob metum scholæ clausæ, consuetæque Magistrorum lectiones usque ad festum S. Colomani suspensæ sunt.

Annò 1447. nova Universitatem inter ac Cives discordia suborta est, ob læsa, violatæque Magistrorum, Scholariûmque privilegia; cum enim urbis iudex Clericum studentium è numero, nescio qua de causa in vincula, & carcerem conjecisset, nec à Rectore, Senatûque Academico, quantumvis pluribus vicibus admonitus, rogatusque eundem restituere, juræque Academiæ nostræ tueri integra vellet, eum ceu Ecclesiasticæ immunitatis invasorem Excommunicationis sententiâ ac pœnis innodatum Universitas nostra censuit, quia

quin & ejus congressum ita subterfugit, ut nec Theophoræ in solenniis, dum urbis per compita Eucharisticum Numen annuo è more circumferretur, interesse Doctores nostri voluerint, nisi vel publica illa è supplicatione abesset iudex, aut nisi à censura hac se absolutum testimoniis certis probaret, captumque illico vinculis solutum pristina libertate donaret.

Mortuus est eodem anno Eugenius Summus Ecclesiæ Antistes 7. Calend. Martii, quem superiori anno Fridericus legitimum contra Basileense Concilium Pontificem agnovit, & veneratus est. Successit eidem pridie Non. Martii Thomas Sarzanensis tenui quidem genere ortus, sed Vir dotibus omnibus, ac præcipuè doctrinâ instructissimus; qui in memoriam Nicolai Albergati, cujus domesticus fuerat, dictus est Nicolaus quintus. Quid pro hujus quoque Pontificis autoritate, atque ad tollendam Germaniæ Ligam, Neutralitatemque Fridericus egerit, haud inutile duxi, si ex Actis Universitatis nostræ retulero, tum ut optimi Cæsaris ad reducendam Ecclesiæ pacem labor, studiumque pateat, tum quid eo in negotio ab Universitate nostra actum sit, melius intelligatur, sic enim Acta eadem memorant.

* Circa hoc tempus (intellige festum S. Udalrici) proposuit Dominus Chiemsensis Episcopus plura cum aliis Regiæ Majestatis Consiliariis, & incepit à principio Electionis Regiæ Majestatis in Regem Romanorum; quod multas expensas fecisset, & Dietas instituisset ad habendam, & procurandam unionem in S. Ecclesia; nunc inducendo præsentem in Concilio, nunc illum, nunc alium pro Papatu contendentium, ut bonum medium haberi, & inveniri posset ad habendam unionem in Ecclesia. Sed quia etiam Dominus Rex cum Dominis Electoribus stetit ad tempus in quadam Neutralitate, in qua non poterant amplius subsistere propter periculum animarum, & quia Dominus Rex non possit procurare unionem in Ecclesia, cum multos modos

dos attentâſſet, ut ſupra tactum eſt; ut ſibi, & ſuis apparuit, non declarando ſe pro una parte. Et ſicut declaravit ſe primò pro parte Eugenii, ita eo deſuncto declarare ſe voluit pro ſuo ſucceſſore, ſeu Domino Nicolao quinto vocato; & ita deſideravit Dominus Rex, ut propoſuit Dominus Chiemenſis coram Univerſitate. Poſtea verò Dominus de Neuberg ſubjunxit, quod ea quæ propoſuiſſet Dominus Chiemenſis, eſſent de intentione Domini Regis, & ſerioſè quòd deſideraret ea fieri; & quod Univerſitas huic declarationi eſſet præſens, & aſſiſteret; & quod crederet declarationem Domini Regis eſſe juſtam, & eam approbaret. Tertiò quod nec loqueretur contra eam, nec occultè, nec manifeſtè. Quartò quod alios induceret ad credendum eam eſſe juſtam, & prohiberet loquentes contra ejus declarationem. His auditis poſt prandium deliberatum eſt in Univerſitate, primò quod hoc negotium eſſet valde arduum, quòdque nunquam aliàs negotium tam prægnans, & magnum fuiſſet, & quod indigeret bona maſſigatione, & deliberatione. Sed tamen quia Dominus Rex voluit ſe declarare immediatè ſecundâ Feriâ ſequente, & propter brevitatem temporis deliberabatur in hunc modum, quod Regia Majeſtas deberet informari, & peti cum humilitate, & devotione, ac instantia, quibus deceret, ut Dominus Rex ſupportaret Univerſitatem, quod hæc haberet omnium Facultatum multa ſuppoſita; & cùm aliqua eſſent de hac Diœceſi; alii de alia; & quia Prælati aliqui eorum tenerent cum Concilio, aliqui cum Domino Felice, aliqui cum Nicolao quinto nominato, apparuit eſſe præjudiciale valde ſuppoſitis Univerſitatis declarare ſe pro Nicolao, & quia ſuppoſita facta declaratione poſſent ſe mutuò turbare, & vexare, unum inſtando pro beneficio alterius; & quod poſſet fieri magna diſſenſio in Univerſitate, & trahere ſe mutuò ad diverſos judices, & contrarios, & quod poſſet ſequi diſſolutio Univerſitatis.

Item

Item Dominus Rex voluit se declarare pro electo Nicolao nuncupato. & nil dicebatur de Concilio Basileensi, quare non esset standum cum illo, nec tangebantur motiva aliqua rationabilia, quæ Universitas considerasset esse rationabilia. Item dicebat Dominus Chiemsensis declinando videlicet à decreto in Concilio Constantiensi edito, quod dudum positum fuisset, nec in hac causa haberet locum. Et tunc in Universitate legebatur una Bulla, in qua Eugenius fatebatur, & recognoscebat Concilium Constantiense cum Decretis suis. Item Facultas Artium non intellexit ad quantum omnes aliæ Universitates Alemanniæ essent liberæ in ista materia, & in quantum starent cum Concilio Basileensi, propterea nec se ipsa posset declarare, nec vellet pro illo dicto Nicolao quinto, & præsertim cum Universitas Wiennensis esset Principalis inter omnes Universitates in Alemanniâ, & prima post Parisiensem reputata, quæ est Mater studiorum, etiam quia Universitas Wiennensis valde refulget in maxima fama, quæ est per orbem terrarum promulgata, apparuit, si se declararet, quod difficulter redire posset ad suum statum pristinum, & honorem, & gloriam suam recuperare. Quare concorditer conclusum est, quod Dominus Rex esset informandus, & dati sunt Deputati, qui deliberarent circa hanc materiam ad informandum Regem, & petendum, ut dimitteret Universitatem in pace in ista materia. Item ut conciperet motiva pro informatione Regis. Duæ tamen Facultates, Juris nempe Canonici, & Medicinæ consenserunt, ut daretur assensus declarationi Domini Regis, Facultas Theologica conditionatè dixit: si post requisitionem Dominus Rex non acquiesceret, acceptandam esse declarationem illius. Facultatis verò Artium Decanus nomine suorum requisivit Dominum Rectorem, nè quidquam concluderet, quia Facultas Artium hoc censuit esse in grave Universitatis, & sui præjudicium.

Feriâ autem secundâ post festum intitutionis gloriosæ Virginis Mariæ fuit congregata Universitas ad audiendam serioſam intentionem, atque mandatum Regiæ Majestatis in materia declarationis in factò Ecclesiæ, & ad deliberandum, quid expediat Universitati, & proposuit Dominus Rector circa istum articulum succinctè intentionem Domini Regis, scilicet quod Regia Majestas serioſissimè desideraret, mandaret, ac vellet etiam sic habere sub pœnis revocationis beneficiorum, ac stipendiorum, & aliarum pœnarum, quod Universitas deberet ire in processione, & esse præsens, & assistere solenniter suæ declarationi à primo usque ad finem; quam eadem die, scilicet feriâ secundâ vellet facere pro Domino Nicolao quinto nuncupato. Reclamaverunt quidem multi, & maximè Facultas Artium, ob serium tamen mandatum Principis, & interminationem illius intimatio Processionis facta est sub pœna pecuniaria. Præterea nomine Facultatis Artium protestatus est Decanus illius publicè coram Universitate, & Notario publico, quod per Processionem & assistentiam, quam faceret ad mandatum Principis scilicet Domini Regis in die declarationis pro Domino Nicolao quinto, non intenderet, nec vellet aliquid approbare directè, vel indirectè, quod esset, vel esse posset in præjudicium S. Matris Ecclesiæ, seu contra ejus determinationem, vel decreta, vel quidquid esset in præjudicium Sedis Apostolicæ, vel alicujus contententium pro Papatu; nec se declarare cum Domino Rege pro Domino Nicolao quinto, nec etiam approbare, quod haberet speciem mali, aut vergere posset aliquomodo in notam Facultatis; sed stare se legitimæ declarationi.

Dominica prima post Festum S. Colomani rursus congregata est Universitas, Rectorisque officium assumpsit M. Jodocus de Hailpruna, Theologiæ Professor, & propositum est, quatenus desideraret Dominus Rex, ut Universitas iret processionaliter obviam

Domino Legato à latere cum solennitatibus fieri solidis circa alios Legatos & Cardinales; & placuit tribus superioribus Facultatibus, quòd Dominus Rector intimaret ad faciendam Processionem pro susceptione Domini Legati cum expressione tituli Legati à Latere Sedis Apostolicæ. Facultati Artium placuit, quòd intuitu, & contemplatione commodi in magna spe de propinquo procurandi inter Regna, & Regna, ac Ducatûs Territoria, signanter inter Regnum Hungariæ & Ducatûs Domûs Austriacæ; præcipue etiam visò desiderio Regiæ Majestatis petentis processionem celebrandam; quòd intimaretur per Dominum Rectorem publicè in valvis omnium Facultatum suppositis, generali tamen modo, & sine istius tituli expressione: *sancta Sedis Apostolicæ Legato à Latere.* Sed tanquam Legato Zelo Pacis & concordie transmissio; item ut processio fieret sine habitibus Magistratibus, effectualiter etiam tandem processio est celebrata sine habitibus Magistrorum.

Demum Dominica proxima ante festum omnium Sanctorum congregata fuit Universitas ad deliberandum, an Reverendissimus in Christo Pater, & Dominus, Dominus Joannes Sedis Apostolicæ Legatus à Latere sit per Universitatem specialiter accedendus, & suscipiendus? Tribus superioribus Facultatibus placuit, quòd sic, & quòd susciperetur cum arenga, prout est moris apud alios Cardinales & Legatos fieri. Sed Decanus Artium jussu, & nomine Facultatis suæ protestahatur publicè coram Rectore, & Doctoribus juxta formam jam nuper factam, quòd nempe per hunc accessum nihil vellet agere in præjudicium sacrorum conciliorum. Post quam protestationem ex pluralitate votorum conclusum est, & in effectum deductum cum arenga facta per Magistrum Thomam Haslbach, S. Theologiæ Doctorem, & Professore. *

Quæ fusiùs ex Actis ipsis adducere placuit, ut intelligatur, quantum eo adhuc tempore Universitas nostra,

nostra, ac præ primis Facultas Artium præ Eugenio ejusque successore Nicolao Basileensi Concilio tribueret. A Constantiensi enim Synodo illud imperatum sciebat, cujus ea fuerat autoritas, ut & Joannem XXIII. Papatu deiceret, & Martinum ei quintum subrogaret. Atque hinc non minori dignitate præditum Basileense Concilium rata, formidabat, nè quid temerè à se admitteretur, si præ Felice à Basileensibus Patribus ad Papatum erecto, Eugenio per eodem deposito, vel Nicolao ejusdem successori adhæresceret. Accedebat & metus, nè hac ratione apud reliquas Germaniæ Universitates, quarum ob præclare gesta, temporisque diuturnitatem, qua eminebat, prima merito ac præcipua habebatur, aliquid famæ, gloriæque amitteret, si Concilio à Germanis pro legitimo semper habito adversaretur. Nec mirum & in hoc non nihil eam deceptam fuisse, cùm & maximis quibusque viris, uti & ipsi Æneæ Sylvio postea Pio II. error hic sub veritatis specie haud parum imposuerit.

Habitu & hoc anno non nulli volunt Concilium seu veriùs Colloquium Lugdunense in causa schismatis, ad quod multi undique confluerant. Statutum hic fuerat conveniendum Felicem V. Genevam, ubi tum compositi aliquot articuli, quibus si Nicolaus subscriberet, idem Felix Pontificatum deponeret, sicque magna patuit ad optatam concordiam janua.

Anno 1449. Felix V. aditente potissimum Carolo VII. Galliarum Rege Pontificatum abdicavit, magnis tamen, amplissimisque honoribus sibi reservatis, nempe ut perpetuus esset in Sabaudia Legatus, nec unquam cogi posset, Romam ut veniret; ei ut Pontifex venienti assurgeret, ille tantum osculum oris redderet, reservaret ornamenta Papalia præter delationem Corporis Christi, anulum piscatoris, crucem in pedibus, & umbellam. Recepti præterea à Nicolao V. sunt Cardinales Felicis, ac veris, legitimisque annumerati, omnia denique literis publicis, diplomatique firmata.

L a

Eodem

Eodem anno supplices literas à M. Joanne Kynigshoven Universitas nostra accepit, quibus ille olim è Doctorum nostrorum consortio ejectus, cùm gravem litem Basileensi in Concilio adversus Universitatem nostram prosequeretur, causâ tandem cadens veniam delicti, & sui rursus susceptionem instantissimè petiit, qui etsi damnum 200. aureorum ærario Universitatis intulisset, admissus tamen benevolè est, ea quidem lege, ut Procuratorem, vadémque substitueret, qui jurejurando ejus loco adpromitteret, observaturum eum omnia, quæ ad hanc susceptionem Universitas desideraret, caverétque de 20. saltem florenis aureis Universitati solvendis, si melior eidem fortuna obtigerit.

Annus 1451. Si quis unquam alius, turbarum ferax, & Universitati nostræ permolestus existit. Nescio enim quibus Civium querelis concitator Fridericus Cæsar duos Universitatis Magistros cum uno scholarium compingi in carceres jusserat, eosque Civium sub custodia detineri. Pupugit ea Principis sententia ultra quàm dici potest vehementius Magistrorum, Rectorisque animos, violari jura sua, evertique Privilegia à Fundatoribus concessa, summis à Pontificibus confirmata clamitabant, querebanturque passim, suspendebant Lectiones, adibant supplices Cæsarem, querelarum plenum libellum offerebant. Mitigatus aliquantulum Princeps, bono eos esse animo jubet, deliberaturum se cum Proceribus, daturumque operam nihil ut Universitatis honor, dignitasque, vel periculi, vel detrimenti subiret, assumerent modo literarios ut antea labores, paucosque post dies ad se reverterentur. Et pacis, concordæque spes jam è propinquo affulgere visa est, quam tamen Civium nonnullorum, rudisque plebeculæ furor nova tempestate interturbavit. Non obire tuto urbis vicos Universitatis alumni, non templa adire, non publicos accedere ludos, imo nè vix pedem efferre ædibus, quin vel convitiis, vel etiam verberibus impeterentur, quin & in

in ipsum Universitatis Magistratum, Principésque illius viros defœvitum est. Accessit fors die aliqua Rectoris jussu Decanus Artium cum quatuor Nationum Procuratoribus Dominum Austriæ Mareschallum turbatum, quæ inter cives, & scholares tunc in dies accrescebant, causâ, jamque ejusdem palatio appropinquabat; cum subito à tergo armatus in eos populus irruit, proturbant in terram scholarem, quem ad conducendum se Doctores, Decanusque assumpserat vulneribus in eum crudelissimè defœvientes. Conjecere se in fugam ad tot armatorum hominum insultum Procuratores, insequentibusque per compita serocientibus his furiis vix mortis pericula effugere. Decanus jam desertus ab omnibus, manûque siccariorum obsessus, cum nec fugæ inire consilium, nec opem, auxiliûmque sperare liceret, mollibus verbis, atque ad placandos iratorum animos aptis delinire primum barbaros homines, adhortari, ut pacem colerent, precibus denique agere, nè in insontem defœvirent: at sine fructu. Moneri se impatiens populus, atque ipso rogantis metu audacior factus in eum quoque armis involat, humique prostratum calcibus, pugnis, quin & cultelis ad pugnam destinatis impetit, certus jam eum iniquissimo suo furori immolari, nisi conspectâ fors, quam gerebat sacerdotali coronâ honestiores duo è Civibus occurrissent, eumque insanientium è manibus eripuissent, delatusque mox ab iis in vicinam domum Decanus fuerat jam propè exanimis, longoque tempore, ac multa Medicorum peritiâ usus, suis ut è vulneribus convalesceret. Vix tantæ crudelitatis fama ad Doctores nostros delata est, cum illico senatus cogitur, jubeturque cum M. Thoma de Haslbach, aliisque Academiæ nostræ Viris Principem adire Rector, suspensis interim lectionibus omnibus, schollisque clausis, dum è sententia Cæsaris ob violata jura Cives mulctarentur, concordiaque & pax domestica rediret. Habuit tum orationem gravissimam ad congregatos

in aula Proceres (nam ad Fridericum Cæsarem aliis curis, negotiisque distentum, accessus non patuit) Thomas de Haslbach, qua palam recensuit, quas injurias, quæ pericula, quantumque odii à Civibus, rudisque hæctenus à plebe Universitas pertulisset, verum præsentem hanc calamitatem superare longè priora incommoda, violari per Cives impunè humana, sacræque jura omnia, vexari viros quosque doctissimos non prohibente modo eorum audaciam nemine, sed & Magistratu ipso vel concitante, vel ad eam connivente. Pacem quietumque sibi restitui à Proceribus, ac Cæsare efflagitare Academiam; hanc, si firmam dein, illasque tueri nollent, discessuros Viennâ Magistros, ac Scholares omnes, unaque hora facturos, Universitas tota ut dissolvatur, cujus Doctores magnis aliunde stipendiis ad alia Germaniæ loca passim invitarentur. Permovit sermonis vis, tum & ipsa illatæ injuriæ atrocitas Nobiles hos viros adeò, ut nihil se prætermitturos sponderent, quòd ad sedandum Civium furorem, tum verò ad quietem Universitati reddendam spectaret; deligerent interim quatuor viros, qui cum tribus aliis, quos ad id Imperator designaverit, proxima quadam die in domo Præpositi conveniant, pacis ineundæ, firmandæque rationem inituri.

Verum ut plerumque morâ ipsâ mala publica augeantur, utque, ni primis in favillis ignem suppressas, perniciosiora plerumque in incendia erumpit, ita, dum lentè consilia agunt Proceres, audacia plebis vires majores nata tantò periculosius succendebatur.

Hæc enim, dum in urbe agerentur, scholarium aliquis fors animi causâ ad Danubii ripas obambulaverat; incideratque in civem multa injuriosè, multa turpiter in Universitatis Doctores, Magistratumque dicentem; perstrinxit hic primùm leniter verbis hominis convitiandi, obloquendique licentiam, ad quæ, cùm

gravi-

gravius baccharetur ille, augeturque contumelias, levi etiam inflato vulnere Universitatis injuriam studiosus ultus est. Vix rei indicium intra mœnia, urbisque portas penetraverat, cum cives omnes seu dato signo ad arma convolant, stratis, conscensisque equis urbis percurrunt compita armati ferro, furore succensi, Universitatis Alumnos ad vulnera, ad cædem, ad extrema denique supplicia deponunt. Clausæ sub tumultus initia Rectoris jussu studentium Bursæ, domusque jam fuerant, pedemque efferre ædibus gravi sub multa interdictum, quare impunè plurimas eorum ædes prætervectum est furiosorum hominum agmen, tandemque in platea, cui vulgò à corrigiatoribus nomen est, patrio sermone die Riemerstrass dicitur, haud procul à studentium bursa consistit. Metuentes vim sibi inferri scholares arma quoque apparant, emissoque uno alterove jaculo cives feriunt. Sed hi animosiores ad suorum vulnera postes perfringunt, pleno impetu in ædes irruunt, septem denique Scholares frustra fugam meditantes in forum protrahunt; sententia fertur à judice capitis reos esse omnes, advocandum illico lictorem, qui publicæ pacis perturbatoribus (sic Alumnos literarum vocitabant) caput à cervicibus eo, quo capti essent in loco, reseccaret. Et perpetratum haud dubiè id nefas fuisset, nisi accurrens fortassis Dominus Neutperg, aliisque de consilio, ac Senatu civico, Judicis, plebisque furentis iras tum precibus, tum minis tantisper mitigasset. Raptantur igitur pecudum in morem per urbis vicos studiosi, inque deterrimum, nec nisi sceleratissimis quibusque designatum carcerem detruduntur, ubi noctem metus inter, ac squallores exigent. Verùm ubi jam per noctem ira Judicis deservesceret, accederentque Decani Artium preces, facti is jam sui pœnitens summo mane carceres ipse adiit, comiter Scholares domum deducit suam, ibique cibo liberaliter resectos honesta sub custodia detinet.

Convenère interim Aulæ Proceres, Rector, & Universitatis Doctores, acerbius quam antea de injuriis sibi illatis questi; petieruntque mulctari seditionis, turbarumque autores, publico edicto vetari, ne e plebe homines longiores cultellos palam deferrent, quibus tot impune latrocinia patrassent hactenus. Prohiberi quoque volebant a Cæsare, ne Universitatis Alumni à literariæ Reipublicæ Magistratu ob delicta puniti provocare ad sedem Apostolicam deinceps auderent, denique ut quotquot in carceribus, aut custodia civium detinerentur studiosi, Rectoris ad arbitrium illico traderentur. Sed præter hoc ultimum impetratum est nihil, Friderico nimirum Cæsare parum civium in se studiis fidente, gravioresque formidante motus, si quid in eos severius decerneret. Id demum utrique impetratum est partium, quieti ut essent, mutuisque inter se ut abstinere à jurgiis, donec Principis è sententia pronunciatum aliter fuerit.

Hoc eodem anno Fridericus Cæsar in Italiam unâ cum Ladislao Hungariæ, & Bohemiæ Rege adhuc impubere contendit, tum ut appropinquantem Italiæ ad oras Eleonoram Lusitaniæ Infantem, Sponsamque exciperet, tum ut Imperatoriâ coronâ Romano à Pontifice insigniretur, relictis interim ad administranda Provinciarum negotia Domino de Schaumburg, Comite Georgio de Puecheim, Rudigero de Stahrenberg, & Domino de Eberstorff Hubarum Magistro. Ægre id iter susceptum à Cæsare Austriæ Barones tulere, at multò molestius, ea quod ætate Ladislaum Regem ad Provincias tam longè remotas abduceret mille interviarum, aerisque ferventioris incommoda, quare cum Fridericus tempore aliquo Græcii ad iter sese accingeret, Austriæ Magnates conventu habito, advocatis etiam Provinciarum Administratoribus in eam convenère sententiam: Repetendum nempe esse Ladislaum Principem suum, aut se Friderico non obtemperaturos in posterum. Non ignoravit hæc Procerum suorum

rum consilia, ac machinationes Cæsar; quare antequam in Italiam discederet, moneri per suos Consiliarios Universitatem jusserat, nè Baronum conatibus opitularetur, quemadmodum Acta nostra his verbis referunt.

Feriâ sextâ post festum Nicolai congregata est Universitas ad audiendum desiderium Principis, quo petivit per Consiliarios suos prius ad Rectorem missos, quòd nec Universitas, nec aliquod ejus suppositum suis adversariis, scilicet aliquibus Nobilibus, & incolis terra Austria suum naturalem Dominum Inclytum Ladislaum Regem postulantibus aliquod consilium, aut favorem præstarent, & quòd hoc gratiosè sua Majestas recognoscere vellet. Quibus propositis Magistri sine deliberatione abierunt.

Comitari præterea se etiam in Italiam Imperator jusserat M. Thomam de Haslbach, quare eidem sequentia Romana in Curia expedienda negotia commisit Universitas: *Primò, nè supposita (ita Acta loquuntur) in rebus saltem mores, & disciplinam concernentibus provocare possent ad Sedem Apostolicam. Secundo ut daretur aliquis inter muros Prælatius, ad quem, si gravari se sentiant, possint appellare, nè tanta turbatio fieret in Universitate, ut antea sapius facta est.*

Demum hoc eodem anno Archi-gymnasii Alumnis adscriptus est Franciscus Picolomineus de Senis, qui tantos in disciplinis omnibus progressus fecit, ut sub annum 1503. dignus sit habitus, qui Purpuratorum Ecclesiæ Principum suffragiis ad summum Ecclesiæ fastigium eveheretur, dictus postea Pius III. Pontifex maximus.

Anno 1452. rediit cum Ladislao Rege atque Eleonora conjuge Fridericus Imperator, postquam ferreâ simul & aureâ coronâ cum Imperatrice Romæ à Nicolao V. coronatus esset Idibus Martii, magnificèque ac Regio apparatu ubique locorum ab Italiæ Principibus & exceptus, & habitus. At tantò gravior cum

domi procella excepit. Vix enim Neapolim Austriae Cæsar pervenerat, cum sollicitarent eum, urgerentque Proceres Ladislaum jam pubertatis annos egressum sibi ut redderet, Tutoris munus, noménque poneret, jura in eum Regnorum, Provinciarumque transferret. Perstitit nihilominus sua in sententia Imperator, non prius sua è tutela dimissurum Ladislaum distitans, quàm Virum eum cerneret sustinendæ tot Regnorum moli parem. Quibus offensi non leviter Nobiles raptim militem conducunt, vicinas arces, ac oppida diruunt, tandem suppetias ferentibus Moravis, Hungarisque confluentibus, viginti quatuor millium exercitu Neostadium ipsum, Cæsaremque obsident. Feruntur hoc in exercitu ex urbe Viennensi quatuor millia fuisse, ingentemque hinc obsidionis apparatus transmissum Proceribus esse, præter milites, qui ad defendenda urbis nostræ mœnia remanserant, si fors Friderici partibus magis faventes repentino eam insultu tentarent.

Nè verò turbulentis his temporibus Cives inter, ac milites rixarum aliquid oriretur in urbe hac nostra sapienter à Proceribus provisum est hoc modo, ut Acta nostra referunt:

29. Junii congregata est Universitas ad audiendam propositionem Illustrissimi Principis, Domini Udalrici Comitis Cilia, & Prasidis Ducatus Austria, & aliorum eundem Ducatum Gubernantium pro prasenti, & ad deliberandum super eadem: & fuit forma propositionis, quòd studentes teneantur ad hoc per suos superiores, ut haberent pacem, & tranquillitatem cum castrensibus stipendiariis, Civibus, & aliis Principalibus, tali tempore, quo Domini terræ laborarent pro suo naturali Domino Ladislao Rege Hungaria, Bohemia, Principe Austria, & Marchione Moravia. Et pro tunc Cives obtulerunt se ad fideliter assistendum Universitati, & conclusum est, ut Rector cum suis Consiliariis prospiceret de continendis in pace suppositis, etiam

etiam sub interminatione majorum pœnarum, gratesque sunt habita Civibus pro bona hac oblatione.

Obsessus hac ratione Fridericus Cæsar, cum nec ad manum haberet milites, nec sperare aliunde auxilia posset, suadentibus tandem Præsulibus Salisburgensi, Frisingensi, ac Ratisbonensi, tum verò intercedentibus Principum Bavarie, Brandenburgensis, & Nierenbergensis Burggravii Oratoribus, flecti in Procerum voluntatem se tandem passus est, ac Ladislaum Regem Domino Udalrico Cilie comiti tradidit, qui illico Exercitu Neostadii à mænibus reducto Ladislaum Principem seriatim post Festum Natæ Virginis Viennam innumeras inter populi acclamationes deduxit, quo etiam ad Festum S. Martini ad reliqua Regnorum negotia pertractanda, & Imperatoris Friderici, & Bohemorum, Hungarorumque, ac Moravie Oratores accessere, tum ut Regem suum salutarent, tum ut inter Fridericum & Ladislaum, ceterasque Provincias pax certa, concordiaque firmaretur, quamvis cassus, inutilisque hoc anno conficiendæ ejus rei conatus fuerit.

Anno 1453. Serenissimus Rex Ladislaus ingenti tum Principum, tum Nobilium virorum cum comitatu Pragæ abiit, ut Regni ibidem coronam, ceteraque insignia susciperet, & verò digno tali Principe apparatu à Bohemis exceptus est, ingentique tum sui, tum populi gaudio, cujus ut etiam Universitatem hanc nostram pro suo in eam amore participem redderet, literas ad eam dedit, quarum ex Actis nostris Synopsim subnecto.

In die S. Lucie congregata est Universitas ad audiendam quandam propositionem nomine Serenissimi Principis, & Domini Ladislai, Ungaria, & Bohemie Regis, &c. Et venit Nobilis vir, Dominus Sigismundus Eizinger, qui Universitati presentat unam literam à Regia serenitate transmissam, & circa illam juxta commissionem ei à Regia celsitudine factam plura proposuit, de prospero successu Regis in Praga, & de honorifica eius

ejus tentione, & securi, ut Regium decet puerum; quod Magistri omnium Facultatum audiverunt cum magna, ut decet gratulatione, & indicta est statio super isto bono Nuncio in Festo S. Thoma Apostoli apud Predicatores, ad honorem Omnipotentis DEI, ad sibi regratiandum super omnibus bonis, quæ sua misericordissima pietas fecit circa Serenissimum Dominum nostrum, ad incrementum, ut haud dubie speratur, sanctæ suæ Ecclesiæ. & ad Bohemorum, ut speratur, quam habent de Communionē sub utraque specie opinionis resilitiōnem. Et ita factum est cum magna solennitate, & cantabatur officium Missa de S. Spiritu.

Obiit hoc eodem anno insignis vir Joannes de Linz, Artium M. egregius, & Juris Canonici Licentiatus, qui Facultati Artium copiosissimos libros suos in membrana conscriptos testamento legavit.

Anno 1455. Ladislaus cū in alterum jam annum partim Pragæ, partim Wradislaviensibus in comitiis versatus esset, Viennam rursus rediit, obviam ei procedente Universitate nostra, à qua & latio Sermone salutatus est. Nec diu post adfuit quoque Viennæ Eminentissimus tit. S. Angeli Diaconus Cardinalis, à Callisto III. Summo Pontifice, qui demortuo hoc anno Nicolao quinto Successor datus est, ad prædicandam adversus Turcas Crucem, sacrāmque promovendam belli expeditionem missus. Quem & Universitas nostra adiit, gravique oratione se, suosque Doctores ac Alumnos commendavit.

Vix urbem hanc ingressus erat Ladislaus, cū Procerum Austriæ conventui in Festo S. Ægidii inchoato interesse & ipse voluit, ad quem plures etiam aliorum Principum Oratores accessere, ut pacem, verāque concordiam inter eum; ac Fridericum Cæsarem firmarent. Et inclinari jam ad pacatiora utriusque animi videbantur, quos recens tamen subortilis, pejus quàm antea fuerat, sejunxit. Decretum nempe jam superiori anno, scilicet 1454. Francofor-

dienſibus in Comitiiſ in barbaram gentem bellum cūm fuerit, adnitentibus potiſſimum ad hoc Joanne Capiſtrano, & Ænea Sylvio à Nicolao V. ſubmiſſis, à Friderico hoc anno pendenda omnibus Provinciis Imperio obſtriſtis certa pecuniæ ſumma imperata eſt; ſed Auſtriæ bellis hæctenus, rapiniſque exhaustæ major, quàm cui ſolvendæ par erat. Deprecabantur immenſa hæc onera proceres, Ladislaus etiam, ut mitius cum Auſtriaco ageret populo, intercedebat; verūm cūm dimoveri à ſententia Cæſar non poſſet, alienatis ruriſus animis, noviſque indies diſcordiis accreſcentibus ſpes omnis incundæ concordie intercifa eſt.

Hæc, dum inter Principes agerentur, non levis quoque procella Univerſitatis noſtræ Doctores, Magiſtratūque involvit, eò periculoſior quidem, quo domeſtica magis, inter ipſa ejusdem quaſi viſcera deſæviit. Convenerat fortalliſ priori jam anno cum Civium ſenatu in certos Articulos Univerſitas, quibus tranquillitas publica, paxque communis, ac ſtabilis plebem inter, ac ſtudioſos coleretur. Verūm ut mutabile ſemper vulgus eſt, ſuſque deque habita hoc ruriſus anno ſunt omnia, detinebatur Civium in cuſtodia leves ob cauſas Medicinæ Doctōr quiſpiam, vir in arte peritus, nec malè de Academia meritus, includebantur in carceres publicos Alumni Univerſitatis, nec Reſtoris jūſſu, nec precibus tradebantur. Delata quidem à Senatu Academico ea querela ad proceres eſt, ipſeque Ladislaus, ut jura tueretur Univerſitatis, à Reſtore rogatus; aſt moræ impatientes ſtudioſi apertam in ſeditionem erupère. Rem, ut in Actis univerſitatis reperi, iisdem verbis reddo.

* Ultima Septembris congregata eſt Univerſitas, in qua retulit Dominus Reſtor (fuit iſ M. Michaël Zechentner de Vienna in Jure Licentiatus) quòd die præcedenti in feſto S. Michaëliſ poſt prandium fuerunt congregata ſuppoſita Univerſitatis in magna multi-

rudine in Aula Universitatis, contra, & præter consensum Rectoris, & suorum officialium, habentia Capitaneos, & Inductores suos: & cognita eorum congregatione Mag. Thomas de Haslbach S. Theologiæ Professor, & Facultatis Artium Decanus cum paucis Magistris intraverunt ad eos, & causam insolitæ hujus congregationis intellexerunt; scilicet quòd eorum Superiores essent negligentes, & non manutenerent privilegia Universitatis, neque assisterent studentibus in captivitate existentibus secundum tenorem privilegiorum. Ad quæ Thomas de Haslbach reposuit, quòd circa hæc jam laborârit apud Regem Universitas, & quòd proximè ante illius discessum expectet gratiosam expeditionem, & quòd omnes Doctores essent parati omnia sua bona, vitam & sanguinem dare pro conservatione privilegiorum. Pariter locutus est Dominus Rector, qui supervenit. Post quæ audacior unus nativâ linguâ proposuit multa, nempe quomodo famuli pistorum, & aliorum mechanicorum deferrent publicè in civitate ballistas extensas, scuta, gladios, culellos, & secures, & invaderent studentes, eos fugantes, trudentes, & vulnerantes, & quòd ad hoc essent licentiati à Magistro civium, & Judicè civitatis, quòdque studentes captivarentur, & inhonestè deducerentur, atque in domo latronum servarentur, & tanquam malefactores tractarentur. Specialiter verò mentionem fecit de tribus detentis in domo quadam, & de uno vulnerato per mechanicos jacente in hospitali: Et dixit, quomodo receptus esset de hospitali armatâ manu, & deportatus ad domum præconum circa cœli portam; addens quòd ipsis essent prohibita arma, & non possent securè ambulare, & plura alia nomine studentium, ut assererat, proposuit. Et cùm ad hæc responsum fuisset, hæc omnia jam delata fuisse ad Regem, reposuit, quòd ille, & complures alii plura haberent, quæ vellent articulosè præsentare Domino Rectori præfato, vel Magistro Decano Artium. Eodem die

die vesp̄eri horâ quintâ congregato Rector̄e cum Do-
 ctoribus, ut viam, & modum invenirent componen-
 di pacem, relatum est iterum in Aulam Universitatis
 convenisse studentes; quare Rector̄ illuc cum Docto-
 ribus properavit, & stans superiùs in ambitu Aulæ
 Ducalis proposuit Dominus Doctor de Tyttmaning la-
 borem, & diligentiam Rectoris in tractandis his cau-
 sis omnibus. Post quæ ille prolocutor inter alia plu-
 ra petivit, ut legantur illis privilegia, & literæ ori-
 ginales, quas dicebant esse amissas, quæ nisi illis ori-
 ginaliter fuerint exhibitæ, vellent per se quærere. Item
 imposuit minas Rectori, & Doctoribus; dicens nolle
 studentes stare compactatis cum civibus, & in illis con-
 struendis accusarunt iniquè egisse M. Joannem Hauser
 tanquam inventorem, & auctorem compactationis, &
 invalescentibus clamoribus magnus metus invasit Re-
 ctorem, & Doctores, quare dictum est eis, quòd se-
 quenti die, horâ primâ legenda illis forent privilegia
 Universitatis. Dicebatur enim, quòd ultra centum
 ibidem essent cum armis, qui vellent invadere Do-
 ctores, & Magistros, & Rector̄em, & nisi Magistri mis-
 si pro liberatione trium studentium detentorum ve-
 nissent, & studentes liberassent, atque in domo Do-
 mini Rectoris constitutos esse significassent, vix eorum
 congregatio sine notabili damno fuisset dissoluta. Jam
 enim erat nox, & Magistri successivè dilabebantur ob
 metum insultûs. Tandem dissoluta est eorum con-
 gregatio, quare manè Dominus Rector congregavit
 Universitatem, in qua conclusum est, ut mitterentur
 Deputati ad suppolitorum studentium congregatio-
 nem, qui ostenderent labores hætenus pro privile-
 giis conservandis à Doctoribus exhibitos, & illos pla-
 carent. Et tandem post multam informationem ele-
 gerunt illi studentes in suum Procuratorem honoran-
 dum Dominum M. Leonardum de Perckingen; qui
 cum licentia Domini Rectoris proposuit, & petiit no-
 mine congregatorum quatuor puncta, Primò quòd
 ad

ad Dominicam proximam fiat congregatio omnium suppositorum Universitatis, & ibi legantur omnia privilegia, & statuta Universitatis. atque literæ originales privilegiorum, & confirmationum Papalium. Secundò quòd compactata cum civibus revocentur. Tertiò quòd nominati per quendam non intitulatum, & ad cordas tractum per Judicem civitatis, per Dominum Rectorem Universitatis, & suum subjudicem secularem, non per Judicem civitatis detineantur, & puniantur. Quartò quòd Facultas Artium eos, qui studentium congregationibus interfuerunt, non puniat per retardationem à gradibus; sed magis ob eam causam illis indulgeat, & conclusum fuit, ut legantur privilegia, & literæ confirmationum, sed non in originali, quare descripta ea sunt, & per Notarium publicum collationata, sicut etiam lecta sunt præsentibus his, scilicet Reverendissimo in Christo Patre, ac Domino Episcopo Pataviensi, & Nobili Domino Rudigero de Stahrenberg, & Georgio Magistro Hubarum. Secundò placuit, ut compactata cum civibus non dissolvantur ob graves nunc urgentes rationes. Præterea placuit, ut nominatis per quæstionatum fiat secundum tenorem privilegiorum. Et quartò ut non puniantur per retardationem à gradu, qui congregationi studentium interfuere. Lecta autem sunt hæc privilegia die sabbathi. *

Adiit anno 1456. Universitas Ladislaum Regem, multisque eum obtestata est, ut absens dum esset, à Proceribus unum deligeret, cui Universitatis jura, privilegia, tranquillitatèmque commendaret, quod & se facturum adpromisit, paucis namque diebus Posonium, atque inde mox Budam concessit, ut bello in Turcas suscipiendo vicinior esset, quod quidem bellum ductu Joannis Huniadis, & adhortante in pugnam milites Joanne Capistrano prosperè adeò, felicitèrque gestum est, ut ingenti clade attritus, vulnere etiam in pectus recepto Mahometes Belgradò recedere co-

actus

actus sit, ingenti suorum multitudine, castris, annona, omnique belli apparatu desideratis. Non supererat diu insigni huic victoriæ Joannes Huniades, in febres namque malignas primum, atque ex his in mortem incidit, quem brevi intervallo quoque secutus est Capistranus pari labore fractus.

Non deerant & Universitatis hujus alumni ad sacram expeditionem animi, quorum multi Religionis ob studium cruce insigniti arma adversus juratum fidei hostem sumpsere. Verum quia, & ex his non paucis angustior res domi fuerat, curtaque adeo supellex, ut ægrè vix vitam diuturniore hac in expeditione sustentare posse viderentur, liberaliter & illis quoque tum Facultatum, tum Universitatis ex ærario provisum est.

Hæc dum belli præclare in Religionis Ecclesiæque hostes Ladislaus ageret, domi quoque nihil, quod ad concordiam tranquillitatēque servandam Republicæ pertineret, neglectum est. Advenere nempe hoc anno in Austriam Albertus ejus nominis VI. & Sigismundus Archi-Duces, tum ut ipsi res cum Fridrico Cæsare controversas componerent, tum ut Procerum nonnullorum in Imperatorem fors pacis amantio rem, protervè assurgentes animos mitigarent. Verum ut ut fortassis id minus successit negotium, certè ad pacandum Universitatis statum advenisse Sigismundus Archi-Dux videri poterat, ut Acta sequentibus verbis referunt.

Quarta Junii in Congregatione Universitatis retulit Rector studentes aliquos in Claustro-Neuburgensi cum Ligonistis ad rixas devenisse, in quibus unus ex nostris interfectus est. Eodem die discedentibus nostris Claustro-Neuburgensi, & venientibus in Nussdorff conflictus ortus cum Ligonistis; ubi rursus noster unus Baccalaureus occisus est, pluresque vulnerati, & aliqui sunt per Judicem ejusdem oppidi capti, & ad manus Capitanei Austria Domini Wolffgangi de Walssee recepti.

recepti, & detenti, quos etiam post debitam instantiam juxta privilegia nostra dimittere noluit, sed ipse eos insigni pana adjudicare. Quare jam deliberatum erat, ut Lectiones universim suspenderentur. Et eodem die venit de Baden Dominus Sigismundus Dux Austria, quem Dominus Rector cum suis accessit, & casum occurrentem eidem fecit declarari, qui gratosè nos audiens dixit se velle Capitaneum seriose persuadere, ut Universitas permetteretur frui suis privilegiis, & detenti statim restituti sunt.

In Festo S. S. Petri & Pauli rursus congregata est Universitas, ad audiendum, quid in causa occurrente in Curia Regia Majestatis actum sit, & ad deliberandum super his quæ per Dominos Praesides tunc fuerant desiderata, desideraverunt autem, quatenus Dominus Rector mandaret suis sub gravioribus pœnis generalem pacem cum singulis firmiter habendam, & singulariter cum Ligonistis, & quod idem Regia Majestas facere vellet suis, attento, quod utrimque damna essent illata. Secundo desiderabant Consiliarii Regii, quatenus studentes aliquo signo notarentur, ut statuto more studentium in Italia ab aliis differrent non studentibus. Tertiò de subjudice sibi melius provideret Universitas suis sub expensis. Et placuit Universitati; cum Regia Majestas & Consiliarii ejus receperint in se, tueri privilegia Universitatis, quatenus lesores suppositorum ejus compellerentur ad satisfaciendum judicio, præmissa tamen protestatione de sanguine non fundendo: præterea quidem, qui in negotiis discordia principales videbantur per Dominum Rectorem incarcerati sunt.

Eodem hoc anno Bursa Liliorum sumptibus Burckhardi Krebs Decretorum Licentiat, & Canonici Passaviensis assumpta est. Aucta est & alio quoque tantòque majori, quo magis sibi proprio ornamento Universitas, nova nempe Bibliotheca, quam inchoatam nuper ob rei pecuniariæ defectum, educere tamen communis ærarii sumptibus Universitas ad te-

ctum.

Quam haud potuit. Perfecit tandem hoc anno opus illud Facultas Artium tum precibus M. Thomæ de Haslbach, & M. Joannis de Tyttmaning inducta, tum communis semper boni, gloriæque, quam privati commodi studiosior impensis faciliè centum denariorum libris, non levibus sanè eo tempore sumptibus, quo maximum rei pecuniariæ pretium penuria fecit.

Anno 1457, Gravis procella in Joannis Huniadis Herois illo ævo maximi, quem priori anno demortuum diximus, Filios defævit, iusta nempe ira Ladislai Regis quam ipsi nimia regnandi cupiditate sibi accersivère. Ladislaus Huniades fratrum senior, Adolefcens 24. vix ætatis annos emensus Regis jussu Budæ publici Tortoris manu capite plexus est, non ob interfectum à se duntaxat Udalricum Cilix Comitem Regi fidissimum, ut nonnulli scriptores volunt, sed ob struclas Principi, Regique Ladislao infidias plurimas, quas Haslbachius Autor à me toties laudatus, quique eo tempore vixerat, in Chronico suo Austriæ fusè prosequitur. Mathias fratrum junior à Rege Ladislao Viennam adductus, arctæque custodiæ traditus est, vel nè ferventioris indolis Juvenis Fratris necem, inustamque Prosapix nobilissimæ infamiam ulcisceretur, vel quia & ipse ad enecandum Principem cum Germano conspirasse censebatur.

Non diu post reditum suum Ladislaus Viennæ perstitit; actum enim de Nuptiis ab eodem cum Serenissima Magdalena Regis Galliarum Filia jam sibi desponsata, Pragæ celebrandis, quo se etiam ingenti cum comitatu contulerat: & abierant jam primæ Nobilitatis viri, Oratoresque in Galliam, Dominus Stephanus Collocensis Archi-Episcopus, Simon de Tervisio in Universitate nostra Decretorum Doctor, & Cantor Strigoniensis. Georgius de Schönberg, Dominus Zdencko de Sternberg Capitaneus Pragensis, Dominus de Lippa, Dominus Rudgerus de Stahrenberg, Dominus Oswaldus Eizinger, Nicolaus de Lûzelburg in-

Univesitate nostra pariter Decretorum Doctor, cum pluribus aliis, ut apparatu nunquam ante ea tempora in Galliis viso sponsam deducerent. Advolabant in Bohemiam incredibili numero tum exteri Principes, tum Provinciarum, Regnorumque Proceres, omnia denique plus quam ad Regiam magnificentiam, lætitiâque publicam apparabantur, cum spem orbis, atque Austriæ maximam invida excidère fata, gaudiorumque apparatus luctu ac incredibili populorum mœrore confudère. Nondum enim cum exoptata sponsa redierant Oratores Regii, cum morbo tentatur Ladislaus, vixque 30. horarum spatio, non sine suspitione propinati veneni, fatis fungitur, cuius non dubia signa & Haslbachius, & Cuspinianus demortui in corpore visa esse affirmant.

Vix tristissima mortis hujus fama in Hungariam delata est, cum comitia indicuntur nova ad Regem communibus suffragiis deligendum, in quibus Regni Majestas decreta est Matthiæ Huniadi à Ladislao prius in carcere detento, adlaborante ad id potissimum Zilagio avunculo suo, quamvis eum ob turbas Regni, aliorumque Principum Regnum illud sibi vindicare studentium, insignia Regia non ante sequentem annum suscepisse scriptores nonnulli contendant. Nec verò de Austria minor contentio inter Fridericum Cæsarem, Albertumque, ac Sigismundum Archiduces fuit, cum ætatis quidem, senisque prærogativâ eam sibi Fridericus deberi assereret; reliqui duo nescio, unde conquisitis juribus eandem vindicare sibi studeant, frustra etiam pacis ad studia Principes adhortante Ludovico Duce Baviaræ, qui comitiis tum Austriæ ipse intererat.

Et timebant profectò Viennenses Cives, nè Ducum discordiæ publicam fors in patriæ calamitatem, bellumque intestinum erumperent: quem justum ob metum Universitatem quoque nostram adiungere rogantes, nè à suis Alumnis fieri aliquid pateretur, quod

com-

communi tranquillitati officeret. Adpromisit id se facturum Universitas, at quàm cautè, quàmque providè exActorum nostrorum his verbis patebit, quæ subjungo.

28. Novemb. Congregata fuit Universitas ad audiendam quandam propositionem Civium, nam tunc noviter ante defuncto Serenissimo Ladislao Hungaria, & Bohemiæ Rege, hinc difficultas oriebatur Civitati de eo, qui succederet, aut possessurus, & recturus esset Ducatum Austriæ, idè ad providendum, nè violentiam quo quo modo pateretur, desideravit, quatenus Universitas in tali casu ipsis faceret assistentiam, quòd sic volunt intelligere, in quantum ipsis non essent contrarii committendo bella intestina, & quòd de hoc illos certificemus, & conclusum fuit, quòd talis assistentia eisdem esset servanda, secundum quòd etiam expediens foret Universitati; videlicet, quòd esset neutralitas, & non constitueret se partialem, ad præcavendam notam cujuscunque Principum tunc superstitem; & ad hujus executionem fecit Dominus Rector publicum mandatum in valvis applicari, quòd & ad dispositionem Rectoris ad singulas bursas, & codrias portatum erat per tres Magistros Artis declarantes, & requirentes in genere studentes ad faciendam obedientiam huic mandato.

Anno 1458. Submissis à Matthia Hungariæ Rege Augustino Jaurinensi, & Vincentio Waciensi Episcopis in Bohemiæ Regem coronatus est Georgius Podiebra. vius frustra pro Regno eo contendentibus Friderico Imperatore, Carolo VIII. Francorum, & Casimiro Poloniæ Regibus. Hussita ille ante susceptum Regnum fuerat, & in Ecclesiam seditiosus ipse, seditiosorum Fautor, & principilus, sed antequam Regni gubernaculis admoveretur, in hæc jurare verba iussus est. Ego Georgius jure profiteor, & promitto coram DEO, & hominibus, & Angelis ejus, amodo, & deinceps legem, & justitiam, pacemque S. DEI Ecclesiæ, populòque mihi subjecto pro posse, & nosse facere, & conservare salvo condigno respectu; sicut cum consilio

noſtrorum Fidelium melius invenire poterimus, Pontificibusque Eccleſiarum DEI Canonicum, & condignum honorem exhibere atque ea, qua ab Imperatoribus in Eccleſiis ſibi commiſſis collata, & reddita ſunt, inviolabiliter obſervare Abbatibus quoque, & comitibus, & Vaſalis Dominis honorem congruum ſecundum conſilium Fidelium noſtrorum præſtare.

In Auſtria quoque Pax, & concordia inter Fride-ricum Cæſarem, & ejus Fratrem Albertum, & Sigismundum Archi-Ducem Procerum in primis ſtudio atque adlaborantibus non parum ad eam Patriæ red-dendam Univerſitatis noſtræ Doctõibus coaluit, con-ventumque inter Principes in ſequentia, quæ ex Haſ-ſbachio adſero : *Tractatibus uſque ad Feſta Sanctorum Petri & Pauli in vanum conſumptis, hac concordia via de unanimi Principum aſſenſu in Vigilia Apoſtolorum aſſumpta eſt, ita quòd ſequenti triennio Dominus Eri-dericus Imperator regere debeat Auſtriam ſub onaso præter Viennam; Dominus verò Albertus Auſtriam ſupra Onaſum unà cum Styrenſi oppido, & quod Wien-nenſes his tribus præſatis Principibus præſtarent fi-delitatis juramentum, quod & ſequenti die Apoſtola-rum in effectum in Curia Præpoſiti Viennenſis completum eſt. Neoburgenſe etiam caſtrum ſupra anum tribus præſatis Dominis & jure jurando, & quoad ejus in-greſſum, & aditum in communi fuit adjudicatum.*

Sic pacatâ tantisper Auſtriâ, novæ diſcordiæ inter Univerſitatis Doctores, ac Facultates exortæ haud pa-rum Academiam noſtram perturbavêre, quarum ini-tia priori ab anno repetenda ſunt. Accreverant nem-pe eo numero Maſtri Artium, ut ea ſuorum multi-tudine onerari ſe potiùs Facultas, quàm adjuvari, or-nariſque ſentiret. Non ordine, non judiciò, ſed tu-multu, ut magnam inter turbam uſuvenis, agebantur Facultatis in conſeſſu omnia, opprimebant Seniorum ſententiam ſuffragiorum numero Juvenes, rerum im-periti, vixque ad Maſteriũ honorem promoti, cui

tam

tam gravi malo ut mederetur Facultas, sapienter sanè, ac providè statuit, nè Magistri recens creati statim post suscepta Magisterii insignia, ut antea factum est, ad ejus consilium admitterentur, sed cum delectu, nec nisi postquam annos aliquot eo honoris in gradu versati, usu ipso rerum pertractandi negotia Facultatis peritiam aliquam combibissent. Pupugit haud leviter juniores Magistros lex ea priori anno lata, hinc adire supplices Rectorem, querelis urgere Doctores, aliarum Facultatum usum, consuetudinèque opponere, rem denique precibus, & querimoniis eo deducere, ut hoc anno septimâ Januarii Universitatis totius conventus indiceretur. Consedère ea die ingenti numero Facultatum singularum Doctores, statimque ab iis, qui discutiendo huic negotio Rectoris jussu antea dati sunt, concordix modus certis articulis conclusus recitatus est, quem Facultas Artium cum junioribus Magistris suis iniret, quem ex Actis nostris subjungo.

Placuit deputatis concorditer nullo discrepante esse condescendendum petitioni, & desiderio Magistrorum hoc modo: scilicet omnibus Magistris quantumcunque novellis receptò ab eis juramentò secundum communem formam interesse liceat congregationibus, & consiliis Universitatis, & Facultatis suæ, sed in proximo sexennio post Magisterium solum habeant auscultare, & attendere, sicque notitiam, & experientiam rerum agendarum recipere, & nequaquam dicere, vel ponere vota conclusiva. Si autem alicui eorum libeat aliquid dicere consultivè, & adversativè, potest, obtentâ praviè super hoc expressâ licentiâ Decani pro tempore, & quatuor Seniorum tunc actu in congregatione existentium. Sed lapsò sexenniò, si actus suos Magistrales, ad quos tenentur ex juramento præstito, compleverint, & honestè, ac virtuosè juxta decentiam statûs sui Magistralis se gesserint, habeant facultatem dicendi amplius, & consultivè, & conclusivè, sicut alii

Magistri seniores, ad quos hortamur eos in dicendis tanquam magis expertos habere respectum. Si autem aliquis Magistrorum in illo sexennio vitiosè, aut scandalosè, utpote visitando tabernas, & alia loca inhonestas, aut qualitercunque aliter indecenter se gesserit; habeat Facultas Artium plenariam potestatem tales excludendi è consilio ad tempus, vel in perpetuum, vel arcere per alias pœnas sibi solitas, quascunque habet de jure, vel consuetudine suis Magistris sic excedentibus infligere.

Placuit hæc ineundæ concordie ratio, tribus quidem superioribus Facultatibus, at non ita Facultati Artium, quæ decessurum non parùm juri suo arbitrabatur, si leges, quarum ferendarum ipsa auctoritatem, potestatemque haberet, ab Universitate, aliisque Doctoribus acciperet, iis maximè in negotiis, quæ ad artium duntaxat Magistros pertinerent. Quare Decanus, nè ex aliorum Doctorum suffragiis Rector decideret, intercessit, gravissimis etiam rationibus adductis, ob quas in eum concordie modum consentire Facultas non possit. At cum nihilominus Rector sententiam ferret, juberetque parere Artium Magistros; Decanus initò prius cum Magistris consiliò coram Notario publico, præsentèque Universitate omni, necessuram privilegiis, juribusque suis Facultatem, nec sententiæ Rectoris parituram professus est, litemque Summum ad Pontificem deferendam edixit, cujus hac ipsa in causa arbitrio Facultas deinceps Artium staret, quibus ita peractis M. Augustinus Elbing unanimi Magistrorum consensu electus est, qui deferendæ, agendæque litis causâ Romanam ad curiam abiret, terruit non parùm hæc Facultatis Artium Romanam ad sedem provocatio Universitatis Doctores reliquos, timebaturque, nè crescentibus indies discordiis, réque ad Summum Pontificem delatâ, detrimenti aliquid Universitas pateretur, famæque ac existimationis suæ periculum subiret.

Die igitur 29. Januarii cùm coacta in unum locum Facultas Artium de promovenda ad curiam Romanam causâ suâ deliberaret, advenêre ad eundem consilii locum M. Thomas de Haslbach S. Theologiæ Doctor, M. Conradus de Halstat, M. Michaël de Schrick, Medicinæ Doctor, qui postquam se, suâque studia ad tuenda Facultatis Artium jura obtulerunt, gravissimis primùm rationibus, tum & precibus egerunt, nè appellatio jam Universitati intimata Romanum ad Pontificem fieret, cùm non modica Doctorum, Academiæque nostræ infamia, præclarique nominis sui, quod hucusque per Europæ Regna obtinuerat, jactura, quòd perpetuis, intestinisque discordiis Viri à sapientiæ fama ceterùm clarissimi laborarent. Habitæ sunt illico à Facultate Artium Viris his egregiis amplissimæ gratiæ, præclarumque eorum tuendæ tranquillitatis studium laudatum est, ut verò & ipsa quoque Facultas Artium studium suum conservandæ pacis apertius demonstraret, modus, quem illa in adlegendis ad consilium Magistris observari deinceps statuerit, M. Thomæ de Haslbach prælectus est in hunc modum.

Cùm pregnantibus motivis, & rationibus ponderosis non expediat omnes Magistros Facultatis Artium Concilio interesse; visum est expedire, ut saltem Seniores aliqui ad præfatum Facultatis Concilium admittantur. Porrectâ prius per eos ad Facultatis consilium petitione, & receptô ab eis fidei sacramentô. Secundò quòd iidem in gradu honestè & decenter se rexerint, moribus, & habitu decenti statum Magistralem, caputiò videlicet, & mitrâ, vel caputiò, & birretô adornati, & actus suos compleverint, quos adimplere juramentô per eosdem præstitô sunt obligati, lapsô tamen post acceptum ipsorum Magisterium quadrienniò, sic tamen, quòd eisdem ante completum quinquennium votum in gratiosis non computetur, donec per annum unum, videlicet quintum edocti sint mores & consuetudines dictæ Facultatis, quemadmodum de hoc cavetur in quodam

dam statuto Facultatis memoratae per Universitatem approbato, quia inexperti de facili ad concedendum, vel negandum sine rationabili causa moveri consueverunt, & quod quintò annò futurò, & deinceps idem observetur, ut supra est expressum de aliis Magistris, prius tamen completis actibus, & quadrienniò per eosdem, & formatò ipsis ad eorum petitionem prius articulò, quòd iterum sint admittendi, si nihil legitime iisdem obstiterit, quousque aliis emergentibus circumstantiis consilium Facultatis saepe dicta aliter decreverit moderari. Placuit tamen Facultati addere hanc particulam de completionem Actuum, nisi Facultas cum aliquo, vel aliquibus duxerit dispensandum, vel tempus complendi actus predictos prorogandum. Pergunt deinceps Acta: Et in festo S. Blasii convocata est Facultas ad exequendum modum proximè conclusum in Facultate, & vocati sunt Magistri comprehensi sub conclusione prius conclusa, hoc est, qui se haberent secundum tenorem conclusionis, ex Facultatis motu proprio, & propria auctoritate Domini Rectoris, & conclusionis contra Facultatem ipsius, & in præjudicium jurisdictionis, & libertatis conclusa. Quibus vocatis oblatum fuit, si vellet jurare, ea quæ alii Magistri Facultatis jurarunt, & fideliter defendere honorem, pacem & unitatem suppositorum Facultatis Artium simul, & totius Universitatis, qui jurantes ea, recepti sunt in consilium Facultatis.

Ex quo quidem luculenter apparet, quàm Facultas Artium jurium suorum & privilegiorum tenax fuerit, quæ, ut servaret integra, ac inviolata adversus reliquam Universitatem, Senatúmque Academicum, nec expensis, nec laboribus parcens provocare ad Romani Pontificis arbitrium meditabatur, quod hac tamen, quam recensui, ratione, intermissum est. Modúsque hic à Facultate Artium de adlegendis in suum consilium Magistris statutus, non solum Academiæ Doctoribus omnibus placuit, sed per annos plures usu deinceps receptus est.

Hoc

Hoc eodem anno Romæ 8. Idus Augusti obiit Gal-
listus III. Summus Pontifex, cui Successor à Cardina-
libus datus est Æneas Sylvius Patriâ Senensis, nobili
quidem, sed inopi familiâ ortus, qui 3. Non. Septem-
bris Pontificia cum tiara Pii quoque II. nomen susce-
pit. Dedit hie benevolentia suæ singularis adversus
Universitatem nostram testes literas primis statim ab
inito Pontificatu diebus, quibus eidem ad id se fasti-
gium evectum esse significabat, favorémque suum,
quo jam olim, ac maximè Basileensis Concilii primis
annis in eam fuerat, nunc multò maiorem adpromit-
tebat, quemadmodum id Acta nostra testantur his
Verbis:

*Nona die Decembris congregata est Universitas ad
audiendam literam Sanctissimi Domini nostri Papa Pii II.
Et placuit, quòd fieret statio solennis ad honorem DEI,
atque ad summi Pontificis felicissimum Regimen, atque
prosperitatem; non obstante, quòd prius habita jam
fuisset statio, eò quod sua Sanctitas ita gratiosè dignata
fuit honorare Universitatem nostram suis scriptis, fa-
voréque. Et dati sunt Deputati, qui formarent peti-
tum, ne daretur statim via appellationibus adeò frivolis,
Et ut remedium sua Sanctitas poneret.*

Anno 1460. Comitia Austriæ Procerum potius quàm
Friderici Cæsaris voluntate Viennæ sunt habita; cum
enim superiori jam anno magnatum conventum in
oppido Stockerau, repugnante eodem Friderico in-
dixissent, hoc demum anno, Georgii Bohemiæ Regis,
quem Austriaci discordiarum decidendarum Arbitrum
delegerant, adhortationibus, ac potius minis persua-
sus Cæsar, subditorum sententiæ subscripsit, Viennæ-
que coëgit Proceres, quos inter viginti Bohemi à
Georgio Rege submissi. Eo in conventu propositi
rursus sunt Articuli priori anno Friderico jam obtrusi,
quorum præcipuus erat, de moneta, seu nummis
melioris pretii cudendis, ob quorum corruptelam
adeò rerum omnium, quæ ad humanum usum, vi-
scumque

utrumque pertinent, penuria creverat, *ut* (verbis Haslbachii non solum probati, sed & experimenta quotidiana capientis scriptoris utor) *modius tritici ad 32. talenta ascenderit, & octava vini 12. & 14. Denariis curreret. Ovum in Pascha 5. Denariis emebatur, agnellus 4. solidis vel 5. distrahebatur, & vitulus tribus talentis. Ecce in audita ante secula caristia!* hæc verba Haslbachii. Quantum verò detrimentum ea ipsa pecuniariæ rei mutatione passa sit Universitas, quàmque frequenter ejusdem Doctores ad ea Comitia Austriæ evocati fuerint, Acta Facultatis Artium his à me verbis subiectis testantur.

22. *Fulii suspensa erat materia Inquisitionis (intellege in Bursas studentium) aliàs dudum per Facultatem instituta propter recessum multorum suppositorum ex caristia tunc crescente propter malam monetam; tum etiam quia tales plures ex deputatis non poterant semper interesse, & præcipuè Decanus qui fuit sapius vocatus unà cum aliis per Serenissimum Dominum nostrum Imperatorem, qui tunc celebrabat Dietam cum terrigenis Austria ex parte mala moneta, & multorum aliorum, ad quam Dietam Universitas fuit frequenter vocata, & eadem mutatione desierant esse quatuor Bursa propter recessum suppositorum ex caristia crescente ob malam monetam.*

Habeo ad manus orationem bene longam, quam Thomas de Haslbach ad Fridericum Imperatorem procerumque confessum iis in comitiis habuit, qua ad clementiam Cæsarem, Nobiles ad obedientiam præstandam Principi, omnes denique ad concordiam, pacisque studium adhortabatur, quæ, quia longior est, quàm libelli brevitatis patiatur, præteriri à me debuit, etsi non pauca scitu dignissima complectatur. Articulos tamen Procerum Friderico Cæsari propositos, ejusque responsiones breviter, ut inveni subjiciam.

Querelæ Procerum. Primò: quia judicium Patriæ non ita servatur, ut antiquitus à Prædecessoribus suæ Cæsa-

Cæsareæ Majestatis Ducibus Austriæ observatum est, quare reformatio petitur. Item quòd moneta non ita cuditur, prout Duces Austriæ pluribus suis literis ordinaverunt, & conscripserunt observanda. Item de novis teloniis super vino, sale & frumento, &c. ex qua novitate & divites, & pauperes notabiliter gravantur. Item de communi pace, contra quam hospites, & incolæ in stradis Regiis spoliuntur adeò, ut Patriæ contermini non valeant altrinsecus sua negotia exercere, pro suis necessitatibus tractare, aut commutationes exercere juxta priora tempora prædecessoris. Item quòd Judæi nulla commercia, nec tractatus, aut salvos conductus habeant, prout Rex Albertus gratiosè patriam privilegiasse dignoscitur. Item quòd sua Majestas conferat feuda, & ea proclamari faciat, prout antiquitus observatum est, ordinet quoque quod cancellaria tales non aggravet, quòdque sufficiat in scriptis præsentare feuda, ut antiquitus observatum est. Item ut observentur gratiosæ præscriptiones à sua Majestate, & aliis Ducibus Austriæ factæ. Et quòd honores, & privilegia Patriæ confirmare dignetur. Et quod deservita ab eis stipendia apud suam Majestatem, Regem Ladislaum, & alios Principes Austriæ persolvat, prout hæc antiquitus observata dignoscuntur.

Respondit ad hæc Imperator ut Haslbachius refert. Et primò annuit de moneta, quod Cives Wiennenses habentes jus monetarum ab antiquo, cuderent in Austria Denarios, quorum seu solidum valerent, unum florenum ungaricalem, & è converso, quòdque alii Denarii Regis Alberti tribus aliis obulis compensarentur, nigri verò ejusdem denario novo reciperentur juxta tenorem literæ de novo emanatæ salvis juribus omnibus. Item de novo pacificanda Patria obtulit, quòd eandem procurabit cum adjutorio eorum ita, quòd omnes non habentes proprios Dominos in quorum pane & stipendio degunt, ubique repellantur, & in
his

his Mareſchalkum, & Judicem Provinciæ tueri oportunitate exigente ad metas Capitaneum cum populo pro cuſtodia deputare.

Judæos etiam nunquam manſivè in terra hac habitare voluit, prout ſe pluries obtulit. Etiam ſe obtulit privilegia patriæ, & Compatriotarum gratioſè confirmare. Item de nova impoſitione teloniorum reſpondit, quòd conſtet ex qua neceſſitate, quorùmvè conſiliò id factum eſt pro meliori, nè quis ſpecialiter in patria gravaretur. Et quia Compatriotæ ex hac, & aliis cauſis convocandi ſunt quantocyus, propoſuit, quod pro hac impoſitione pro communi utilitate Patriæ tractandum eſt. His & pluribus à Friderico initis aut excuſatis, mitigati Procerum animi non nihil ſunt, adlaborante magnopere ad concordiam ſtabilem Univerſitate, cujus præcipua hoc ſæculo gloriæ fuit diſſentientes Principes, populòsque conciliaſſe.

Annus 1461. ut periculofus patriæ, ita ferax laborum Univerſitati fuit. Evocatus nempe in inferiorem Auſtriam à Proceribus Albertus Archi-Dux, eam conducto raptim exercitu ingreſſus eſt, captiſque jam oppidis aliis caſtra prope Vienneam conſtituit. Exterruit haud parùm belli is apparatus Cives Viennenses, qui ad ferendam obſidionem apparabant ſingula, inque laboris hujus Martii partem Palladis quoque noſtræ Alumnos advocabant, ut Actorum verba teſtantur.

Feriâ quartâ in feſtivitatis Paſchæ congregata eſt Univerſitas, & propoſuit Dominus Rector, quod præcedenti die Sabbathi fuerint miſſi duo de conſilio civitatis, qui petiverunt nomine Magiſtri civium, quòd Univerſitas eis faceret aſſiſtentiam, ſi oriretur diſturbium in caſu jam imminente, & quia non bene intellexit, quam aſſiſtentiam cives peterent, eodem die vocavit ad ſe Magiſtrum civium, qui habita deliberatione cum ſuis reſpondit, quòd Regia Majeſtas, & ipſe, & ſui Conſiliarii, & tota communitas id peteret, quòd ipſi facerent ordinationem in ſuis: item quòd ſi fieret diſtu-

disturbium, quod supposita congregarentur in loco uno, & etiam ascenderent murum, & defenderent civitatem; Auditis his responsum est ab Universitate, & conclusum, quod supposita nostra deberent manere in domibus suis, quia sunt hic propter studium, & non propter pugnam; tamen necessitate cogente, qua non habet legem, deberent facere, quod dicitur S. Spiritus. Item placuit, quod illi qui vellet accurrere, & defendere, vel extinguere ignem, accurrerent, & facerent juxta possibilitatem, & fideliter, sicut hucusque visum est à suppositis tempore necessitatis.

Aderat tum fortè Viennæ Reverendissimus Dominus Bessarion Episcopus Tusculanus Cardinalis Legatus à Latere ad Imperatorem Fridericum missus, qui pacis studiosior assumptis in comitatum suum Universitatis nostræ Doctoribus, Albertum Archi-Ducem in castris versantem adiit, ut bellicosum Principem ad concordiam, pacemque cum Fratre Cæsare colendam adhortaretur, verùm nil aliud in responsis ab Alberto acceperat, quàm se nil omisisse hætenus, quod ad tranquillitatem patriæ servandam faceret, reluctari sibi tamen in omnibus Fratrem Cæsarem, ejus injuriâ latrocinii vastari Austriam, periculùmque esse, nè penitus in aliorum Principum potestatem illa concedat; pro hac tuenda se arma suscepisse, nec vulnera, nec mortem pro illius salute se illibenti animo subiturum.

Censuit & Universitas ipsa suo quoque labore, ac conatu dissidentium Principum animos ad pacis, concordieque studia revocare, quamvis ut ex subjectis Actorum verbis patebit, id exequi non licuerit.

Placuit (sic Acta referunt) autem Universitati, quod scriberetur Principibus nostris, & quod persona idonea mitterentur cum solenni Ambassiata pro bono pacis, & concordie, ut eorum differentia possit sopiri. Circa Ambassiata autem mittendam conclusum est, ut mitteretur illa honestè cum literis credentialibus Domino nostro

stro Imperatori, & Fratri suo Alberto, & ut iis de salvo conductu provideretur. Sed cum tractarent priores Deputati de personis mittendis, & literis scribendis ad Principes, & præcipuè ad Dominum Albertum, qui erat propè in exercitu, fuit significatum Consiliariis Domini nostri Imperatoris, an consentire vellent, quibus non placuit, quia adventus Bohemorum expectabatur propinquus qui tractare haberent inter Principes, & sic legatio fuit impedita, quæ pro honore Universitatis fuisset expeditiva.

Ex quibus patet pacis arbitrum Bohemiæ Regem Georgium fuisse constitutum, cujus Oratoribus tandem adlaborantibus Albertus arma posuit, inque certos articulos Principes convenerunt, quamvis quies illa diuturna non fuerit, ut sequenti anno referemus.

Erat & alia quoque difficultas, quæ haud parùm Universitatem nostram fatigabat, discordiæ nempe inter Summum Pontificem Pium II. & Sigismundum Archi-Ducem Austriæ, cui Tyrolis tum parebat, exortæ. Offenderat fortassis Princeps hic Nicolaum Cusanum Cardinalem, Episcopum Brixinensem, contra ejus voluntatem à Pio II. designatum, à quo Romæ Summum apud Pontificem gravissimorum scelerum reus agebatur, ac præcipuè quod annuos census ad Ecclesiam, ut Cusanus assererat pertinentes, reddere nolisset. His commotior Sigismundus Præsulem obsidet, captumque abducit, arctaque sub custodia, nè quid ulterius in se auderet, detinet. Hinc in eum censuræ gravissimæ, hinc Summi Pontificis fulmina, hinc intentata eidem extrema perniciēs, solvuntur fidei dicto sacramentò ejusdem subditi, concitantur in illum vicini, æmulique Principes, immisso cognatis etiam à Ducibus in Provincias suas exercitu diripiebantur omnia. Has inter calamitates versatus Archi-Dux cum auxilii spem nullam reliquam cerneret, ad Universitatem nostram confugit, ut ex sequentibus Actorum verbis patebit.

Feria

Feriâ sextâ ante festum S. Margaritha congregata est Universitas ad audiendum Nuncium, & literam missam Universitati ab Illustrissimo Principe Domino Sigismundo Austria. Et fuit litera credentialis super licentia Domini Sauerwein, quem audire deberet Universitas, & in negotio facere adhaerentiam. Ille proponens gravamina Domini sui fecit legi duas appellationes, ubi Dominus Dux videbatur appellare ad futurum Concilium, aut ad futurum Papam petens responsum. Quare dati sunt Deputati, qui rem hanc majoris momenti perpenderent, & referrent ad Facultates. Deputatis igitur in praesentia Rectoris sedulè, & sapius deliberantibus, Dominus Cardinalis Legatus à Latere informatus undecunque de articuli materia misit pro Domino Rectore, & aliis, persuadendo ut Universitas non omnino surda aure transiret, ne tacendo consentire videretur, sed aliquid responderet, & desiderabat responsum videre. Amplius autem Deputatis convenientibus concordarunt in unum modum & viam, quibus esset Principi respondendum, & Universitati Providendum. Placuit autem Deputatis quod nulla fiat adhesio Principi Domino Sigismundo in sua appellatione, sed tantum generali modo, quo fieri potest, respondeatur, sive viva vocis oraculo, sive scripto, &c.

Hoc eodem anno scribit D. Sorbaith Georgium Peurbachium obiisset, sub quo Joannes Regiomontanus Mathematicas disciplinas edoctus est. Sed obitum ejus ad alium annum refert Thrithemius, cujus hæc sunt verba: Georgius de Peurbach secularium literarum scientiâ peritissimus, & sanctarum scripturarum non ignarus, Philosophus, & Astronomus omnium sui temporis facile doctissimus, ingenio subtilis, sermone compositus, qui in Gymnasio Wiennensi Philosophiam, & Astrorum scientiam multo tempore publicè docuit, ubi inter alios innumeros discipulos Joannem de Regiomonte virum doctissimum erudit. Scripsit novas Theorias planetarum, & alia complura in Astronomia, quæ ad

manus nostras non venerunt. Claruit sub Friderico Imperatore tertio, & Paulo Papa secundo Anno Domini M. CCCC. LXX.

Anno 1462. Conventus Tulnæ indictus est ab Alberto, sed ex voluntate dein Friderici Viennam translatus, quo ipse venerat ingenti stipatus exercitu, quem è Stiria, Carniola, Carinthia confluxit. Verùm cum Bohemi, qui sub illius signis stipendia merebant, minimè solverentur, latrocinari illi, passim depopulari agros, devastare vineas, magna sanè Viennensis populi calamitate cæperunt, accessit & Cæsaris mandatum, quo 6000. florenos mutuo sibi ab exhausta aliunde urbe petiit, quos, cùm Cives ad manus non haberent, vi etiam extorquere conatus est, ut milites solveret impunè aliàs in Patriam desævientes. Sed hinc furor in populo, atque aperta seditio, Cæsarem nàmque in Aula unà cum Imperatrice & Maximiliano filio obsident, ad quem tumultum plebis sedandum quantum Universitas nostra egerit, ex Actis nostris patebit, quorum partem aliquam hîc reddo.

* 19. Octobris congregata est Universitas, crescebat nàmque difficultas non modica, eò quòd tunc sacra Majestas Imperialis hic in castro cum sua conthorali Eleonora, & Maximiliano Filio suo unico obfessa, & circumvallata erat per consulatam, & communitatem Viennensem, ut nedum suis, nec sibi liber exitus, nec exteris accessus sive introitus præstaret. Sed magis contentio properabat ad mutuo se hostiliter invadendum, ut statim sequenti die factum edocebat. Circa hoc advisatus, atque admonitus erat Dominus Rector per personas notabiles utrique parti inclinatas, quòd ipse ac Universitas in hujusmodi notabili periculo toti Patriæ imminenti det operam, & suas interponeret partes pro pace, & tranquillitate communi, quia haud dubie magna esset spes, quòd aliqua concordia induci posset. Et conclusum est, quòd Universitas summopere, & omni diligentia adhibita, meliorique

hiorique modo quo posset suas interponeret partes, & pro celeriori executione dati sunt Deputati de Facultatibus cum hoc monito, ut sic procederetur ab eis, nè à neutra parte notaretur Universitas. Convenientibus ergo Deputatis eodem adhuc die placuit illis, quòd adeundus esset M. Civium, qui & invitatus fuit cum consulatu, & aliis multis de communitate præsentibus, & perhortatus multis pulchris exemplis superinductis ad pacem, & concordiam, qui prævio à suis recepto consilio respondit, quòd si Imperialis Celsitudo suos abigeret Soldatos, & extra terræ hujus fines constitueret, in prompto esset assumere interlocutoria, & tractare de via pacis & concordia, quod cum postea per Universitatis Deputatos ad Imperialem Majestatem deductum esset, respondit per suos, quod nec ipsi, nec alicui de suis pateret tutus exitus, quomodo tum sibi possibile esset à suis suos abigere stipendiatos, ac repellere, & aliis pluribus brevitatis intuitu recisis, reversi responsum hoc idem in forma Magistro Civium decrevimus insinuandum. Quod Magister Civium his verbis conclusit: Præsto sum, committivam sufficientem adjungere Imperialibus Nunciis, quod salvi exire, ac redire valeant omni secluso periculo, quemadmodum & alias suos liberè permittimus sua nuncia deferre, quocunque libet. Sed de hoc, cum altera vice rediremus Cæsarea Majestas nondum contenta erat, considerans apud se hanc ipsam causam non fore præsentem respondit: Amoveant & ipsi prius bombardas, & alia arma bellica ante fores mihi posita, & Soldatos suos propinquos, tum & ego ejiciam de terra distantiores. Nam si eorum rectus esset animus, quare Principes extraneos ad regendum advocassent, de quo nos non habentes certitudinem, nec scientiam præteriti fuimus, subjunxit insuper dicens, nequaquam saltem vitâ comite à regentia discedam, & alia quàm plura, quæ longo consilio inito, eloquio proprio nobis pronuntiabat

tanquam spem, & fidem in Universitate ponens. His tamen non obstantibus à cœpto minimè destitimus, sed magis pulchris exemplis inductis, lachrymosis precibus, & genuflexionibus iterum atque iterum instantes eum admonuimus, quatenus non immemor esset suæ pietatis, & mansuetudinis solitæ, & ex innata sua clementia iram declinaret, & magis indulgentiam multitudini præstaret, quàm vindictæ locum præberet; sed suspensis animis secessimus, & horum, quam ab ore Imperialis Celsitudinis recepimus, intentionem observato moderamine inculpatæ tutelæ prout potuimus, & ad pacem, & concordiam necessario ad aures Magistri Civium detulimus, cui, & suis tunc præsentibus placuit finaliter, ut amplius ab illa fatiga, & interpellatione desisteremus, attentò quod eis valde esset periculosa, quia Dominus Imperator medio tempore sibi contra eos prævideret, & in eorum destructionem Reges, & Principes advocaret, ac concitaret, ideo consideratis eorum animis obtentâ utriusque partis licentiâ ab his de cetero quievimus. *

Enituit interea præclara in Principes Pietas Alumni cujusdam Universitatis nostræ, cui Gronbergero nomen erat, qui cùm Maximilianum Principem cum Parente Cæsare in aula obsessum desiderare avidissimè intellexisset, ut ferina carne, cujus appetentissimus erat, vesceretur, eam non levi pretio coemptam, spretò etiam, quod subierat, capitis periculo Aulae intulit; tanto in eum deinceps Maximiliani etiam Cæsaris amore, ut non Canonicatu eum solum donaret, sed ad summa etiam Ecclesiasticæ dignitatis munia evectum illum cuperet, ut ad hunc annum fusius rem hanc omnem Fuggerus enarrat.

Interim quod precibus Universitas nostra evincere haud potuit, perfecit armata manu, adductoque numerofo exercitu Georgius Bohemiæ Rex, ut ab Alberto Archi-Duce Fridericus Cæsar obsessus tanto tempore Viennensi ab arce dimitteretur. Statimq; conveniêre Neo-
burgo

burgo forensi Principes, intérque eos certis conditionibus concordia inita est, quas inter primaria erat, ut Albertus per octo annos cum superiori Austria inferiori quoque administraret, Friderico verò Cæsari cuius in potestate Neostadium maneret, in annos singulos 14000. aureos persolveret, quo tempore elapso, aut si infra eos annos Albertus decederet, Austriæ totius Ducatus ad Fridericum Cæsarem ejusque hæredes rediret.

Anno 1463. Pius II. Pontifex à Friderico Cæsare, cui potissimum favebat, seditionis civilis admonitus, indignatusque, in summum orbis principem id nefas à seditiosa plebe admissum, literas dedit ad Archiepiscopum Salisburgensem, quibus gravissimis censuris, poenisque sacris injuriam Cæsari illatam vindicavit. Quas, ut inveni, hic integras reddo.

* Dilecto Filio Sanctæ Romanæ Ecclesiæ Presbytero Cardinali Archiepiscopo Salisburgensi.

Audientes pridem incolas, seu inhabitatores oppidi Wiennensis Pataviensis Diæcesis DEI timore postposito, famæque, & omnium eorum honoris oblitos charissimum in Christo Filium nostrum Fridericum Romanorum Imperatorem Illustrum, cui fidelitatis juramento, ut naturali suo Domino se paulo ante constrinxerant, solenniter cum præexcogitata temeritatis malitia in suo oppido & propria habitatione unâ cum charissima nobis in Christo Filia Leonora Imperatrice, & ejus nobili prole hostiliter obsedisse; commota sunt omnia viscera nostra, & cor nostrum in terra contabuit, ex tanti criminis atrocitate; considerantesque Imperialem Celsitudinem omnium dignitatum temporalium primam fore & summam; ac quod perjurii reatus & læsæ Majestatis crimen in Cæsaream Majestatem utique maximum fit, quodque ad hanc sanctam Apostolicam Sedem maximorum peccatorum spectet absolutio. Ideò dum adhuc ipsa

Imperialis Celsitudo in dicto obsideatur Wiennensi oppido, & eo fortalitio; reservamus nobis illorum nefandorum hominum absolutionem eis non per alium, quàm per nos, præterquam in mortis articulo impendendam, & quod ad hoc omnium clausimus ordinariorum manus. Volentes etiam, si quis forte præfatos absolvere tentaret, præsumptas illas absolutiones nullas, & irritas existere; quæ omnia tibi insinuamus. Circumspectioni igitur tuæ, nec non tuis suffraganeis, ac singulis sacerdotibus secularibus, & regularibus ordinum quorumcunque, etiam mendicantium, & aliorum exemptorum, harum serie sub pænâ excommunicationis latæ sententiæ quam his scriptis proferimus; ac etiam maledictionis æternæ auctoritate Apostolica districtè præcipientes mandamus, quatenus nec tu, nec quisquam præfatorum, nec alius quicunque aliquem ex criminosis, & perjuris illis Wiennensibus, nisi actu in mortis articulo constitutum absolvere, aut sibi absolutionis beneficium impendere præsumat. Volumus præterea, quod si quis horum ignarus quempiam ex præfatis absolverit, idem illum, quem se absolvere putabat, quantocyus certificare poterit, certificet, quod propter potestatis defectum ipsum absolvere non poterat; ac quod omnes, & singuli absolvendi tales ad nos remittantur. Injungimus insuper tibi sub eadem obedientiæ virtute, ut horum copiam literis tuis inclusam singulis tuis suffraganeis è vestigio transmittas, faciāsque hæc nostra auctoritate strictissime observari. Verùm nè ignorantia quæcunque valeat excusare; hæc omnia, & singula per totam Provinciam tuam ex ambonibus singularum Ecclesiarum quantocyus publicari procura. Datum Romæ die 16. Januarii Anno 1463. Pontificatus nostri anno quinto. *

Pervenerunt ejusmodi literæ hoc eodem tempore ad Episcopum Passaviensem seu à Pio II. seu ab Archiepiscopo Salisburgenſi (litem enim subterfugio) eidem trans.

transmissæ, qui anxius, populûque Viennensis metuens in se furorem Universitatis, quam maximam tunc sciebat habere auctoritatem, seu scutum opposuit, ut Acta nostra referunt.

Secunda Aprilis congregata est Universitas ad audiendas literas Reverendissimi Patris Episcopi Pataviensis Universitati transmissas. Hortabatur autem in his, quòd Universitas voluntatem suam, & executionem zelo bono procedentem in meliorem partem interpretari dignaretur apud illos, qui ad eam, aut suos per consuetudinem recurrerent. Executio autem ejus erat in summario ista: quod S. Apostolica Sedes reservavit sibi absolutionem quorundam Incolarum, & Inhabitorum hujus oppidi Viennensis super certis delictis, & criminibus per eos, prout continebant Brevia commissis, & per nullos alios, quàm per se, præterquam in mortis periculo impendendam. Unde & apud se consideravit, quòd fortassis hi, quos res ipsa tangeret, si qui tales essent, contra eum ob hujusmodi promulgationem amaricari possent; ideo hortabatur, si non nulli horum ad aliquos de Universitate pro consilio recurrerent, & contra hujusmodi insinuationem muscitarent, quòd tunc consulti informarent tales, quòd ipsa procederet ex bono zelo, & esset Pii pastoris providere saluti animarum sibi commissarum, & quòd multa graviora oriri possint, si Apostolicis mandatis non fieret obtemperandum, & similia inducendo eos ad patientiam hortaretur. Et hoc assumpsit, & conclusit Universitas, idque suis omnibus mandavit.

Haud facile dictu est, quàm ea à Summo Pontifice inflicta Viennensibus poena Alberti Archi-Ducis animum pupugerit, palàm is conqueri malè à Friderico Cæsare extorta ea fulmina, ac Pium II. malè rerum edoctum in infantes ultra quàm fas ac æquum esset sæviisse, provocare à Judice causæ ignaro ad meliùs à se populòque informandum. Urgere denique Universitatem, ut auctoritate sua interposita metu liberaret po-

pulum, suæque quam proximè lacturus esset appellationi, adhæresceret. Recusavit id diu Senatus Academicus, tum ob reverentiam Pontificis, tum ob metum Friderici; verùm cùm jam precibus, jam minis admotis instaret Albertus Viennâ tunc potitus, nè graviora subiret pericula, aut penitus dissolveretur, coacta est voluntati Archi-Ducis subscribere, eisque ad Summum Pontificem provocanti adhærere. Quod quidem quantum Alberto placuerit, vel ex eo patebit, quod de persolvendis ab eo Universitati nostræ stipendiis Acta his verbis referunt.

13. *Julii Congregata est Universitas ad audiendam responsonem Domini Principis, & Archi-Ducis Alberti, quam declaravit Dominus Rector nempe quod sua Serenitas jam esset in proximu ascensura ad Dietam institutam in Landshuta per plures Principes, & quod in ascensu vellet divertere ad locum muta in Fbbs, super qua fundatum esset stipendium Universitatis, & eandem mutam liberare ab his, quibus erat tunc locata, ut in antea Universitas de ea possit exolvi in suo stipendio; & quod etiam sua Serenitas vellet videre, quod stipendium nondum exsolutum propter bella, & controversias jam ferè ad tres annos, etiam exsolveret Universitati. Et conclusum fuit in Universitate, quod ad Principem mitterentur denuo Deputati, ad ampliùs inculcandum penuriam & necessitatem Universitatis.*

Nec minùs boni publici, quam privati sui studiosa fuit hoc rursus anno Universitas; quæ cum mutua Fratrum odia nec Summi Pontificis, nec externorum Principum studiis extirpari, evellique potuisse hætenus cerneret, arduum usque adeò, tótque difficultatibus plenum negotium aggredi ausa est, ut acta rursus nostra referunt his verbis:

Congregata est Universitas, in qua proposuit Dominus Rector, quemadmodum ad ipsum fuerit deductum, quod omnibus modis expediret, ut Universitas offerret se mediatricem inter invictissimum Dominum nostrum Imperatorem

peratorem parte ex una, & Serenissimum Archi-Ducem Albertum ex parte altera super disceptatione eorundem pro Regimine Ducatus Austria. Et negotium totum commissum est expediendum Deputatis omnium Facultatum, qui videant de modo ad explorandas aliorum Principum Germanorum voluntates; quibus habitis media idonea ad pacem reperiant. Item unde debeant recipi expensæ pro personis mittendis ad Imperatorem, & ad alios Principes, & qua persona mittenda sint, quod & factum est.

Nec irritus conatus Universitatis is fuit, flexi enim eo Principum animi sunt, ut Tulnæ conventum Procerum ambo indicarent, cui vel ipsi, vel eorundem Oratores interessent. Interfuit huic conventui Legatus à latere à Pio II, ad pacandos Principes submissus, interfuit & Universitas nostra, eoque res feliciter deducta est, ut Articuli pacis jam certi statuti sint, quibus Fridericus Cæsar una & Albertus Archi. Dux subscriberent. Verùm cum uterque protraheret negotium, rursusque alia eodem hoc anno in Austria habenda comitia vellent, DEUS tandem pacem summus Arbiter Regnorum statuit, quam reddere Austriæ humani hucusque conatus non potuere. Extinctus nempe 2. Decembris inopinato malo est Albertus Archi. Dux non sine suspitione propinati sibi ab offensis non nullis Proceribus veneni, ut Haslbachius meminit, atque Austria omnis, tum quæ supra Onasum, Fluvium posita est, tum quæ Panoniam propius respicit, Friderico cefsit. Fundavit hic Albertus Anno 1461. Universitatem Friburgensem, quæ filia merito nostræ Viennensis dici, & haberi debet, tum quia primos Doctores, quibus excolebatur, submitti sibi hinc voluit, tum quia statuta, ac consuetudines ab Universitate hac nostra recepit, ejusque in mores ac vultus unice efformata est.

Anno 1464. Fridericus Cæsar post suscepta utriusque Austriæ gubernacula petiit quoque, ut Universitatis Doctores, qui stipendia annua merebant,

fidem sibi suam jure jurando obstringerent. Quo audito decrevit Universitas (verba aëtorum hic refero) quod super isto puncto consultandi essent Rev. Patres Dominus Dominicus Chorcellanus, & Rudolphus Laventinus Sedis Apostolica Legati pro tunc hic Vienna existentes, pariterque Consilarii Domini Imperatoris, quid esset faciendum in hoc negotio, quod & factum est per eximium virum M. Alexium Tumer de Trosendorff Juris Professore, unà cum Venerabili Patre Paulo de Mellico S. Theologia Professore famoso; Item per M. & Doctorem Wolffgangum de Herzognburga i M. Hermanum de Rottenburga, & M. Joannem Schröcker de Hittendorff, qui Domini Legati, & Consilarii suaserunt attentis rationibus & motivis per eos auditis, ut Universitas suos Oratores ad Casaream Majestatem mitteret (intellige Neostadium, ubi tum Cæsar sedem fixerat) si saltem salvi accedere possent, & recedere, sin autem, per scripta eum visitaret.

Et verò delegerat jam binos Magistros Universitas, scilicet M. Georgium de Giengen, & Wolfgangum de Herzognburga, qui ad Fridericum Cæsarem proficiscerentur; quibus tamen ob vias latronibus partim, partim militibus obsessas tutus vix aditus patebat. Hinc dilatum tantisper negotium, missus tamen subinde cum literis est M. Innocentius Prædicatorum ex Ordine, quibus Universitas nostra causas Imperatori exposuit, ob quas fidei Sacramentum eidem dicere hætenus recusasset, quas & hoc loco ex Actis subjungo.

Primo quia sic non esset libera, ut alie Universitas, & præsertim ut Universitas Parisiensis, cujus ista Filia est. Secundo etiam argueretur perfidia. Tertiò tunc etiam non posset esse mediatrix inter quoscunque, & si (quod Deus auferat) controversia surgeret inter Terrigenas, Consules, aut civitatem, Immo supposita liberum accessum, & recessum ab Universitate habere non possent, quin aut spoliarentur, aut captivarentur. Præterea, si stipendiati solum fidelitatem præstarent, ad hoc

hoc verisimiliter sequi posset divisio, & scissio in Facultatibus; quia dum negotium tractandum Dominum Imperatorem concerneret; illi stipendiati non haberent votandi locum, quia oporteret eos exire de congregationibus.

Quantum hæ literæ ponderis habuerint ad Universitatis libertatem indemnem servandam, patet ex literis Friderici Cæsaris, paulo post ad eandem datis, quas integras inferere placuit.

Friderich von Gotts Gnaden Römischer Kayser, zu allen Zeitten Merer des Reichs. Zu Hungern, Dalmatien, Cratien &c. Kunig. Herzog ze Oestereich, ze Steir, &c.

Den Ersamen, gelerten, unsern getreuen, lieben, andächtigen, dem Rector, Doctorn und Maistern der Universitet unser Schnell ze Wien.

Ersame, getreue, gelerte, liebe, andächtige.

Als yhr uns yetzt der gelübt halben, so am nägsten unsern Räthen, nach unsern bevelchen solten beschehen sein, geschriben, und darum den Ehrw. unsern lieben andächtigen Pruedern Innocentien Prediger Ordens zu uns gesandt, und begert habt eur derselben Gelübde zu vertragen, nach dem das wider eur Privilegi, und alts herkomen were, mit mer Worten derselben eurs Schreibens, und anbringens: haben wier vernomen. Nu hieten wier solcher gelubde, so verr sich ettlich, so der bewerten unser Schnell gelider sein, in dem vergangen Zwislauffen gen uns, anders dann beschehen ist, hieten gehalten, nicht begehrt. Nach dem aber dieselben nach allen yeren vermygen, dürstikleich mit raten, anweisungen, fűerdrungen, und in anderweg wider uns gehandelt haben, daraus dan vil ybls, unrads, schimpf, und schadens auferstanden ist: haben wir den obbemelten unsern Räthen, und funder darum, damit
wir

wir solcher handlung von den glidern derselben unsern Schuell hinfier vertragen bleiben, bevolhen, solch gelubde von eu, und sonder dem so sold, oder stipendi von uns haben, aufzenemen. Doch auf sollich eur begeren, wellen wir es dizmals ansteen lassen, in hoffnung, yr wellet darob sein, damit uns solches von dem bemelten glidern unsern ob bewerten Schuell kunffklich nicht beschehe noch surgenomen werde, sonder yerer lernung, darum sy dan daselbshin gen Wienn komen sein auswarten, und yr desgleichen auch tuet. Ob aber etlich daruber taten, dye darum straffen, und gegen denselben handeln, als sich gebürt, damit man kunftiger aufrüer, und verderbens, und abnehmen unser Schuell, auch unser Statt Wienn, und Land, und Leüt vertragen beleibe. Daran beweiset yr uns gutt gefallen, und ist unser ernstliche Maynung. Geben zu der Neunstatt an Phinztag vor dem Sontag Oculi in der Vasten. Ann. LXIII. unser Kaisertuembs ym zweliften. Unser Reich des Römischen ym vier und zwainzigsten, und des Hungrischen in fülften Jaren.

His literis lectis (acta rursus refero) gratias summas habuit Universitas Venerabili P. M. Innocentio Ordinis Prædicatorum, qui fidelissimus & Orator, & nuncius fuit. Conclusum est etiam, ut convocatis suppositis Universitatis hæc litera publicè legeretur, ut præfata supposita essent magis oculata, & linguas suas refrenent, &c.

Obiit hoc eodem anno Summus Ecclesiæ Antistes Pius II. vir inter literatos suo ævo maximus, & ideo Universitatis quoque Viennensis Fautor semper egregius, quousquam annos vixisset 58. Christiano orbi præfuisset annis sex. Atque cum hujus quoque summi viri obitu, seriem quoque Narrationis meæ potius quàm Historiæ claudō, non tædio ductus, sed pænuria tem-

temporis, laborisque, cui muneris, vitæque meæ ratione addictus sum, in dies se se offerentis multitudi-
ne pressus. Erunt tamen amantiora literarum Inge-
nia, qui rudem meum laborem, ut rerum omnium
initia esse solent, quantumvis non probent, volunta-
tem tamen, inque Matrem hanc meam Universitatem
nempe per Germaniam omnem antiquissimam, stu-
dium tum laudabunt, tum ubi majus, quàm mihi
hactenus erat, otium nacti fuerint,
elegantiori scribendi ratione
prosequuntur.

F I N I S.



500 -

Nov. 27

87-45



